





7

XXVIII
G.
30-31

Marcelli Malpighii

Philosophi & Medici Bononiensis,

E

REGIA SOCIETATE

O P E R A

OMNIA,

Figuris elegantissimis in æs incisis

ILLUSTRATA

TOMIS DUOBUS

COMPREHENSÆ

Quorum Catalogum sequens Pagina exhibet.

*Art. Malpighii
Qual. Descriptions
anno*



*Lo: Japier
Pro Socia
1659*



LONDINI,

Prostant apud ROBERTUM SCOTT,
Bibliopolam Regium.

MDCLXXXVI.

Tomus Primus continet

Plantarum Anatomies partem primam.
Epistolas varias ad Oldenburgium & Sponium.

Tomus Secundus continet

Plantarum Anatomies Partem Secundam.

Dissertat. Epistolicas } I. De Bombyce.

 } II. De formatione Pulli in Ovo.

 } I. De Cerebro.

 } II. De Lingua.

Exercitationes Epistolicas } III. De externo Tactus Organo.

 } IV. De Omento, Pinguedine & Adiposis
 } Ductibus.

Exercitationem Anatomicam de Viscerum Structura.

Dissertationes de Polypo Cordis, & de Pulmonibus, &c.

MAGNÆ
SOCIETATI REGIÆ
ANGLICANÆ

MARCELLUS MALPIGHIVS S.P.

Natura rerum vis, atque majestas, ex Plinii, monito, in omnibus momentis fide caret; si quis modò partes ejus, ac non totam complectatur animo. Quapropter & Plantarum quibus univèrsa ulterioribus aggressionibus nobis suis percurrenda. Hæ qualescunque sint, Vobis jure optimo debentur, summi Viri: qui me obviâ humanitate vestrà, aliquo apud Vos, utcumque immerentem dignati lyco, spectabili adeò, & valido Philosophantium immixtum corpori voluistis: ac prisca & que meliore metallo secula novis cumulata fulgoribus, tanquam postliminio revocastis. Enimvero si eodem referente præclaro Naturæ Mystâ: antea inclusis Gentium Imperiis intra ipsas ideoque & ingeniis quâdam sterilitate fortunæ necesse erat animi bona exercere: Regesque innumeri honore Artium colebantur, & in ostentatione has præferabant, opum immortalitatem sibi per illas propagari arbitrantur. Vos laxato Imperio; diffusi per terrarum orbem Gentibus; profusi opibus potentes; bonas Artes servitutis jampridem iugo damnatas, nitori pristino, vindictis secundum libertatem datis, restituitis: Dum Vos inter & Reges, & Dynastæ (quod olim magno illi Semoni in votis) philosophantes; promovere eas, & excolere sibi laudi ducunt: Vosque ipsi externorum quoque nonnullorum consociatis laboribus, veluti auxiliariis copiis; virtute potissimum vestrà, scientiarum pomæria publico bono; nec sine ingenti, ac ut ominor, in ævum perennatura vestri nominis fama, sæliciter indies proferre contenditis.

Vestro igitur judicio opellam banc, reliquosque, id genus, si Deus dederit, ingenii nostri sætus, quod sentimus quàm sit exiguum, in obsequii gloriam, venerabundi sistimus. Recto hic omnia (quamquam id fortasse improbum: verùm O utinam!) necne, talo sent, quis porro exactius, quis candidius pronuntiaverit?


Epistola Dedicatoria.

rit? *Nobis* satis interim fuerit levidense mumsulum, subscivis
boris (nec enim aliter licebat), undi *Minervâ*, ac soloce filo, non
incuriosè tamen concinnatum, *Vobis* in perpetuè observantiâ tesse-
ram obtulisse: inani bandquaquam, ni fallimur, spe; libenti illud
à *Vobis* animo, nempe quorum id præsertim jussu pertextum fit;
ac bilari, ut soletis, fronte exceptum iri. Sed nimiam *Vos* moror:
odiosam aiunt *Circensibus* pompam. Hic ergo agite, *Viri* Præ-
stantissimi & conatibus nostris favete. Nos ad rem ipsam ag-
grediemur.

PRÆ.

PRÆFATIO.

Mirum est, Plantarum genus, quod civilis, nitidiorisque vita velut instrumentum præ manibus perpetuò habemus; & humani corporis structuram quotidianâ, largique alimoniâ reparat, & compagis cognitione nos erudire tentasse: quasi ac fatale sit, quod olim inculcabatur antiquitus, nihil omnino sapientiæ corpus nostrum conferre; sed excitato ab eodem tumultu, & perturbatione, mentem ita percelli; ut verum cernere nequeamus. Superioribus annis vegetantium organa, quatenus tenuitati meâ permissum fuit, lustrare tentavi; horumque rudēs aliquot icones exhibui: quod verò supererat, ulteriori hac exercitatione addidi. Vegetantium Seminum argumentum longâ observationum serie mihi pertractandum erat in animo; sed quoniam hoc temporis diuturnitati exiguit, ut emergentia phænomena sæpius repetita pateant, mihi quæ intra urbanam domum non successit diversas vegetantes alere plantas, eo quia loci angustia ventilatum aerem non admittit, ibique potius contabescunt plantæ, quàm læta luxurient; foris autem diu commorari non licuit, tum ob domesticas curas, tum ob molestam medicinæ praxim; quæ tamen potui, tentavi & aliorum exercitationibus addita, aliquid fortasse lucis tam obscuro argumento præ se ferent. Gallarum materiam ad tædium usque protraxim dubito: in hac tamen placuit recolligere segetem; ut plura simul congesta probabilem indicent Naturæ methodum. Minimarum plantarum longam disquisitionem exoptabam; & imperfectorum vegetantium præcipuè mariorum mihi necessaria, & perutilis indago erat; ut unus Naturæ operandi modus, simplexque, & patentior plantarum structura, & compages elucesceret: quoniam tamen à mari distamus, nec nobis otium est, ut singula rimemur; ideo aliorum industriam enixè exopto. In reliquis observationum seriem exhibui iconibus sociatam, ut quilibet pro arbitrio cuiusque systemati innixus philosophari valeat. Icones pariter meâ manu expressi, licet microscopii ope adauctum repræsentent objectum: non tamen omnes ejusdem partes signatim exprimunt, quales revera extant cum in immensum ferè excreveret cujusvis rei minima delineatio; sed servatâ aliquali & analogâ Naturæ methodo, eas tantum delineavi partes, quæ Lectionem erudire valent. Sicut Cosmographi locos insignes solum designant, neglectis, vel saltem silentio præteritis, singulis domunculis, & arboribus: ita pariter ex tot â Naturæ expositis, aliquot tantum ex his, quibus affluenter compaginantur plantæ, adumbrare potui; ut inde facilioris intelligentiæ gratiâ qualibet vasorum species, & ipsorum mutuus nexus pateant. Eandem etiam ob causam figuras auctiores reddidi: situm quoque, divulsis partibus, interdum mutavi; non neglectâ tamen naturali integritate, quam licentiam quicunque etiam severiores Aristarchi; ut spero, benignè concedent.



Marcelli Malpighii

PHILOSOPHI & MEDICI *BONONIENSIS*

E

REGIA SOCIETATE
ANATOMES
PLANTARUM
PARS ALTERA.

REGIÆ SOCIETATI,
L O N D I N I

Ad Scientiam Naturalem promovendam institutæ, Dicata,

A

English History

THE HISTORY OF ENGLAND

BY JOHN RUSSELL

ESQ.

MILITARY

AND

OF THE

ARMY

MARCELLI MALPIGHI,
 ER. EG. SOC. ANGLICANA,
 ANATOMES PLANTARUM
 IDEA

MAGNÆ SOCIETATI REGIÆ ANGLICANÆ

Marcellus Malpighius S. P.

Bonarum artium literarumque incrementis, *Sodales Doctissimi*, non tam, ut reor, bellorum clades, populorumque novitates intulere labem, quam inversa studiorum methodus, artiumque incongrua electio. Currentis enim seculi genio ut plurimum studia seligimus, vel parentum majorumve cæcis legibus ducimur ad artes, quas ubi vix è limine salutavimus, cum totam peripheriam emensos nos esse putamus, longam & accuratam exiguae particulae indaginem dedignamur; unde perpetuo hæremus in limine. Rerum Natura tenebris obvoluta, cum solo analogismo pateat, tota percurrenda venit, ut mediantibus simplicioribus machinis, in sensum facilius occurrentibus, implicationes retexamus. At quæ graviora sunt, & perfectiora, utpote humano usui magis necessaria, & existimationis plena, primò hominum ingenia ad se rapiunt; tractu tamen temporis, effecto corporis & animi robore, cum inutilis calcata studiorum semita apparet, nova indies perquiritur, quæ inventa, senectutis radio contemnitur, ita ut singulorum mortalium labores nullam determinatè perficiant artem, sed tumultuariè immaturèque quancumque aggrediantur. Totum hoc mihi accidisse fateor, *Sapientissimi Confocii*: Etenim, fervente ætatis calore, Anatomica aggressus, licet circa peculiaria fuerim sollicitus, in *perfectioribus* tamen hæc rimari sum ausus. Verum, cum hæc propriis involuta tenebris obscura jaceant, simplicium analogismo egent; unde *Insectorum* indago illico arrisit; quæ cum & ipsa suas habeat difficultates, ad *Plantarum* perquisitionem animum *postremò* adjeci, ut diu hoc lustrato mundo, gressu retroacto, Vegetantis Naturæ gradu, ad prima studia iter mihi aperirem. Sed nec fortè hoc ipsum sufficeret, cum simplicior *Mineralium Elementorumque* mundus præire debeat. At in inmensum excrevit opus, & meis viribus omnino impar. Ut severiores tamen curas, Naturæ contemplatione temperem, historicè hunc Viventium infimiorem ordinem aggredi est animus. Hæc sunt ea studia, quibus animum elapsis annis detinui, & cum gravissima sint, plenæque ambagibus, ideo etudas hæc delationes eorum, quæ me-

B

ditor,

ditor, hic habebitis, ut singulis sincerè pensatis, vel foetum hunc legitimum foveatis, vel ut degenerem rejiciatis, mihiq; rectas Philosophandi semitas indicetis.

Nec, *Viri Doctissimi*, exactam & generalem in universum plantarum notionem sub assignatis generibus, propriisque speciebus retexere, & singulorum partes recensere est animus, (monebat enim *Theophrastus*, Plantam rem variam esse, inque universum de ea referre difficile :) Sed notiores Vegetantium apud nos partes, anatomicà resolutione detectas, historicè, prout licebit, exponam, & quasdam circa ipsarum Oeconomicum usum cogitationes addam.

Facilioris itaque intelligentiæ ergo præmissis vulgaribus Vegetantium divisionibus, à notioribus sensui exordio sumpto, arborum *Truncos* primò lustrabo; & cum ejusdem *Cortex* occurrat, de eo statim sermo habebitur. Hic arboribus, & pluribus plantis inest, & multiplici partium apparatu constat. Exterior etenim *cuticula* utriculis, seu sacculis horizontali ordine locatis, ità ut annulus efformetur, componitur, qui ambientis rigiditate & senescentis ætatis vitio depletur, & in sciplos collapsi, aridam interdum epidermidem efficiunt, ut in *cerasis*, *pmis*que præcipuè observatur. Hac detractâ, occurrunt plures, & plures ordines fibrarum lignearum, quæ ut plurimum reticulariter implicatæ sese invicem, caparum instar, amplexantes, trunci longitudinem excurrunt; hac tamen ratione, ut reas spatia seu aræ, sensim in penitioribus & proximioribus ligno fibrosis tectibus angustiores fiant, ità ut penè obliterentur in *libra*. Fibrosi hujusmodi fasciculi multiplicibus fibris excitantur, & quælibet fibra insignis fistulis invicem hiantibus constat, humorèmq; fundit, in progressu verò alteri unitur fasciculo ad latus inclinata, modò rectà sursum exporrigitur, mox obliquatà proximo consociatur fasciculo, & ità fit rete. Intercepta retis spatia replentur utriculis seu sacculis subrotundis, quin & totus fibrarum fasciculus hinc inde iisdem ambitur, directionem horizontalem versus lignum ~~implacitum~~ habentibus. In *Cerasorum* cortice & similium, crassa quasi utriculorum fascia a *cuticula* per aræas fibrarum lignearum horizontaliter versus lignum recta deducitur. In *quercu*, *alba populo*, & *castaneis*, observantur multiplicia quedam corpora, testærarum instar, oblongioris tamen figuræ, cum obtusis angulis, quorum moles pluribus sæculorum ordinibus horizontaliter locatis coagmentatur, & dum arcuè ligneis fibris hærent, ipsarum aræas replent. Corticis exterior superficies ex diversa foliorum & furculorum eruptione variè aspera redditur, & quasi striata efficitur; unde in tenellis ramis ordinatæ quadam protuberantiæ per longum internodii productæ emergunt. Singula tamen hæc variis imaginum tabulis erunt exponenda. Ex corticis *ficus cupressique* indagare non tantum exarata emergunt partes, sed peculiare vasorum genus, *lactiferum* scilicet, corticis medium occupans, observatur, cujus analogum in reliquis propriis iconibus exponendum erit.

Detracto cortice occurrit *Lignea portio*, pluribus & ipsa coagmentata particulis: Potior enim ligni moles fibris seu fistulis per longum ductis excitatur,

excitatur, quæ orbiculis seu versiculis invicem hiantibus, secundum longitudinem statutis, constat, ut in *moro*, *quercu* & simil. patet; in quibus variè turgent. Hæ non rectæ, nec parallæ ducuntur, sed reticularem plexum efformantes, diversas, angulares, areas constituunt, quarum insignes occupantur à fasciculis orbiculorum seu utriculorum, horizontaliter à cortice per hæc spatia versus medullam productis, ita ut ex frequentibus transversalibus ordinibus, & rectis sese alternatim superequitantibus, fiat veluti florea. In *quercu*, ultra expositos transversales utriculorum ordines, ampliores Ovalium sacculorum fasciculi eodem ritu producti laxiora, retis spatia à fibris rectis efformata replent. Fibrosæ ligni portiones, quibus truncus excitatur, veluti circularia involucria sese invicem amplexantur, & continent, & ab utriculorum ordinibus à peripheria versus centrum horizontaliter productis pervaduntur. Rectarum fistularum progressum exponere curabo, delineatis, *exteriori* scilicet *trunci superficie*, ut reticulare opus emergat, *segmento horizontali* ejusdem, ut ipsarum ora pateant, & *interiori altitudine*, ut superequitationes, in quibus insunt, deprehendantur. Præmissâ insuper earundem organizatione in *cupressu*, *abiete*, *quercu*, & aliis, exponere conabor, ipsas diversam sapere naturam à transversalibus fasciculis, quos persimiles continuatis corticis utriculis, ex diligenti *vitis*, *pyri*, *ulmi*, & similium inspectione, deducam, cum in utrisque idem color, & substantiæ modus reperiatur, & ambo medullam versus non interruptâ serie deducantur.

Inter enarratos fibrosos seu fistulosos fasciculos locantur *spirales fistulae*, numero tamen minores, licet mole majores, ita ut patenti ore in sectis caudicibus hient. Variam situationem sortiuntur, ut exhibitis figuris innotescet; major verò ipsarum portio diversis sub circulis, circa centrum variè locatis, sese invicem continentibus, comprehenditur. Hæc in singulis plantis, ipsarumque lignicis partibus, decem ab hinc annis inquisitas, inveni. Non unam perpetuò externam possident configurationem; ut plurimum tamen oblongâ fistularum consistant formâ, quæ identidem parùm angustatur, ita ut tot invicem hiantes orbiculos præ se ferant: Interdum tamen utriculi diversis angulis pollentes continuatum canalem efformant; quandoque ovales sacculi lenes, & lucidi, altero etiam sine impervii, quales in pulmonibus insectorum observare est, deprehenduntur, & frequenter plures vesicularum, sese invicem coangulantium, ordines eodem ligneo quasi tubo contenti spirales fistulas efficiunt.

Componuntur expositæ fistulæ zonâ tenui, & pellucidâ, velut argentei coloris, laminâ, parum latâ, quæ spiraliter locata, & extremis lateribus unita, tubum interius & exterius aliquantulum asperum efficit; quin & avulso zonæ capite seu extremo trachearum, tum plantarum tum insectorum, non in tot disparatos annulos resolvitur, ut in *perfectarum* trachea accidit; sed unica zona in longum soluta, & extensâ extrahitur. In herbis, & quibusdam arboribus, hyeme præcipuè, pulchrum occurrit spectaculum; dum sensim divulsâ rami vel caulis adhuc virentis continuatæ, tracheæ portiones laceratæ, & solutæ remanent. Etenim

motund

motum hæc quasi *peristalticum* per longum tempus interdum servant, ex quo fortasse deduci potest ratio motus in *mimosa planta* observatus. An hujusmodi spirales fistulæ sint tracheæ; pro solo aere vel saltem halitu devchendo à Natura institutæ, examinabo; & an simul cum aere succum exportent, & an aerem ab imo telluris, an ab exteriori ambiente hauriant, inquiram.

Quoniam in *sicu, cupressu*, & evidentius in *apio rustico*, concretescente ipsius lacte, ultra fibrosos fasciculos & tracheas, plures observantur fistularum ordines, lac, butyri instar, fundentium. hinc est, quod peculiare adefse tubulos in ligneo trunco reor, quibus lac, terebinthina, gummi, & similia educuntur, cum etiam in osseo amygdalarum cortice circa trachearum fasciculum plures pro resina cunaliculos repererim.

Inter corticem & lignum media quædam substantia, *alburna dicta*, locatur. Hæc in *quercu, populo*, & aliis evidenter patet, mollioris enim substantiæ, dilutiorisque coloris est. Tenella est ligni substantia ex corticis addensatis fibris, & unitis, ut opinor; ita ut retis aræ exiguæ fiant: In hæc spirales fistulæ sensim aperiuntur, & solidiori compactiorique redditæ compage, post determinatum tempus fit verè *lignum*. Sæpius dubitavi, in Cortice fibrosa involucria, quibus ligni cylindrus quolibet anno augetur, per compendium præexistere, velut accidit pluribus papilionum partibus, quæ in *Eruca* & *Aurelia* latitant. Alburna tandem soliditatem ex affuso succo per peculiarem ductum delato probabiliter advenire censco. Hujus analogiam mirari licet in animalium ossibus, quæ laminis, ligni instar, reticularibus excitantur, & tandem affuso succo indurantur; quod mirè in *Dentibus* etiam patebit: Hi enim duplici compaginantur laminâ, quarum exterior reticularis & fibrosa extat, cum cutis sit exposita portio, vel saltem ipsius filamentorum; Stamina verò à radice versus dentium basim producta variè inclinantur, & crispâ fiunt, ut elegans appareat contextura, quæ tandem osseo affuso succo, adveniente duritie, occultatur.

In *medulla* caudicis regione *Medulla* conditur, in quibusdam arboribus, & in singulis tenentis *nucibus*. Hæc globulorum multiplici ordine per longum locatorum constat, qui membranosi utriculi sunt, ut evidenter patet in *nuce, sambuco*, & aliis. In caudice *Sambuci*, interiora tenet medulla, & utriculis sese invicem urgentibus compaginatur; inter hos non longè ab ambiente lignea portione plures fistularum ordines peculiarem succum continentium, observantur, si contentus præcipue humor concresecat, vel fusco inficiatur colore. In tenellis furculis medulla non exactè centrum occupat, sed ut plurimum sex angulis constans proximior est cortici, versus meridiem, minuitur adaucta sensim lignea portione. Varias & successivas diminutiones, propositis diversis transversalibus segmentis *quercis*, palam, faciam; & quoniam plures extant in furculorum segmentis utriculorum ordines, à cortice usque ad medullam horizontaliter continuati, ita ut una & eadem videatur utriculorum natura, ideo querendum erit, an medulla sit intercepta corticis substantia, vel diversam obtineat naturam, & usum; cum apud plerosque locum cordis, vel cerebri, vel matricis teneat. Hinc pa-

tebit,

tebit, quâ ratione singulis annis novum additamentum, circuli instar lignei, ex fibrosa substantia & tracheis de novo succrescat, ita ut ligni diameter augeatur.

Licet perpetuam Natura non servet in compangendis Vegetantibus normam, quædam tamen conveniunt, vel saltem analogismo parum distare videntur; quare in Fruticibus plures trunci, in Herbis iplis multiplices caules, interdum unus, vel saltem vicarius, deprehenditur. In *Vite* igitur, *rubo*, *vite alba*, & similibus, parum absimilis observatur structura; ex lustrato etenim furculi vitis segmento, copiosum adesse corticem constat, huncque ita organizari. Exterior corticis portio utriculorum serie donatur, qui semicircularis figuræ fasciculos multiplices ligneis fibris excitatos continent. Hujusmodi utriculorum ordines versus centrum horizontaliter producuntur, veluti rotarum radii, & ut plurimum quatuor, vel plures etiam, disparatos lignearum fibrarum fasciculos hinc inde ambiunt, & stipant. Expositæ lignæ fibræ per longum ductæ, quadratum corpus referentes, patentibus orificiis hiant. Avulso cortice, lignea occurrit portio, quæ in multiplices solvitur partes: Nam in centro medulla, utriculis diversarum figurarum constans, locatur; ab hac autem, versus corticem, ligni portiones, in pyramidales partes divise, producuntur, quæ exteriora versus latiores sunt, circa medullam verò arctiores: Inter has excurrunt multiplices utriculorum ordines, à cortice ad medullam continuati. Lignæ substantia spirilibus fistulis seu tracheis quam plurimis ditatur, quæ argentea spiraliq; zonâ conflantur: Earum magnitudo inæqualis est; ampliores namque quædam sunt, reliquæ minores. Circa has ludunt lignæ fibræ reticulariter inosculatæ; & licet hucusque certò non attigerim peculiare vasculum *lactiferis* analogum, tamen subesse puto. Ut evidentiùs tamen hæc pateant, varios icones adjiciam.

Parum dispar occurrit in *apio rustico* partium compages. Cortice admodum crasso circumambitur, qui orbicularium utriculorum serie componitur, sub quibus læti quidam lignearum fibrarum fasciculi excurrunt. Eadem structura in interiori corticis parte, lignum immediate ambiente, deprehenditur; intercepta verò corticis crassities vasa lac fundentia continet, quæ sub quadruplici ordine situantur, & circa ipsa utriculorum ordines statuuntur, quibus totus corticis ambitus constituitur. Hoc avulso, succedet lignea portio, quæ cylindrum amulatur, intus tamen cava. Substantia hæc in gyrum extensa exterioris ligneis fibris per longum ductis constat, & sectus per transversum caulis horizontalem pyramidem exhibet, cujus latior portio non longè à cortice locum tenet, auctior verò versus centrum dirigitur; pyramidis conus cum opposita basi ligneis fibris constituitur, intercepta verò portio spirilibus fistulis donatur, reliquum ligni utriculorum ordines tenent; inter hos multiplicia lactis vasa per longum deducuntur, quæ concretum interdum eruant. Singulorum figuras subdam; sicut & *grani tuncici*, quod multiplicibus fibrarum fasciculis excitatur, quarum exteriores lignæ sunt, interiores verò, fasciculorum centrum occupantes, spirales sunt, reliquum utriculorum seriebus constat. Eadem structura in *serulaceis*,

laceis, calamo cauléque pollentibus, & reliquis herbaceis exponetur, delineatâ præcipuè implicatione fibrarum, quâ nodus seu geniculum excitatur.

Quilibet *caudex*, & ab eo exporrecti rami, productis germinibus, stabili describendo ordine erumpentibus, sui extensionem propagationemque parant. *Gemmae* igitur sunt velut infans custoditus, qui tandem adolefcit in ramum, à quo, quasi ab aperto uterò, ova producuntur. Mense itaque *Junii* apud nos *gemmae* erumpunt, quæ futuro vere aperiri & adolefcere debent, & folii pedunculus, in eruptione dilatatus, veluti calyx, ipsas tutatur. Herbacea pariter suas æstate gemmas producunt, & sub terra diu custodiunt: Earum structura talis est; cum enim compendium sit plantulæ nondum explicite, trunco. constat ligneo, brevique, qui mollibus fibris lignicis & tracheis excitatur, à peniori ligno cum medulla, illuc continuatâ viâ, derivatis: hinc inde, præter implantationem, communicato à caudice cortice ambitur, qui in foliola multiplicia, squamarum instar, parum ad invicem distantia, laciniaitur, hæc à contento molli ligno fibras & tracheas suscipiunt, & lanugine, pilis, &c. in *nuce*, & *vite*, &c. custodiuntur; in *populo* verò, & aliis, glutinoso foventur humore. Hæc omnia ita invicem conglobata conicum ferè efformant corpus. In herbaceis à radicis cylindro, quasi à trunco, non dispari ritu, ac in arboribus, erumpit gemma, seu oculus consimili partium apparatu constans. In *capis* hinc inde à centro *gemmae* custodiuntur; in *aliis* verò & consimilibus, gemmarum loco multiplicia custodiuntur quasi senina, quæ soboles appellantur, quæ nil aliud sunt, quàm seminalis quædam caro utriculis constans, elegantem in medio plantulam, laminis constatam, cum erumpentibus radicibus custodiens. Exteriorem & interiorem gemmarum faciem in arboribus, & herbis, & præcipuè in quercu, & aliis, exarabo.

Aperiuntur *Gemmae* incunte vere, æstate, aliisque temporibus, & autumnò etiam, præcipuè in arboribus, quibus avulsi sunt omnes rami; foliola ~~erumpunt~~, quibus gemma primò ornatur, parum excrefcunt, elongatò tenello furculo; & in ~~pluribus arboribus à lignæ~~ gemminis parte, quæ interceptur à foliorum radice, erumpere incipit folium stabile, quod sensim auctum explicatur, & postmodò propriâ donatur figurâ; interim tamen prima *gemmae* foliola proprium servantia situm, stabilis folii radicibus hærent, & brevi exsiccati decidunt. Hec in *quercu* delineatò progressu patebit; in aliis verò, ut in *prunis*, germinum foliola parum elongata versus mucronem incisuras, patiuntur, ipse verò excrefcit, & productio petiolo in stabile folium extenditur, dum lacinia-tæ particule in caduca foliola exsurgunt; in alijs, licet idem habeatur progressus, prima *gemmae* foliola perpetuò folii petiolo adstant. In *acere*, *vite alba*, & similibus, foliola prima mucronem habentia figuram in mucrone incisa, appendices germinant, quæ in folia extenduntur; reliquum verò, parum gracilefcens in folii petiolum absumitur. In *rubo canino*, idem mirari, licet augmentum & binæ tamen portiones antiqui folii productio petiolo hinc inde adstant, & brevi collabuntur. In *nuce* pariter convolutas complicatasque habent in extremitate appendices, quæ

quæ in germinatione stabile folium constituunt, attenuata verò in pediculum stabili folii faciunt. Singula *tabulis* exponam. Tenellus furculus & folia fungis & papillis ornantur, à quarum perforato & concavo capitulo *terebinthina* funditur; spinæ quoque, & lanugo à foliis pendet, variisque colores exhibent.

Ab elongato igitur tenello furculo pendent *Folia*, non infertione seu articulatione mediâ, vel radicatione, ut aliis placet, sed continuatis furculi partibus ad extra derivatis. In *vite* evidentius hoc patet, ex altero enim nodi latere octo disparati fasciculi sub semicirculo situati, à lignea portione erumpunt, & sensim recollecti in insignem fasciculum, folii pediculum constituunt; singuli verò fasciculi ligneis consistunt fibris, spirales fistulas ambientibus; & una cum ipsis producuntur fibræ pariter à cortice deductæ: Reliquum verò ambitus, corticis utriculis constituitur, qui cum exteriori cortice communionem habent. Consimilem structuram mirari licet in *saeniculo*, *brassica*, & similibus. Variam circumscriptionem in diversis plantis sortiuntur folia; peculiare tamen formas, præcipue *cupressus*, iconè illustrabo. Hæc in singulis plantis extensa pollent corticis substantiâ, quæ ligneis fibris & tracheis irrigatur. Enascuntur in quibusdam arboribus in nodo hinc inde, in reliquis verò alternatim unicum promittitur folium, vel aliâ, exponendâ, methodo; corticis etenim portio, in cylindrum coarctata, derivatam lignearum fibrarum portionem, cujus medium trachæ occupant, folii pediculum in pluribus arboribus efficit, qui deinde dilatatur, & hinc inde à fasciculo, seu costula, per longum folii excurrente, divisus & productis fibris, & tracheis, fit rete ex mutua anastomosi, ut in sanguineis vasis accidit; spatia verò appensis utriculis replentur, qui variâ pollent figurâ in diversis foliis, & tandem ambiente cuticulâ, valde tenui, hæc placentula custoditur, à qua minimæ spinæ lanugo, seu pili, fungi, & consimilia delineanda erumpunt. Foliorum extremitas fasciculo fibroso ambitur, qui in apice denticulatæ foliorum partis parum protuberans, papillarem appendicem efformat, quæ in tenellis *terebinthinæ* fundit; ætate verò succellit. In quibusdam vero refertæ vesiculæ observantur. Inter expositas folii fistulas lactiferum vasculum locatur, quod in *mora*, seu, &c. patet, & in reliquis quid analogum aderit. Decidunt folia ferè à singulis arboribus & herbaceis, nostris hæc regionibus, autumnò præcipue, corrupta *scilicet* pediculi portione prope eruptionem. Hunc autem prolapsum præcedunt utriculorum, quibus folii latitudo constituitur, extenuatio, coloris item mutatio, humoris pariter in fistulis stagnantis corruptio, ex ambientis fortè ænergia, vel saltem volatilibus particularum inopiâ; & ita fibrarum & trachearum tollitur continuas. Scirpium & similibus folia, variè configurata, difformum variationem magis aptient, exhibitis structuris foliorum *opuntia*, *arundinis*, &c.

Ramorum productionem à Natura institui, pro ovorum generatione, probabile; quare florem, quasi uterum cum ovo, seu tenello factum, statò tempore acti exponit, ut tandem, emancipati filii instar, in novam sobolem excresecat. Flores igitur non longè à gemmarum situ eminent

eminent prope folii pedicolum; evidenti productione patent æstate gemmarumque more conduntur, & transactâ ut plurimum hinc aperiuntur. Anticipata ipsorum productio in *moro*, *cæpis*, &c. delineabitur; curiosorum, variis additis configurationibus, compositionem describere tentabo: Etenim in quibusdam simplicioribus primò furculi substantia, ubi semen conditur, in ovale corpus extenditur, cujus tamen caro, seu pericarpium, in prima productione non patet, sed sensim augetur: Ab hujus extremo erumpunt à laciniato cortice calycis folia; ab eodem pariter segmento floris folia emergunt, quæ utriculis, seu globulis ordine positis fibrarum lignearum & spiraliū productione constant. Circa folia hærent cæcæ appendices, fungi, pili, & similia, glutinosum humorem fundentia. Eundem exortum stamina sortiuntur, quæ frequenter capitulo seu apice, farinaceam substantiam continente, pollent. In aliis foliorum & staminum exortus infra ovale corpus, semen condens, observatur, ita ut flos seminis capsulam tegat, ut in *vite* & simil. Sensim contabescunt folia, & stamina, & postremò decidunt. Consistunt florum structuram exponam, delineatis præcipue *beliotropii*, *cardui*, *cucurbitæ*, & *sylvestrium* plantarum quibusdam floribus.

Subjectum seu contentum *femen* diversis capsulis seu involucris fovetur, quæ *uteri* munus explent. In pluribus in fructum eius aptum excrescit, cujus partes exarabo, & primò pericarpii structuram, exordio sumpto à *ficu*, qui exterius cortice tectus reticulares fibrarum plexus unâ cum contentis tracheis continet; à quibus oblongæ stiræ, quibus pericarpii moles excitatur, versùs centrum deducuntur, quæ hinc inde utriculis succo turgidis stipatæ tandem eleganti extremitate semen osseo cortice circumdatum custodiunt. *Cerasorum*, *uværumque* caro reticulares pariter fibrosos plexus, à quibus pendent utriculi, possidet. *Pyrorum* & *cydoniorum* *malorum* pericarpium fibroso reti coagmentatur, quod tartareis quibusdam globulis, seu nodis, firmatur, arce verò pendentibus utriculis perbellè replentur. In *granatorum* fructu circa semen, *radicum* instar, graciles utriculi succo turgidi situantur. Elegans est *mali aurantii* & *simonis* pericarpium, cujus *convexior* caro concavitates efformat, quæ utriculis, velut intestinulis cæcis, acido succo refertis, repletur, quibus contenta semina stipantur. His lucem feret omnium elegantissima evidensque *cucurbitæ* caro, quæ fibrarum lignearum fasciculis, tracheas continentibus, constat, à quibus pendent utriculi; illi verò à pedicolo fructus emanantes, mox interiùs circulares redditi, extremo tandem fine, à quo semen pendet, in mediam hiant cavitatem, velut in corde, carneis lacertis & fibris valvas firmantibus, accidit; & ita tota pericarpii moles excitatur, & in hos solvitur. In *fragaria* oppositus servatur situs, pericarpium enim interiora tenet, & semina exterius exhibet. In *nuce*, *amygdalis*, & similibus, pericarpium parum excrescit, quod adaucto semine contabescit, relicto osseo putamine, quod in *amygdalis* degans est. In *avellanis*, *cupressu*, & *pino* ligneus fit cortex, vicique pericarpium supplet. In *glandibus* & *castaneis* membrancum extenditur involucrum; illæ ligneo calyce donantur; istis verò spinosum additur involucrum echini instar, & interiùs villosi utriculi

culi semen custodiunt. In pluribus *leguminibus* & *herbaceis* loco pericarpii siliqua extenditur, quæ fibroso plexu constans, productis præcipue in faba villosis utriculis succo refertis, contentum semen fovet. In aliis Semina loculis includuntur, qui interdum crassi sunt ex utriculorum multiplici serie, interdum graciles. *Fruementum, avena*, & similia, spicis, hoc est, exiguis loculis hiantibus, & sese amplexantibus, custodiuntur, & aculeis frequenter muniuntur. In pluribus osseus additur cortex, & quandoque folio uno plura semina celantur. Quandoque Semina à subjecto amploque quasi pericarpio assurgentia, ut in *cinari* patet, flosculis muniuntur. Nonnunquam lanugine, pappi, vel pilosâ appendice semina ipsa stipantur, & ornantur. Denique tam fecunda est Natura in parandis tegumentorum structuris, ut singulas recensere sit impossibile. Communiores igitur exponam, delineando pericarpium *cucurbitæ*, *pomorum*, & similibus, siliquas diversas, vesicas, loculos, spicasque varias.

Nec sat fuit Naturæ exaratos Uteros seminibus parare, sed alia insuper addidit, quæ custodirent, & germinationi inservirent. Hæc autem in avulsio à receptaculo Semine observantur; bina etenim involucria ferè semper occurrunt, quorum exterius firmitus est, & quasi cartilagineum, omniumque vasorum genere donatur cum interpositis utriculis, subjectum verò mollius est & spongiosum. In *amygdala* exterius protuberant sacculi, seu intestinula, cæcorum instar, à fibroso reti pendente. In *Fabis* & similibus leguminum feminibus, hiantia quasi siphonum ora totam peripheriam exterioris involucri occupant; illi verò interiora versus horizontaliter producti in utriculorum diversos ordines aperiuntur, qui Semini communicant. In aliis parum obliquantur hujusmodi siphones, quorum elegantes figuras in *cucurbitæ*, *fabæ*, *tritici*, &c. feminibus delineare curabo. Aliam insuper viam Natura aperuit subingrediendi humori, in pluribus namque Leguminibus ovalis fenestra paratur, oblongâ aperta scissurâ, quâ in globosum spongiosumque corpus plantulæ, extremo trunco proximum, humor admittitur. Horum icones desinam à *lupinis*, *ciceribus*, *faseolis*, & *orobis*; In pluribus autem, in quibus evidens non occurrit fenestra, hiatus aperitur, laxato exteriori cortice, unde plantulæ conus exterius communicat, ut in *pyris*, *ponis*, & similibus mirari licet.

Tantus partium apparatus in gratiam conditi *feminis* à Natura fabricatus est. Hoc autem est *fetus*, vera scilicet planta, suis integrè conformata partibus, foliis videlicet, ut plurimum binis, caudice seu caule & gemmâ. Hoc manifestatur resolutione facta amygdalarum, nucum, pomorum, &c. In his etenim caro feminis foliorum naturam verè sapit, & globulis seu utriculis, in caulem seu caudicem inclinatis tracheis, insuper constat, & germinante semine in quamplurimis virefcit. Plantulæ hæc folia caudici appenduntur, à quo germen seu furculus assurgit. Simplicior & evidentior plantulæ seminalis species in arboribus, & quibusdam plantis emergit, ut in *pomo-granato*, *melilotto*, *vesicaria*, *atriplice*, *colutea*, & similibus, in quibus interdum evidenter explicita sunt seminalis plantulæ folia, interdum convoluta & contorta. Evidentis-

D

simè

finē hęc patebunt delineata à primordiis successivā plurium seminum productione: Nam primò in colliquamento minima plantula expansis binis foliis, velut alis, trunco exili appensis, emergit; foliola verò sensim aucta, & crassiora reddita ita contorquentur, & compli- cantur, urgentibus parietibus continentis receptaculi, vel corticis, ut alienam induant speciem. Hęc *nucum, castanearum, cucurbitæ*, & diver- sorum leguminum figuris patebunt. Familiare est ipsi Naturæ, foetum hunc in colliquamento morantem placenta interdum unā, quandoque alterā, foliorum hiatum replente, donare; ut in *cucurbita, avellana, amygdala, pomo & leguminibus*, quorum successivam productionem de- lineabo: Simulque exponam, feminalem hanc plantulam, non solum à placenta, sed à colliquamento immediatè, nutritionis & auctiois ma- teriam per foliorum peripheriam recipere; quod de *Animalium* etiam foetibus in humore imatantibus dubitari potest. At, cum non adamus- sim eandem servet Natura regulam in configurandis feminalibus plan- tulis, varias addam figuras, *avenæ*, & *tritici* præcipue, cujus plantula placentulam habet, radicem ejusfoventem; hęc gravi carni hæret, quæ loco folii convoluti extat: In aliis verò seminibus, præcipue bulbosis, plantula, caparum more, involucris componitur pluribus, quæ folio- rum vices fortè supplent; seminis verò conglobata caro, placenta vicaria, hinc inde locatur, ut patet in *Matthioli hyacintho, lilio & asparago*.

Exarate Schminales plantæ, quasi gemmæ, suo involucrio custoditæ, à furculis medio fibroso fasciculo, tracheam ambiente, elongari, & ab ip- sis decidere videntur; quare extremitas trunci feminalis plantulae ver- sus infertionem ligni fasciculi frequenter dirigitur, & ab ipso parum distans separari videtur eo in loco, qui *Umbilicus* dicitur, ob hanc for- tè rationem; quam conjecturam aliis firmare conabor. In confirma- tionem dictorum, diarium germinationis seminum, quarundam plan- tarum iconibus distinctum, addam.

Præter Semina, alia insuper observantur, ab arboribus & quibusdam plantis pendencia, ut *amentum, galla, spongiola*, & villosi *tuberculi*, quo- rum peculiarem institutam sermonem. Admodum enim incertum hæ- tenuse vulgata me reddunt, quibus Animalia ab arboribus & herbis in gallis, veluti uteris, gigni docemur; cum mihi observatorum series, quam infra recensēbo, conjectandi ansam præbeat, gallas & similia ni- dum esse ejecti illuc ovi, vel vermiculi à parente animali, nequaquam verò à planta. Evidens namque est ex Araneorum folliculo, ova con- tinente, concavum reddi subjectum folium. *quercus*: In vite verò, *quer- cu*, & similibus, ex ejecto vitellino Muscarum ovo ita circa ipsum con- torquetur folium in spiram, ut totum in globulum definat. In aliis reflectitur denticulati folii extremitas; & parum crassescens, ovum ibi cubatum fovet. In tenellis quibusdam plantis, ut in *orobo*, ex recepto ovo ita curvantur folia, ut unitis extremis, fistularis cavitas pro nido succedat. *Quercus* pariter folia receptis seminibus inter membranas jam adolescentem aureliam fovēt, & nutriunt: In aliis verò ex affluente magis & magis succo, tumores pro nido & fotu excitantur: Et enim in quibusdam foliis quercus excreſcentiæ quædam, seu exiguæ placentulae, pilis

pilis ornata, suboriuntur, brevi pedunculo firmatae, quæ in sui centro Muscarum ovum continent, & aurelias pariter sub se cubantes descendunt, & tegunt. In diversarum plantarum foliis, ut in *populo*, *salice* & *vite*, inæquales affurgunt tumores, hi quæ insignes ex quacunque folii parte, quorum cavitate ova jam edita custodiuntur. In *ulmo*, & *populo* tota folii virentis substantia in cavernosam definit concavitatem, quâ innumerae aureliae, & tandem muscæ continentur. Elegantior etiam nidus erumpente quercinâ uvâ paratur, quæ à succo in foliorum utriculis contento gignitur; quod *salici*, *rubo canino*, & *populo* familiare est. Mirabilior tamen est in *bedera* terrestri uvæ structura, quâ stabilis animali nidus paratur.

Nec sola foliorum moles animalibus nidum præbet, sed & lignea ejusdem pediculi portio, in *populo* præcipuè contorti, & aucti, concavitatem muscis efformat. Tenellus pariter furculus in *quercu* concavus redditus, nidum & pabulum condito animali exhibet, & *rubî* exiguus furculus, coacervato seu potius impedito nutriticii succi effluvio, in ovalem tumorem, dum excrevit, inclusum servat ovum, & recepti primo ovi cicatricem perpetuò servat. Frequentius verò ova in germinibus conduntur; quare in *quercu* interdum parùm expansa & adaugeta germinis foliola in sui medio aureliam ligneo nido inclusam stipant: In aliis non adauctis geminae foliolis futuri furculi alimonia circa ovum, vel plura etiam, effunditur, & utriculorum ordines furculum composituri immutata viâ circa ovum contorquentur, & fit *galla*, quæ quasi coronata interdum efficitur, & nonnunquam appendices corniculatas promit. Tandem in *rubotantino*, *quercu*, & similibus, ex germinum affluente succo fit folliculus, cum ramorum & foliorum inchoamentis. Et postremo non solis foliis, furculis & germinibus datum est ova fovere, sed & fructuum corticibus & pericarpis; unde insignes quasdam miratus sum excrecentias, foliorum formas ruditer æmulantes, à cortice glandis pendentes, quibus ovum custodiebatur.

His adnectam, plantarum partes exterius ulciscitas, excrecentias parere gallis analogas; & in unico *rubî canini* folio uvam, diversas gallas, placentulam, & villosos tuberculos affurgentes me observasse. Horum & similium observationes mutuam sibi lucem ferre ostendam; priores enim non solum folliculos & similia, in animalis & editi ovi custodiam & alimonia excitata evidenter demonstrant; sed & posteriores illustrent, simulque nobis dubitandi locum aperire videntur, ova in hujusmodi tenellis plantarum partibus à parentibus muscis condita; & quoniam acri succo madida sunt, & perpetuò consimilem transpirant, ideo plantarum fistulas lacerando contorquere, novumque motum appulso succo communicare; ex quo variae *gallarum* species, in quibus tamen germinationis naturæ vis, licet obscura, latitat, cum foliorum furculorumque inchoamenta & rudes species emergant.

Ramos quarundam plantarum spinis & aculeis Natura armavit, quarum exortum, figuram & naturam exponam. Capreolos pariter, & ungues delineare enitar: *Fungorum* etiam fibrosam compagem unâ cum *mucedinis* plantæ iconibus describere conabor.

Plantas

Plantas reliquaque vegetantia consimilia, Naturam *radicibus*, quibus alimonia trahitur, & illa firmantur, donâsse, omnibus patet. Sunt autem *radices* in arboribus portio caudicis, qui divisus in ramulos, tandem in capillamenta, solvitur; ita ut arbores nil aliud sint, quam fistulae exiguae disparatae, & per solum productae, quae sensim in fasciculos colliguntur, qui & ipsi ulterius aliis insignioribus uniti, tandem omnes sub uno, ut plurimum, cylindro collecti, truncum efformant, qui oppositâ extremitate, factâ iterum fistularum separatione, brachia promit, & sensim subdivisis manipulis ex majoribus in minores, ultimo in folia extensione factâ, postremum fortitur terminum. Extremæ igitur radices in arboribus unâ vel alterâ tracheâ constant, circa quam ludunt fistulosi lignei plexus reticulariter ita producti, ut interceptæ arcae anguli acutiores sint; prout autem radix augetur, unitis aliis radiculis, lignæ fibræ lucidæ, pilorum instar, trachearum intercapedines replent; cortice valde crasso mollique circumambiuntur; & in quibusdam, radicularum extremitas appendice quasi placentulâ donari solet; ipsarum verò ambitus capillamentis mollibus, lanuginis instar, stipantur. Cortex, de more, utriculis horizontaliter locatis conflatur, fibris pariter ligneis & peculiari *lactifero*; quod in *moro* & aliis evidens est. In amphioribus radicibus Spirales fistulae productae inclinationem versus centrum servare incipiunt; crassior pariter redditus cortex de more ambit, & tandem radicis truncus excitatur, in quo manifestiora sunt omnia exarata. Minorum radicum tracheæ non sunt omnes parallelæ, nec rectæ, sed variè obliquantur, varicosæque redduntur, & molliores radiculæ ita circa glebæ frustula contorquentur, ut quasi manibus ipsa apprehendant. Singula delineabo, indicatâ intimâ minorum radicum ab insigni radicis cylindro eruptione.

Reliquarum Plantarum non dispar structura manifestabitur, expositis primò *leguminum* præcipuè radicibus, utpote simplicioribus, quæ cortice satis crasso constant, mollibus fistulis ligneis, & tracheis sub cylindri specte productis, quo radicis medulla constituitur, quæ versus superiora tubulosa redditur; in aliquibus autem radicibus lignæ portio non conglobatur in solidum ubique corpus, sed per longum concavitate habet, quâ carneam medullam custodit. In aliis herbaceis, ut in *plantagine*, fistularum fasciculi folia percurrentes, dum radices subeunt, anisla rectitudine invicem decussantur, & spatia utriculis succo turgidis replentur, & fit *cava*, ut vulgo appellatur; iterum tamen separati, in radices & radículas desinunt. In *asparago* superior radicis portio, seu nodus, ligneis fibris reticulariter implicitis constat, à quibus utriculi pendunt. Ab eodem nodo elongantur radices, quasi ovalem habentes figuram, à quibus radiculæ & lanugo erumpit. Interiori ipsarum partem ligneus teneo cylindrus gracilis, qui tracheis in orbem situatis constat, & ligneis fibris; reliquum verò, crassius, corticis utriculis per longum locatis completur. Implicatam *arundinis* radicem retexcre tentabo, delineatâ fasciculorum fibroforum germinatione, & mutuâ superquitatione, dum in surculos & oculos absumuntur. *Caparum* pariter compaginem proponam; hæ pluribus tunicis, seu involucris, conglobantur,

bantur, quæ fasciculis ligneis reticulariter unitis & tracheam ambientibus ditantur, à quibus utriculorum multiplices ordines pendentes, ipsarum ambitum constituunt; elongati verò inferius fibrosi fasciculi, dum parum implicantur, radices centrum efficiunt; ulterius tamen producti unà cum ambientibus sacculis, radices & capillamenta constituunt. Reliquorum quoque *bulbaceorum* quasdam proportionem configurationes, præcipue *raparum*, *raphani*, *bricniæ*, & aliarum plantarum. His addam, cones tubercum & quorundam foliorum, quæ huius hærentia à costulis radiculis promunt.

Coronidis loco addendum esset aliquid de *plantarum Oeconomia*, ipsarumque *partium Usu*, & *alimenti præcipue Via*. At quoniam multæ alæ plenum opus est, quod æquivocas & fere impossibiles observationes, ideò quasdam tantum proponam, ut accuratiores & exercitiores meliora promant. Primò igitur certum esse ex dictis inducam, plura esse in plantis vasa, seu fistulas. In *Cortice* enim copiosas esse fibras, vasorum in modum perforatas, ex dictis patet. *Lignum* pariter fibris coagmentari, quarum alias spirali Zonâ componi diximus, alias verò quasi hiatis orbiculis consari retulimus: Et postremo speciale *Vas*, quo lac vel resina funditur.

Dubium tamen illicò occurrer, an ejusdem naturæ, & in eundem finem fabricatæ sint fibræ *corticis*, & *ligni*. Herbarum verò & ferulaceorum indago *easdem* esse probabiliter indicabit, cum & corticis fibræ, duriores redditæ, in lignum vertantur. Certum erit, *utraque* vasa humorem fundere; quod ex ipsius eruptione patet. Certum pariter ostendam, in plantis plurimum *aeris* contineri, eo quod scæta sub aqua multum aeris reddant, & in ipsis fistulæ, perfimiles pulmonibus insectorum, insint. Dubium erit, an ab imis & extremis radicibus aer hauriatur, an verò à superioribus finibus, externo cum aere commercium habentibus? Quoniam tamen spirales fistulæ, seu tracheæ, radices copiose componunt, & aer facilius sursum pellitur, suumque exercitopus & energiam, ideò aerem & halitus ab imo terræ deduci probabilibus indicabo.

Evidenter etiam observari succum, modò lactis sub specie, modò gummi, modò terebinthinæ, cum proprio vasculo ostendam; inde conjectans, in singulis vegetantibus peculiarem adesse succum proprio vase delatum.

Circa *motum* autem exaratorum humorum, ipsorumque terminos, illud certum esse referam, in pluribus inverti; cum surculus in *sen*, *prunis*, *rubo*, &c. si sub terra condatur, graciliore extremitate radices promat, & in arborem, minus tamen proceram, excreseat; unde alimenti via invertitur.

Evidentem pariter esse proportionem inter alimenti vascula mutuum *anastomosis*, ita ut obliquatus etiam reddatur sucçi transitus, nec per eundem tubulum rectum perpetuò feratur. Hoc patet in laceratis costulis quibusdam foliorum *cucurbitæ*, *limonium*, &c. in quibus ulterior, è directo detruncatarum fistularum locata, substantia augetur, & vivit, communicato à lateralibus fistulis alimento. Hanc positionem illu-

strat reticularis plexus vasorum in foliis, bulbis, cortice, & lignea portione.

Constabit pariter per ligneas fistulas, & corticales, humorem versùs ramos & folia ascendere. Humoris tamen ascensum singulis fistulis nequaquam communem esse patebit, considerato usu & actione foliorum cucurbitæ, à feminis carne productorum, quæ pulposa aliquibus dicuntur: Nam certum est, (ut ex diario germinationis leguminum patet,) bina folia ab extensa feminis carne, comproducta in cucurbita & aliis, à radice humorem recipere, cum in ingentem excrescant molem; sed iterum in caulem pro germinatione & auctione evidenter remittere. Nam avulsis à germinante planta eadem siccassit, & in leguminibus seminalis caro, quæ folium est conglobatum, licet non extendatur & vireseat, recepto tamen humido oleosam substantiam, propriumque succum plantulæ, cujus cauli continuatur, affundit, ita ut *placenta* vices suppleat. Consimilia accidere in excrescente germine, ex dictis patet, cum ut plurimum prima foliola placentæ vices gerant, & novis subortis foliis decidant.

Hinc probabiliter deducam, folia à Natura in hunc usum institui, ut in ipsum utriculis nutritivus succus contentus, à ligneis fibris delatus excoquatur; frequenti enim anastomosi vasorum in longo itinere commixtus humor, solarium etiam radiorum vi attritus, dum antiquæ, in utriculis adhuc perennanti, materiæ miscetur, novam subit partium compagem, & transpiratum, non dispari ritu, ac accidit novo animalium alimento, quod reliquo sanguini in vasis à nutritione relicto affusum, ab eodem in sanguinis naturam exaltatur. Consimilem naturam reperiri in Corticis utriculis, atque etiam sericibus, transversam ligni partem occupantibus, probabiliter evincam; ut inde pateat, non irrationale esse, in iisdem loculis plantæ alimoniam concoqui, & servari. Pericarpium humor, in corticalibus utriculis coadunatus, & excoctus; *caparum* pariter sacculi, copiosum humorem asservantes, & in novi germinis augmentum ~~exercentes~~ *exercentes*, multum lucis jam exaratis afferent; sicut & adacti utriculi in detruncato *queru*, & aliis, qui ita asservato humore turgent; qui aliàs in trunci & ramorum alimoniam consumi consueverant, ut fibrarum lignearum arcæ insigniter dilatentur, & ipsæ fistulæ contorqueantur.

Conjecturalis tamen erit excocti alimenti semita, à foliorum utriculis, cortice & medulla effluentis, & quodammodo regredientis. Licet enim probabile sit, inferiora versùs clavi in truncum & radices; non videntur tamen extremæ ramorum partes, ultra folia locatæ, quibus uteri appenduntur & consimilia, spoliandæ hoc beneficio; unde probabilis ostendat, ab utriculis derivari excoctam jam alimoniam mediis vasculis reticulatibus, quorum adumbrationes in *typha* observantur, absque perenni & considerabili fluxu & refluxu, eamque in vasculis lactiferis, seu sanguineis, quasi stagnare, & juxta indigentiam, (quam transpiratio, & exteriorum actio diversimode promovent,) effluere interdum etiam ad contiguas parùmque superiores partes; & ita subsequi augmentum & nutritionem, cum plures etiam arborum rami, & herbacea,

herbacea, horizontaliter situentur. Aliàs simplicior arriserat via; diu enim credidi, alimonie materiam per ligneas fibras à radicibus deferri in univèrsam arboris molem, ab utriculis verò transversaliter locatis fermentativum immisceri succum, qualis à glandulis, chylo & sanguini pertranscuncti affunditur: Ulterior tamen meditatio exaratam superius viam probabiliorē indicavit.

Hiscè delineatis, probabiles *aeris* usus in plantis diciam; consideratis insectorum tracheis, aerem ad quamcunque corporis partem deferentibus; Cùm tamen valdè probabile sit, ultra vitæ communicationem, beneficio aeris plantas sursum erigi in germinatione, tales conservari in augmento, & vitæ processu, succorum pariter ascensum & fermentationem facilitari, & alia consimilia.

Hæc igitur, quæ Mens, agro corpore, in sui solatium meditatur, tumultuarie Vobis exhibeo, quæ si non undequaque inutilia, & à recta Philosophandi semita non multum devia, vestrà prudentiâ iudice censentur, repetitis iterum atque iterum observationibus, fusiùs exponam, vestrisque, licet impar, mentibus munusculum parabo.

Dabam BONONIÆ

Calendis Novemb. 1671.

MAR-

THE
HISTORICAL
RECORD
OF
THE
CITY OF
NEW YORK
FROM
1624 TO
1898
BY
JOHN B. HOGAN
NEW YORK
PUBLISHED BY THE
CITY OF NEW YORK
1898

$$E_1 = E_2 = \dots = 0 \text{ and } E_{n+1} = E_n + 1.$$

Journal of Management Inquiry 20(4) 409-424

MARCELLI MALPIGHII,
ANATOMIE
PLANTARUM.

MAGNÆ SOCIETATI REGIÆ ANGLICANÆ

Marcellus Malpighius S. P.

PRisci olim Ætrusci, quibus gens nostra originem debet, animalium victimas mactare consueverant, ut lustratis visceribus, belli & pacis ancipites eventus certo enuntiarent. Exanguium ego Vegetantium repetitâ sæpius sectione, eorundem exta, prout licuit, scrutatus sum. Quod si Aruspices integrâ existente victimâ bolicantem Diis parabant, dissecta hæc innocentis generis viscera Vobis, Doctissimi Sodales, offerre humiliter liceat: Ex horum enim inspectione, Naturalis Scientiæ, pro cuius adaugendo regno seduli militatis, aulam intueor ditionem. Jam Aeris & Aquæ subacta regna; profundas quoque Terræ & Maris lustratas oras vestris expeditionibus agnoscit Orbis: Nec Animalium, quibus terra premitur, abditis particulis parcitur, nec Astra ipsa Cœlumque intacta relinquuntur. Quare, cum tam vastum imperium Vestris artibus subigi cœperit, debitos Ego quoque tam celebri triumpho applausus collaturus, adumbratam Vegetantis Orbis imaginem humillimè exhibeo; mibique sat erit, Promontoria & sinus indicasse, ut novis expeditionibus tam vastum Herbarum Arborumque regnum distinctius cognitum, sub vestra cadat ditione. Valete.



PRÆFATIO.



Elluris, Magnæ Matris, emancipatos quasi filios Anatomicae laniæ humana Sciendi prurigo hæcenus damnavit : Animalium enim universum genus, quod relicto materno terræ sinu liberum, aquam, vel aerem, vel ipsius varias oras pervadit, in hominum sapientiæ libidinem jugulatur ; reliquum illud superest natorum genus, quod nativo ejusdem gremio perpetuo hærens, leniter assurgit : Hoc autem sub variis Plantarum speciebus intuentur, quæ commixtam telluri ita sortiuntur vitam, ut illius connati filii censendæ veniant ; ni satius dicamus, terram ipsam abdomen ingens esse, in cujus officinis alimentorum digestiones, excrementorum præcipitationes fiant ; huic autem necesse est inseri, thoracis loco, & subrescentis capitis, varias & multiplices Plantarum contexturas, quæ novum sui generis cerebrum constituunt. Erumpentium hujusmodi plantarum acervus tam ferax est, ut non facile in distinctos redigi possit ordines ; antiqua enim distinctio, in arborem sc. fruticem, subfruticem & herbam, suas quoque invenit difficultates apud Botanicos ; unde quidam solis arborum & herbarum generibus contenti, fruticum & subfruticum capita neglexere. Nec desuerunt, qui attentæ varia seminum & soliorum forma, reliquisque phænomenis, primæ vegetantium genera, adeo multiplicaverint, ut eadem planta sub diversis speciebus decies describatur ; unde sanioribus passim impossibile videtur, plantas omnes in determinatos ordines distinguere. Neglectâ igitur generum designatione, licebit universam vegetantium familiam velut unicum vivens rimari : In plerisque enim truncus, folia, & radices occurrunt solâ duritiæ vel molliæ varietatè ut quamplurimæ herba, tencellæ & humiles quasi arbores dici possint. Hoc itaque viventis organicum corpus anatomicè examinandum assumpsimus, non dispari methodo, ac in animalibus passim peragitur, indagando sc. viscera, multiplicia vasorum genera, medullam & semen ; institutâ prius earum exercitatione plantarum, in quibus minus obscure emergunt partes, & subinde productâ in reliquis, ubi obscuriori quasi velo Natura sua condidit arcana. Hanc Plantarum anatomen pluribus fortasse, quam natura rei exigit, exposui ; varii namque irrepsere in exarandis Naturæ operibus rudes mentis meæ conceptus ; & innumera, quibus forsitan incongruè interpretatus sum Naturæ mysteria, copiosam scripturitionem fecere. Paveo, & his quidem minimis, contenta est Natura, etiam dum ingentes operosa excitat moles ; quare qui rem alius rimantur ; in hæc abunde resolvunt. Opportunius igitur, te iudice, amice Lector, fortasse fuisset, postquam rerum atomas differentias non licuit attingere, copiosam saltem operandi Naturæ segetem, singulorum phænomena, quibus Vegetantium varietas mirabiliter universalem tellurem exornat, per extensum exponere, ut in maturiori iudicio in pauca & minima satius resolveres : At iudicii mei languore, ingenique
betetudine,

P R Æ F A T I O.

hebetudine, mediâ inter utrumque viâ progredi coactus sum, unde nec omnino in meditationibus jejunos, nec in tentaminibus profusus exitii: Qualiacunque tamen sim, ne dedigneris; utpote congesta à viro, qui Botanicis non assuevit studiis, alieno distractus negotio, cui gravior medendi cura otia deturbavit, & qui tandem nulla amanuensium ministrorumve concurrente opera, solus studia hæc absque amicorum ope congeffit, non ut tibi latum doctrinæ campum aperiret, sed ut valetudinariæ vitæ tædia contemplationis hujus lenocinio demulceret. Scio insuper, me in tam minimorum indagine rudia usurpasse instrumenta, & iconum delineamenta incompius exarasse. Si perfectiora acutiorq; vitra ad manus fuissent, & in delineando majori peritiâ valuissem, jucundius & distinctius opus minori cum labore tibi paraffem.

DE

D E C O R T I C E.

Plantarum organicum corpus ad varia Naturæ obeunda munera suis integratum partibus, anatomici cultri vel saltem oculorum aciem non cludit; & licet quælibet ipsius pars omni vasorum contexturâ donetur, variæ tamen in ipso, velut in animalibus, regiones designari possunt. Insignior pars occurrit, qua arbores, pleraque herbarum attolluntur: hæc radicibus quasi laciniato sui extremo affixa terræ, reliquo solvitur in ramos, à quibus folia, flores, & tandem semina pendent. Variis insignitur nominibus; caudex enim, stipes, & truncus, dum in arboribus, caulis autem in herbis, speciatim verò in fistuloris calamus appellatur, scapus in leguminibus, & culmus in frumentis vocatur. Hæc velut insignis thorax, magnæque Naturæ officina censenda venit; plurium namque vasorum viscerumque compage donatur, quæ ut facilius vegetent suoque in munere custodita perennent, exteriori amictu foveantur, velut animalibus accidit, quæ suis cooperiuntur integumentis. Exterius itaque hoc involucrium, quo quasi corio Natura utitur ad contegendam totius plantæ peripheriam, Cortex dicitur, interdum Viscus appellatur. Ut autem ad interiora rimanda viscera pateat aditus, hujusmodi primò examinandus venit, & exordio sumpto à simplicioribus ad arborum implicatiores structuras procedet exercitatio.

In *Tritico* itaque *Indico* 1. exterius, corticis loco, sub cuticula per longum fibrosum rete *A* excurrit, diversas areas *B* variæ figuræ efformans; evidentius autem patet, ubi subrubescit cortex. Exaratæ aræ utriculis replentur, quorum copiâ cauliculi reliqua moles componitur. T A B. 1.

In *portulaca*, præcipuè majori, 2. crassior est cortex, ejusque exterior superficies tenui obvelata epidermide fibrosum rete *A* exhibet, parum eminens, cujus spatia utriculis *B* occupantur, qui diaphano succo turgent: Licet autem confusa serie dissonantur, & coaptentur, crassam tamen zonam *C*, quâ corticis corpus excitatur, componunt: plurium angularum constant formâ; magnitudo quoque varia est; exteriores namque *D* minores sunt, mediæ verò ampliores. Utriculorum hæc zona ligneis fibris in cylindrum dispositis necitur.

Cichorii 3. cortex potiori constat partium apparatu, vel saltem, quæ veniunt in compagem, manifestius nobis patet. In hujus segmento horizontali exterius utriculi minimi *A* sub tenui cuticula, pilis confersâ, locantur, horumque copiâ, tota corticis crassities usque ad ligneam substantiam *B* cauliculi scaturit. Inter has, lignæ fistulæ, seu fibræ, in fasciculum *C* coagmentatæ, per longum excurrunt; vasa quoque *lactifera* *D* patenti hiatu lac effundunt: Necitur autem ligneo cauliculo *B*, cujus descriptio inferius habebitur.

Manifestius exarata emergunt in crasso *apii rustici* 4 cortice, cujus exteriorem portionem tenent utriculi *A* continuata serie deducti usque ad ligni confinium *B*; sub cuticula pariter disparati situantur fibrarum lignearum fasciculi *C*, quibus sectis, fistularum ora *D* patent. Confimilis ordo versus lignum *B* observatur, hujus tamen fasciculi *E* minores sunt. Inter utriculos crassitiem componentes, vasorum, gummi, lactis instar, effundentium ora *F* patent, & pluribus sericibus disponuntur.

Quæ hucusque illustravimus in expositis plantis, ob exiguitatem non facile sensus nostros movent; ideo subobscura latitant: Evidentius autem manifestantur indagatis corticibus Arborum, reliquorumque, qui simplici & distinctâ donantur compage.

In *Cannabis* 5 cortice, ablata cuticulâ *A*, quæ candidis spinis *B*, inferiora versus recurvis, cooperitur, varii utriculi virides occurrunt, sub quibus fibrarum multiplex rete conditur; cujus partem delineare placuit. Circa lineam portionem, involucri instar, per longum fibræ, reticulari opere contextæ deducuntur; hæc licet in fasciculos *C* colligantur, non unam perpetuò sequuntur costulam, sed frequenter proximo associatæ fasciculo, cui brevi comites sunt, iterum obliquatæ primo redduntur fasciculo. Ex hac itaque fibrarum divaricatione aræ *D* consurgunt, quæ utriculorum *E* copiâ replentur invicem coherentium, & horizontaliter situatorum. Succedunt subjectæ fibrarum contexturæ, quibus veluti tot involucri lignum circumdatur, quarum aræ sensim minores sunt, & acutioribus pollent angulis, donec propellignum *liber* excitetur, in quo fibrarum fasciculi parum obliquantur; unde minimæ sunt aræ. Quælibet fibra, seu lignea fistula, tot quadratis ferè corporibus *F* invicem hiantibus constat.

TAB. 2. In *salice*, & *populo* 6, evidentior emergit structura; in hac enim exterior cortex asper est; nam subcrenatis interioribus singulorum annorum incrementis, cuticula, cum dilatare nequeat, necessariò solvitur, unde temporis diurnitate, subiecti etiam corticis non pauca crassities altis perforatur fissuris. Abrasâ itaque cuticulâ in *tenella populo*, rete occurrit, quod fasciculis *A* de more multiplicibus fibris coagmentatis constat; inæqualis magnitudinis & figuræ aræ *B* excitantur, ex varia fibrarum *C* obliquitate. A singulo fasciculo *A* pendent & exoriuntur utriculorum ordines *D*, qui horizontalem servantes situm, versus lignum præcipuè diriguntur; unde per aræ *B*, intrâ elongatæ, corticis crassitiem excitant; reliquæ verò ab exteriori fasciculorum *A* portione enatæ fasciæ, obstante cuticulâ, & aeris inclementiâ, parum producuntur. Succedunt subjectæ reticularia involucria, quorum ligneæ fibræ *E* ab exarata obliquitate recedentes, arctiores constituunt aræ *B* solitis utriculis refertas. *Libre*, seu interior corticis amictus, ligno contiguus, fibrarum *G* pari progressu per longum componitur, ut minimæ aræ *H* horizontaliter ductos utriculos, & in lignum sese insinuantes admittant. Ingens est reticularium plenum *I* numerus; quibus tota arbor ambitur, & inter hos pendentes utriculorum ordines & racemæ *K* mediant; sensim tamen ita angustant spatia, ut minimi ferè interceptantur utriculi inter reticularia involucria *L*, quibus *liber* componitur. In

In *cerasis* & *prunis* 7, elegans quoque succedit *corticis* structura, in qua adhuc tenellâ, utriculorum horizontales ordines *A* sub cuticula patent, quibus veluti tot annulis universa arbor cingitur. His avulsis, laxum fistularum *B* rete per longum & latum extensum sese offert, quæ variè & obliquè ductæ inæquales excitant areas. A fibrarum fasciculis pendent de more utriculorum series *C*, quæ partim versùs lignum producantur, partim, extrâ elongatæ, cum urgente cuticula nequeant foras erumperè, & turgere, ad latera flectuntur, & in girum horizontaliter ductæ fasciam *A* efformant; quæ in *ceraso* præcipuè laceratione manifestatur. Exarata fibræ evidenter fistulosæ sunt, unde cum diaphanæ sint, subrubrum indicant contentum succum, quo non raro turgent. His avulsis, succedunt reliquæ fibrarum implicationes, quibus *corticis* crassities componitur. Eleganter itaque implicantur fibræ, & horizontales utriculorum ordines; ut lustrata *corticis* crassities fibrarum varios plexus *D* sese invicem continentes exhibeat, qui obliquè per longum producti, utriculorum ordinibus *E*, versùs lignum propagatis, locum præbent, & ita quasi superequitationes fiunt. Postrema *corticis* superficies, quæ ligno nectitur, crassis fibrarum fasciculis *F*, succo turgidis, componitur, quarum divaricatione evidentes subsistunt areae *G*, quæ utriculorum scriebus, in lignum sese insinuantibus, pervaduntur.

Non dispar compages deprehenditur in *quercu* 8, cujus cortex exterius T A B. 3. asperitatibus altisque foveis scatet, contabescens utriculis, & vascularibus, quibus primò excitabatur; in tenellis autem corticibus nondum tabefactis occurrit horizontalis utriculorum quasi fascia *A*, quæ extrema superficies componitur; sub hac fibrosum rete de more perpendiculariter, velut amictus, locatur, cujus vasorum fasciculi *B* per longum producti invicem implicantur, arcæque *C* excitantur, quas utriculorum horizontaliter versùs lignum ducti ordines *D* occupant. Plures sunt fibrarum sese continentium ordines, inter quos implicatio quoque reticularis succedit. Spatia ab obliquitate fistularum relicta, angustiora sensim redduntur, quæ utriculorum series lignum penetrans pervadit. Hæc autem, lustrata *corticis* crassitie, obvia fiunt; nam ab exteriori ejusdem superficie usque ad *librum*, penè innumeri observantur fibrosi amictus *E*, qui interdum communicatâ invicem fibrarum portione *F* implicantur: Inter hos utriculorum ordines *G* situantur, quorum perpena inclinatio versùs lignum succedit. Hoc peculiare tamen observatur in *quercu*, quod *populo* interdum & aliis familiare est; inter utriculorum series dari corpora *H*, tesserarum instar, obtusis tamen angulis solida, & scæpe ossæ, quæ utriculorum rectis ordinibus coagmententur; quæ quasi tartaro concreto turgida, densum & obdurum excitant corpus. Hujusmodi vero tartarizata corpora *H* irregulariter situantur, & in tenellis etiam corticibus, minora tamen, con crescent. Aliud pariter in *cortice* & ligno *quercus* observandum contingit; præter enim transversalium utriculorum ordines *G*, quibus minima arcæ *libri* *I* occupantur, frequentes etiam interscruntur horizontales zone utriculorum amplæ, quæ à cortice in lignum deducuntur;

tur; hæ ut plurimum mollibus utriculis succo turgidis complentur, interdum petrificantur, & saxæ excitantur portiones *H*.

Analogam exaratæ structuræ compagem in quibusdam Fruticibus observamus, & præcipuè in *rubo* 9, cujus rami in cylindricam, quandoque quadratam, formam inclinant. Hi per transversum sectum superinductum exhibent corticem, qui exterius cuticulâ ambitur; in reliquo autem viridibus utriculis *A* variè configuratis componitur: In horum medio, fibrarum lignearum fasciculi, semilunarem formam æmulantes *B*, continentur, & exteriorem longitudinem pervadunt, ipsarumque ora patent. A cortice interim, utriculis *A* excitato, eisdem portiones *C* versus medullam elongantur, veluti tot lineæ à circumferentia in centrum ductæ; & inter hæ corticis productas portiones lignea substantia *D*, quæ secta per transversum, pyramidem describit, locatur.

In *Vitis* pariter segmento 10, paucorum licet mensium, crassus extenditur cortex, cujus utriculi exteriores exsiccati, & tabidi, epidermidem constituunt; reliqui *A* inæquali pollentes formâ, amplum semisphericum amplexantur fibrarum fasciculum *B*, quæ hiantibus orificiis patent. Eadem corticis compositio versus lignum producit, & quatuor, quandoque plures, fibrarum fasciculos *C* amplexatur & stipat, vel satius, ab his pendet distinctus in stria. Ab hac corticis congerie versus centalem medullam exporriguntur productiones *D*, oblongis utriculis horizontaliter ductis, excitatæ, quæ ligneas portiones *E* hinc inde ambientes, in medullam laxantur.

Tam variè excrescunt utriculorum ordines, quibus cortex componitur, ut in aliquibus extrâ erumpentes, monstruosos pariant tumores; hos in *opio* & *ulmo* præcipuè 11 miramur. Nam in hujus tenello furculo *A* sensim exigui attolluntur tuberculi *B*, à quibus cuticula *C* dirumpitur, & paulatim horizontalibus utriculorum ordinibus *D* congestus humor monstruosum reddit furculum.

Jam indagatis singulis partibus, quibus cortex in diversis vegetantium generibus componitur, ~~hæc est, ut postremo structuram addam,~~ qua peculiare vasorum genus magis elucescat. *Abies* 12 itaque in tenellis præcipuè ramis, suo gaudet cortice molli, nec multum exterius aspero; hic per transversum sectus, utriculorum series *A* præcipuas, versus lignum directas, patet; reliquum diversis fibrarum involucris *B* excitatur: Non longè tamen ab extima præcipuè regione, vasorum ora *C* diversæ figuræ patent, quæ *terebinthinam* fundunt. Hæc tubulosa sunt, & gibbositatibus *D* scatent, & interdum obliquè ducta confociis anastomizantur vasculis.

Lustrata hucusque in variis vegetantibus corticis structura nobis indicant, hunc multiplicibus integrari particulis; inter quas, primas obtinere videntur *fibræ ligneæ*, quæ antiquitus nervi, filamenta, & petiænes, appellabantur: Sunt autem tubulosa corpora subingredientibus liquoribus pervia, ipsarumque structura tot quadratis constat corporibus, concavis, invicem hiantibus. Vasa hæc nec recta, nec parallela ducuntur; ut plurimum in fasciculum coagmentantur. Ho-

rum

rum aliqua iterum inclinata, & separata, recte efficiunt, unde tot delineata reticularia involucria, quibus lignum ambitur. Subintrans itaque humor sursum ascendit, & quasi suspenditur; singula namque portio, quæ invicem fibrarum frustula unit, cum parum interius emineat, *valvulae* vices supplet, & ita minima quælibet guttula veluti per funem, seu per gradus, ad ingens deducitur fastigium. Hunc autem ascensum non tantum fistularum interior asperitas juvat, sed & successiva aeris temperies, (calida *sc.* & frigida, ex diei noctisque variis crassibus,) ejusque elasticus motus, qui exteriora corticis involucria urgens, contentorum liquorum motum superiora versus promovere & juvare potest; quæ singula sagacioribus Mechanicis demonstranda relinquo. Ab expositis fistulis horizontales utriculorum ordines pendunt, & erumpunt: Etenim dum tenelli adhuc corticis fistulae vi cveluntur, continuatæ utriculorum appendices subsequuntur; & *gallarum* diligens indago hujusmodi exortum præ cæteris indicat: quod Foliorum & Pericarpii icones abundè demonstrabunt. In hos igitur transversales utriculos ascendens humor, *chyl*i instar, exoneratur, ibique longiorem passus moram, antiquiori succo intimè commixtus, & fermentatus, in naturam alimenti exaltatur; unde in quibusdam vegetantium utriculis, præter inutilium transpiratum, debite succedunt præcipitationes, tartareæ præcipuè materiae, non dispari ritu, ac fit in elicitis quibusdam vegetantium succis, diu in naturam vini fermentatis, à quibus tartareæ præcipitatae partes, circa continentis vasis superficiem subsidentes, concresecunt. Hujus itaque concretionis continentium utriculorum ordines petrificantur, ut in *quercus*, *populi*que cortice, tesserarum sub forma, admirati sumus. Copiosius admodum in corticis hujusmodi horizontalibus appendicibus excoquitur succus, qui ligno reliquisque plantarum partibus distribuitur; unde nil mirum, si cortex abundantius & validius pabulum, præ reliquis plantarum partibus, igni subministrat.

An expositi humoris concoctio in utriculis celebrata nutritivum illud succum edat, quem in *expresso*, *pino*, & *alio* creberrimè specie miramur; in aliquibus, ut *ficu*, *tithymalo*, *cichorio*, *apio rustico*, &c. lactis instar, dubitari potest. Peculiarior enim hæc vascula, (*arteriarum*, vel saltem *nervorum*, instar,) non solum corticem, sed & lignum, & reliquas vegetantium partes irrigant, & concocto turgent succo, qui longè elaboratior videtur ac est humor ligneis fistulis contentus.

Præter exaratum alimenti coctionem, peculiari videtur cortex munerì dicari; auctiori *scil.* & vegetantium incremento: Arborum enim augmentum contingit, (ut suo loco indicabitur,) novis singulo anno additis fibrarum involucriis, quæ horizontalibus utriculorum seriis implicita sensim soliditatem nanciscuntur, tandem veram ligni obtinent substantiam. In *libro*, Natura quoquo tempore fibrarum ordines de novo excitat, vel saltem augmento manifestat, quas descendæ alimoniae, permittente mollitie, assuescere cogit, & tandem firmatas, contiguas ligni partibus hærentes applicat, & ita fit novum, inducta ligni zonâ, trunci & ramorum augmentum. Ex hoc colligere

fas est, præcipuam arborum partem esse corticis portionem, quæ ligno necitur, cujus ope plantæ vitam perpetuant, (ut in *salice*, *populo*, & *oleis* experimur) & auctiores redduntur trunci; germinatio item & fecunditas succedunt. Hinc loco tutelæ exterior corticis portio, quæ plurimum aeris injuriâ, & transpiratu tabefacta, exanimis & rigida redditur, *libro* additur, qui & interiùs etiam subiectum lignum non parùm tutatur. Quare probabile est, plantas, quarum caules annotini sunt, vel faltem per longum tempus non durant, nec lignea portione in cylindrum coagmentatâ gaudere, à Natura cortice privari, foliâque cuticulâ, vel exiguis fibrarum fasciculis donari; in reliquis verò in quibus per longum tempus exigitur augmentum, in cortice, velut in prima staminum delineatione, lignearum fibrarum ordines in *libro* parari, & deponi, ut statò tempore auctiores emergant.

De partibus Caulem vel Caudicem componentibus.

A Vulso lustratòque cortice, *caudicis* seu *caulis* corpus occurrit, quo arboribus & herbis firmitas conciliatur. Thorax est multis vaporum generibus visceribusque compactus, quæ uno *Ligni* nomine in arboribus antiquitas complectebatur; distinctiùs verò, fibrarum, nervorum, carnis, seu pulpe, & medullæ appellationibus distinguebat. Hæc autem tam exigua sunt sortita molem, tamque invicem implicita propagantur, ut pro sui examine longam exigant indaginem.

Simplicior igitur contextura in tenellis caulibus *herbarum* occurrit, TAB. 4. & præcipuè in *Portulaca majori* 13; quæ per transversum secta, immediatè sub cortice, qui variis utriculorum scriebus *A* constat, inæqualis magnitudinis fasciculos fibrosos *B* exhibet: Hi ligneis fistulis per longum ductis, & caulibus jam deprehensis in cortice, constant, in medio verò alia hiant vala, *C*, quæ perpetuò patula sunt, & *Spiralia* interim appellare licebit. A fibrosis fasciculis pendunt utriculi *D* oblongi, qui sensim majores fiunt, pluribusque scatent angulis, ut faciliùs invicem adaptentur: Levi excitantur, pellucidâ diaphanaque membranâ, & decolori turgent humore.

In *tritici* culmo 14, reliquisque consimilibus, tenuis licet, quasi fistula & tubus, excavatur cylindrica caulis substantia. Consimili gaudet partium apparatus: Exteriùs etenim loco corticis varii utriculorum ordines *A* excurrunt, qui inæquali magnitudine pollentes, ut plurimum angulares sunt. Non longè ab his lignei fasciculi locantur, quorum tres frequenter numerantur ordines *B*; singulos ipsorum lignei tubuli & fistulæ exteriùs componunt, & tres spirales fistulas *C* amplexantur orificiis perpetuò hiantibus. Non longè ab his quartum occurrit vasculum *D*, quod *proprium* cenfeo: Reliquum areæ, utriculis *E*, qui faciliè exciscantur, & deplentur, sese invicem urgentibus coagmentatur.

In *grano Turcico* & *Indico* 15, eadem structura, copiosiori tamen munificentia, elucescit; exteriorem namque caulis circumferentiam, gemini, & quandoque plures, fasciculorum ordines *A* per longum producti tenent. Consimiles pariter fasciculi *B* per reliquum areæ disperguntur, irregulari situ locati. Quilibet fasciculus lignearum fistularum *C* congerie consistat, & interius tres spirales fistulae *D* continentur, quarum amplior *E* quatuor frequenter amplexatur. Non longè ab his peculiare hiat vas os *F*, quod proprium reddit succum; reliquum areæ fistularum ora exhibet. Exaratos itaque ligneos fasciculos varii utriculi *G* ambiunt, inaequaliter configurati, lucida excitati tunica, succoque diaphano turgidi. In *cinarâ* eadem mirari licet, ubi partes solidiores redditæ ligneam magis sapiunt naturam.

Parem partium compagem *filicis* caulis 16 possidet. Hujus varii, copiosique fasciculi lignei *A*, absque ordine situati, diversimodè configurantur, & in medio lignearum fibrarum spirales fistulas *B* hiantes custodiunt. Fulciuntur autem, & quasi stipantur, utriculorum ordinibus *C*, qui interdum longè minores sunt exaratis fistularum orificiis. In *palma*, & *arundine Indica* ferè similis observatur contextura; dispersis enim fibrosis fasciculis & spiralibus fistulis compaginatur, ambiens hinc inde utriculorum seriebus.

Minori licet partium *apparatu* procedat Natura in *herbaceis* quibusdam caulibus, majori tamen *ordine*, multumque proximo ligneæ arborum portioni incedit, ut in *endivia* miramur 17; circa cujus exteriorem oram ligneæ portiones *A*, in quibus fistularum spiralem ora aperiantur, versùs centrum quasi tot lineæ diriguntur, & hinc inde minorum utriculorum gracilibus ordinibus ambiuntur, ita ut involucrum fiat solidum & densum. Interiora versùs, insigniores locantur fasciculi *B*, qui grandioribus spiralibus fistulis *C* & ligneis fibris compaginantur: Tota pariter areæ sacculis seu utriculis angularibus lucidis excitatur.

In *Cichorio* 18, pariter item lignei fasciculi *A*, oblongiores redditi, multis fistularum spiralem orificiis *D* pervii sunt, & reliquum utriculorum serie *C* repletur.

A *caulium* indagine, transitum faciamus ad firmiorem ligni compositionem, in *Fruticibus* & *Arboribus* detegendam. In *rubo* igitur, & T A B. 4. vite 19, avulso cortice, (cujus descriptionem superius habuimus,) si exterior superficies per longum examinetur, arcum rete, ex fibrarum fasciculis *A* excitatum, sese offert: Hujusmodi autem fistulis ligneis compaginantur, quæ quasi vermicularibus tubulis *B*, invicem hiantibus, componuntur, quorum productio flexuosa est: Tenui constant membranâ, & exterius & interius per longitudinem ligni excurrunt. Intermediæ areæ *C* transversalibus utriculis *D* occupantur, qui horizontaliter à cortice deducti in medullam desinunt. Patent autem secto per transversum ramo seu caudice, hujusmodi etenim in fasciculum seu fasciam *E* recollecti, veluti tot rotæ radii à circumferentia exorti, in medullam *F* quasi in axem diriguntur, non tamen omnes ipsam attingunt, sed frequenter alternatim gracilior suborta fascis *G* versùs

G versus interiora ligni obliterari solet. Componentes utriculi licet omni ferè consent formà, per sepe ovalem possident configurationem, & in consumptis lignis argentei sunt. Cortici aded hærent, ut ipsius productiones evidenter videantur, quæ statim ac à ligneis particulis lateraliter urgentibus profluunt, in medullam laxantur: Hæc amplior est in furculis, ac est in antiquioribus ramis; & utriculis scè angustantibus, grandioribus tamen ac in reliquo cortice, componitur. Intercepta area in delineato segmento inæqualia spiraliū vasorū ora *H* exhibet: Horum forma frequenter ovalis, vel saltem rotunda est, interdum angularis; & quandoque plures hujusmodi fistulæ ità scè urgent, ut semilunaria orificia juxta se posita *I* efforment. Ambiantur autem à fibrarum lignearum continente satclitio, & ab intercurrentibus transversalium utriculorum ordinibus firmantur. Singula hæc distinctius occurrunt scèto per longum ligno: Interior namq; perpendicularis altitudinis superficies spiralia vasa *K* inæqualis magnitudinis offert, hæc tubulosa sunt & subrotunda, identidem tamen angustantur, & perpetuò patent, nullumque, ut observare potui, effundunt humorem: Argenteà laminà *L*, in spiram contortà, componuntur, ut faciliè laceratione, (velut in bombycinis tracheis expertus sum,) in hanc oblongam & continuatam fasciam resolvantur. Lamina hæc, si ulterius microscopio lustretur, particulis squamatim componitur; quod etiam in tracheis insectorum deprehenditur. Spiraliibus hisce vasculis, seu ut verius loquar, tracheis, ligneæ fibræ *M* adstant, quæ secundum longitudinem productæ, ad majorem firmitudinem & robur, transversalium utriculorum ordines *N* superexquant, ità ut fiat veluti storea.

TAB. 5.
& 6.

In arboribus, quibus ingens assurgit truncus, variè pariter inseruntur componentis ipsius partes; quare, detracto cortice, in lignea portione, caudicem, ramos majores & minores excitante, elegans occurrit structura; quam primò in *salice*, & *populo* 20 perquiremus; quæ ut promptius & clarius pateat, ligneæ portionis scèto perpendicularitèr à cortice in medullam fiat: Copiosè etenim emergent ligneæ fistulæ *A*, quæ quasi parallelæ deducuntur, & transversalium utriculorum ordines *B* ità superexquant, ut firmus fiat nexus. Hujusmodi transversales ordines à cortice emanantes, versus medullam horizontaliter deducuntur; non tamen singuli ipsam attingunt, sed novi, non longè à medio suborti, eandem implicationem, dum versus centrum deducuntur, subeunt. Inter ligneas fistulas *A*, spirales fistulæ *C* longitudinem excurrentes locantur, quæ patulo ore jacent.

Non minori vasorum apparatu & implicatione excitatur *roboris* & *querqus* 21 lignum, quo truncus reliquique rami constituentur. Exterioris per longum ligneæ fistulæ *A* excurrunt, obliquæ tamen, ut arcæ *B* resultant, pro diversis utriculorum seriebus horizontaliter ductis. Præter has areas, alia insuper à laxatis curvatisque fibris ampliora excitantur spatia, oblonga & angulari formà prædita, quæ insignes veluti fasciæ, utriculorum ordines *C* replent. Interiorem perpendicularem regionem, ferè totam, fibrarum moles *D* occupat, quæ obliquè per longum ductæ talem sortiuntur implicationem, quam ruditer adumbrare tentavi:

Hujusmodi

Hujusmodi fistulae tubulosae sunt, orbiculis invicem hiantibus *E* contextae, & transversaliter ductos utriculorum ordines *F* supercquitando fortem contexturam excitant. Copiosi & ferè innumeri sunt horizontalium utriculorum minores ordines *F*; reliqui verò *C*, qui insignioribus constant utriculis, sunt numero minores. Inter lignearum fistularum contexturam elongantur spirales fistulae *G*, quarum aliquae *H* insigniores sunt, reliquae graciliores. Tubulosa haec corpora tenui lamina de more excitantur, quae at argentei coloris est, & in spiram contorquetur; haec eadem, quasi piscium corium, corpusculorum squamatim contexturam speciem exhibet. Trachearum & reliquorum situs, indagato ejusdem ligni horizontali segmento, facilius patet: In hoc itaque copiosissimi excutunt utriculorum minores fasciae, seu ordines *I*, à cortice versus medullam deducti, qui à recto declinant tramite, ubi trachearum turgentia flectuntur, & curvantur. Utriculorum transversalium adauctam magnitudinem in extremo iconis addere placuit; oblonga etenim constant formâ, sibi quae invicem hiant; interdum urgentibus tracheis veluti isthmo coerciti, ita detumescunt ut ferè obliterentur. In oblongis arcis, quae inter enarratos ordines *I* intercipiuntur, trachearum ora aperiantur; istae hinc inde ligneis fibris firmantur, & ambiuntur, quarum delineationem omisimus. Inaequalem magnitudinem sortita sunt trachearum orificia; determinati namque ordines trachearum insignium *K*, quasi tot inaequales circuli sese continentes, ligni segmentum complent; reliquum verò areae spatium, inter haec insignia trachearum ora *K* contentum, minimis hiantibus tracheis *L* occupatur. Ampliores spirales fistulae *K*, frequenter *pulmonares* quasi *vesiculas M*, trachearum substantia excitatas, continent; haec quandoque invicem hiant, interdum ovali constant formâ, & altero nonnunquam sine impervii sunt, ita ut parùm dissimiles pulmonaribus vesiculis insectorum extent.

In ramis *castaneae*, & *quercus* 22, quatuor vel quinque annorum, TAB. 6. per transversum sectis, utriculorum horizontalium productiones *A*, versus medullam elongatae, emergunt; inter quas lignae portiones *B* intercipiuntur, in quibus ampliora trachearum ora *C* sub determinatis circulis aperiantur. In ligneis portionibus seu arcibus *B*, appendices *D*, diversam substantiam & colorem referentes, interseruntur, quae continuatae cum transversalibus utriculorum ordinibus *A*, quasi pendentes utriculorum racemi non immerito censendae veniunt.

Castaneae truncus 23, & ejusdem continuata lignea portio, consimili gaudet partium compage. In secto per transversum caudice, trachearum insignium ora sub iisdem circulis locata occurrunt; utriculorum pariter copiosae portiones à cortice in medullam deductae. Per amplae sunt trachearum fistulae, ut non facile talem in reliquis lignis amplitudinem reperias; quare, secto secundum longitudinem ligno, ingens trachearum satellitium sese offert, quarum ampliores *A*, spirali excitatae zonâ *B* interius, pulmonaris instar lobi, vesicularum *C* congeriem fovant: Reliquum ligni, transversalium utriculorum ordinibus *D*, & ligneis fi-

stulis *E*; mutuò implicitis, completur, interpositis minimis tracheis *F*.

*Ulm*i, *cerasti*, *mori*, & similium, elegans pariter est ligni contextura, & fortè minùs obscura, ob colorum varietatem, quæ in transversalibus utriculis luxuriat. Parem insuper structuram in *Indico ligno* 24, vulgò *campeggio*, animadvertimus, cujus exteriorem superficiem fibræ excurrunt, & curvatæ areas excitant, quæ utriculorum diversi coloris horizontalibus fasciis pervaduntur. Idem lignum perpendiculariter sectum, & lustratum, ut plurimum parùm absimilem ab exarato icone speciem refert. Trachica *A* insignis magnitudinis, si fibris comparetur, illico patet; hæc tubulosa est, solitæque excitata zonâ argenteum refert colorem, & squamulis compaginari videtur. Succedunt lignæ fistulæ *B* rubicundi coloris, quæ & ipsæ subrotundis orbiculis componuntur, & obliquè ductæ, variè horizontales utriculorum ordines *C*, glutinoso succo repletos, superoquitant.

Abietis & *Cupressus* lignum, ob suarum particularum exiguitatem & luciditatem, difficillimæ est indaginis; prout tamen subobscurè mihi emerfit, hujus exhibeo iconismos. Sub cortice 25 occurrens lignum, fistulis *A*, quas probabiliter tracheas esse censeo, gracilibus componitur; hæc argenteis laminulis contextæ, à lattribus subrotundos emittunt tumores *B*. Hinc inde lignæ portio *C* locatur, quæ identidem curvata, angulares areas *D*, pro utriculis horizontalibus, designat. In ejusdem interiori portione perpendiculari institutâ ligni sectione secundum transversalium utriculorum progressum, eadem trachæ *E* pellucidæ longitudinem excurrunt, & copiosos hinc inde promunt tumores *F*. Tam frequentes sunt, ut totâ ligni compages his solis componi videatur. Inter has, lignæ fistulæ *G*, graciles tamen, interferruntur; unde laceratione subobscurè emergunt. Trachearum ordines transversales utriculi *H*, oblongâ constantes figurâ, coloris subvitellini, superoquitando excurrunt, & cum ipsis implicantur. Stans pariter locis observantur vasa *I*, quæ secundum longitudinem producta totum irrigant lignum: Hujusmodi terebinthinam fundant, & venæ componuntur fistulæ. Singulorum minùs obscuram reddit noticiam segmenti indago; nam in hoc exaratum trachearum patula sunt ora *K*, quæ irregulari pollent formâ, & pluribus angulis scætant, itâ ut invicem sese comprimant, & angustent. Inter ipsa mediant lignæ fibræ minimæ, & utriculorum ordines *L* horizontaliter ducti.

Jam *Caudicis* & *Caulis* in Vegetantibus, quæ facillè ad incas devenire manus, insignem thoracem, lignique compagem, prout instrumentorum meorum ruditas attingere potuit, rimatus sum; nec improbabiliè enunciare licet, *Lignum* constare fibris seu fistulis, tracheis, utriculorum horizontalium scriebus, (quæ in aliquibus in medullam desinunt,) & vase proprio: Et licet in quibusdam caliculis Ligni soliditas & continuata contextura in cylindrum compaginata non emergat, disparati tamen fasciculi, quasi per medullam dispersi, veram ligni sapiunt naturam. Præcipua igitur ut plurimum, & potior trunci caulisque portio, ligneis fistulis excitatur. Sunt autem hæc fistulæ

stulæ ejusdem naturæ cum exaratis, corticem compingentibus; iisdem enim componuntur minimis vacuisque orbiculis, invicem hiantibus; & consimilem admittunt succum. His accedat, (ut infra patebit,) libri portionem, interiores scilicet fibrarum corticis portiones, & involucria, antiquo ligno agglutinata, truncum augere, ita ut non raro oblongam & continuatam fibrâ, mox in lignum ferruminatam, paulo infra, corticis naturam adhuc servantem, animadverterim; unde nil mirum, si in truncis & ramis arborum, quibus corticis exigua portio detracta est; subiecta lignea pars cortice destituta nunquam augmentum capiat, sed suberescens, velut in ulceribus & vulneribus, circumcirca ligneis labiis, ex superstite jam cortice, sensim in lignum agglutinato, profunda subsit cavitas: Ex quo conjectari patiter licet, inter exaratas ligneas fibras *anastomosim* intercedere, ita ut delatus succus lateralibus & proximis derivari possit; cum enim certò hujusmodi fistulæ, recta sursum productæ, in dicta corticis incisione lacerentur, & evidens cum superioribus tollatur continuïtas, cum adhuc succedat augmentum, viraque perennet, necessariò fatendum est, in contiguas & laterales exonerari inferiores fibras, illasque detruncatis tandem superioribus fibris succum reddere. Nec novum est, ligni augmentum lateraliter etiam succedere, quotiescunque ingens etiam concavitas in caudice occurrit, vel inane spatium excitatur; cum detruncatis ramis, turgente caudicis succo, exteriores & suberescens ligni particule, per modum involucri successivè obductæ, adeò lateraliter crescant, ut cicatricem jam detruncati rami cooperiant, & extrâ tumores seu toros, quasi nodos, excitent. In hoc itaque excitando miræ sunt fibrarum & reliquorum vasorum contorsiones & revolutiones labyrinthicæ, ut Naturæ lusus videatur. Taliter ductæ lignæ fibræ succo replentur, qui ex Naturæ legibus sursum pellitur; non tamen interius valvulæ ex toto occludentes locantur, cum furculis & grandioribus etiam ramis, apice inferius humato & plantato, alimenti terminus invertatur, novæque gemmæ mutatâ directione crumpant; ut præ cæteris patet in *ficu*, & *sabo*. Hoc tamen perpetuò evenit, plantatos taliter hujusmodi furculos minùs proveciores fieri.

Ligneas fistulas truncum componere, & transversalium utriculorum seriebus implicari vidimus, unde ligni robur & alimenti coctio in dispositis officinis perficitur. Utriculorum igitur ordines ovalibus invicem hiantibus corporibus compaginantur, unde & contento succo turgent, & diverso inficiuntur colore.

Ampliores sunt utriculi & tumidiore, & fortasse etiam ipsorum ordines multiplicantur in reciso trunco, superstite adhuc radice, modicòque caudicis; hoc præ cæteris in *queru* & *robore* 26 experimur, T A B. 7. cujus vegetantis adhuc caudicis frustulum talem exhibet speciem: Sursum elongati fibrarum fasciculi A diversas areas efformant, quarum consuetam servant magnitudinem B, reliquæ, verò, variè turgentibus utriculis C, laxate in ingentem extenduntur latitudinem, ita ut monstruosam fræ acquirant formam. Singulorum utriculorum licet non una sit forma, frequentius tamen ad ovalem accedunt, & urgente fibrarum

fibrarum texturâ non rarò comprimuntur. Tenui probabiliter excitantur membranâ, quæ soliditatem tractu temporis concipit affuso succo, quo tunc consumpto, laxa mollisque superest pellicula. In iisdem etiam consumptis lignis vascula, utriculos ipsos reticulariter ambientia, occurrunt; unde conjectari licet, vasorum plexibus transversalium sacculorum ordines irrigari; & in medullæ utriculis *sambuci*, *ebuli*, & similium, multiplex vasculorum plexus luxuriat, quo singuli ambiuntur. Enascuntur probabiliter à rectis ligneis fibris tum corticis, tum ligni; nam in utrisque utriculorum ordinibus unam eandemque naturam reperiri dubitavimus. In quibusdam Caulibus (ut diversis indicavimus iconisimis) lignea dispergitur portio, in peculiare recollecta fasciculos; & hinc inde pendent utriculorum ordines: In Arborum verò truncis lignea portio, continuatâ à cortice in medullam implicatione, radios excitat partes, quæ hinc inde ab appendicibus & productis utriculorum seriebus ambiuntur. Et sicut in Caulibus, utriculorum ordines, ex situ & continuitate à fibris enasci probabiliter evicimus, ita in truncis non incongruè enunciare possumus. Non idem est utriculorum situs in arborum caudice, ac sit in reliquis plantarum caulibus; in illo enim cum ligneis fibris, à quibus exoriuntur, horizontaliter ducti, angulum rectum efformant, & elegantem implicationem cum contiguis fibris fortitæ, rectam ferè horizontalem lineam designant; quod in caulibus non ita contingit, cum hucusque diversimodè locari viderim. Utriculorum exortum *gallarum* indago, (alias exponenda,) indicare videtur, in qua præ cæteris à ligneis fibris pendent & emanant copiose utriculorum ovalium appendices, quibus *gallæ* corpus conglobatur; foliorum pariter, florumque structura, & pericarpium ipsum, (suis locis illustranda) ulterius confirmant.

Transversales utriculorum ordines, à ligneis fistulis pendentes, in fasciculos & fascias recolliguntur, quas in *quercu* insignes mirati sumus. In *Fruticibus*, & in quibus non valde crassum est ligneum corpus, & condita medulla ampla est, à cortice, utriculorum appendices in medullam deducuntur, & in ipsam laxantur: In grandioribus tamen truncis, & Arborum ramis, non quilibet utriculorum fascia à cortice deducta medullam attingit, sed nonnulla circa medium obliteratur, novis subortis in penioribus ligni circulis. Quare rationi consonum videtur, à ligneis fibris frequentissimas promi hujusmodi appendices, seu ab ipsis pendere exaratas utriculorum stirias, quæ contiguis unitæ, & horizontaliter situatæ, inæqualis longitudinis fasciculos cum congeriem efformant, quorum tanta est quantitas, & magnitudo, ut ferè æquent reliquorum vasorum numerum & magnitudinem. Transversales utriculorum ordines, à cortice emanantes, per ligneas fibras, producti interius in medullam exonerantur, unde eadem natura in utrisque reperitur; quandoque cortex, cum sit veluti ligneus infans, cuius partes nondum adoleverunt, nec firmatæ subsistunt, suæ auctionis materiam in pendens utriculorum seriebus fovet & servat; medulla verò in tenellis & paucorum mensium furculis, quasi interior cortex

tex luxuriat, non adauctis adhuc tenellis ligneis fibris, quarum incremento ferè contabescit; unde in infantibus tantum furculis perpetuò reperitur; quin & eadem phenomena, quæ in corticis utriculis contingunt, quandoque in medulla occurrunt.

In ramo *populi* vetustissimæ, cupis furculi & minores rami brevissimi sunt, institutà per transversum sectione, cortex crassius occurrir 27, innumeras tartareas testas *A* inter minores utriculos continens; interius detruncati fibrarum lignearum excurrunt ordines *B*, sub quibus utriculorum minimorum zona *C* extenditur, quæ ligneum cylindrum ambit, cum hac tamen ratione, ut geminis in locis *D*, laxatà ligni compage, corticis utriculorum ordines *E* cum medulla continuentur, in qua non tantum utriculorum eadem species adest, sed & tartarea corpora *F* copiose recolliguntur.

In *ferulaceis* & *fruticibus* quibusdam brevioris vitæ, copiosa extat medulla; fortasse ut in liberiori loco multiplex humor excoquatur, & facilius expiret, & sicuti citò crescunt, citò pariter pereunt; aqueus enim nutritivus humor, medullà contentus, non talem præbet soliditatem, qualem reliquis arboribus transversales utriculorum ordines impertiuntur. Quare probabiliter conjectari possumus, plantarum hujusmodi medullas, transversales esse utriculorum ordines, hinc inde à dispersis fibrarum fasciculis pendentes, nec fibrarum lignearum implicatione firmari, velut reliquis ligneis arborum contexturis accidit.

Medullæ usus olim insignis, cordi & cerebro analogus credebatur; transversales autem ordines, unà cum medulla, conspicuo & communi usui inservire necesse est. Probabile igitur est, succum, qui per fibras ligneas sursum fertur, per caulem & caudicem, appendicisque ramos, in utriculorum laterales & continuatas appendices sensim exonerari, ibique diuturniori intercedente morà in nutritivum succum evahi. Et, sicut in animalibus perfectis nova alimonia sub chyli speciei venas subintrat, ubi antiquo sanguini, pluribus ditato fermentis, (lymphâ scilicet, et aliis,) commixtus perenni circulationis motu rotatus, totius corporis habitus, peculiare scilicet, carni, viscerum, & interstitiorum officinas, subintrat, à quibus recollecta, sensim determinata fermenta recipit, ut, horum ope ad debitam evectus naturam, succedente transpiratu & excrementorum præcipitatione, animalis munia subire possit; Ita in plantis delatus à ligneis fistulis crudus adhuc succus illico affunditur antiquo & jam perennanti in utriculis succo, & longiori morà in naturam quasi fermenti exaltatur. Hic igitur conquiescens humor proportionales fermentorum miscelas recipit, quas in animalibus sanguis in circulatione visceribus & ambitu perquirat. Concoquitur itaque in horizontalibus utriculis & medullà ipsa succus, & in ipsis recollectus asservatur, ut futuris & proximè erupturis gemmis, & tenellis foliis præsto sit. Hinc fortasse bulbus, cepæ, & similia, crassiores sub terra condunt quasi truncum, transversalibus utriculis turgidum, ut excoctus humor non solum futurorum foliorum materia extet, sed, veluti fermentum, de novo adveniens, alimentum concoquat & digerat. Quare eadem de causa forsitan continget,

K

furculum,

furculum, exiguae licet molis, insigni alterius naturæ trunco inoculatum & infusione unitum, fructus promere diversos à natura subiecti trunci, qui primò alimentum suppeditat: Tota enim variatio non in solam fistularum formam, peculiarem admittentem succum, longèque diversum à cribrato per subiectas caudicis fibras humore, refundi debet, sed in naturam succi, in transversalibus utriculis contenti, qui quanto potentior est, tanto fortius coctionem perficit.

Inter vasà, plantarum thoracem repleta, insignes fistulas perpetuò patulas reperiri, inductione collegimus; has *spirales*, à compositione, placuit interdum vocitare, verius tamen *tracheas* ab officio. Multis ab hinc annis mihi innotuere in singulis arborum truncis, cauliculis, foliis, floribus, reliquisque partibus, quibus vegetantia integrantur, ut signatim patebit. In lignea portione, ut indicavimus, magis & minus copiosè luxuriant, talèmq; nanciscuntur situm, ut perpetuò lignearum fibrarum fasciculo, veluti vaginà, ambientur, & in cauliculis quarundam plantarum, trachearum collectiones ligneis fibris ita ingeniosè associantur, ut Naturæ mysterium necessariò subsit.

Cinarae 28 caulis mirè componitur; variis enim fibrarum fasciculi compaginantur: Interdum triplex fistularum lignearum collectio *A* geminos trachearum ordines *B* intercipit & ambit; quandoque gemini trachearum fasciculi *A* unicum fibrarum acervum *B* amplexantur, & urgent.

Trachearum compositionem superius innuimus; argentea namque lamina in spiram contorta fistulam perpetuò patentem excitat, & squamatum contexta, tubos & vesiculas, persimiles insectorum pulmonibus, variè componit. Et sicut in nobis reliquisque sanguineis perfectioribus trachea, cartilagineis annulis componitur, qui interpositis musculis & membranosis nexibus continuantur; ubi verò illa in pulmones laxatur, annulorum continuïtas tollitur, & diversè excitantur laminae, talitèrque contextæ locantur, ut sese invicem squamatim subingredi, connivere, & ad tempus exeri possint; ità in plantis & insectis, loco annulorum, spiralem laminam Natura fabrefecit, quæ squamosis frustulis compacta, constrictionem & dilationem in vehementibus flexuris & curvationibus arborum, & in elastico conclusi aeris motu, pati potest. Taliter excitatæ plantarum tracheæ, non multum à recto declinantes, à radicibus sursum in truncum, caulem & ramos disperguntur; in foliis verò curvatæ, in rete implicantur.

Interdum in caudicibus quibusdam non longè à radicibus, ut in *moro* 29 frequenter deprehendi, eminentiæ quædam ligneæ protuberant, quæ vaginæ instar tracheas custodiunt, quarum varius est progressus; unus quandoque exterius videtur truncus *A*, qui in plures fistulas *B* solvitur; non raro per transversum ducuntur tracheæ *C*; & ubi ex crumpentibus præcipue ramis ample contingunt arcæ, vel spaciâ, huiusmodi tracheæ contorquentur in spiram *D*: Et tamen mirabile est non perpetuò eandem inclinationem & circumvolutionem pati ligneas *E* fibras, sed interdum sursum

sursum ferri, aberrantibus multum à recta linea contentis tracheis *F.*

Tanta est *Respirationis* necessitas, & usus, ut Natura in singulis viventium ordinibus varia, sed analogà, paraverit instrumenta, quæ *pulmones* vocamus, cum hoc discrimine, ut quæ perfectiora nobis censentur, ea minori pulmonum apparatu gaudeant. Ità homini, reliquisque quadrupedibus, quæ perfecta dicuntur, geminos clargitur pulmones, per quos perpetuo totus sanguis pertransit; in avibus verò, abdominis cavitas in additamentum pulmonibus additur. In piscibus pariter operosa est Natura; nam frequenter branchias sub multiplici ordine molitur, & polypo reliquisque consimilibus geminos pulmones quasi muscum ab abdomine pendere jubet, quibus omnibus respiratio ex aqua promovetur. Nec testaceis & crustaceis defunt pulmones, sed frequenter proprià mole reliquum corporis superant. Viliora pariter insecta suo muniuntur pulmone, qui tantam dimensionem sortitur, ut reliquarum partium molem longè excedat; ità in *papilionibus* olim decem & octo deprehendi pulmones, qui non ut in nobis, reliquisque animalibus, debite circumscripti proprià coercentur cavitate, sed oblongas prominentes tracheas, quæ modò in vasa coarctantur, modò in vesicas pulmonares laxantur, in singulas corporis partes, vasorum ritu, propagantur, & ramificantur. In *plantis* verò, quæ infimum animalium attingunt ordinem, tantam trachearum copiam & productionem extare par est, ut his minimæ vegetantium partes præter corticem irrigentur.

Exarati *pulmones* in singulis viventium ordinibus, à variis continentibus & ambientibus liquidis, quibus immerguntur, peculiarem hauriunt icorem vitæ necessarium. Hunc ambiens aer nobis, reliquisque terrestribus perfectis, & insectis ipsis præstat: Pisces, crustacea, reliquaque aquacilia, respirationis materiam ab aqua separant; plantæ igitur (ut conjectari fas est) cum sint vivencia, visceribus infixæ terræ, ab hac, seu potius ab aqua & aere, commixtis & percolatis à terra, respirationis suæ materiam recipiunt, ipsarumque tracheæ ab halitu terræ, extremas radices subingresso, replentur. Diu anxie quæsi, an in foliis & cortice orificia pro aere paterent, nec ea unquam deprehendere potui; radices verò tantis coagmentantur tracheis, ut in quibusdam plantis & arboribus hæ reliquarum molem longè superent. Quare (ut dubitare licet) vapor seu respiratorius succus à terra, aeri & aquæ mixta, separatus, tracheas subintrans, ipsas replet & distendit: Et sicut in nobis & consimilibus, sanguinis massa pulmones petit, ut ab ipsis separatas aeris particulas recipiat, quod in aqua piscium pulmones præstant; & in insectis non tota sanguinis moles in pulmones confluit, sed inversà vià pulmones ipsi, vasorum ritu, in universum corpus disperguntur, sic ut singulæ partes aeris particulas per pulmones, & sanguinis portiones per arterias recipiant; ità in plantarum pulmonibus vereri possumus, ne *vel* à tracheis minimi promantur ramuli in contiguas ligni partes, ut insectis accidit; *vel* (probabilius) lignæ fibræ, aut horizontalium utriculorum ordines, separatam à trachearum tunicis halitus partem, seu succum, pro respiratione recipiant, cum lignæ fibræ, hederae instar, tracheas ambient.

Respi-

Respirationis usus licet tantam nobis importet necessitatem, adeo tamen obfuscus, mihi quæ adhuc ignotus est, ut post multas meditationes ea tantum mihi repetere liceat, quæ alias subindicavi. Cum enim vegetantium succi fermentationem & fluiditatem subire debeant, (alias nulla succederet nutritio, & auctio,) idco trachearum ope turbativum & summè activum separatur, quo & fluiditas promovetur, & fermentatio excitatur; diversæ namque salinæ particulae, quæ præcipuè in plantarum vasis abundant, faciliè concretionem subirent, nisi intestino agitata motu perpetuò dissociarentur, ut animalium liquoribus, & sanguini accidit, cui pulmonum ope turbativus affunditur succus, unde fluiditas, & fermentationis occasio. In nobis & perfectis animalibus non parum aeris ingurgitur, quo & ventriculus & continuata intestina tument; hunc autem cibaris, coctionem subcuntibus, inimè misceri probabile est, propriosque sales & præcipuè nitrum per deliquium separatos affundere, non solius cibariorum solutionis gratiâ, sed etiam ut debita communicetur fluiditas. Quare fortasse in arborum plantatione altæ excitantur per longum ante tempus foveæ, ut ambientes terræ partes præcipitatis ab aere salibus imprægnentur, & affusa tandem iterum aqua, multo immixta aeri, tenellis plantatæ arboris radiculis debitos subministret sales. In hunc etiam finem circa radices arte parantur vacuitates pro continendo aere. Idem etiam contingit in terrarum cultura; etenim cum proficua est aratio, non tantum, ut facilius sales, liberiores redditæ pertranscunt aque, solvantur, sed ut facilius & copiosius imprægnentur terra præcipitatis à contiguo aere nitro, & reliquis salibus, quibus vegetatio promoveri potest.

Dum potiores usus aliorum sagacitas detegit, cursim subnectam ego, contentum in tracheis aerem necessario eandem pati proportionaliter alterationes, quas extra subit. Ità videmus liquidum humorem, quo lignæ fibræ & transversales utriculi replentur, urgente frigore glaciem concipere, & vehementi illâ rarefactione disrumpere fibrarum compagem, & robustissimas etiam arbores, oblongis excitatis hiatibus, dilaniare & lacerare: Rarefactionem itaque & condensationem inclusus aer experitur, variatâ scilicet aeris temperie non ex sola tempestatum mutatione, sed ex successivis diei & noctis immutatis crasibus. Et sicut in nobis, reliquisque sanguineis analogis, respirationis motus, dilatio scilicet & contractio, interpolatis impulsibus promovet chyli & aliorum succorum motum per lactea & consimilia vasa; ità ex trachearum dilatatione, intus turgente aere, necessario urgentur interceptæ lignæ fibræ, & horizontales utriculorum appendices, & ità probabiliter fit contenti succi expressio in contiguas partes; remittente verò tumore, laxiores redditæ utriculi, & fistulæ lignæ, facilius novum admittunt humorem; unde etiam in lignis ipsis, igni apposis, exeuntem copiosè humorem ab extremis fistularum orificiis passim videmus.

In herbarum arborumque compage, ultra tracheas & fistulas, peculiare vasculum interdum deprehendi diximus, terebinthinâ, gummi, quandoque concreto & proprio refertum succo, & humore. Hujus indago feliciter succedet in *ebulo* 30; cujus segmentum, ultra lignarum fistula-

fistularum coronam *A*, exteriorem caulis partem constituentem à cortice *B* circumdatam, cui lignei pariter fasciculi *C* adnectuntur, per medullam peculiaria vascula *D* disseminata exhibet; hæc autumnò & hyeme concreto mellei coloris succo scatent.

Vasorum hujusmodi progressum in plantis illis, quibus succus, omnis diaphaneitate, vario inficitur colore, mirari tantum licet. In *cinaræ* itaque lignea portione 31 non longè à medulla per longum vascula hæc *A* mutuam anastomosim passa exporriguntur, & sanguineo ferè turgida succo patent.

In *apio rustico* vascula hæc per longum *A* excurrunt, quæ hinc inde furculos promunt circa utriculorum peripheriam ramificatos, sibi quæ mutuò inosculatos *B*. In singulis lactiferis, refinamque fundentibus, laceratione occurrunt hujusmodi vascula; in reliquis verò plantis, ubi contentus humor fusco non inficitur colore, vel insigniter conertendo soliditatem non acquirit, ob exiguitatem obscurantur, minimùmque sui vestigium exhibent. Ex perpetuis tamen Naturæ legibus, quæ eandem vel saltem analogam servat in suis operibus methodum, videtur valde probabile, in singulis plantis peculiare vas adesse, ultimum & specificum deferens alimentum. Contentus succus, (ut ex nobis notis probabiliter philosophemur,) cum substantiæ modum & proprietates longè perfectiores habere videatur, ac in succo fistulis contento deprehenditur, ultimæ alimonie dotes & qualitates habebit. Ità in *abiete* & simil. elaboratior videtur terbinthinæ succus, ac reliquas fibras occupans; Nec structuræ ratio reclamat; cum enim fibræ humorem in transversales ordines exonerent, ut singulis partibus communicetur, non aliud promptius occurrit pro exequendo hoc munere, præter exaratum vas, suo turgidum humore, cum præcipuè ramificationes circa utriculos habeat, ut totam plantarum peripheriam pervadat.

Succi hujus varia est natura; frequenter aquei diaphani quæ humoris speciei effluit, quandoque lactis instar, non rarò luteo inficitur colore, & interdum seminiconcretus lentorem acquirit, ità ut, quot plantarum species extant, totidem peculiare succi inveniantur; ni dubitare velimus, quodcunque individuum vegetans peculiarem sibi parare succum, ut in animalium sanguine, in ipsis etiam individuis, dubitare possumus. Hic itaque succus, delatus in singulas partes, toris instar affunditur, & concresecendo ipsas auget, & ad debitam magnitudinem perducit. Quare, quo aquosior est, ut in *populo* & *salice* evenit, facile evaporat, nec exteriorum injurias arceat. In *querca* singulæ fibræ & utriculorum ordines tam valido & quasi glutine lucido irrorantur, ut firmum corpus excietur; quod non solum divisioni, sed & aque acris quæ salinis particulis, si quando urgeant, abundè resistit. In *pruno*, *ceraso*, *piro*, & resinosis lignis, non rarò evaporante hujusmodi nutritivo succo, jam fibris asperso, congeries quasi tubulorum & orbiculorum membranosorum superest; solæ enim tuniæ vasorum & horizontalium utriculorum tenues & graciles supersunt, quæ singularum partium delinamenta exhibent.

De Caudicis augmento, & Nodis.

ARborum trunci successivis annorum temporibus sua acquirunt incrementa; unde in ingentem etiam excrescunt molem: Hac itaque sua egent indagine, & ut quaecunque additamenta, arboribus contingentia, prout licet, nobis emergant, varia furculorum segmenta observanda venient. Inter ceteras arbores patentius occurrunt in *castaneis* 32, quarum icones examinabimus. Sectus furculus paucorum mensium, tenellus adhuc, exterius quinque obtusis angulis *A* eminet; hic triplici constat parte, crasso scilicet cortice *B*, lignea portione *C*, & contenta medulla *D*. Corticem de more excitant utriculi *E* tenelli, & virides, succo turgidi, & versus lignum, fistularum lignearum fines & ora *F* circumlocantur. Succedit lignum, quinque pariter appendicibus *G* protuberans: Ligna hac moles fibrarum fasciculis coagmentatur, in quibus trachearum *H* ora aperiuntur; non in unicum diriguntur centrum, sed versus medullam inclinati varie situantur; unde in furculorum inchoamentis probabile est, velut in annotinis caulibus, fibrarum fasciculos per medullam & corticem continuatos dispergi, & confuso quasi situ locari; urgente tamen cortice & medulla in zonam ligneam disponi, debita sensim acquisita versus centrum inclinatione. A cortice inter ligneos fasciculos, utriculorum interpositi ordines *I* excurrunt, & in medullam *D* laxantur. Hac quinque pariter appendicibus constat, quarum meridionalem respiciens regionem *K* acuminata eminet; oppositae autem *L*, *M*, versus septentrionem directae, obtuse valde, amplum quasi sinum efformant; orientalis quoque appendix *N*, ampla, non multum protuberat; & converso vero occidentalis *O*, oblongiori tractu producta, angulum efformat: Medulla hac taliter configurata corticalibus utriculis componitur.

In eodem pariter furculo 33, sex elapsis mensibus talis emergit exterior configuratio. Exarate enim quinque appendices *A* eminent, & intermediae furculi partes *B* tumidiore reddita sensim ad rotunditatem furculum deducunt. In cortice geminus fibrarum ordo *C* eminet; reliquum vero utriculis *D*, epidermide contentis, coagmentatur. Lignum pariter suas habet eminentias *E*; hujusmodi fibrosis fasciculis coagmentatur, qui variam magnitudinem sortiti, in medullam *F* inaequaliter terminantur; diversam habent inclinationem, & in ipsis plura trachearum ora aperiuntur. A cortice, inter ligneos fasciculos, utriculorum ordines excurrunt in medullam, quae tribus ditatae appendicibus, quarum superior *G* versus meridiem dirigitur, amplior vero *H* occidentalem respicit oram.

Paulo inferius facta incisione in parte ejusdem rami 34, aetatis mensium decem & octo, segmentum habebis, cujus exterior superficies fere rotunda est oblitteratis angulis: Cortex quatuor fibrarum scriebus *A* irrigatur, quae utriculorum ordinibus *B* ambiuntur. Contenta lignea portio geninis fibrarum involucris coagmentatur, priori enim superio-

ris

ris anni ligno involucri *C*, in quo exiguae aperiuntur tracheae, novus circumducitur circulus, & quasi ligneum involucrium *D*, latius priori, quod fibrarum fasciculis componitur, in quibus trachearum ora *E* versus interiora aperiuntur; nonnullis etiam minimis, exterius emergentibus, medulla *F* utriculis constans, latam appendicem *G* extra corticem habet, quae erumpentis rami exortus est. Appendix meridionalis *H* minor reddita conspicitur; orientalis, licet arctior, adhuc elongatur.

Succedit duorum annorum cum dimidio segmentum ferè rotundum 35, hujus cortex sex fibrarum ordinibus *A*, & quandoque pluribus componitur; geminis antiquioribus involucri *BC* novum extenditur additamentum *D*, in cujus ligneis fasciculis trachearum insignes hiatus *E* aperiuntur; medulla *F* & ipsa adhuc appendices servat, quarum occidentalis *G* procerior est, meridionalis tamen *H* minor, pars verò opposita *I* geminà erumpente appendice protuberat.

Postremum segmentum in eodem ramo excitatum annorum trium cum dimidio 36 eandem servat circumscriptionem: Ejus cortex octo fibrarum ordinibus, & etiam pluribus interpositis utriculis constat. Ligni cylindrus quatuor involucri sese ambientibus constat *ABCD*; postremò additus circulus ampliori constat crassitie, & hujus trachearum ora *E* prae ceteris ampliora sunt. Inter ligneos fasciculos occurrunt utriculorum transversalium ordines *F*, qui non perpetuò continui sunt à cortice in medullam, sed novi suboriuntur ordines: Inter fibrarum fasciculos, appendices *G* quaedam observantur, quae utriculorum transversalium portiones extant. Medulla *H* arctior reddita adhuc appendices promit. In reliquis subsequentiis segmentis eandem servare videtur Natura proportionem, ità ut singulo anno novus emergat ligneus circulus. Consimilem speciem exhibent segmenta *quercis* & similium; unde concludere possumus, truncos, & ramos inde emergentes, singulo anno additamentum recipere, novo addito exterius fibrarum & trachearum involucri.

Pari incremento procedit Natura in *Ossium* augmento. Foetis ossa, & cranium praecipue, filamentorum progressum exhibent; haec non omnino sibi parallela sunt, & hinc inde breves appendiculas filamentosas promunt, quibus invicem colligata, rete efformant parùm à *libri* natura distans, cujus potiores arcae & tota fibrarum compages exsudante osseo succo repletur, & tumet: Successivis incrementis nova fibrarum plana superinducuntur, quae praexistenti lamellae osseo agglutinata succo, debitam molem & firmitatem excitant. Patent autem singula plana, resolutione facta per longam ossium macerationem; integre namque ossae reticulares bractee evelluntur: In abortibus verò, in crano inchoatum rete evidenter conspicitur. *Dentium* pariter compages hic non parum lucis affert; horum structura prae ceteris minùs obscura est in quadrupedum tenellis dentibus, & praecipue vitellinis, in piscibus pariter, & in animalium arboribus. Duplici excitantur parte, quarum interior ossa lamella fibrosis & quasi tendinosis capillamentis, in naturam retis implicitis, constat; huic superextenditur alterum involucrium

lucrum valde crassum, quod à primordiis mucosum est, tractu tamen temporis osseum redditur, candidum, & durum.

Non longè à radicibus in exteriori lamella filamentorum 37, quasi ordines *A* sursum deducuntur, qui lineam crispam ad latera inclinatam *B* designant. Non sunt autem continua corpora, filamentorum instar, à radice ad summam producta, sed innumeri ferè sunt contigui quasi pili, qui parùm assurgentes talem designant lineam; unde scetus per longum dens, interioris ossæ lamellæ *C* progressum objicit, cui adnascitur aliud externum involucrum *D*, quod quasi assurgentibus pilis conglomeratur, quorum distincta compages osseo affuso succo obscuratur.

Adhuc hæreo, an Natura in osium productione primò stamina, filamentorum speciem referentia, ducat, quæ in rete implicita plana efforment, hæcque tractu temporis solidiora reddantur, dispersio ulteriori humore, qui & interstitia repleat, & ossæ reddat? Anverò filamentorum rete primò excitetur, non tantum ad conciliandam soliditatem & concretionem, sed ut à propagatis & dispersis vasis & nervis ossis succus, veluti à cribro, adhuc fluidus, & petrificus humor & spiritus separetur, & extrudatur, qui sensim effluens & concrefcens primò sub pilorum specie, tandem copiosius crumpens, adjacentia replendo spatia, metallicam & quasi petrificam largiatur naturam & soliditatem. In lignorum petrificatione, & gypsi productione, filamenta primò tenuissima & crystallina sese produunt, à quibus planorum contextura affuso ulterius succo succedit. Quare osium filamenta crassa & tendinosa probabiliter è vasis, & præcipuè sanguineis, quæ frequentia intercurrent, percolant osseum illum & petrificum succum, qui interstitiis affusus & innatans longo transpiratu solidescit. Osseus succus in animalibus luxurians, & ab ipsis ossibus & tendinibus effluens, passim observatur in hujusmodi partium fracturis, & incisionibus. Musculorum pariter multiplices tendines, temporis diuturnitate ossi redduntur. In Gallinæis circa articulos ab ossibus exsudans ichor consimiles producit appendices, & tophos. Memini, in bove intra calvariam ingentem ossis molem observasse (*quam adhuc servo.*) Hæc suis circumdata membranis & vasis sanguineis, alterum cerebrum cum appenso cerebello amulatur. Hanc autem à primordiis glandulanis fuisse reor, & casu excitato ossi succi percolatorio folliculo, ita in hanc degenerasse naturam & molem, rationi consonum est.

Horum & similium indagine probabiliter suspicari possumus, fibris & transversalibus utriculorum ordinibus, quibus lignum contextitur, peculiarem affundi succum, quem superius indicavimus, cujus corporaturâ & concretionem varia firmitas & durities ligno comparatur. Longum tamen requiritur tempus, ut recenti ligno talis concilietur soliditas, qualis deprehenditur in præexistenti ligno; unde nova inducta lignea additamenta *adipes* dicuntur, & à colore subalbo *alburnum* appellantur. Talem duritiem non fortiuntur, quam subcrefcencia insecta non erodant; unde teredini summè sobnoxia sunt. In *quercu*, octo circulos & involucria *alburnum* constituere vidi; quare, cum facile aeris & aquæ injuriis cedant, à mechanicis ut inutilia abijciuntur.

Arborum

Arborum igitur & similibus Trunci, indeque emergentes Rami, novis quolibet anno additis ligneis involucri compaginantur; unde proceres assurgunt etiam caudices, qui ex fibrarum implicatione solidiores redditi, ventorum impetus & materię pondus sustinere valent. In Herbis verò assurgentes quidam cauliculi, quorum delincaimus segmenta ut plurimum dispersis per medullam fibrarum & trachearum fasciculis, ligneo circulo exterius circumducto componuntur. Quare cum ferè annotini sint, in his auctioris ordines non succedunt, & cum laxiori donentur compage, externorum injuriis facillè cedunt. Unum habent plerique Herbarum cauliculi commune cum quibusdam Arboribus, & supitibus, ad majus robur & economię commodum; *Nodos* scilicet, qui articuli & interdum genicula appellantur: Ab hujusmodi namque tumoribus geniculatim vel articulatim procedunt Rami. Horum structura mira est, & in arboribus, reliquisque durioris & auctioris compaginis, omninò obscura. Quare ipsam rimari expedit in Caule, cujus lignei fasciculi magis distant, & ipsarum ambiens medulla maceratione obliterari potest, ita ut quaelibet fibrę integrę separari possint. In *canle* itaque *grani Turcici* macerati, *nodorum* compositio minùs obscura præ cæteris extat. Est autem *nodus* ramificatio, novaque implicatio, ut & recentia folia crumpant, gemmæque promatur.

Sub oculis iconæ mihi non licuit integrum nodum, singulas *scil.* implicatas fibras, apponere, sed facilioris intelligentiæ gratiâ placuit fibrosi unius fasciculi 38 productionm delineare. Quilibet fistularum fasciculus per interiorem medullam dispersus, paulò infra nodum propagines emittit; quarum aliquæ *A*, interdum contiguo fasciculo inosculantur; reliquæ verò *B* proximis fibris *C* associatæ, à centro versus peripheriam deductæ, occurrentes fibrosos fasciculos superequitant elegantî implicatione; inter se autem anastomizatae, rete *D* efformant, & tandem corticem perforando, partim in novellam gemmam, partim in folium absumuntur. A penitioribus igitur crumpentes, exteriorem nodi partem taliter percurrunt: Ubi enim ab interstitiis fibrarum lignearum, quibus exterior ambitus excitatur, emergunt, statim in rete *E* implicantur; & tandem ipsarum nonnullæ, ascendentibus fibrosis fasciculis *F* unitæ, sursum producantur, aliquæ in folia diramantur, reliquæ ad latera obliquatæ *G*, in gemmam diriguntur.

Nodus igitur est productio recentis sobolis in fibris ligneis & tracheis, ut exterius derivata in nova folia, & plantulæ furculum, *scil.* gemmam, compingatur. Et quoniam fortis exigebatur alimenti miscella, & caulis robur, idè exarata fibrarum implicatio necessaria fuit. Interiores fibrarum fasciculi cum exterioribus communicant, & à singulo fasciculo multiplices promuntur fistulæ; quare aliæ sursum, aliæ in folia, reliqua in gemmam desinunt. In arboribus, ubi rami producantur, reticulares quoque propagines à quolibet ligneo involucto promuntur, quæ unitæ cylindrum efformant, ramum *scil.* consimilem trunco; unde in utrique à natura delati alimenti rudis miscella promovetur.

Taliter compaginantur Caules & Caudices quorundam Fructuum;

M

ut

plurimum tamen ubi nodi excitantur. Trunci unico ligneo involucreo contenti sunt, & reliquum medulla tenere solet, vel saltem, ipsâ absente, vacuum relinquitur. *Caulium* pariter compages varia est; nam plerumque dispersi per medullam fasciculi fibrosi, cylindrum efformant; quandoque tubulosi sunt, & non rarò multiplex occurrit vacuitas; unde ipsorum segmentum horizontale rete dilineat. *Caulium* & *caudicum* quoque varia exterior est forma, quæ nudis oculis patet; & hæc à fibrarum vario ductu, quæ in folia & ramos derivantur, exortum trahit. Hanc si signatim recensere vellem, plantarum integram historiam contexere tentarem.

De GEMMIS.

VEgetantium genus, ut debitam magnitudinem sortiatur, & suæ mortalitatis jacturam successivâ proles educatione reparet, statis temporibus novas promittit partes, ut tandem emergentes *uteri*, recentes edant *foboles*. Emanantes igitur à caule, caudice, ramis, & radicibus novellæ hujusmodi partes, non illico laxatæ extenduntur, sed compendio quodam coagmentatæ intra folii axillam cubantes, non parùm subsistunt. *Gemmæ* autem appellantur, eo quòd lacrymarum instar conglobentur; frequenter etiam *oculi* vocitantur. *Gemmæ* itaque sunt veluti infans seu fetus ita custoditus, ut suo tempore auctus, in furculum excrefcens, tandem *ova* promat. Hæ nostris hisce regionibus circa *Junii* mensẽm erumpunt à tenello furculo mox germinante, & ita custoditæ, tandem futuro vere aperiuntur, & adolefcunt. Speciali compage constant *gemmæ* hoc quietis intervallo; suntque veluti infans involutus, seu cruce, in qua compendio quodam insunt ultimi scñii futuræ partes.

TAB. 9. Simplicioribus lustratis *gemmarum* formis, insigniores exarabimus. In *arundine vulgari*, oblonga cminet *gemma* 39 *A*, è singulo nodo supra antiqui folii insertionem *B* emergens, mitrali constans formâ multum depressâ, geminis excitatur foliis, quorum peripheriam pili *C*, sursum directi, crispî & candidi, ornant; Intus angulare corpus *D*, viridibus foliis, sese invicem ambientibus caparum more, excitatum custoditur.

In *olea* pariter *gemmarum* species simplicissima est; unico enim foliorum ordine 40 *A* constat, contentis intus minoribus foliolis *B*; singula lanugine, seu cinereis pilis fungisque cooperiuntur.

Eadem ferè structura in herbaceis, & præcipuè in *viola martia purpurea* 41 conspicitur, à cujus radice, seu sepulto cauliculo *A*, *gemma* assurgit, geminis cooperta foliis *B*; reliqua intus custodiuntur, & turgent, ut pini forme reddatur corpus.

Auctior *gemma* occurrit passim in arboribus, & arbutis; ut in *vite*, *lauro*, *ficu*, *rubo*, *sambuco*, *moro*, & *nuce* 42. Hæc à tenello furculo *A* emergit, supra de lapsi folii vettigia *B*, & pluribus foliorum ordinibus *C* rubiginosi

biginofi coloris conſtat: In aliquibus minima aſtat gemma ſuis pariter integrata folioliſ.

Parum abſimiliſ conſpicitur ſpecies in *herbaceis* ſub terra conditiſ, & præcipuè in *amarantho* 43; multiplici enim foliorum ordine *A* componitur, quæ acuminatam excitant gemmam.

Ebuli pariter gemma 44, à radicis cylindro *A* crumpens, multiplici latorum foliorum *B* furcè donata conglobatur.

Oblongior gemma obvia fit in *avellanis* & *quercu* 45; in qua multiplices foliorum ordineſ *A*, ſquamarum inſtar, quaſi ovale corpus excitanteſ, procerum corpus, ab annunculo ſurculo *B*, ſupra delapſi folii cicatricem *C* crumpens, componunt.

In gramine 46 pariter conſimileſ obſervantur gemmæ, à nudo hinc inde emananteſ, acuminatæ valde; hæ æſtate procerioſe & longioſe reddite pluribuſ foliorum ſcribuſ *A*, ſquamatiſ locatiſ, in corniculare quaſi corpus curvantur.

Elegans pariter eſt in *pom. præſociſ* & *pruniſ* gemmarum ſtructura, attentâ foliorum formâ; à tenello namque 47 ſurculo *A* crumpunt ſupra delapſi folii veſtigia *B*. Primuſ foliorum ordo *C* minor eſt; reliqui latioſe & procerioſe, ſquamatiſ ſeſe contingenteſ, ita ut pineale fiat corpus. *A* ſingulo folii apice appendix *D* una, quandoque treſ in *malis Armeniaciſ* & aliſ aſſurgunt.

Eſt autem gemmæ ab extremiſ ſurculorum apicibuſ, & perpetuò ſupra delapſi folii implantationem à lateribuſ pariter elongati ſurculi variè pullulant; alternatiſ in *ſalice*, *quercu*, & reliquiſ arboribuſ, & vegetantiſ, ubi noduſ non obſervatur; in quibuſ autem extat, una interdum crumpit gemma, ut in *arundine* & *vite*; quandoque gemina, ut in *opio*, *vite alba*, & ſimilibuſ.

Mirabiliſ in *platani* 48 gemmarum ſituſ; à lateribuſ enim & extremo ſurculo *A* craſſe factò dilatatuſ folii pedioluſ *B* aſſurgit, qui tubuloſuſ reddituſ, contentam, veluti in vagina, gemmam cuſtodit; unde laceratione revuſuſ, *C*, ipſam *D* in conſpectum exhibet. Hac ulteriori ambiente folio *E*, quaſi membraneo ſacculo, involvitur, quo diſrupto occurrunt folia *F* pilis conſperſa, quibuſ gemma excitatur.

Parum abſimili formâ, *ſaliciſ* 49 gemma munitur: Corticiſ huiuſ exterior portio in ſacculum, ſeu vaginam *A*, deſinit, quâ totuſ gemmæ ambituſ cooperitur & tegitur; quo lacerato gemma *B* ſeſe offert, folioliſ invicem amplexantibuſ excitata.

Gemma, cum ſit compendiuſ ſurculi, iſdem integratur, quibuſ ramuſ componitur. Inſunt tamen variæ metamorphoſeſ, in quibuſ Natura luſuſ eluceſcit: Nam aliquibuſ plantiſ foliola, quibuſ gemma componitur, temporanea ſunt, & ſingulo folio ſtabili, quo tandem ſurculuſ ornatur, hinc inde gemina aſſtant; quod in *ſicu*, *avellanis*, *moro*, *quercu*, & *ulmo* 50 contingit, in qua ab elongata gemma foliuſ ſtabile *A* pendet, & huic pedioluſ T A B 10.
gemina aſſtant foliola *B*, quæ temporis tractu exſiccata decidunt; in reliquo ſurculi, cadauca pariter folia *C* adhuc ſuperſunt, ſenſim emergent-

emergentibus stabilibus *D*: Caduca folia variâ circumscribuntur formâ, tum in diversis plantis, tum in una eadêque gemma.

In *ficu* 51 exteriori ut plurimum mitralia *A* sunt. In *moro* & *castaneis* parùm concava *B*, oblonga, obtusâque in apice assurgunt. In *avellanis* concava pariter, latâque sunt foliola *C* copiosis irrigata fibris, utriculisque donata. Parùm abfimili donantur formâ caduca *ulmi* folia; lata enim sunt absque ulla laciniatione copiosis conspersa fibris *D*, quæ non à communi costula oriuntur, sed omnes à furculo, à quo emergunt. Interdum angustiora sunt, talique constant forma *E*. In *robre* & *queru* ut plurimum oblonga, gracilisque constant specie *F*, & plurimis, fibrarum productionibus irrigantur. In *viola martia*, caduca folia itâ laciniata sunt, ut appendices *G* itâ graciles sint, ut spinas æmulentur. In *malva* quandoque mitrale assurgit caducum folium; interdum in plura quasi scinditur foliola *H*, quæ tandem tabefacta concidunt.

Folia stabilia, quorum generationem præmuniri caducis foliis diximus, postremò vegetante gemmâ emergunt, ipsorumque primevæ species minima est, & ferè informis; sensim autem turgentibus costulis, & continuatis fibrosis fasciculis, manifestior redditur. In aliquibus, ut in *ficu*, folium à primordiis apertum & diductum est; in reliquis ferè omnibus complicatum & crispum est, itâ ut in primo exortu solus pediolus, indeque assurgens costula cum appensis fasciculis appareat, nondum laxatâ folii latitudine.

Hoc apprime miramur in *ulmo* 52, in qua stabilis folii *A* primò emergens structura, pediole *B* constar, caducis foliis *C* intimè unito; reliquum folii *D* complicatur, apparentibus tantùm costulis. Idem folium tractu temporis auctus *E* redditur, & utriculorum appendices, quibus folii latitudo excitatur, sensim laxantur, & caduca folia *F* proceriora fiunt. Postremò emergentibus costulis *G* à crasso pediole, & crassiori ascendente fasciculo *H*, exterior unguis *I* incisuras patitur, & tandem in geminas aperitur partes.

Evidentius in *robre* & *queru* contingunt hæc omnia; etenim stabilis hujus folii species 53 tam parva est, ut vix microscopio deprehendi possit. Inter caduca namque foliola *A* inchoamentum folii assurgit, quod turgente costulâ *B* excitatur cum gemina appendice. Sensim tres manifestantur costulæ *C*, à crasso erumpentes pediole *D*. Tractu temporis deductis costulis, folii latitudo *E* extenditur; & postremò, elongato fibroso fasciculo *F*, novæ appenduntur costulæ *G*, & tandem fit exiguum folium, cujus latitudo *H* crispa adhuc red-
ditur.

Non una perpetuò est naturæ methodus in augendis gemmarum foliis, itâ ut primò caduca erumpant folia, mox stabilia emergant, & tandem, aduētis istis, illa contabescant, & decident; sed passim in pluribus arboribus gemmarum folia, & præcipuè, quæ basim ipsius componunt, mitrali amissâ figurâ, novis mutationibus tandem in stabilia evadunt folia, quibus furculus condecoratur.

Novæ itaque formæ, in diversis vegetantibus observatæ, delineandæ veniunt,

veniunt, & primò in *lauro*, & *persica malo* 54, cujus folium à gemmæ basi crumipens, mitralique constans formâ *A*, appendicem minimam inter geminas lacinias *C* promit. Idem folium auctius redditum *D*, & parum concavum, triplici appendice turgere incipit, quarum media *E*, complicati & convoluti folii augmentum est; geminæ verò *F*, caduci folii inchoamenta extant. Brevi elabente tempore appendices *G* auctiores redditæ, caduci folii naturam redolent; contentum verò folium convolutum, geminis scilicet partibus *H* intrò reflexis assurgit. Singula hæc magis manifestantur in folio *I*, & proceriora fiunt, dum stabile folium *K*, adhuc convolutum, adolescit, à cujus extremo ungue papillæ *L*, terebinthinæ colorem referentes, eminent. Stabile tandem folium *M*, latitudinem sortitum, papillas *N* turgidiores reddit, caducæque folia *O* graciliora fiunt. Et postremò debitâ accedente magnitudine, caduca foliola *P* contabescere incipiunt; reliquum verò folii *Q* hiare incipit, emergentibus fibrosis costulis, & papillis unguem ornatibus.

Pari progressu *amygdali* 55 folia augentur: Primò etenim mitrale folium *A* propriâ donatur appendiculâ *B*; idem auctius redditum, fibrarum *C* in appendices *D* progressum exhibet. Successivo incremento stabile folium *E* manifestatur, caducæque foliola *F* assurgunt; latius pariter temporis tractu folium *G* redditur, quod adhuc complicitum extat. Tandem laxatis folii partibus *H*, papillæ *I* subvirellini coloris emergunt; reliquum verò in caduca foliola *K* absumitur. Ultimò, elongato folii pedicelo *L*, caduca foliola *M* adstant, & reliquum folii, papillis *N* & fibris *O* condecoratur. T A B. 11.

Consimili incremento vegetant *ponorum* 56 folia, à quorum apice appendix *A* primò crumipit; hæc auctior redditur in folio *B*, sensim laxatur in folium *C*, hujus unguis *D* laciniatur, & folii species emergit: Hoc auctius *E* redditum, papillas *F* promit, ejusque pedicelo caduca foliola *G* altis incisuris separantur, & postremò debitâ acquisitâ formâ *H*, caduca foliola *I* contabescunt.

In *Malis Armeniacis* 57 evidentius successivæ patent mutationes; folium enim *A* exteriorem gemmæ basin cingens, auctius redditum, convolutum folium *B* promit; reliquum verò pilis & subrotundis tuberculis *C* ornat: latius redditur foliolum stabile *D*, & crenis mediis caduca foliola *E* sensim extenduntur; hæc temporis diuturnitate incisuris *F* soluta, auctiora redduntur; tandem elongato pedicelo *G* caduca contabescunt foliola *H*: Horum forma varia est; frequenter ipsorum unguis in styliiformes solvitur appendices *I*, & rotundis globulis ornat.

Cydoniæ mali 58 pariter auctio elegans est, senis distincta figuris *A*, *TAB. 12.* *B*, *C*, *D*, *E*, *F*, in quibus caduca folia insigni pollent magnitudine, & singula pilis, & papillis, terebinthinam fundentibus, cooperiuntur, & tandem tabefacta concidunt.

Exaratam methodum non perpetuò adamussim servat Natura, sed in aliquibus, loco caduci folii, appendices adstant geminæ: Ità patet in *Rosarum* 59 gemmis, quarum primò latum folium *A* occurrit, hoc au-

etius redditum, appendicem *B* efficit: Temporis progressu, altioribus incisis, foliolum *C* conglobatum sensim laxatur & aperitur; & loco caduci folii, appendices *D*, fibris irrigatæ, extenduntur. Successivis mutationibus foliola tria *E* emergunt, & pediolus oblongior redditur. Adaucto iterum pediole *F*, stabilia folia *G* explicari incipiunt, & postremo distinctis foliis *H*, geminæ appendices *I*, graciles valde, fibroso pediole *K* adstant, utriculis & pilis conspersæ. Eundem progressum habent *rubi canini* folia, quæ tamen altiori incisurâ separata, pendent à pediole; hæc frequenter permanent. Idem accidit in *rubo*, cujus foliola caduca contabescunt.

Mirabilem pariter auctiorem molitur Natura in aliquibus arboribus & herbis, dum ipsarum foliola è gemmis assurgunt; tota namq; folii moles, quæ gemma excitabatur, in stabili folii pediolum absumitur & immutatur.

Hoc in *opio* 60, primò deprehenditur, cujus tenella gemma foliolis exterioribus componitur, quæ mitralem habent figuram *A*; successivâ autem auctiõne, emergente folii inchoamento *B*, reliquum mediæ sui portione in pediole speciem *C* designatur, quæ in grandioribus redditis foliis *D* manifestò patet: Interim stabilia folia *E* fibris conspersa vegetant. Postremo adauctis folii partibus *F*, oblongus observatur pediolus *G*, costulâ *H* per longum excurrente.

Passim hoc idem accidit in *ebulo*, *vite alba* & *sambuco* 61; cujus externum tenellumq; folium styliformi appendice *A* donatur; idem auctius redditum, subrubicundis utriculis turget, & quinque foliorum rudimenta emergunt. Hæc tractu temporis manifesta *C* fiunt, & reliquum *D* gracilius & longius redditur; adhuc tamen complicata jacent stabilia foliola *E*, quæ sensim auctiora conniventibus partibus *F* luxuriant: Hæc tandem hiare *G* incipiunt, & postremo patula *H* fiunt, & ab elongato pediole *I* pendent.

TAB. 13. Elegans est foliorum *nucis* 62 incrementum; nam à mitrali forma *A*, quæ primò emergit, oblongior confurgit species *B*; successivò augmento oblongius redditum folium, in apice incisuras aperit, unde appendices seu foliorum inchoamenta *C* emergunt; pediole quoque *D* delineamenta apparent, ipsique adhuc hærent, veluti alæ *E* folii portiones. Elongatur sensim pediolus *F*, & gracilior redditur; simulque foliorum *G* eruptiones, lustrata eorum de sylvestri parte, manifestantur: In eodem pariter folio interius patent emergentes costulæ *H*, quibus foliola coagmentantur: Tandem, gracilescente pediculo *I*, internodia *K* elongantur, & laxata folia *L* sensim aperiuntur; exterior pediculi pariter portio fungis & pilis *M* cooperitur.

In *malis limoniis* & *aurantiis* 63, foliorum augmentum miro pariter succedit artificio. Exteriora gemmæ foliola quandoque mitralia *A* assurgunt; interdum curvatim promunt quasi styliformem appendicem *B*; reliqua verò *C* brevi pollent pediole, à quo folii inchoamentum *D* elongatur; quæ omnia vesiculis oleo repletis asperguntur, emergentibus pariter pilis; interius verò concavitas quedam

excitatur.

excitatur: Auctius redditum foliolum *E* sensim extenditur, magisque turgent oleosi utriculi: Tandem excitata crenâ inter pediolum *F*. & reliquum *G* folii, exteriora versus curvatur. Potiori accedente incremento vera folii species advenit; à costula enim *H* lignæ fibræ diramantur, cui pediolus propriis stipatus appendicibus *I* connectitur. Tractu temporis geminæ folii partes *K*, vesiculis repletae, laxantur, & hiare incipiunt, quod idem pediolo contingit; & postremò in expanso folio pediolus *L* cum geminis appendicibus *M*, caducis foliolis analogis, per articulationem *N* elongatæ costulae *O* continuatur.

Quædam pariter herbarum folia analogo vegetant incremento; ita in *aquilegia* 64, gemmæ folia *A* obrusam hanc figuram acquirunt, à cuius apice appendicula *B* crumpens, folii, cuius minimæ partes *C* conglobatæ parùm eminent, rudimentum exhibet. Succedente incremento, laciniatæ folii partes *D*, invicemque complicatæ manifestantur, & folii pediolus *E* concavus & latus luxuriat.

Evidentiùs hoc idem deprehenditur in *graminis* 65 gemma, cujus foliola acuminatâ constant formâ *A*; hæc in apice Zonam *B* diluti coloris promit, à qua pili *C* crumpunt: Accedente ulteriori incremento ultra Zonam *D* stabile folium *E* producitur, elongatis lignæ fibris & fistulis *F*; quod sensim adauctum *G* deorsum flectitur, & Zona inter pediolum *H* & folium *G* latior redditur, cuius interiora pili *I* ornant: Tandem hiant folio *K*, Zona *L*, quæ sui generis nodus est, decolor, fibrarum contextu excitata, loco articuli inseritur.

Tor igitur mutationibus diversâ *gemma*rum genera incrementum fortuntur. Aliqua tamen supersunt, quorum productionem Natura non tanto partium apparatu moliri videtur.

Ita in *brassica* 66, & similibus, crumpens gemma *A* binis exterioribus excitatur foliis, à quorum crasso pediolo *B*, graciles crispæque appendices *C* pendunt, & successivâ vegetatione in folium extenduntur: In aliis autem, ut in *anchusa*, *eryngio*, *rapi*, & analogis bulbosis, ab antiquo cauliculo gemmæ assurgunt complicatis foliolis, quorum costulae præ cæteris eminent, nullo crumpente caduco folio; quod & in *salice* superius inuimus.

Lustravimus hucusque diversâ foliorum incrementa, quæ passim exteriori *gemmae* regionem componunt. Et quoniam non singula foliola, quibus gemmæ integrantur, eandem organizationem & augmentum sortiuntur, ideo quædam circa hæc monenda veniunt.

In *queru* 67 igitur, versus gemmæ apicem præcipuè, unâ cum caducis foliolis *A* stabile folium eminet, quod crasso pediolo *B*, multumque succo turgido constat, à quo protracta costula *C* cum fibris, folii inchoamentum excitat. Idem miramur in *malis persicis* & *amygdalis*, quarum foliolum crassâ costulâ *D* comportitur, adstantibus caducis foliolis *E* valde gracilibus; & postremò in *ulmo* tanta est costulae *F* & pedioli *G* crassities & turgentia, ut nil mirum, si caduca foliola *H* minima adsint.

Foliorum situs intra *gemmae* claustra mirabilis pariter est; ita enim ipforum

ipforum partes contorquentur & complicantur, ut sibi mutuò adaptata tutò custodiantur & minùs occupent spatium.

Ità in *populi* 68 gemmis, ablatis exterioribus integumentis, singula stabilia foliola geminas sui partes *A*, contortas & convolutas, versùs sylvestrem partem habent, ubi costulæ eminent.

In *spinaciis* & *lapacio* 69, gemmarum folia *A* mirò custodiuntur involucrio; singula namque membraneo tenuique sacco *B* involvuntur, hic revulso; geminæ pariter foliorum partes *C*, convolutæ versùs exteriorem partem, minori folio *D*, intra proprium sacculum contento, locum supra excurrentem costulam *E* parant. Exaratum pariter folium *F*, intra involucrium *D* custoditum, eandem suarum partium revolutionem patitur, minùsque folium suo sacco circumdatum supra costulam custodit; & ità usque ad minima Natura ludit.

In *beta* 70, gemmæ multiplicibus foliolis conglomerantur; singula verò, exteriora versùs, geminas sui partes *A* complicatas & reflexas habent; contentum autem spatium à minori folio *B* consimili contortum ritu occupatur.

TAB. 14. In *apio* & *ranunculo*, 71 gemmarum folia sese invicem continent, & custodiunt. A radice *A* folium *B* exteriùs crumpit, quod sui latiori implantatione aliud folium *C* parùm ambit; ab hoc sensim auctum sese exerit minus folium *D*, quod reflexum intus condebatur: Ab hujus pariter concavo pedicelo minimum folium *E* fovetur, quod ulterius aliud, non dispari ritu, continet.

In *paniculo* 72, analogia foliorum situatio succedit; nam à caule, intra folii exortum *A*, gemma *B* seu plura foliola invicem conglobata conduntur; lacerato etenim hujusmodi latibulo folium *C* comatum extrahitur, cujus pediculus *D*, interiora versùs reflexus, aliud foliolum custodit, quod extractum figuram *E* servat, intra cujus pediculi claustra *F* aliud minimum cubat foliolum.

Gemmarum foliis plura hærent; & præcipuè *pili*, quorum non tantum ungues, sed & dorsum cooperiuntur. Ità in *vite* præ cæteris luxuriant oblongi & crispi, & à caudicis foliis erumpentes reliquum gemmæ custodiunt. In plantis, & præsertim in *sarsara*, ex filamentis contextura quædam excitatur, quæ adaucti etiam folii latitudinem ità cooperit, ut superinductum indumentum videatur. Cæterum Pilorum generatio suo habebitur loco.

Aliæ insuper appendices, *fungi*, & *papillæ*, eminent à foliolis intra gemmam contentis. In *Spinaceis* 73, à gemmæ foliolis *A* pendent globuli *B*, crystallino humore turgidi. Hi totam foliorum peripheriam tum interiorem tum exteriorem cooperiunt. Variâ constant formâ *C*, & pedicelo. In una spina fungi pariter adsunt rotundo capitulo *D*, gracili asurgente pedicelo *E*. In *cydonia* pariter *malo* copiosa sunt vascula *F*, à quibus terebinthina *G* extrahitur. In *castaneis* hians urnula *H* observatur, glutinosa referta succo.

Præter exarata gemmarum integumenta & fulcimenta, alia insuper in quibusdam vegetantibus observantur; peculiates scilicet *succi*, custodiæ gratia

gratiâ affusi : Itâ in *populo* lentus quidam succus & flavus luxuriat, quo singula foliola ambiuntur, & illinuntur. In *beta*, *lapaciâ*, & similibus, circa jam descriptas plicas & circumvolutiones glutinosus & lentus albuminis, ovi instar, humor obducitur, quo tota folii latitudo, sacco contenta, conspergitur & madet.

Consideratis gemmarum foliolis, reliquisque ab ipsis erumpentibus, occurrit media & profunda substantia, carinæ instar, à qua hinc inde foliola emergunt. Hæc autem tenellum est lignum, suo cortice circumdatum, fibris ligneis, utriculisque medullaribus excitatum, & frequentissimè candidis contegitur pilis : Est etenim tenellus furculus cum futurorum foliorum inchoamentis compendio quasi conclusum.

Hoc patet in gemma *roboris* & *quercus* 74, in qua, sectâ per longum, expansa observatur medulla *A*, quæ ligneis fibris *B* circumambitur; huic succedit cortex *C* cum elongatis ligneis fibris, qui in gemmæ foliola *D* laciniaur.

Eandem structuram miramur in *ficu* 75 gemma, quæ per longum sectâ, unâ cum extremo furculo medullam *A* candidam, utriculis excitatam, exhibet : Non longè ab hac excurrit lignea portio, fibris & fistulis *B* contexta, quæ usque ad apicem producta, propagines *C* in foliorum radices transmittit. In medulla, intra gemmam conclusâ, nodorum rudimenta *D* emergunt. Inter caduca folia *E*, stabilia *F* quoque locantur. Ad basim exarata gemmæ sectus futurus fructus observatur, ad cuius exortum medulla *G* elongatur, quæ ligneis fibris *H* circumdatur; has ambit derivatus cortex *I*, à quo foliola, gemmarum instar, tenellum fructum fovent.

Plantarum igitur fortis, laxatis gemmarum repagulis, turgente alimonia augetur in speciem furculi, unde internodia elongantur, foliaque auctiora redduntur.

Hujusmodi incrementum passim observatur in arboribus, & præcipuè in *castaneis* 76, in quibus, emergentibus costulis fibrosis, striatus efficitur & plurium angulorum furculus, nam elongatis internodiis *A*, geminum folium caducum *B* erumpit, pediolo folii stabilis *C* hærens, singulaque pilis & fungis oriantur. Folia itaque furculi medietatem tenentia citius grandiora redduntur, & quæ basin gemmæ, vel ipsius apicem tenent, postremò adolefcunt.

Fœcunda Naturæ vis in gubernandis viventium ordinibus eadem ferè, vel saltem analogâ, methodo, perpetuò incèdere videtur. *Animalium perfectorum* structuram ab ovo emergentem continuâ auctione, & nutritione ad debitam magnitudinem deducit, agglomeratis novis partibus prioribus & jam præexistentibus; eâ tamen ratione, ut in quocunque auctoris statu eadem primæva forma & natura manuteneatur, nullâ emergente de novo animalis parte præter dentes & cornua : In *Insectis* autem, ultra augmentum, diversis dicam ætatibus, partes, quarum rudia delinamenta in juventute latitabant, emergunt, qualia sunt alæ, antennæ, & simil. In *Plantis*, eadem munificentia, quotidianum contingit non tantum augmentum, trunco & ramis supercrefcen-

te ligneo involucro; sed à tenellis ramis novi singulo anno crumpunt furculi, quorum anticipatum inchoamentum, quasi peculiaris fœtus dicitur, *gemma*, seu *oculus*. Hujus structuram superius lustravimus in pluribus vegetantibus generibus, càmque tenello & minimo furculo, à quo hinc inde folia squamatim locata crumpunt, integrari vidimus; unde fœtum sui generis esse, inchoatum *scil.* furculum ità custoditum, ut statò tempore adolescat, partes extendantur, & nova progerminet. Et sicut in *Erica* partium quarundam delinamenta, adhuc fluida, fasciculis contenta diu jacent, donec intercedente, sub *aureliæ* forma, quiete, manifestiora & solidiora emergant; ità *rami* partes in primordiis, gemmæ, quasi compendio quodam, insunt; & per annum ità conditæ latitant, donec, accedente vere, laxatis viis ampliores redditæ in furculi speciem extendantur. Quare folia, quæ perfectò furculo inservire debent, temporanea sunt, vel in alienam degenerant formam, ut fusè percurrendo gemmarum augmenta indicavimus. Quæ enim exteriori gemmarum regionem tenent, non tantum interioribus & conclusis custodiam parant; sed contentus ipsorum reliquorùmque succus in propriis utriculis excoquitur, & longà illà quiete digeritur, donec exaltatus spermatico illo spiritu, ope ambientis aeris in gemmæ carinam, furculum *scil.* tenellum revchatur, ut ulteriorem foliorum vegetationem excitet: Unde hujusmodi gemmarum folia non unicam costulam, ut in stabilibus foliis ferè semper miramur, per medium productam possident, sed multiplices fasciculi, à basi assurgentes, in proprios appensos utriculos desinunt. Contabescunt postremò foliola hæc gemmarum, dum gemina uni adsunt stabili folio, exhausto jam concocto humore; & tandem concidunt, vel gracilescendo in pediolì formam absumuntur.

Naturæ pariter methodus in producendis *stabilibus* foliis mirabilis est. Primò enim costula seu pediolus, carinæ instar, humore turgidus cum appensis fibrulis manifestatur, à quibus probabiliter sacculorum seu utriculorum transversalium membranulæ pendent; ut in animalium primæva delineatione ~~observatur~~. *Patent autem* deducto novo alimento, quia complicata sacculorum moles, subintrante succo, turget, & ità folii latitudinem & laxitatem conciliat.

Gemmarum eruptiones statim locis & temporibus succedunt, ubi *scil.* turgens succus copiâ & contento spiritu fistulas ad latera curvat, & extra derivatur: Unde de novo geninatis ligneis fibris, tracheis & extensæ medullæ cortex additur, à quo copiosa foliola erumpentia in gemmæ corpusculum conglobantur. Quare in novellis ramis, & parum elongatis gemmis, novæ pariter emergunt gemmæ, molli cedente fibrarum structurâ, & vegetantis spiritûs impetu urgente; quin & multum intra luxurians succus extra statâ tempora, & eruptionis situs frequenter gemmas excitat: Sic in detruncatis ramis, vel caudice ipso, ità ut exiguum trunci à radice assurgat, multiplices gemmæ crumpunt, quæ in *stolones* adolefcunt. Apud nostrates mos est, ut rosarum frutices post florum eruptionem abscindantur, ut inde novæ subortæ, gemmæ citò in ramos excrefcant, & proximo autumnò flores emittant; copiosius

copiosus namque & excoctus in transversalibus utriculis succus, cum in recisi trunci & ramorum vegetationem non absumatur, obturatis exsiccatione fistulis, non digeritur, sed deorsum concidit, & novo urgente succo, necessario ad latera facta via, in novas soboles congestus digeritur; quare arbitrio culturae in arboribus & quibusdam plantis derivatur & flectitur alimentum, novæque emergunt partes.

Tanta gemmarum luxuries, quæ in arboribus in ramos cedit, & in herbis caulium germinationem promover, fecunditatis gratiâ institui videtur. Ab his namque spermatica vasa, uteri *scil.* seu ovarium, cum appensis ovis, quæ semina dicuntur, pendent, & sua incrementa suscipiunt: Quare sicut in animalibus à toto videntur particulæ decidere, ut in corpusculum dirigantur & conglobentur; ita singulo anno à quibuscunque tenellis ramis novæ emergunt partes, à quibus excoquitur & derivatur non tantum seminum materia, sed & spermatica organa: Non enim idem uterus perpetuò viget, & reliquo inservit vegetanti corpori, cui appenditur, sed singulus quique ramus anno, quo luce fruitur, propriis gaudet spermaticis organis, & fecundus brevi viget; reliquum verò suæ vitæ infœcundum transigitur.

Intestina fermentatio, continuata ferè per annum, in gemmis, plurimum inutilium promover exclusionem; quæ vel utriculis expositis effusa terebinthinæ naturam sapiunt, vel aquæ substantiæ modum æmulantia propriis sacculis detinentur, tandemque evanescendo oblietantur; quin & succus, quibus foliorum latitudo oblinitur in *populo*, & *lapatio*, circa ipsa densari, ex perpetuo effluvio probabile est. Idem etiam de pilis philosophandum videtur; hi enim ut plurimum, deficiente contento olim humore, exsiccati contabescunt & decidunt.

De FOLIIS.

Foliorum copiam, quorum vegetationem superius indicavimus, à tenellis furculis pendere omnibus patet. Sunt autem hæc quasi *placentulae* singularum partium, quibus plantæ integrantur, compendio coagmentatæ. In his molendis tam ferax est Natura, ut foliorum gratiæ plantæ vegetare videantur. Vario situ & ordine implantantur folia in furculis, & adactis gemmis: Frequenter enim in arboribus alternatim erumpunt; ita miramur in *populo*, *lauro*, *avellanis*, *limoniis malis*, *rubo canino*, *castaneis* & *jubis*: In his quandoque folia numero viginti tria pendent alternâ eruptione, & quæ mediam furculi regionem occupant, auctoria & laxiora sunt, reliqua minora. Folia alternatim etiam erumpentia non determinatum occupant situm, ita ut ductæ geminae lineæ rectæ per latera furculi à basi ad apicem omnia contangant, sed vario ordine locantur; ita tamen, ut in aliquibus tertia quæque eruptio sub eadem directione adsit; in aliis autem, ut in *quercu*, ubi copiosa prodeunt ab oblongo furculo folia, rectitudinem symmetricam difficulter invenimus. In *Cinara* caule, costulae, quibus lignæ fibræ custodiuntur, taliter à penitiori caulis corpore emergunt, & producta tandem in folii pediculum absumuntur, ut cuique facili innotescat, folia fieri emergentibus sensim costulis & fibris à profundo caule & caudice: Nam folii pediolus congeries est costularum & fistularum, quarum portio supra proximum folium emergit, & caulis exterior emicat regionem; reliqui verò fibrosi fasciculi longius emergunt.

TAB. 15. Ità in *malis limoneis* & *aurantiis* 77, obtusis quibusdam eminentiis striatus efficitur tendulus furculus; ipsius enim segmentum angulare corpus *A* designat; fibrarum fasciculi, qui in folia elongari debent, sensim à ligno cylindro eminent supra folium *B*, & rectâ producti, superatis quatuor foliis *C*, tandem in pediculum *D* absumuntur, & ita fit in singulis.

Tam variè configurantur folia in singulis vegetantibus, tamque dispari magnitudine donantur, ut impossibile sit ad certas normas singula reducere: Principalioribus tamen contentus, quasdam exponam foliorum formas, non ut genera plantarum tot characteribus distincta constituam, sed ut rudis notitia, facilioris intelligentiæ gratiâ, habeatur; idè ab universali vegetantium ordine quædam feligam.

Minima itaque & simplicissima est forma in *cupresso* 78, cujus foliola, licet separata nequaquam pendeant, furculis tamen hærent, & veram foliorum referunt naturam; à ramo enim *A* erumpunt folia *B* crassa & viridia latiori exortu & obtuso apice; furculus pariter emergens hinc inde foliis *C* contegitur. Ligni subjecta substantia parum elongatur, gemmarum instar, & foliola *D* parum excrescunt, & loco petioli, costularum tumores *E*, à furculo emergentes habent. Supra exarata foliola statim locis nova manifestatur gemma, quæ parem sortitur progressum.

In *cauda equina* 79, articulati sunt rami, multiplicibus emergentibus nodis, unde folii compages talis est: Quinque itaque constat appendicibus *A*, quæ exiguam possidentes latitudinem, utriculis & fibris *B* integrantur, colorque pollent viridi. Singula folii appendix, excurrente furculo, in geminas dividitur partes *C*, quarum extremi ungues spinis *D* muniuntur.

In *seniculo* 80, licet tota erumpentium ramorum moles videatur folium constituere, extremitas tamen in gracillima corpora soluta desinens, foliola, vel saltem ipsis analogæ, æmulatur: Hæc à lateribus minora profert foliola *A* quasi ramos; per medium horum lignea costula *B*, seu fistularum & trachearum fasciculus, excurrit; hinc inde viridis excrescit quædam substantia *C*, utriculis coagmentata, quæ cylindricum corpus efficit, quod in stylum seu spinam *D* desinit.

Eadem structura, manifestior tamen, occurrit in *asparago* 81, à cuius tenello ramo *A*, multiplicia folia *B* emergunt; horum forma ad ovalem tendit; pervaduntur excurrente fibroso fasciculo *C*, à quo utriculi *D* pendent: Horum apex spinâ *E* armatur, reliquum verò papillis *F* ornatur.

In *Pino* 82 oblongius est folium; gemina autem erumpunt *A*, à TAB. 16. furculo cui adhuc hærent gemmæ foliola *B*; hæc parùm lata, interiora versus concava sunt, & in ungue spinas *C* promunt.

In *camomilla* 83 folio, circa excurrentem fasciculum *A*, exiguæ utriculorum moles *B* hinc inde pendent, ut quasi foliola vel appendices *C* designentur. Eundem progressum miramur in *absinthio*.

In *pastinaca erratica* 84, folium, quod lato exortu *A* alternatim promitur, plures in pediculo continet fibrarum costulas *B*, quæ in nodo *C* unitæ diversas appendices vel novæ quasi folia *D* excitant, exiguâ utriculorum stipata compage.

In *cichorio* & *soncho* 85, circa excurrentem fibrarum costulam *A*, utriculorum portiones locantur, unde parùm laxata folii substantia *B* appenditur, quæ fibroso reti *C* irrigatur. Fibrarum quoque rami *D* elongatis utriculorum seriebus ambiuntur; unde minus profunda sunt intercepta spacia.

Quercus & *filipendula* 86 folium, elongatis à costulis *A* utriculorum ordinibus, amplius redditur, & substantia ejus minùs laciniata *B*. TAB. 17. In *piris*, *pomis*, & penè innumeris, ita continua redditur folii latitudo, ut minimæ tantùm supersint incisuræ.

Hujus speciem miramur in *rosis* 87, quarum media costula *A* ramos *B* promit, sibi invicem occurrentes; exterior verò unguis minimis incisuris *C* exasperatur, ita ut serratus fiat.

In *mali medicæ* & *limoniæ* 88 foliis, minimarum crenarum vestigia supersunt; exterior namque unguis *A* Zonâ quasi diaphanâ ambitur, & frequentem patitur incisuram *B*, cui proxima adstat, perpetuò conspicua, olei vesicula, seu utriculus *C*; hujus consimiles *D* quamplurimi, folii latitudinem occupant.

In *sempervivo* & *buxo* 89, tam ferax est utriculorum copia, ut crassum reddatur folium; cuius exterior ambitus *A* continuus, nullis solvitur crenis; interiori fibroso reti *B*: Irrigatur hinc inde utriculis, & globoso reti componitur.

Longus nimis esset, si universales etiam foliorum formas cursim exponere tentarem; quodlibet enim plantarum genus sua peculiari gaudet foliorum specie, unde quædam folia angulosa, mucronata, cistiformia, & aculeata observantur; aliqua verò rotunda, triangularia, falcata, & crenata occurrunt; non-nulla cava, fistulosa, carinata, & sinuosa conformantur; & tam variè Natura ludit in foliorum forma, ut perpetuum hominibus paraverit spectaculum.

Folia pluribus integrantur partibus, quarum historiam fas est aggredi; & primò *petiolus*, seu pediculus occurrit, qui in plerisque diversâ constat magnitudine. Enascitur autem à tendlo furculo & nunquam ab antiquioribus ramis & trunco ipso, nisi medio gemmæ furculo. Hujus exortus ab intimioribus ligni fistulis, ad extra continuatâ substantiâ derivatis, secto furculo patet, & præcipuè in *lauro* 90; à cuius fibrosa portione *A* ligneus pediculi cylindrus *B* exoritur, & in folium *C* absumitur. In *vite* & similibus 91, manifestior & elegantior est pediculi implantatio, seu eruptio. In nodo enim plures fibrarum fasciculi *A* ab interiori emergunt ligno, & in fasciculum recollecti, pediculum oblongum *B* efformant, iterumque laxati, folii reliquum expleant: Implicantur autem hujusmodi fibræ reticulari opere antequam pediculum excitent, ut mos est naturæ: Ità in *sciu* 92, undecim interdum fibrarum fasciculi *A* invicem reticulariter inosculati petiolum *B*, hoc est, ligneum cylindrum, medullam *C* ambientem, efficiunt. In plantis quibusdam, ubi folia petiolis destituuntur, vel saltem ipsi in cylindrum non coarctantur, fibrarum implicatio novaque germinatio succedit, acsi nodus intercederet; ità in *tritico*, & consimilibus 93, in singulorum foliorum *A* exortu, lignearum fibrarum reticulare opus *B* miramur, quod nudis etiam oculis levi tumore emergens patet. Mirabilior in *gramine*, *arundine*, & *grano turecto* 94, est fibrarum structura; portio, quæ pediculi vices supplet, minori fibrarum *A* copiâ pollet; ubi autem parùm flectitur & obliquatur, plures & plures prominentur fibrarum soboles, & novi furculi *B*, & circumlocati utriculi diverso inficiuntur colore quasi nova constituatur pars, nodo analoga, reliquum verò elongatæ substantiæ *C* in folium laxatur.

TAB. 18.

Descriptus petiolus (ut in lustratis foliis contemplati sumus) veluti peculiaris caudex in ramos & furculos scinditur. Frequenter per longum excurrentes sub costulæ specie hinc inde promittuntur ramosos, qui tandem in rete desinunt. Hoc passim in foliis patet, & præcipuè, in *blito albo majori* 95, cuius petiolus *A* latus & crassus solvitur in costulas *A*, quæ reticularem plexum excitantes, folii latitudinem excurrunt. In aliis autem foliis petiolus statim ac latitudinem attingit scinditur in minores ramos, conspicuos tamen, qui quasi ab uno exorti umbilico, alios minores producant. Hoc accidit in *hedera*, &

cimba-

cimbalaria 96, cujus folium petiolo firmatur, qui in insertione *A* solvitur in tres conspicuos furculos *B*, undè folii latitudo non multum profundis incisuris solvitur. Idem in *opio* seu *acere minori* 97, cujus pediculus quinque assurgentes progignit costulas *A*, totidem folii appendices *B* irrigantes, profundis intercedentibus incisuris. *Heliebori nigri* 98 pediculus insignes edit quasi ramos *A*, qui ulteriùs & ipsi novas emittunt soboles *B*: Folium hoc ità profundè solvitur, ut necias, an unicum sit folium ità laciniatum, an singularia folia totidem ramis correspondentia. In *nuce*, *rosis*, *vite alba* & *jasmينو* 99, oblon- TAB. 19.
gus est pediculus *A*, à quo hinc inde disparata folia *B* pendent, brevi & ipsa firmata petiolo *C*. Varius est foliorum *B* numerus; quæ enim à furculi base emergunt; pauciora sunt, cum ternarium frequenter non excedant numerum; circa medium tamen & apicem, novem interdum numerantur foliola *B*.

Expositus petiolus est quasi compendium caulis seu caudicis, eandem fortius partes, quæ in trunco & ramis deprehenduntur. In *cucurbita* 100, proceræ magnitudinis extat; concavus est, unde ipsius segmentum talem exhibet speciem. Sub cuticula varii utriculorum ordines *A* locantur; in horum medio hiant costulæ seu fibrosi fasciculi *B*, quorum media pars tracheis *C* componitur, externæ verò *D* lignæis fibris complentur: Hæ per longum ducuntur, & hiantibus quasi fistularum *E* fragmentis coagmentantur, ipsisque utriculi *F* variè configurati hærent; exterius spinæ *G* prominent, variis nodis excitatæ. In pluribus arboribus, & præcipuè in *nuce* 101, à tenello furculo *A* crassius valde & latus emergit petiolus *B*, amentum *C* axillâ custodiens. Hujus segmentum medullares utriculos *D* in centro exhibet, circa quos lignea portio *E*, fistulis & tracheis constans, obducitur; hæc corticis fibris, & utriculis *F* ambitur.

Petiolo appenditur dilatata folii portio, cujus præcipuas formas brevi percurramus; unde fas est, ut ipsorum substantiam & compagem indagemus. Præcipua itaque dilatati folii pars occupatur à costulis vario ritu productis; fibræ etenim lignæ, unà cum tracheis & peculiari vase conglomeratæ, à petiolo excedentes veluti minima arbor hinc inde disperguntur & solvuntur in ramulos, qui & ipsi denuò novos ulteriori divisione promunt reticulares plexus. Emergunt hujusmodi fasciculi in plerisque foliis consumptâ utraque cuticulâ, præcipuè in *quercu*, & *bedera*. Placuit tamen minimas areas observare in *cleandro* 102, cujus detractâ cuticulâ, insigniores rami *A* à costula per medium excurrente lateraliter erumpunt, qui productis ramulis reticulariter implicitis, diversarum figurarum areas *B* efficiunt, quæ ulteriùs minimè fibroso emergente reti *C* replentur. Elegantior reticularis plexus in *opuntia* 103 foliis occurrit, consumptâ carne, unde placuit frustulum delineare, prout ruditer apparet. A nodo igitur seu quasi folii petiolo plures emergunt fibrarum fasciculi, seu costulæ *A*, quæ per longum excurrentes obliquè insigniores areas *B* efformant, quæ à productis ulteriùs fibrosis ramificationibus minores areas *C* efformant, in quibus nova pariter succedente fructificatione, inconspicuæ
penè

penè excitantur areæ. Sunt autem plures hujusmodi superpositæ productiones, quibus folium integratur. Qualibet itaque costula fibris, tracheis, & fortasse peculiari vase, coagmentatur; plerumq; tracheæ *D* externam occupant locum, nonnullis intrò conclusis; hæ obliquantur, & relicta costula *E* alteri *F* inferuntur, & ita frequentes fiunt areæ, noviq; fasciculi. Probabile etenim est, lineas fibras, & tracheas, à primordiis quasi in fasciculum reollectas, separari; indeque diversas areas fieri ex subortis identidem utriculorum, appendicibus, quæ contento succo turgescunt, & auctæ, necessariò fibras, quibus continuantur, lateraliter urgere. Reliquum costula fibris & fistulis ligneis *G*, pari productione implicitis, completur, quorum ora, evidenter patent.

Fistulas & tracheas concomitantur peculiaria vasa, quæ concoctum succum continent; hæ solà humoris eruptione patent, quatenus *scil.* vel alieno pollent colore, vel crassiori scatent corporaturâ; unde scētis foliis *tithymali*, *cichorii*, & *sim.* lac emergit; in *chelidonio*, subluteus humor; in reliquis autem herbarum & arborum foliis, quia aquosus humor est, ideo nullam sui exhibent notam.

Foliorum costulas reticulariter per totam latitudinem produci, indeque multiplices subortas arcus vidimus; hæ autem utriculorum seriebus replentur ab emanantibus costulis, & quasi ab ipsis pendentibus; unde foliorum crassities confurgit. Hoc licet in singulis diligenter lustratis foliis pateat; in crassioribus tamen minùs obscurè sese offert, ut in *portulaca*, *buxo*, *sempervivo*, & *telephio* 104: In hoc etenim, laceratâ cuticulâ, dum sensim costulae *A* evelluntur, appensæ utriculorum series *B* reticulariter implicitæ rapiuntur, quibus tota folii latitudo & crassities excitatur: Sunt autem utriculi ovalis figuræ, & inæqualis etiam, invicem contigui, tunicæque in modum vesicæ laxatæ componentur, quæ lineam fibram & tracheam *C*, secundum longitudinem sui centrum excurrentem, amplexatur, ipsiq; hæret; unde laceratione utriculi frequenter manifestantur. Eandem configurationem evidentius in crassiori *opuntia* folio 105 deprehendimus; à ejus costula *A* molles pendent utriculorum ordines *B*, oblongiori constantes formâ, & reticulariter impliciti, à quorum medio, laceratione præviâ, lignea emergit fibra *C*. In ejusdem exsiccatò folio, & tabe consumpto, plurium utriculorum vestigia adhuc supersunt; magis tamen conspicua occurrunt quedam subalba corpora *D*, quorum in virgulentibus vestigium apparet: Hæc solidioris substantiæ sunt; & quasi angularibus appendicibus *E* contexta. Interdum dubitavi, an peculiaris succi extent receptacula, vel saltem tartarizato succo concreti utriculi, ut *pirorum*, *cydoniorumq;* *malorum* pericarpio accidit. Expositi foliorum utriculi, ex contenti succi natura, iniqua compressione, vel laxitate, varias subeunt in exteriori regione formas; unde quasi caecales & vermiculares vesiculæ contortæ apparent: Interdum angulis scatent, & frequenter irregulariter terminantur.

Inter utriculos & fibrosum rete, in plerisq; foliis peculiare folliculi seu loculi disperguntur, qui patenti hiato foras, vel halitum, vel humorem

morem fundunt. Hujusmodi hiatus evidentius præ cæteris patet in foliis *oleandri* 106: In singulis hujus arcis *A*, à fibrosis costulis *B* excitatis, quatuor, vel plura aperiuntur folliculorum ora *C*, parenti hiatu, qui circumducto labio, pilis consperso, ambitur; intus concameratio succedit concavo & globoso excitato corpore. In *populo*, *castanea*, & *morò* 107, dum foliorum utriculi contabescere incipiunt, magis eminent TAB. 11. hujusmodi loculi: *A* fibra etenim insigniori *A* emergentes costulae *B*, arcas efformant, quæ ramulis *C* ulterius irrigantur, hisq; hærent exarati loculi *D*, rotundæ solidæq; substantiæ; patentì donantur hiatu, qui manifestatur in parte interiore folii, qua scil. cælum respicit. In hac diversæ utriculorum coronæ *E* circumlocantur, unde frequenter concha *F* excitatur; ab hac lentus fluidusq; interdum effluit humor, quasi sudor. In *olea* 108 foliis, in exteriori scil. parte, perfoliis locatur structura; frequentes namq; coronæ adstant, oblongis excitatæ sacculis *A*, contentum verò centrum à papillari corpore *B*, parùm protuberante, occupatur: Ab hac autem affluit argenteus ichor, qui folii contiguis partibus hærens, easdem lucidas reddit. In *ficu* 109, copiosissima sunt hujusmodi globosa corpora *A* in arcis dispersa, quæ diaphano succo turgent: Eminent autem parùm in exteriori parte folii, & exiguo hiant foramine. Eandem pariter speciem miramur in *citro*, *malo aurantia*, & *limonia*.

Tota exaratorum moles, quibus folia coagmentantur, levi superextensa cuticulâ seu epidermide obducitur, quæ subsectorum colorem refert, ipsaq; contenta custodit, & continet. Plerumq; levibus spinis & pilis cooperiuntur folia, quorum indaginem suo loco habebimus.

Foliorum extremus unguis, quasi Zonâ seu crassiori lineâ circumdatur. Diu quæsi, cujusnam naturæ sit: In aliquibus videntur solæ membranæ, quibus hinc inde tegitur folium, exiguis interceptis utriculis, unde facillè à lumine pervaduntur, & diaphanæ fiunt. In aliis, ut in *lauro*, hujusmodi Zona crassior est, & externis oblongis cooperitur utriculis; interius verò lignæ fistulæ, reliquis continuatæ, excurrunt. In *limoniis malis* pariter circumducta linea diaphana est, in qua vesiculæ interferuntur oleo refertæ. In laciniarum apice, in quas folia jam solvi vidimus, dum tenella adhuc vegetant, papillæ & utriculi quidam eminent, diversos continentes succos. Ità in *mespilorum* folio 110, etiam adulto, ab appendicibus laciniatæ partis *A* assurgit quasi margarita *B*, diaphana, electrum æmulans, ad cujus radicem & insertionem fibra perpetuò definit; hac laceratâ terebinthina funditur. *Cerafi* 111 extremos pariter fines excurrit rubicunda Zona *A*, à pediculo assurgens; ab angulosis itaq; laciniis papilla, seu utriculus *C*, eminent, rubicundi pariter coloris, qui glutinosum evomit succum. In *populo*, & *vite* 112, etiam consimilia locantur terebinthinæ receptacula. In hac, ab extremo folii apice angularis quasi sacculus *A* elongatur, qui, licet continuatâ cuticulâ excutitur, viridi tamen colore non inficitur, sed à contenta terebinthina, quâ turgit, coloratur: Vasa quoq; & fibras *B* recipit.

Folia, quorum copiâ luxuriâsse videtur Natura, sunt præcipuæ insignisq; partes, quibus arbores & herbæ integrantur: illa enim omnia, quæ in trunco, seu caule, principe vegetantium parte, colliguntur & quasi compendio coercentur, ulteriori productione in extremis & junioribus partibus soluta, in folia exeruntur, ita ut elongati & laciniati trunci appendices videantur. Nil mirum igitur, si costulæ, fistulæ scilicet lignæ, unâ cum tracheis à tenelli circuli profundo ligneo cylindro deriventur, & ut plurimum in fasciculum recollectæ petiolum efforment, & tandem solutæ reliquum folii compleant. Et quoniam Naturæ mos est, ut ligneis fistulis, truncum & caulem constituentibus, aliud receptaculorum genus appendatur, transversales scilicet utriculorum ordines; ideo in pediculi diramatione & divisione crumpentes utriculorum variae series, diversam foliorum speciem efficiunt. Excoctus in his humor, fortasse ex propriæ naturæ vi & energia, crassitiem, lentorem, longitudinem, vel brevitatem, & molliem, in pendentibus utriculis excitat; unde diversæ incisuræ profundæ & minimæ succedunt: Argumento sint arborum sylvestrium folia, & præcipuè *mori*; hæc altis incisuris solvuntur, nec multum latitudinis & extensionis habent; infusione autem, dum ulteriori culturâ urbanus efficitur caudex, ampliora redduntur folia, & minimis crenis solvuntur.

Taliter excitata folia videntur à Natura fabrefacta, ut coctioni alimenti, quæ præcipua est, inserviant: Nutritii namq; succi portio, quæ radices subingreditur, nec in appensas transversales stirias derivatur, postremo à ligneis fistulis in folia exoneratur; ideo necesse est, ut in ipsum quasi transversalibus utriculis moram trahat, & antiquo succo commisceatur, & fermentetur, juvante non parum externo ambientis aeris calore, ut facilius transpiratio inutilium evolet. Hinc Natura copiosis sui generis glandulas pro sudore, lentisq; excernendo humore, foliis addidit, ut completâ coctione defæciatior in ipsis nutritius reddatur succus. Diu meditatus sum, cuinam animalium parti analogâ sint folia: Cum enim plantæ motu locali carcant, musculis destitui fas erat; ventriculo, ~~pancreate~~, ~~liene~~, & ~~hepate~~ nequaquam egent, cum hæc animalium viscera circa chyli elaborationem perpetuò insudent, quod, in plantis, terræ & radicum ministerio expletur. Quare sarius credidi, cutis seu corii munia subire; hæc in animalibus nervorum, arteriarum, venarum, lymphaticorum fortè, tendinum, & glandularum compage ita excitatur, ut effluens nutritius succus per exiguos meatus novam partium adaptationem & fluorem adipiscatur, inutilia separantur, & manifestis ductibus eliminantur, noviq; fermentativi succi separantur; & tandem redux iterum interiora animalis nutriat & vivificet. Quare insectâ cute non parum labis reliquo succedit corpori, ut in cutancis morbis experimur. His analogâ de facili deprehenduntur in foliorum structura, & consequentibus usibus. In folia, compendio quodam, singula vasa, tracheæ scilicet, fistulæ lignæ, & peculiaria vascula desinunt extremis finibus, nec desunt sudoris vascula, & transpiratus, pili quoq; subcrescunt. Expositæ cursim hæc cogitationes firmari possunt observatione eorum, quæ in reliquis imperfectis animalibus contingunt:

tingunt : Proximum namq; *infectorum* genus tam ingentem circa corium congerit humorem, tamq; repetitis vicibus pellem vel saltem cuticulam renovat, rejectis veteribus, ut in continua mutatione versetur. Quid simile in Plantarum *foliis* miramur ; singulo anno utplurimum, corruptis minimis meatulis exhaustoque antiquo succo, cum amplius naturæ nequaquam inserviant, abjiciuntur, novumq; organum excitatur ; & quibus in plantis folia adhuc vircent, novis tamen æstate germinantibus gemmis, antiqua, marasmo confecta, collabuntur. Probabilem nutritii succi in foliis coctionem indicare videtur seminalis plantulæ structura : Hanc, (ut suo loco patebit) constare geminis foliis, evidens est, quæ propriis vasculis, & utriculis, succo turgidis, dilatantur, ut mole suâ reliquum plantulæ superent : In germinatione vero soluti & turgidi hujusmodi plantulæ humores, advenientem succum fermentant, & augent antiquum, ita ut in ampla folia extendantur, ut patet in *endivia*, *peponibus*, & *cucurbita*, cujus seminalia folia in tantam excreverunt molem, ut vix credibile sit ; & ablatâ cuticulâ, series pendentium utriculorum tam manifestò exhibentur, ut evidenter pateat, folia hujusmodi conditoria esse seu penu concreti succi. Quoniam tamen sensim vegetante radicis trunco, & plantulæ germine, contabescere incipiunt hujusmodi folia ; hinc constat, à foliis in caulem & caudicem regressum esse concocti succi, & quasi peculiarem circulationem.

Remittunt itaque *folia* probabiliter concoctum succum, ipsumq; in annotino & novello surculo, cui adnascuntur, congregant, ut in tencellam gemmam absumatur : Etenim non longè ab insertione & folii corruptione gemma post aliquot tempus succrescit, & maturato per longum tempus in surculo coercitus humor, advenientis veris ope fermentatus, in delineato gemmæ fectu absumitur, & nutritionem inchoat ; unde videtur nulla subescere utplurimum gemma quam non antecedar & successivè alat folium.

Idem ministerium præstant probabiliter folia *feminibus*, cum hac tamen distinctione, ut singulo anno crumpentia folia tot novellas gemmas axillis foveant & alant : Semen autem ut in perfectioribus animalibus statò tempore est fecundum, firmatâ scilicet animalis structurâ, & maturato interno fermento ; ita non quilibet surculus fructificat singulo anno, sed tertia tantum soboles, cum trium annorum surculo maturetur & exaltetur succus in antiquiori surculo, & ita postremò fructificet.

De FLORIBUS.

Plantas fingulo quoquo anno vegetantes jam contemplati sumus: Tantus verò partium apparatus folius *fecunditatis* gratiâ comparatus videtur, ut tandem, renovatis seminalibus organis, novus progignatur foetus: Hæc igitur in *Flore* Natura conclusit, qui pleni veris & renascentis anni indicium, arborumque gaudium merito appellatus est: Hic idem luxuriantis magnæ matris fecunditati, odorum colorumque gratias ludentis Veneris associavit. Erumpit ab arboribus quamplurimis *Junii* mensē, eâ *scil.* tempestate, quâ gemmæ, quæ futuro vere aperiri debent, emergunt. Propria foliorum textura, qualis in gemmis observatur, debite custoditur: Itâ patet in *ceraso*, *pyro*, & *lauro*: In aliis autem, & præcipuè in *rosis*, *vite*, & *sambuco*, à tenello furculo qui mox ineunte vere prorumpit, sese exurit. *Flores* igitur, qui propriâ gemmâ custodiuntur, scorsim ab annotino ramo prodeunt; horum gemma in *malo armeniaca* 113 elegans est; nam à tenello furculo *A*, supra delapsi folii cicatricem *B* assurgit, foliorum *C* squamatin positorum compage coagmentata; in aprico laxatur turgentibus floris foliolis *D*, in orbem circumductis. In hac per longum scictâ, foliorum, quibus gemma excitatur, exortus *E* patent, reliquæque, quibus flos integratur. Idem accidit *prunis*, & *amygdalis* 114, quarum multiplices foliorum ordines *A* contentum diu florem foveant, qui ineunte vere primo pullulat, emergente calyce *B*, & foliis *C*. In *ceraso* multiplices flores unâ conteguntur gemmâ, cujus foliola reliquorum more successivas fortiuntur mutationes. In herbaceis, ut in *violaria*, flores proprio pediculo ab implantatione cujuscunque folii erumpunt. In *capis* à centro bulbi caulis assurgit, cujus apicem flos ornat.

Flores pluribus partibus componuntur, quarum diversis formis & luxuriantibus coloribus mirasuccedit varietas; horum tamen exactam & extensam delineationem Botanicis reliquisque hortorum cultoribus peragendam relinquo, mihiq; tantum scorsim rimandas suscipio partes, eâ *scil.* methodo, & numero, qui anatomico negotio & meæ tenuitati conducit. Inter reliquas partes, quibus *flos* excitatur, primò *calyx* occurrit: Hic itaq; floris basis est; & fulcimentum, suâque corporaturâ foliorum staminumque exortum fovet, quin & ipsorum progressum plerumque cooperit: Quare multiplici formâ donatur, & magnitudine. Ut autem aliqualis Naturæ methodus habeatur, principaliores exarabo formas, recollectas à singulis vegetantium ordinibus. Simplicior *calycis* species occurrit in *olea*, *citro*, *malo limonia*, & *aurantia* 115, reliquisque olcosis: Ab elongato *limonii* furculo *A*, fit quasi radiola corona *B*, floris exortum ambiens, fibris & utriculis constans, quæ delapso etiam flore, fructui hærens perdurat. In *hyoscyamo* 116, calyx tubulosus *A* crassâ constat substantiâ, & in summitate levibus incisuris in quinque solvitur foliola *B*, quæ copiosis pilis & fungis *C* teguntur.

guntur. Idem calyx magis ferratus occurrit in habentibus siliquam, ut patet in *collutea*, & *pifis* 117, quorum calyx *A*, licet exiguus, in foliola tamen *B* solvitur, quæ, evanescente flore, crispa redduntur, & superfunt. Eadem calycis natura, quasi geminis contexta foliis, observatur in *sclearea* & *horminio* 118; hujus calyx à petiolo *A* assurgens in gemina solvitur folia *B*, quæ & ipsa parùm dentata fiunt, & copiosis pilis & fungis *C* ornantur. In plerisque altius laciniatur calyx, unde multiplicia distinguuntur foliola; ita in *bursa pastoris* quatuor excitantur: Frequentius tamen quinque numerantur, ut videmus in *buglosso*, *primula veris*, *geranio*, *helleboro nigro*, *cannabe*, *limo*, *oxiacantha*, & *rosis*, quantum floribus nondum hiantibus, calycis foliola exterius obdacta custodire vices gerunt. Plura pariter & copiosiora occurrunt foliola in calyce *fragariæ* & similium; inæqualis tamen magnitudinis, ita ut minora intermedient ampliora. In *belli* 119, calyx *A* in sexdecim solvitur foliola *B* viridia, quibus reliquum *C* munitur. TAB. 22.

In exaratis hucusque floribus, calyx vel exiguis dentibus vel elongatis productionibus sub eodem plano & circulo ut plurimum excitatur. Consecravit tamen Natura in quibusdam multiplicare foliorum ordines, ita ut à gemino circulo emergant folia; ut in *malva* præcipuè *arborescente* 120 apparet, cujus inferior ordo *A* minora foliola *B* promit; subsequens vero ordo grandioribus *C* excitatur foliolis. In floribus, qui exiguis minimisque flosculis conglomerantur, calyx multiplici foliorum ordine componitur, ut patet in *tarasco belli*, & *cyano odoroso* 121, in quo folia *A* copiosis ordinibus digesta, squamarum instar sese cooperientia, elegantem efficiunt calycem; singuli folii species est *B*. Idem observatur in *chamaemelo*, & in *bupthalamo* 122, cujus calyx quatuor foliorum *A* ordinibus componitur, quibus flosculis & foliis *B* concha paratur: Singulum calycis folium in exteriori ungue *C* diaphanum est, specularis instar lapidis. Non longè ab ambiente ungue fusca quædam extenditur tinctura *D*, quæ gratum offert spectaculum. Ex horum indagine fas est asserere, folia, quibus *exterior cinara* 123 flos custoditur, veras calycis subire vices. Sunt autem folia *A*, copiosissimè sese invicem continentia, ita ut in nondum hiante flore quasi pennisiforme corpus appareat: Patent autem diversa plana, & foliorum exortus, si per transversum secta *cinara* observetur. A petiolo *A* sensim erumpunt crassa folia *B*, & ubi laxatur quasi in rotundum pericarpium *C*, sub diversis segmentis & planis *D* oriuntur carinata folia *E*, in quæ exaratum pericarpium laciniari videtur: Subsequuntur alia calycis foliola semper minora, quæ tandem flosculorum congeriem cooperiunt. In *caryophyllo*, & *oculo Christi* 124, calyx gemino foliorum ordine *A* excitatur; à cujus umbilico novus tubulosus calyx *B* assurgit in apice *C* dentatus. Parùm ab similibus structuram miramur in *Beem albo* 125, cujus calyx *A* concavus & piriformis tendillum florem *B* fovet, & tutatur; per longum excurrunt vasa *C*, foliorum instar reticulariter implicita. In *amygdalis*, *cerasis*, *malis*que, *Armeniis*, & *Persicis* 126, calyx *A* concavus & vacuus turgescit, & in summitate in quinque acuminata foliola *B* solvitur. Gracilis est ipsius substantia, fibris & utriculis eleganter contexta, TAB. 23.

contexta; nam exterior corticis portio *C* eadem est cum folii *D* lacinia substantia; subsequens vero & media portio calycis ligneis fibris *E* irrigatur, pendentibus de more utriculis; & ab hac, staminum pediculi *F* emergunt: Interior tandem portio lutea est & globosa, & quasi erumpens moscus; ab hac candidi pili *G* nascuntur. In *mespilis*, *oxiacantha*, & *malis* 127, ultra lacinia folia *A*, quæ à summitate calycis *B* exoriuntur, succedit globosum & rotundum corpus *C*, quod, quasi elongatus calyx, in pomi pericarpium facit.

Singulis igitur vegetantium floribus, præter *caltham palustrem*, *vitalbam flore caruleo*, & *sim.* inest calyx: In pluribus autem bulbosis, ut in *hiacyntho*, *parcisso*, *lilio Persico*, *tulipa*, *lilio corvallis*, *gladiolo*, & *melilotto*, perianthium, concavum scilicet quoddam viride folium, subrogatur, quo tenellus flos ambitur & munitur; unde citò exsiccat.

In plantis spicas ferentibus, quarum productionem præcedunt flores, probabile est, suos quoque adesse calyces, cum tenellum inclusum florem custodiant. In *tritico*, & *avenaceis*, cum plures germinet flores, copiosa pariter occurrunt folia, quibus calycis munus expletur. In *avena* namque 128, à calamo *A* geminum folium *B*, *C*, concavum eminet, quod excurrentibus per longum fibris & interpositis utriculis excitatur: Succedit superius tertium folium *D*, quod gluma dicitur, concavum, oblongam hastulam *E* promens, & pilos *F*; huic gracile opponitur folium *G*, quo, veluti portâ, concavitas florem *H* continens occluditur.

Licet igitur ex horum indagine suspicari, flores calyce donari, ut ipsorum adhuc tenella structura custodiatur. Elongatur autem ab attenuata corticis & ligni substantia, ut patet in *mespilis*, *pomis*, & *malo Punica* 129; in qua à crasso cortice *A*, conclusa femina ambiente, angularia eminent folia *B*, à quorum interiori portione *C* floris partes erumpunt: Evidentiùs in *cinara*, (cujus calycis folia crassiora & ampliora sunt) componentes partes emergunt.

Varie configurantur calycis folia, ut plurimum tamen angularia sunt, & dentata. In *Maracot Indorum* 130, quinque sunt folia *A* concava; quæ unita tenellum fovent florem; in apice, styliformi appendice *B* donantur. In *rubo canino*, & *rosis* 131, quædam calycis interjecta folia elegantibus ditantur appendicibus; angulare namque folium *A* elongatur, quod à lateribus appendices *B* profert, quarum extremas acuminatas lacinias rubicundi fungi *C*, terebinthinam fundentes, terminant. His & similibus circumscripta terminis calycis foliola suis interdum armantur spinis, ut in *papavere* patet 132, cujus gemina calycis folia *A* recurvis spinis *B* exterius cooperiuntur, in quarum exortu monticulus *C* utriculis constans eminet: Singula hæc folia extremo ungue terminantur, qui ex uno latere *D* adeo gracilescit, ut facile opposita folii *E* crassiore subintret limbum, & ita nulla succedat rimula. In *cinara* & *carduo sylvestri*, foliorum apex spinâ armatur; in *rosis* vero fungi & pili abundant.

Suprà calycem à dilatato caule vel petiolo erumpunt floris præcipue ornamenta, folia scilicet. Tam varie hæc configurantur, & colorantur, ut

ut impossibile sit singula percurrere, summas tamen exarabo formas, à simplicioribus exordio sumpto. Foliorum itaq; purior conformatio sese offert in *convolvulo* 133, cujus folium *A*, campanæ instar, tubulo- TAB. 24.
sum, à calyce *B* usque ad extremum unguem continuum hiat. Idem in *digitali* 134 molitur Natura; tubæ etenim instar *A* sensim dilata-
tur, & unitate gaudens nullas paritur incisuras. Parum absimili spe-
cie conformatum intuemur *aristolochiæ longæ* 135 florem, qui tubu-
losus & ipse extremum unguem *A* eminentis inæqualem habet; cras-
so constat corpore, fibrosis costulis irrigata; à seminum loculis *B* af-
furgit, & rotundâ excitatâ concameratione *C* stylum custodit. In *Hia-
cyntho Matthioli* 136, multiplices flosculi ab oblongo pendent cauli-
culo, & concavâ tubulosiq; constant formâ *A*, crassâ excitatâ substan-
tiâ purpurei coloris, parum virentis; hujusmodi in extremo ungue
in sex lacinias *B*, veluti exigua, solvuntur. Intus stamina & stylus con-
duntur. Idem contingit in *lilio convallio*, 137; licet enim unicum e-
mineat folium *A*, extremo tamen ungue solum sex quasi foliola *B*
promit. *Violarum* pariter, & *caprifolii* 138 unicum extat folium, quod
hiatu in quinq; aperitur foliola *A*, quæ subalba sunt, levique suffusa
rubore. In *jasmينو albo*, *narcisso*, *buglosso*, & *primulæ veris* 139, à pedi-
culo *A* supra calycem evchitur floris folium *B*, quod tubulosum in
quinq; laciniatur folia *C*. Elegantiori conformatione præcedit Natu-
ra in *papilionaceis* floribus; in *saba* namque & *pisis* 140, multiplices
crumpunt flosculi: Intra calycem *A*, folia *B* nondum hiantia reli-
quum floris cooperiunt: Aperto autem flore, folium *C* reflectitur, &
erigitur veluti papilionum alæ; reliqua verò folia *D* eminent. In *Ga-
leatis* pariter ludit Natura; in *horminio* namq; 141, à calyce *A* emer-
gens folium *B*, concavitate reliquas folii partes *C* fovens, mirabile sui
exhibet spectaculum. Quid simile occurrat in flosculis *palme Christi*
142, cujus uterus striatus *A* attenuatur in floris folia, & primò hori- TAB. 25.
zontale extendit folium *B*, quod tubulosum *C* corpus deorsum pro-
mit, superiora autem *venos* foliola *D* attollit, in quorum medio, ga-
leæ instar, eminet *E*, à quo stamina crumpunt. *Buccini* 143 flos re-
curvo pendet petiolo *A*, à quo producantur folia *B*; ab eodem e-
mergit, cornu instar, folium *C*, quod superius hians horizontalem ap-
pendicem *D* promit. In exarato folio *C* conditur alterum tubulosum
folium, cujus superior pars, galeæ instar *E*, eminet, & ab hujus hiatu
stamina *F* emergunt. Elegans pariter est *polygalæ* 144 structura, supra
cujus calycem *A*, gemina extenduntur rosea folia *B*; ab horum medio
floralis affurgit tuba *C*, quæ in apice in bina solvitur folia *D*; à tubæ
hiatu corpus exit, in filamenta *E* solum. Profundioribus excitatis di-
visionibus interdum folia multiplicat Natura, quæ unico exorta à ca-
lyce eundem sortiuntur exortum: Hoc patet in *lauro*, & *gladiolo* 145,
cujus flos tubulosus *A* in quinq; inæqualis magnitudinis folia *B* solvit-
tur, quorum ope affurgens stylus *C* custoditur. Quid simile in *arbo-
rescente malva* observatur.

Frequentius multiplicata folia undequaq; libera singulari implanta-
tione crumpunt; hoc mirari licet in *uva*, *piro*, *tritico*, *cerasis*, *oxiacan-
tha*,

tha & *rubo canino* 146, cujus folia *A*, supra calycem *B*, à seminis capsula, sub uno circulo *C* emergunt.

Solet natura interdum multiplicatis foliorum ordinibus ditiores reddere flores; ita in *primula veris* flos simplex tubuloso, hocq; unico, constat folio, quod in apice altè laciniatur; in flore verò duplici 147, alterum additur folium, quod exterius crispis costulis *A* munitur, & laciniatur in *B*; à basi verò *C* unà cum grandiori folio *D* exoritur, & stylus *E* pariter tutatur. In *Anglica* autem *primula veris* 148, flore pleno, cauliculi extremitas latior reddita, primò calycis folium *A* promit; sensim in crispa folia *B* extenditur, quæ à ligneo cylindro fibras *C* recipiunt, & tandem quasi in gemmam *D* definit. Folia *E* quæ supra calycem emergunt proceriora, in apice incisuris soluta, plura edunt foliola *F*; inferius in alia gemina *G* dividuntur; stylus ex roto deficit, & in foliis *F*, ubi stamina erumpere solent in simplicioribus, macula quædam lutæa *H* interiorem folii substantiam tenet. In *arborescente malva* 149, supra calycem, hic laceratum *A*, attollitur tubulosum corpus *B*; quod in simplicibus stamina tantum promit: Ab hoc emergunt quam plurimi staminum petioli *C*, inter quos locantur rami seu flosculi *D*, varia floris folia edentes, quæ hic detruncata indicantur. Superior verò portio, staminum *petiolis* in fasciculos relectis *E*, absumitur. Interius, loco styli sæpe Natura vel Casus ludit. Nam aliqui styli, seu uteri cum tubis, graciles tamen, conduntur; reliqua sunt folia quasi molæ; in summitate enim tubam uterinam *F*

TAB. 26. 149 promunt, reliquo verò corpore *G*, parum concavo, folii tamen naturam servante, unum vel alterum semen vel vesiculam *H* fulciunt: Quandoque geminæ tubæ *F* à concavo folio attolluntur, & intus seminum inchoamenta *I* custodiuntur. Quandoq; materia plurium uterorum indistincta conglobatur in unicam molam, & frequenter, seminis loco, sola succedit vesicula, unde mirabilis est floris hujus indagatio. In *hyacintho maximo flore pleno* 150, multiplicia sunt plana, à quibus varii foliorum ordines exoriuntur. Primò namque cauliculus *A*, sensim dilatatus, crassum ~~canaliculum~~que promit folium *B*, quod superius in diversa dividitur foliola *C* & *D*. Idem cauliculus, sursum productus, hinc inde in varios foliorum exortus *E* absumitur, & apex *F*, quasi gemma, pluribus sese invicem ambientibus foliis conglobatur; in hoc, nec stamina nec stylus apparent. In *hyacinthis*, quorum flores exiguis foliis componuntur, ipsorumque cauliculi apex in folia non absumitur, stylus cum feminibus luxuriat. In *ranunculo duplici* 151, coloris lutei, extremus surculus in pineale crassescit corpus *A*, quod sub variis planis horizontalibus foliorum ordines *B* promit, & in summitate absumitur in foliola *C*. Sectum hujusmodi corpus *A* exhibet fistularum progressum *D* in singula foliola & utriculorum *E* congeriem, quibus veluti pericarpium excitatur. In hoc & similibus nullum staminum stylique vestigium extat. In *violis flore pleno* 152, surculi substantia *A*, sicut in reliquis in siliquam absumitur, ita in his ulterius producta cauliculum efformat, qui in diversis planis, quasi tot nodis, lutæa floris folia *B* promit, propria firmata petiolo *C*, cujus exortus gmina

gemina adstant foliola *D*, caduca & gracilia, quæ tandem collabuntur, apex pariter, veluti excrefcens gemma, foliolis *E* condecoratur, ita ut exarata folia invicem unita florem efformant. Interdum ab eodem furculo *A*, rami ejusdem naturæ cum flosculis promuntur, quorum congerie flos plenus excitatur. Sectus furculus fibrarum productiones *F* in singula foliola indicat.

Ludit rursus natura solitâ suâ munificentia, dum florem pluribus flosculis ita componit, ut jucundum spectaculum pareat. Hoc in *cinara*, *heliotropio*, & *beli* miramur 153. Hujus cauliculi extremitas in globosum extensa corpus *A*, quod interdum depressius est, supra calycem primò insigniora promit folia seu peculiarem flosculum, & stylum *B*; horum copiâ, coronæ instar, floris basis ornatur. Flosculi hujus structura varia est; in simplicibus etenim, seminis capsula *C* depressa affurgit, à quâ folium unicum *D* rotundo exortu erumpit; ab hujus medio, styli seu uteri tubæ *E* eminent: In aliis autem, flore pleno turgentibus, folia hujusmodi *D* proccriora, gemina sunt, & erumpentibus tubis *E* locum præbent. Reliquum aræ minimis flosculis *F* occupatur; singuli, seminum loculo *G* & folio constant, quod in quinque laciniatur foliola *H*; ab hujus umbilico emergit stylus *I*, cujus stamina *K* tenent. Interiorem subjecti corporis substantiam utriculorum ordines *L*, in rete producti, excitant, qui diuturnitate temporis contabescunt. Parum abfimilis configuratio conspicitur in *eyano* præcipuè *odoroso* 154, cujus calyx *A*, multiplicibus foliolis contentus arcam

TAB. 17.

B ambit; ab hac, coronæ instar, tubulosa folia *C*, in hiatus laciniata *D* assurgunt. Reliquum aræ tenent flosculi *E*, quorum basis *F* semen custodit & dentatis pilis *G* ornatur; ab hac fistulosum extenditur folium *H*; à cujus hiatu, styli *I* tubæ, & stamina erumpunt. Eandem formam evidentius deprehendimus in *cinara* & *heliotropio* 155, in quo caulis, dilatatus in pericarpium *A*, utriculorum rete excitatum, originem præbet, supra calycis folia *B*, foliolis seu flosculis, quibus exterior limbus coronatur. Quilibet flosculus seminis striato loculo *C*, & erumpente concavo folio *D* excitatur. Reliquis flosculis, totam arcam *E* occupantibus, loco peculiaris calycis acuminatum folium *F* adstat, quo seminis locus *G* custoditur, assurgente pariter florali tubâ, & staminibus *H*. In *ficu*, cujus flos apud Botánicos desideratur, inversâ & oppositâ viâ videtur præcedere Natura; nam, sicut in exaratis floribus, pericarpium moles ita assurgit & attolitur, ut conicum vel piricale fiat corpus, quod postea flosculis seu stylis tegitur & cooperitur; ita in *ficu*, elevato exteriori ungue, fit concameratio, stylos & flosculos continens. Floris verò foliola parum rubescencia, quæ in *heliotropio* & reliquis extremam floralis aræ oram ambiunt, in *ficu* in angustum compressa circum, exiguum ornant hiatum, & interiora versus expansa, videntur inversum producere florem. Ita aperto *remello ficu* 156, occurrit pericarpium *A*, cujus extremitas sursum contracta *B*, varios foliorum ordines *C* promit, quorum figura est *D*, in interioribus præcipuè, in exterioribus verò *E*: Ab interiori concavitate pericarpium, styli seu flosculi minimi *F*, erumpunt cum seminum loculis

S

G,

TAB. 28. G; hi sensim augentur, donec crescente pericarpio tota repleatur concameratio. Mirabilis est *amaranthi* flos 157, cujus cauliculi extremitas in latam crispamq; laminam extenditur; hujus cortex in foliola A frequenter laciniatur: Inter hæc flosculi eminent, concavis ditati foliolis B, à quorum umbilico stylus C, staminibus D circumdatus, assurgit.

Varias foliorum formas in *floribus* hucusq; rimati sumus; aliæ insuper penè innumeræ supersunt, quibus natura ludit. Interdum folia appendicibus parùm dissimilibus donantur, ut in *Oleandro*, 158, à cujus hiantibus foliis A, minora foliola B, dentata, consimilis naturæ, erumpunt. In flore *melanthii* 159, duplex est foliorum genus & ordo; inferiora enim A carulea sunt, reliquorum florum more extensa; & in extremo ungue quasi spinosas appendices habent. Succedit alter foliorum B ordo, quæ longè minora sunt & elegantiora, concava sunt & purpurea, & patentem hiatum C habent: Rotundum pariter corpus D eminet, viride & lucidum, genimæ instar, à quo bina pendunt quasi folia E, quorum extremitas pilis F conspergitur.

Quandoq; monstrofa sunt folia, & quasi orta casu; ita in *rosa* 160, frequenter propè staminum petiolos fit mixtura staminis & folii: Nam pediculus A eminet, cujus apicem staminum capsula B tenet; paulo infra pendet à latere foliolum floris C cum costulis. In *peonia* 161, ubi multiplicantur foliorum ordines, insolitæ formæ reperiuntur folia: Nam quandoq; in geminas angulares appendices A arctius definit folium; interdum folium q̄b exorta, tubulosum in hiatum B laxatur; non raro, styli instar, seu furculi, ramos C hinc inde promit, solitumq; colorem & substantiæ modum cum reliquis foliis servat.

Florum folia propriâ constant substantiâ, hæcq; multiplici, qualis in vulgaribus foliis observatur; ut luculenter in crassioribus foliis, & præcipuè in *corona imperiali* 162 patet. Singulum hujus folium cuticulâ exterius operitur, sub qua excurrunt costulæ A, frequenter, numero tredecim, quæ extrema versùs in ramos B subdividuntur: Singula quæque costula *hincis fistulis* & *contenta trachæa integrantur*; reliquum verò appendis utriculorum seriebus completur. In *gladioli* 163 floralibus foliis, à costulis A, rete B extenditur, cui utriculi appenduntur.

Præter exaratas fistulas & trachæas, occurrit *Utriculorum* substantia, quâ folii latitudo & crassities excitatur. Exteriùs variâ est ipsorum forma & magnitudo: ctenim, sese invicem urgentes, ubi copiose stipantur, variam sortiuntur configurationem. Color ipsorum quoq; varius est. In gladiolo exteriores utriculi rubicundo scatent succo, interiores verò, albo. In foliis *peoniae* exterior pariter utriculorum ordo rubicundo inficitur colore; interior & centralis, subalbus est: Hoc idem in *tulipa* miramur, cujus interiora albi utriculi occupant, vario exterius luxuriante colore; utriculorum verò multiplices ordines nec recti nec paralleli ducuntur, sed implicantur; unde avulsis exterioribus stirius, transversalium ordinum laceratorum effluens humor progressum indicat. Sunt autem plerumque utriculi catenatim locati, quasi stria quædam;

quædam; unde avulso uno, aliorum subsequitur ordo. Hoc præcipue in *tulipa* 164 occurrit; ablata namq; cuticulâ laceratione, rapitur ordo *A* utriculorum, inæqualis magnitudinis, & in apice videtur fibræ vestigium *B* emergere. Idem licet experiri in *paonia* foliis 165; quorum utriculi latiores hanc delineatam seriem *A* exhibent. In *lilii* præcipue *rubri* 166 foliis, utriculorum pariter ordines deprehenduntur, quin & extra crumpunt, & patent in rubris præcipue liliis, in quorum foliis circa exortum, interius, quædam attolluntur criste *A*, quæ utriculorum ordinibus coagmentata, disparatis finibus *B* eriguntur; & frequenter extremi utriculi, quibus crista completur, insigniter turgent; quod certè copiosioris alimenti argumentum extat.

Mirabile est, quod Natura quasi conchas in florum foliis excitavit TAB. 19. quibus mel custodiret; ita in *corona imperiali*, *lilio Persico* 167, & *ranunculo* miramur: In hujus interiori parte non longè ab implantatione *A*, concha rotunda *B* observatur, quæ melleo diaphanoq; semiconcreto repletur succo: Hanc mirè cooperit velabrum *C*, hic revulsum. In *corona imperiali* fovea hæc exterius labio circumambitur, & deorsum pendulæ sennisphærica appenditur gutta. Interdum dubitavi, an tenuis quædam adsit membranula, contentum icorem coarctans, ne deorsum effluat; applicito tamen digiti extremo, à fovea rapitur, sicut accidit in reliquis aquæ & fluidorum guttulis, quæ suspensæ pendent. Hinc meditari possumus, melleam hanc substantiam non exterius advenire, sed ex succo intimius concocto hujusmodi congeri materiam. In *digitali* pariter propè umbilicum mellæ substantiæ aliquot guttæ recolliguntur.

Quibusdam insuper florum foliis, fungos & capsulas quasdam, terebinthinam fundentes, addidit natura; quod præ cæteris elucescit in flore *diellamni albi* 168, qui speciosissimus est. Hujus folia numero quinq; excurrentibus costulis *A*, pervaduntur; in exteriori verò parte, & circa unguem, pili *B* copiosi eminent, inter quos capsulæ *C* quædam situantur, terebinthinam fundentes. Parum ab simili formâ contegitur *horminii* & *sclearæ* folium quodd pilis & fungis *D*, glutinosum fundentibus icoreni, tegitur, ita ut, sileviter etiam pertractetur, digitis vehementer hæreat.

Ultra floris folia, quorum descriptionem ex diversis deduximus floribus, solet ulterius Natura in aliquibus floribus graciliora addere *capillamenta*, diversæ, inquam, magnitudinis: Hæc luculenter patent in *maracot Indorum* 169, in quo, ultra folia calycis *A* & floris *B*, capillaria quædam filamenta *C* observantur, coronæ instar, interiorum floris partem occupantia; hæcq; exortum à dilatato pediculo cum foliis *B*, fortiuntur: ipsorum color varius est, in diversis suis portionibus. Non longè ab horum implantatione plures consimilium foliorum ordines *D* manifestantur, exiguæ tamen longitudinis: Ab horum centro elegans stylus *E* cum appensis staminibus *F* affurgit. In *cucurbita* interius 170 flores & amentum plurimis filamentosis appendicibus ornantur; hæc utriculorum serie *A* coagmentantur. In *iride* 171, multiplicia sunt floris folia, violacei coloris, majora tamen capitulum

litium *A* interiùs emittunt à situ excurrentis costulæ: Singulum filamentum hoc, vitellinum refert colorem, capituloq; *B* ornatur, & utriculis oblongis seriatim positis *C* componitur.

Inter cæteras partes, quibus flores integrantur, *stamina* non ultimum fortiuntur locum. Hæc igitur varia sunt, penes numerum, figuram, & exortum; unde principaliora recolligentes, à simplicioribus exordiemur. In *aristolochia longa* 172, supra seminum loculos *A*, subrotundum corpus *C* excitatur, in quo fixa hærent, absq; pediculo, staminum lutea capitula *D*, quæ hiando globulos fundunt. In *narcisso*, *hyacintho*, *gladiolo albo*, *digitali*, & ferè omnibus habentibus tubulosâ folia, stamina brevi petiolo à floris folio emergunt; quod apprinè patet in *primula veris* 173, in qua à parte interioris folii *A* crumpunt stamina, brevi firmata pediculo *B*, quorum apicem luteum tenet capitulum *C*. In quamplurimis verò, non à floris folio, sed à communi pri principio, à dilatata scilicet petioli substantia, quæ folia & stylum profert, singulari exortu pullulant: Ita in *vite*, & *lilio Persico*, 174, à cujus concava & humiliori parte *A*, quæ stylum ambit, stamina *B* numero quinq; assurgunt, quæ in capsulas *C*, vitellinis globulis turgentes, deficiunt. In *piris*, & *mespilis* 175, staminum exortus *A* ferè horizontalis est; in *prunis verò*, *ceraso*, *oxiacanta*, & *amygdalo* 176, copiosa ipsarum stamina *A*, ab hiantæ calycis substantia *B* crumpunt, proprioque condecorantur capitulo *C*. Parum dispari ritu idem in *malo Punica* 177 mirari licet, in qua sub diversis ordinibus stamina *A* à crassioribus calycis foliis *B* sese exerunt. In aliquibus, licet staminum exortus distinctus sit, à communi tamen zona seu circulo, stylum investiente inplantationem fortiuntur: Hoc patet in *linò*, *githagine*, & *been albo* 178; à petiolo striatum corpus *A* attollitur, stylum ambiens; huiusmodi in folia *B* quinque, & stamina *C* laciniatur. In *siliquaceis* plerumq; stamina quidem brevia sunt, sed à longiori quasi capsula, stylum circumdante, crumpunt: Hoc clucescit in *pisis*, *vicere*, & *fabis* 179, in quibus, revulsis foliolis *A*, oblongum & fistulosum exeritur corpus *B*, quod tribus constat integrantibus corporibus *C*; ejus autem extremitas in staminum pediculos *D* dividitur. In *arborescente malva* 180, à floris umbilico *A*, tubulosum corpus *B* ascendit, quod, furculi instar, multiplices staminum petiolos *C* promit; interior autem concavitas stylo occupatur, ejusq; tubæ *D* eminent. Staminum structura in *cyano* 181 longè diversâ est ab exaratis; nam petioli quinq; *A* ab interiori floris substantia *B* fursum producti, & unifi, caruleum tubum *C* efformant, quo styli tuba *D* custoditur; in apice autem crenis exiguis solvitur, emergentibus staminum globulis, qui inter tubam & staminum capsulam *E* conduntur, veluti in propria capsula. Hoc idem evidentiùs in *cinara*, *heliotropio*, & similibus 182 occurrit; horum etenim assurgens tuba *A*, staminum capsula *B* ambitur, quæ quinq; petioli *C* tubuloso corpori *D* adnascitur: In capite autem laciniatur, & interiùs sulcos habet, quibus globuli recolliguntur, & elongatâ tubâ rapiuntur. *Branca urfinæ* insignia sunt stamina 183, quorum capitulum subviridi crassaque constat substantiâ *A*, à qua staminum locus *B* nascitur,

naſcitur, per longum hiatus *C* aperitur, quo patente, ſtamina effunduntur; ab hoc pili *D* emergunt. In *aro* 184, inſigne eſt ſtamē; à cauliculo ſupra calycem *A*, qui totum ambit florem, plura ſeminum inchoamenta ſeu ſloſculi *B* eminent, qui tandem, exareſcente pericarpio, turgent, & ſemina foveat; ſuperius erumpunt ſtyliſormes appendices, ſupra quas exigua quædam turgent corpora *C*, quæ geminis quaſi foliis *D* componuntur, quibus lutei quidam orbiculi, vcluti ſtamina, continentur; tandem oblongum attollitur luteum corpus *E*, globulis excitatum; huiusmodi perlongum, rectum, concavum eſt, ſoliſque ligneis fibris *F*, reticulariter implicitis, occupatur; reliquum verò ligneis fiſtulis *G*, in globulorum congeriem *H* productis, pervaditur.

Turgentibus orbicularibus corporibus, quibus ſtaminum capitula replentur, exſiccataque continente capſulâ, foras prodeunt globuli miniimi, & diſperguntur. In *tritico Indico* 185 gemina capſula *A* obſervatur, in cujus ſummitate excitatum foramen *B* globulis exitum præbet. In *tulipa* 186, ſtaminum capita geminâ capſulâ *A*, *B*, coagmentantur; horum ſingula non continuatâ & interruptâ conſtant membranâ, concavitatem efformante, ſed geminæ partes *C*, *D*, reflexæ, introcurvæ, & per harmoniam unitæ, continentem efformant concavitatem; hæc diductæ *E*, *F*, & extra patulæ, contentis globulis *G* liberum præbent exitum. Idem accidit evidenter in ſtaminibus *oleandri* 187, quæ craſſiori petiolo *A* ſubrotundo donantur, à quo angularis quædam capſula *B* aſſurgit; hæc, diductis & hiantibus hinc inde tunicis *C*, rotundi globuli *D* ſunt in proſpatulo; comata inſuper, pilis albis conſpectâ, attollitur appendix *E*; ab apice pedioli *A* albus quidam mucus effluit *F*, qui glutinis inſtar hæret.

ſtaminum corpus, cujus formam hucusque retulimus, petiolo, & appenſâ capſulâ conſtare videtur; ſingula tamen hæc ligneis fiſtulis & trachcis integrantur, quibus utriculi per longum locati adduntur; quare, cum in galeatis, & quibuſdam etiam aliis, ab elongatis floralibus foliis producantur, iſdem etiam particulis neceſſario excitantur.

ſtaminos loculos, globulorum congerie, quaſi atomorum, turgere diximus: Hi diverſe configurantur, & colorantur, frequenterque luteum ſapiunt colorem, ut in *lilio*, *roſis*, & *limoniis malis*; albeſcunt verò, diaphanique ſere ſunt in *malva*, & *plantagine*. Diverſâ pariter donantur figura in *lilio croceo*, *montano albo* 188. Ovali pollent formâ *A*, parum tamen acuminatâ, & per longum, *tritici grani* inſtar, ſulco quodam excavatâ. Intrâ ſacculum autem concluſi, dum adhuc molles ſunt, minus angulares videntur. Horum materiam ab intimiori pediculi ſubſtantiâ percolari probabile eſt; nam in *cucurbitæ* 189 floribus, fibroſum & pluribus fiſtulis contextum corpus *A*, globulorum capſulæ ſubſternitur, cujus miniſterio confluens ſtaminum materia in globulos *B* percolatur. Huic lucem ferre videtur *branchæ urſinæ* ſtaminum craſſum corpus, à quo in contiguam capſulam globulorum materia ſeparatur.

In aliquibus plantis staminum loco corpora quædam, plumartum instar, assurgunt, quæ passim observantur in *lapatio*, *acetosa*, & *pimpinella* 190, cujus flos, quasi flosculorum racemo, integratur. In horum itaq; indagine, non in singulis flosculis stamina cum capitulo occurrunt, sed horum loco quasdam appendices, circa racemi apicem præcipuè assurgentes, intuemur. In his itaq; supra floris folia *A*, appendices *B*, veluti insectorum antennæ, eriguntur; hæ comato pollent capitulo, singulaq; particula filamentosa, folii *cupressus* instar, brevibus quasi foliolis, rubicundi coloris, constat.

Florum partes, quarum structuram hucusq; scrutati sumus, in gratiam styli seu uteri fabricatas esse notum est; in hoc enim semen, quod ultimo à Natura expetitur, affabrè custoditur. *Stylus* igitur pars est, centrum floris occupans, quæ concavitate semen fovens, appendice assurgit, luditq; inter stamina. Hanc *uterinis tubis* analogam esse, exaranda fortasse indicabunt. Simplicior itaq; *styli* forma occurrat in flore *Adonis*. Hic multiplex est, & simul congestus pini fructum æmulat. Unusquisq; uterus 191 lato constat corpore *A*, quo conclusum fovetur semen, & brevi hians tuba, pilis seu mollibus fistulis conspergitur. In *hortensi* pariter *stencilo* 192, copiosi observantur uteri, quorum corpus *A*, modicè striatum, staminibus *B*, & foliolis *C*, exortum præbet; summitatem verò seu ateam occupat lenticulare corpus *D*, profundà scissurâ solum; hujusmodi subluteis mollibusq; compaginatur fistulis, quæ terebinthinam fundunt: *A* medio geminæ & breves emergunt tubæ *E*. Pari progressu incedit Natura in *rovarum* flore 193; in hoc stylus *A* assurgens feminum loculos *B* designat, & brevi attollitur tuba *C*, solitis condecoratâ pilis. Circa basim non longè à staminum *D* eruptione, fistulatum congeries *E*, terebinthinam fundentes, eminent. In *violis*, rubicundis præcipuè, 194, stylus *A* custoditur, qui tandem in siliquam excrecit, quæ hiant tuba *B* conspersa fistulis terminatur. In reliquis verò siliquâ donatis oblongior est uteri tuba, ita passim in *pisis*, *saba*, *orobo*, & *cicerula* 195, cujus uterus *A* fistulosus *feminum* inchoamenta tuctur, tubaq; *B* exprorrigitur, pilis conspersa. *Pæonia* 196 geminus est uterus, quasi siliqua; supra enim varios foliorum floris exortus *A*, duplex assurgit stylus *B*, curvatis tubis *C*, quæ hiantes exteriùs pilis cooperiuntur, intus verò plura custodiuntur semina *D*. Amplior in *lilio convallio* 197 eminet tuba *A*, quæ à concavo assurgens utero *B*, solito donatur capillitio *C*, in basi verò feminum congerie *D* fovetur. Elegans pariter in *malo aurantiâ*, *limoniâ*, & consimilibus, occurrit stylus 198, circa cujus exortum, luteum figitur corpus *A*, longiori constans tuba *B*, quæ hiant capitulo donatur; totus stylus turgentibus olco vesiculis *C* conspergitur. *Uvæ spinæ* 199 uterus non minori artificio excitatur: Supra pediculum floris *A*, uteri corpus *B* prominet, à cujus substantiâ concavus calyx *C* emergit, qui in extremo ungue stamina *D*, & folia *E* promit; assurgit autem bifurcata tuba *F*, quæ cum uteri concavitate *G*, seminibus refertâ, communicat. Pari progressu Natura *mali* *Perficæ*, *amygdali*, *pruni*, & similium uteros molitur. In *cerafo* ceterum

TAB. 32.

ctenim 200, ab umbilico calycis *A*, turgēt uterus prælongā tubā *B*, quæ capitulo *C*, fistulis consperso, donatur; venter autem semen *D* continet. In *gladiolo* 201, tuncellum adhuc uteri corpus *A* femina *B* fovet; ingenti eminet tubā, quæ in tres hiantes appendices *C* aperitur, fistulis conspersas. In *tithymallo*, *chamæcisfo* 202, à floris centro *A*, longus producitur stylus, qui seminum loculos *B* promit; ab hoc uteri-
 TAB. 31.
 næ tubæ *C* hiantes emergunt, pilisq; cooperiuntur. Segetum quoque plerumque uterus mirabilis est; in *tritico* & *melissâ* 203, subrotundum turgēt uteri corpus *A*, geminas tubas *B* promens, à quibus hinc inde pili erumpunt. Solet ulteriùs Natura in uno eodemq; flore uteros multiplicare; uti miramur in *lino*, & *aquilegiâ* 204, quæ quinque vel sex disparatis uteris *A* pollet; hi oblongam possident tubam *B*, fistulis & pilis conspersam. In *rubo canino*, & *rosis* 205, largiori ubertate uteros Natura multiplicat: Nam calycis concavitas *A*, uterorum *B* congerie repletur; à lateribus enim calycis enascuntur styli *C* multiplices, qui proceriori tubā *D* elongati, in hiatum tandem *E* fistulis resectura desinunt. In *piro*, & *malo cydoniâ* 206 eadem uterorum multitudo luxuriat. A crassiori calyce *A* concavitas relinquatur, quæ ab erumpentibus uteris *B* occupatur. Quilibet horum stylus plura alie semina *C*, & ingenti coronatur capitulo *D*, multo capillitio ditato. In floribus, quos copiosi excitant flosculi, plures pariter turgent uteri, ut in *belli*, *ciano*, & *cichorio* 207 patet. Hujus singuli uteri *A*, assurgente tubā *B*, condecorantur, quæ staminum capsulā *C* custoditur, & floris tolium *D* ex-
 TAB. 34.
 plicantur uteri *A*, & à piniformi corpore *B* emergentes, acri exponuntur. Quilibet uterus tubā *C* constar, & fibrosā appendice *D*, pericarpio *B* necitur. Hoc idem evidentius conspiciamus in *Veneris labro*, & similibus 209. Pineale hujus corpus ab extremo cauliculi assurgit, à quo hinc inde copiosi flosculi *A*, quasi tot uteri, erumpunt. Quilibet flosculus calyce custoditur, lato scilicet, & concavo folio *B*; quod in styliformem appendicem *C* desinit, & spinis *D* armatur. Flosculus in sui base uterum *E* cum contento semine custodit, assurgente tubuloso folio *F*, & emergentibus pariter staminibus *G*. Corpus, cui flosculi herent, licet intus condatur, est tamen loco pericarpium; fibrosis itaque productionibus *H* ambitur, à quibus fistule lignæ, & tracheæ *I*, in singulos flosculos derivantur. Coercita medulla, vel pericarpium *K*, utriculorum ordinibus, reticulariter implicitis, coagmentatur; hi in cauliculo sensim in solitos medullæ utriculos *L* coercentur.

Uterorum tam varia hucusq; exposita forma hiantes exhibuit tubas, ut facile pateat, ab uteri ventre perpetuò hiatus per tubam aperiri; manifestiora autem redduntur hæc in *Narcisso*, & *lilio* 210; diversi enim loculi *A*, & quasi siliquæ, in communem hiatum *B* desinentes, per rimulas *C*, fistulis conspersas, perspirant. Idem evidentius in *malo Punice* 211 apparet; nam in scæto per medium flore 211, tubæ quidem multiplices assurgunt *A*, & inter ipsas ductus *B* aperitur, in quem peculiaris spiracula à seminum cellulis *C* desinunt.

Vidimus

Vidimus ulteriùs in tubæ hiatu molles fistulas, pilos æmulantes, ut plurimum sublutæas, terebinthinamq; fundentes, luxuriare. Hæ præ cæteris patent in *tulipæ* stylo 212; cujus licet breves sint tubæ *A*, ingenti tamen hiatu *B* aperiuntur, orisq; interiorem partem tenellæ occupant fistulæ, seu capillamenta, glutinosum fundentia humorem. In *diellamno albo* 213, sex efferuntur tubæ *A*, totidem uteris *B* exortæ, quorum quisq; plura alit femina. Exterior uteri portio insignibus utriculis, & capsulis *C*, terebinthinâ repletis, cooperitur, pili pariter interferuntur.

Fæcundos flores hucusq; scrutati sumus: Naturæ tamen mos est, velut animalibus quibusdam accidit, subventancos & infæcundos edere. Et sicut in exaratis floribus, partes in gratiam inclusi uteri (fecundi tamen) circumlocantur; ita in quibusdam herbis, & arboribus, jussu divortio, florem longè ab utero non solum pendere voluit Natura, quasi subventancum ovum, cum nullum relinquat post se semen; sed ulteriùs distinctâ plantatum specie, quasdam infœcundas reddidit, his tantum contentas floribus, reliquas verò utero ditavit. In *mori* pluribus individuis 214 flores omnes amentacei sunt, ipsorumq; productionem longè anticipat Natura, & per hyemem foliis gemmæ custodiuntur; à situ etenim delapsi folii *A* quasi gemma eminent, pluribus contexta foliis *B*, quâ oblongus florum racemus *C* custoditur. Unusquisque autem strobilus hians quatuor componitur foliis *D*, viridibus, & concavis; tria pariter stamina *E* assurgunt, & à floris centro locus *F* attollitur, vesiculam *G* intus custodiens; hæc aquo turgescit humore, qui tandem evanescit. In reliquis verò individuis, quæ vulgariter maculæ 215 appellantur, fit consimilis racemus, seu tot uterorum conglobatio; singuli verò uteri exterius quatuor foliis concavis *A* circumambiantur, quorum unguis pilis ornatur. Uterus *B* geminis contortis tubis *C* pollet; intus intra secundinâ sub osseo nucleo semen fovetur. Idem miramur in *urticæ* diversis vegetantibus, quorum amentacci flores 216 quatuor contexti sunt foliis *A*, totidemque staminibus *B*, & loco styli vesicula *C*, seu calyx; terebinthinâ repleta additur. In fecundis autem urticis à nodis pendent, quasi styliorum racemi. Omnis uterus *D* turgido corpore assurgit, & à summitate, tubarum loco, diaphana emittit capillamenta *E*, quæ quasi nodis *F* articulari videntur; intus semen *G* secundinâ velatur; quatuor folia *H*, conspersa pilis, adsunt. In aliis verò plantis amentum, & stylum, loco tamen disparatos, locavit. Hoc miramur passim in *tritico Indico*, à cujus extremo caule eminent muscarium, quæ juba 217; ramorum enim instar producuntur furculi, alios minores proferentes, à quibus pediculi pronuntur: Ab his itaque pendent amentacci flores, qui foliis calycis foliis *A* custodiuntur; interiùs alia locantur foliola *B* gracilia, serèque diaphana, florem intimè ambientia. Ab *umbilico* tria eminent staminum capita *C*, brevibus firmata pediculis. In medio, loco styli nil observatur; circa staminum exortum foliola subalba, molliaque *D*, hæcque gemina, florem integrantia, adsunt. A singulis nodis, & præcipuè superioribus erumpit panicula, congeries scilicet

scilicet fecundorum uterorum, sub foliis à situ gemmarum pyramidalis assurgit vagina, parum dissimilis ab exarata in *salice*; sub hac foliola minora locantur, quibus uteri involvuntur. Extracta igitur tenella & minima panicula 218, conglobatos exhibet uteros, & singuli basim præcipue paniculae tenentes, hac pollent formâ: Ab umbilico tenella tuba *A* eminet, cui foliola mucosa *B* adstant, quæ à grandioribus *C* ambiuntur; singula à dilatato petiolo *D* pendent.

In arborum quoque genere idem accidit. In *populo* 219, oblongus quasi racemus, tot flosculis contextus, pendet; flosculi huiusmodi amentacci unico hocque concavo excitantur folio *A*; ab huius centro quinq; stamina *B* erumpunt, solito decorata capitulo, quo hiant, lutei globuli effunduntur. Inferius calycis loco laciniatum pendet folium *C*. Ab eadem planta, diverso tamen situ, erumpit stylus, seu uterorum congeries, velut uvæ racemus; quisque autem botrus *D* inter pilos semen custodit. In *nuce* 220, pariter amentum copiosum observatur, flosculis excitatum, ita ut oblongus consurgat racemus. In unoquoque flosculo folia numero sex, crassa & virida *A*, è petiolo *B* exorta, occurrunt, quibus staminum congeries *C* continetur. Singula cineris pilis, in atrum definentibus, ferè cooperiuntur. Ab eodem autem ramo 221, & furculi apice, gemmæ instar, stylus prominet, qui tandem in fructum evadit. Ab extremo igitur furculo *A*, qui gemmæ instar foliola promit, ovalia emergunt corpora *B*, fungis & papillis conspersa, diversa foliola *C*, tubarum loco, prominentia; in centro autem *D* semen gignitur. In *querca* 222 quoque; amentum pendet, multiplici flore congestum, quod foliis & staminibus absque stylo, de more, constat: Longè autem turget uterus à furculo *A*, pendens, & calyce *B*, angularibus foliis excitato, custoditur; brevi tamen plures manifestantur foliorum ordines *C*, à crasso concavoque corpore erumpentes. Superius uterus *D* tribus eminet tubis *E*; ventre autem seminum inchoamenta *F* fovent. In *carpino* 223, ultra amentum stylus occurrit, multis vesiculis conglobatus. Quarum unaquæque tenui constat pelliculâ *A*, quæ ligneis fistulis, & tracheis reticulariter implicitis, irrigatur, quibus utriculi appenduntur. Laceratâ vesiculâ peculiaris sese offert uterus *B*, geminis assurgens tubis *C*, in cuius centro semina *D* aluntur. In *allio*, & *moly montano* 224, frequenter, licet stylus extra florem erumpat, ipsius tamen petiolo hæret. Ab extremo cauliculi, soboles plures, globuli scilicet *A*, pendent, tenui convolutâ membranâ *B*, quibus semen tutatur. A singulo pediculo *C* attollitur flos, sex condecoratus foliolis *D*; ab huius centro quandoque eminet, quasi stylus *E* cum appendicibus, & hinc inde stamina adstant. Flos huiusmodi stylo etiam donatus, ut plurimum, & ferè semper, nullo subcrecente semine, amentum redditur, & contabescit.

Consuevit pariter Natura, copiose intentâ seminum productioni, facundis floribus in eodem caule vel furculo amentaceos interponere. Hoc passim in *cucurbita* 225 miramur, à cuius unico caule diversi pendent flores: Alii namque fecundi sunt, quorum fructus seu uterus *A* infra floris basim primo turget, & tandem flos suis instructus staminibus &

foliis aperitur. A calyce etenim tubulosum amplumque floris folium *B*, interius luteum, exterius parum virefcens, affurgit, quod ultra medietatem, mediis incisuris, in quinque solvitur acuminata folia; interius eminent pili *C*, globulis invicem hiantibus compositi; exterius spinæ *D*, internodiis compaginatae, prominent. Ab umbilico floris affurgunt geminae appendices, quasi crassa folia, lutei coloris, quorum amplius *E*, arctius *F* continet: Ab horum centro staminum pediculus *G* eminet, qui in tres subdividitur *H*, horum singuli geminantur, & capitulis *I* condecorantur. Amantacei ejusdem cucurbitae flores à fecundo pariter caule erumpunt, quocumque situ; hujusmodi nullum fructus feminumque vestigium exhibent, sed ipsorum oblongus pediculus in calycem *A* 226, laxatus, floris folia *B*, non dissimilia ab exaratis, promittit; à medio umbilico staminum petiolus latè basi *C* excrefcit; hæc interius concava, & frequenter rimulis hians, concham *D* lutei coloris, humorum copiose effundentem cooperit. Petiolus hujusmodi videtur quasi plurimum pediculorum congeries; loco capituli, staminum elegantia conditoria suspenduntur: Oblongæ etenim, siliquarum instar, capsulae *E* à superioribus *F* ortæ, ad inferiora *G* deducuntur, & iterum sursum *H* reflexæ, tandem inferius *I* prolapsæ terminantur. Geminis itaque capsulis parallelis, invicem unitis, singula exarata circumvolucio constat, hisque diductis globuli *K* effunduntur. Pluribus elongatis capsulis constat stamineum hoc capitulum. Parum dissimili methodo in *castanea* 227 incedit Natura; nam plures pendunt à tello furculo oblongi florum racemi; hinc inde autem appensi flosculi ultra calycem *A* subluteis foliis *B* constant: Ab horum centro oblongi ascendunt staminum petioli, luteo ditati capitulo *C*. In extremo furculi ejusdem apice, una, vel altera pendet florum congeries 228, quasi racemus; in his flosculi, qui proximiores sunt petioli implantationi, seu majoris, fibroso fasciculo, à quo singuli pendunt flosculi, fecundos uteros æmulantur; suntque frequenter gemini. Hi subluteis foliolis *A* componuntur, quæ pilis parum viridibus cooperiuntur; emergunt autem à subrotundo corpore *B*, quod tractu temporis, uteri instar, semen fovet: Ablatis floris foliolis *A*, stamina *C* patent, suis firmata capitulis, quæ brevibus appenduntur pediculis; cujus contrarium in amentaceis floribus miramur, in quibus oblonga luxuriant stamina. A floris umbilico affurgunt plures styliiformes processus rotundi *D*, inæqualis magnitudinis, qui *tubarum uteri* vices fortasse supplent. Flosculi hujusmodi, seu uteri, à communi exoriuntur basi *E*, & tres affurgunt unico conclusi calyce, in quibus femina adolefcunt. In *pino* 229 uterorum congeries, seu multiplices styli observantur; hi biennio antè erumpunt, floris specie, & invicem conglomerati ovale excitant corpus, cujus exteriora foliola *A*; squamarum instar, sese invicem cooperiunt. Sectus hujusmodi stylus, ab extremo furculo *B* emergens, in foliola *C* laciniatur. Hinc inde peculiares uteri eminent, qui folio *D* constant, styloque seu tuba *E*, femina custodiente. Ad implantationem singulorum, lignæ fibræ derivantur, à ligneo cylindro *F* productæ. Extractus igitur quicumque uterus *E* tenellus est, & quasi calyce, folio *D* tutatur; adhuc mollis est, & inferius geminam

TAB. 37.

nam protuberantiam *G* in basi habet, quâ contenra semina custodiuntur. Tractu temporis decedente calyce *D*, augetur uterus, & tandem fit ossis. In *cupresso* 230 *Bos* amentaceus pendet veluti in *populo* &c. Loco autem styli, conii seu nuces excitantur, quæ tenellæ in suarum partium interstitiis peculiares, quasi seminum *A* loculos, velut uteros, cum brevi tuba *B*, foras emergente, continent.

Flores, multiplici partium apparatus constantes, jam indagine percurramus; horum nonnullos Natura fecundos, scilicet calyce, foliis, staminibus, & stylo donavit; reliquos verò stylo orbavit. Laxatur itaque cauliculi extremitas, vel furculi corpus, in florum compagem, & exterior corticis substantia vel in calycem extenditur, vel in eisdem folia laciniatur; unde variae ipsius species, & magnitudines consurgunt, prout magis & minus contentus stylus fovendus est; qui verò plurium flosculorum compage excitantur, frequenter multiplicibus calycis foliolis tutantur; sicut & reliqui pariter, quorum tenella substantia operimento eget. Interioris cauliculi, seu ligni, substantia, fistulae scilicet & trachae, extenduntur & elongantur in floris folia, quæ omni vasorum genere instructa pendentibus utriculorum seriebus excitantur: Hæc tenui halituosoq; turgent succo, unde incisuras non patiuntur; ob humoris etenim benignitatem & ductilitatem, utriculorum ordines extenduntur usq; ad extremum unguem; & ut plurimum vasa non ab una excidunt costula, sed copiosi fasciculi à basi assurgunt, & productis ramis in omnem dimensionem elongantur. Non longè à foliis stamina à lignea portione attolluntur, peculiarem succum in propriis loculis eribrantia & servantia; hunc patenti, ut vidimus, hiatu, datâ viâ, sub globulorum forma effundunt, & dispergunt. In horum medio stylus fovetur, cujus concavitate colligamenti vesicula, vel seminis inchoamentum conditur, & in ipso augetur; unde plantarum uterum esse autumo. Nec structura reclamât; nam, sicut in *oviparis* unica est concameratio in solam tubam deficiens; in *viviparis* verò ut plurimum uterus geminis ovariiis totidemq; tubis compaginatur; ita in floribus uterus, seu ovarium unicum quandoque est, cujus tuba hiatu patet, quandoque multiplex est, totidemque exporriguntur tubæ. Harum extrema pilis seu minimis syphonibus ornantur, à quibus terebinthinæ instar glucinosus effluit succus, non tantum, ut reliquum alimenti depuretur, sed, ne insecta intus irruant, suo glutine obstat. Patet etiam aditus, ut externo subintrante aere copiosior contingat transpiratio. Vegetantium igitur uteri gratiâ, reliquæ flores partes, folia scilicet, stamina, & calyx circumlocantur in fecundis floribus, in amentaceis autem ab eodem erumpentes furculo, non longè ab utero distant.

Interdum dubitavi, an florum folia in suis utriculis succum excoquant, quem intro reffluentem tenello utero, & seminis inchoamento affundant, sicut de reliquis furculorum foliis probabiliter deduxi. Quandoque satius credidi, foliorum ministerium in incongrui humoris depuratione versari; plura enim seminalium particularum præcipationem remorari & impedire possunt: Et hæc in amentaceis stamina & folia

folia immediate uterus non ambiant, sed aliquantisper distent; furculi tamen contentus humor purior reddi potest amenti eruptione, ut expeditior & defaecator in uterus irruat. Huic pariter muneri subseruiunt, ultra stamina, fungi, & papillares utriculi, seu capsulae terebinthinam effundentes; unde fas est dubitare, naturam plurimum humoris, huncque diversae substantiae, seminum, generationi incongruum, per haec quasi emunctoria, eliminare. Hinc fortasse non incongrue derivato nomine *menstruae purgationes*, quae in mulieribus conceptionis tempora proxime antecedunt, veluti florum eruptiones succedunt; & sicut determinata succi portio per stamina & floris folia excernitur; ita in viviparis, quae conceptus particulas quoquomodo inficere possunt, singulo mense cribratae per uterus foras protoduntur, ut reliquum defaecati sanguinis, in utero stantis, facilius vi seminis fecundet, & in animalis naturam dirigatur. Et quoniam in menstruorum eruptione maturitas quadam temporis requiritur, ut prorumpant, ritaeque celebrentur, & his suppressis generatio tollitur, & vitiatur: Ita florum pariter productio in plantis non illico succedit, sed post determinatum tempus; nec perpetuo fecunda sunt semina: Hoc patet in *tulipis*, *omnis* & similibus; in illis enim annoxinae florem non edunt, & succi cruditas in floris folia derivati, seminis perfectionem adimit, ita ut productae sobolis fecunditas foliorum maturitate sufficienter indicetur. Cruditatis signa in *tulipae* foliis patent, & virore manifestantur, reliquis autem saturationibus coloribus coctio indicatur: Hanc vero nullo naturae sine peragi probabile est, sed sola materiae & circumambientium necessitate; alias maturitas cum interitu coincideret.

Floris folia, tenello utero custodiae gratia elargita, si plus justo luxurient, multiplicatis exortibus & planis, (ut in plenis floribus observavimus,) vel semina manca redduntur, vel deficiunt, & nullus plerumque uterus adest; unde probabiliter dubitare possumus, an singuli fistularum fasciculi in folia elongentur, & absumentur, nullaque lignae fibrae, uteri structurae, & colligamenti vesiculae relinquuntur, & ita infecundi contingant flores. ~~Sapienter vulsa floris foliis~~, antequam hiarent, in *tulipa* praecipue, expectavi; an stylus, seu denudatus & depauperatus uterus, incrementa caperet; & interdum ejusdem incrementum remorari observavi, quandoque quaedam semina absque noxa debitam sortita sunt magnitudinem; unde adhuc dubius sum, an floris folia a Solis & externi aeris irruentibus conatibus, tenellum uterus tuteantur, an ulterius etiam depurando, praeparant auctivam seminis materiam.

De Seminum Generatione.

TEnellus uterus hucusq; expositus *seminis* productionm promovet, suoque sinu alit & fovet, donec concreditum solo, in novam plantam adolescat. Successivas igitur mutationes & productiones non valde dissimiles à generatione foetus in utero exarare tentabo. In *ceraseo*, *pomo*, *malo Persica*, *pino* & *amygdalo*, decidentibus florum staminibus & foliis, sensim tumescere incipit uterus, seu stylus, adaucto intus colliquamento. Ità patet præcipue in *amygdalo* 231, cujus uterus *A*, ad ovalem accedens formam, tubâ *B* consistat, quæ tota perforata est, & in apice capitulo seu hiante infundibulo coronatur, quod capillamentis subluteis, terebinthinam fundentibus, ornatur. *Tuba* hæc, quò magis uterus augetur, tantò minor apparet, ita ut ex toto contabescat: Exterius pilis & aculeis *C* contegitur: Intus cavitas *D* adest, quæ geminas ut plurimum vesiculas *E* continet, in quarum centro colliquamenti sacculus custoditur. Uteri ambiens substantia fibras & tracheas *F* à pediculo *G* recipit, & sensim excrefcens in osseum neucleum & pericarpium augetur; paucis elabentibus diebus in auctiori utero grandior vesicula seu *secundina* 232 occurrit *A*; hæc exterius fibrarum lignearum reticulari plexu ornatur, qui ab ambiente cortice in appendice *B* derivatur: Hac avulsa, consimilis sacculus *C* emergit, qui utriculis *D*, semiconcreto succo turgidis, vitrei coloris, repletur. Paulò post huiusmodi sacculorum centrum, per longum excurrens, occupat rectum quoddam vasculum *E*, quod *umbilicale* appellare licebit. Paulatim inde obliteratâ tubâ; & crassiori supercrefcente pericarpio, simulque osseo nucleo emergente, secundinæ & conceptûs moles augentur 233, tuncque *umbilicus* *A*, cum exteriori secundina *B* continuatus, in situ *C*, & in apice laxatus, vesiculam colliquamenti, vel satius *amni* *D* continet, quæ subsequenter diebus auctior reddita, successivas hæc subit formas *E*, *F*, *G*. Postremò foetus *H* manifestatur, *amni* *I* summitem tenens, ejusq; color candidus, substantiâ mucosâ, geminis quasi alis *K* constans, & *umbilicus* *L* per medium utriculorum *M*, *chorium* referentium, producit. Transactis aliquot diebus, *exterior secundina* *N*, TAB. 37. cacalibus excitata utriculis, humore turgida, foetum ambit, & scicta per longum exhibet semen *O*, summitem *amni* *P* occupans, à quo tortuosus erumpens *umbilicus*, *chorion* *Q* excurrit. Foetus hic brevi etiam grandior redditur; adaucta enim *seminis* *R* mole, *amni* *S* magis turgit, exinanito *chorii* succo, vigente adhuc *umbilico*. Avulsus foetus taliter configuratur; nam hiantibus alis *V* *amni* summitem amplexatur, nulla intercedente concavitate. *Amni* moles carâ constat formâ, & immergitur in concava *chorii* summitate semilunari: In animo pariter utriculi occurrunt, peculiarem succum continentes, vitreum oculi humorem referentem, qui majori pollet soliditate ac in *chorio* deprehendatur. Auctius redditum semen *X*, ferè absumit *amni* *Z*, *chorii*que succum. Illud enim acuminatâ quasi lingulâ

X

foetus

fectus hiatus penetrat solâ intercedente contiguitate; inter amnion verò & chorion membranæ mucosæ mediant, quæ interdum vasorum specie imponunt. Postreanò, completo factu *X*, in fundo reliquus humor cum corrugatis tunicis superest. In *pomo* 234, pariter feminis productio parum dispari incedit progressu; *umbilicus* enim *A*, per longum excurrans, sensim in apice dilatatur, in quo plantula *B* primò emergit; amplius redditur amnion *C*, & chorii ambientes utriculos *D* umbilicali vase excurrit. Plantulæ seu feminis species est *E*: Successivis augmentis amnii moles *F* turgidior redditur, contabescente chorio *G*; semen verò *H* quotidiana auctione chorii, amniiq; infundendo humores, varias subit formas. *Piri* 235 quoque femina, emergente umbilico *A*, intra secundinas *B*, colloquamento turgidas, confimili incremento producuntur. Sensim extenditur umbilicus *C*, & tandem feminalis plantula *D* apparet; hæc, turgente indies amnio *E*, auetior plantula *F* redditur, ita ut tandem utriculorum tunice in exiguam molem *G* complicitæ supersint. Confimilem feminis generationem mirari licet in productione *cerasorum*, *prunorum*, & *pomorum Armeniacorum* 236, quorum variæ species sunt ab *A* usque ad *B*.

TAB. 39. Quid simile in plantis quibusdam, & præcipuè in *cucurbita* occurrat, 237; in cuius secundinis *A*, liquore scatentibus, tubulosum valdeq; latum producitur *umbilicale vas* *B*, colloquamento turgidum: Hujus extremitas temporis diuturnitate amplior reddita, chorion exhibet, quod varias formas *C*, *D*, induit; tandem semen, seu primæva plantula, ab apice amnii *E* assurgit, cujus forma *F*; & plerumq; gemina hiant folia. Successivo incremento turgidius amnion *G*, utriculis conglomeratum, plantulam feminalem *H* fovet, cujus varia forma est *I*. Postremò depascente plantâ *K* ambientem amnii *L* humorem, chorii *M* moles scèrè obliteratur. Variè licet configuretur amnion, non rarò tamen species hæc *N* cum elongato umbilico *O* occurrat.

In *lauro* idem occurrunt humores concreti, nullo tamen intercedente umbilico 238. Tenellus primò erinet stylus *A*, quo aperto, amnion *B* patet, utriculis constans, quod in chorio *C*, sacculis pariter succo turgidis excitato, ambitur; amnii summitatem occupantis plantulæ prima species est *D*; sensim adaucto utero ambiente, amnion pariter *E* tumet, & plantula geminis foliis *F* crassius excitata, supercrescente gemma *G* adolescit, ita ut sensim exhausto amnii *H* humore, successiva capiat incrementa *I*.

In *lino* 239, speciosior quoq; est feminalis plantulæ productio; in centro enim colloquamenti, seu peculiaris ovi, vesicula *A* primò turget, amnion scilicet, cujus concavitatem plantula *B*, sensim manifestata, teget. Circumlocatur chorion *C*, utriculis conglobatum, succo turgidis. Successivis augmentis plantula *D* binis prædita foliolis humores absุมit, & tandem, velut *peponum* semen, extrescit in formam *E*.

In *leguminibus* parum deviat ab exaratis Natura, & præcipuè in sativo *cicere* 240, cujus uterus *A*, longiori constans tubâ, interius seminum inchoamenta alit. Hæc primò rudem sortiuntur formam *B*; parum adaucta

adaucta exteriùs rugosa *C* sunt, & secta per longum exhibent conca-
vitatē *D*, quam vesica replet, in cujus summitate amnii incremen-
tum *E* emergit; in basi verò subviride corpus *F*, concavum cyathi
instar, locatur; intermedium spacium *G*, chorio analogum, colloqua-
mento turget. Sensim indies secundinis *H* adauctis, feminalis plantula
I in chorio primò manifestatur; hæc geminis foliis *K* conniventibus,
& radice *L*, constat. Corpus *F* adhuc viget, & chorii concavitas *M*
humore turget. Plantula successiva capit incrementa; vitro enim con-
cretoque succo auctius amnion *N* subcrefcenti plantula *O* alimentum
præbet; unde & chorii *P* arctius redditur spacium, & corpus infriùs
locatum *Q* contabescere incipit. Tandem parum superstitē amnio *R*,
plantulae moles *S* totam fere occupat arcem. Postremò secundinae su-
perficies *T* rugosa redditur, & crassifacētis plantulae foliolis *V*, interius
spacium repletur. Toto auctōnis tempore feminalis plantula, in amnio
immersa, nunquam suis foliolis hiat, sed hæc perpetuò invicem conni-
vent.

Fabæ 241 femina eodem pene ordine gignuntur, & adolefunt. Pa- TAB. 40.
pilionaceus flos stylum seu uterum *A* fovet, viridi excitatum substan-
tiâ, tubiq; *B* donatum; exteriùs quasi spinæ *C* crumpunt. Contento-
rum seminum figura est *D*, & interior fovea *E* excitatur. Successivo
incremento augetur fœmen, pendetq; à pediculo *F*. Crassi sunt seminum
parietes, seu secundinae *G*, & concavitas cum angulari appendice *H* e-
mergit, colloquamento turgida. In freto plantula *I* geminis contexta
foliis manifestatur: Sensim adaucta concavitate, quæ amnii vices sup-
plet, contenta plantula grandior redditur, varicq; configuratur, ut re-
liquis iconibus *K, L, M, N, O, P*, patet.

Pisiformis 242 consimilis productio succedit. Tenellus uterus *A*, se-
minum inchoamenta fovet, quorum exterior forma est *B*, & in ipso-
rum centro minima concavitas *C*, colloquamento turgida, excitatur.
Sensim adaugentur, & acuminatior ipforum redditur forma *D*; am-
plior pariter redditur concavitas *E*, umbilico seu amnio similis. Cras-
sifacētis secundinis *F*, oblongior redditur arctus ille furculus *G*, qui
laxatur in ampliorem arcem *H*, amnio analogam. In summitate *G*
plantula *I* primò apparet, reliquum verò amnii *H* diaphano turget
colloquamento. Augefcente indies femine, amnion cum elongato fur-
culo variè configuratur, & inclusa plantula sensim adaucta deorsum
prolabitur, & ad freti hiatum *K* situatur; hæc, si extracta lustre-
tur, formas *L* induit. Gracilefcit secundinarum corpus *M*, derivato
in amnion humore, qui à plantula absumitur; hæc successivis incre-
mentis *N, O, P* adaucta, postremò totam arcem replens, talem forti-
tur speciem *Q*.

In avenaceis, & præcipuè in *tritico* 243, stylus *A* assurgit geminis
tubis *B*, parum disparibus ab antennis, quæ in insectis attolluntur. In
centro uteri, colloquantenti vesicula *C* custoditur; sensim contabescunt
rubæ, & uterus acuminatior redditus, simulam *D* profundiorē exci-
tat. Contenta pariter secundina virescens, colloquamentum, ampliori
contentum vesiculâ *E*, ambit. Collapsis tubis oblongior jam uterus
taliter

taliter configuratur *F*. Gracilefcit interea uteri corpus *G*, cui fecundina *H* ita hæret, ut quali ab ipfo enafci, & elongari videatur. Contentum colliquamentum in crassefactam exiguam plantulam *L*, exterius gibbam interiùs verò concavam *K* definit, cujus bafi plantulæ conica radix, & gemma adhuc fluida, hærent. Auctius postremò semen *M*, tabefactum uterum, hic revulsum *N*, exhibet; reliquum seminis *O*, caro & quali pericarpium explet, & in bafi feminalis plantula *P*, suis integrata partibus, custoditur.

TAB. 41. *Amentacea* pari progrefsu fua edunt femina, ut patet in *avellanis* 244, in quibus ab apice furculorum, styli feu uteri *A* multiplices erumpunt, geminis tubis *B*: His tractu temporis contabefcentibus, auctior quilibet uterus *C* redditur, pilisq; cooperitur; tandem, collapsis tubis, turgidior factus uterus *D*, foliorum eruptiones *E* promit, quæ hic avulfa indicantur. In fecto hujusmodi loculo *F*, qui fenfim offcus redditur, concavitas occurrit; ad hanc à pediculo, lignearum fibrarum & trachearum fasciculus *G* attollitur, cujus extremitati plures appenduntur utriculi *H*, qui interiùs vesiculam, colliquamento refertam, foveant, in cujus centro minimum quasi spatium *I* adest, reliquum verò candidis utriculis succo turgidis repletur. Interim fecundina *K* aufcfcit, & exterius fibrarum productiones *L* exhibet; intùs, velut in chorio, cubat plantula geminis foliis *M* ditata, in quorum hiatu amnion *N*, utriculis vitreis excitatum, locatur. Amplior tandem effecta fecundina *O*, fistularum productionibus irrigatur; contenta verò feminalis plantula *P*, interiùs exiguam feryat concavitatem *Q*, quâ annii reliquum *R* custoditur.

In *castanea* 245, detracto calyce à stylo, tres affurgunt uteri *A*, fupervifite adhuc flore cum styliformibus tubis *B*. Unufquifq; uterus per longum fciffus concavitatem exhibet, quâ plures colliquamenti vesiculæ *C* custodiuntur, multis fupantibus pilis; fecundina *C* hærent pyramidalis corpori *D*, à lignea portione affurgenti. Intra fecundinas vesicula *E* colliquamento turget, in cujus apice plantula *F* primò emergit, conicâ radice geminisq; foliis donata, & in amnii vitreo humore *G* innatat. Succedente auctione, plantula mutationes fubit *H*, & tandem adauéta foliola in formam *I* gracillima gibbaq; sunt, & concavitate vitreum fervant humorem. Postremo, ulteriori augmento fit species *K*, confuetâ fcilicet fructus formâ; crassefacta etenim gemina plantulæ folia *L*, exterius afpera, in globosum corpus companguntur; diductis autem hujusmodi binis partibus, excrefcenitiæ quædam angulares *M* apparent, quibus interior olim concavitas occupatur: Nam foliola plantæ primigenia, olim gracilia, progrediente auctione gibba redduntur, ita ut extremus unguis feè contangat: Cùm igitur fecundinis coerceantur folidis, & à contento amnio nova eisdem feminalis subrogetur materia, exarata foliola, interiora verfùs, velut appendices & additamenta neceffariò promunt, & ita abfumpto vitreo amnio conglobatur *castaneæ* semen. In *nuce* 246, seminis progreflus mirabilis eſt, hujus stylus, tenellus adhuc, per medium fciffus, concavitatem *A* exhibet, in qua colliquamenti vesicula *B* conditur. Exarata cavitas hiatum habet

habet in tubam, seu uteri spiramenta *C*, quæ cæcis, lactucæ instar, foliis excitantur; reliquum uteri corpus *D* rudimenta pericarpium & nuclei continet. Auctior uterus *E* tubas servat, & papillis cooperitur; in hoc, secto per medium, adhuc patet hiatus *F* in tubas; colliquamentum pariter vesica *G* auctior, in sui centro utriculorum *H* continet. Novo adveniente alimento tubæ contabescunt, & pericarpium utriculi *I* nurgent; in centro auctior vesicula *K* custoditur; hæc exteriori constat secundina *L*, quæ crassa est, & multiplici utriculorum ordine componitur: Interius amnii sacculus conditur; circa vesiculam *K*, candida quædam substantia *M*, appendices promens, locatur; hanc percurrit fibrarum & trachearum fasciculus *N*, in colliquamenti vesiculam exportectus à pediculo *O*; reliquum verò *P*, molli & subviridi substantia completur. Brevi temporis tractu exsiccatis tubis pericarpium *Q* crassius & solidius redditur, & nuclei vestigia emergunt. In centro secundina *P* locatur, quæ tumores attollendo variè configuratur *S*, & à candida substantia *T* ambitur; hæc autem utriculorum pendentibus ordinibus coagmentatur; & pericarpium instar, seu fabacæ siliquæ, foetum ambit & humectat. Quindecim elapsis diebus, secundina *V* auctior effecta, gibbior redditur; huic interius, gelatinæ instar, concreti humoris crusta gracilis hæret, quæ amnii vices supplet: Reliquum verò interioris cavitatis colliquamento repletur; hoc igni appositum in bene olentem evaporat halitum, levi relicta crusta. In hoc primò conformata occurrit seminalis plantula, cujus forma est *X*. Post duodecim circiter dies secundina exteriorem formam, qualeni in perfectò semine miramur, jam fortitur. Amnion *I*, cujus superior portio hic delineatur, auctius est & crassius, & suâ concavitate liquidum chorii humorem continet. Seminalis plantulæ gemina folia 2, grandiora, & gracillima, parum hiant, & intus gemma à caudice 3 assurgit: Interim crassius & amplius fit amnion, depauperato chorii icore; plantula quoque folia 4 superiora versus parum recurvat, & contorquet; candida sunt, & fibrarum trachearumque elegantem progressum exhibent. Seminale elapso, amplior deprehenditur plantula, cujus unumquodque folium geminas plicaturas 5, ex reflexa molli substantia versus superiora patitur, unde binos plantulæ prospectus exaravi: In 6 enim unicum occurrit folium; in 7 gemina adfunt, à quorum concavitate mucosum pendet amnion 8. Brevi crassa redduntur folia, & elongantur; unde, levi diductione, ipsorum hiatus 9 in singulo patet folio, & ipsorum concavitatem amnii moles 10 occupat. Tandem completo semine scissura 11, olim patula, ferè obturatur, conniventibus folii partibus 12, quibus tabefactum clauditur amnion. Gemma pariter 13, diductis foliis, emergit, cujus structuram suo loco indagabimus. Hoc itaque successivo incremento crassiora redduntur plantulæ folia, & ita conglomerantur, ut ferè ipsorum natura obscura reddatur, alicuique induat formam.

Mirabilis itaque & reliquis viventium productionibus analogæ est *seminum generatio*, quam in diversis contemplati sumus: Primò enim *umbilicus* occurrit, qui manifestò perforatus est, ut vidimus in *cucurbi-*

ta; sensim laxatur in extremitate, & recollecto colliquamenti icore, fit analogus *amnio*, quod in fabis fluidum est, in reliquis, utriculis coarctum, molem diversæ figuræ excitat: Tractu temporis semen, cum foetus, emergere incipit, in apice scilicet amnii, supereminentibus binis foliolis alarum instar apertis, & frequentissime diductis, ita ut angularis amnii apex scissuram impleat; à foliis verò & alis, acuminatum minimumq; consimilis substantiæ corpus assurgere patet: Hæc itaq; plantulam, radice, trunco seu gemmâ, & binis foliis constantem, probabiliter indicant. Successivo incremento auctior reddita amnii moles, foetum quoque seu plantulam auget, & fovet. Amnio circumaffundi utriculorum ordines, *chorii* instar, in pluribus patuit: An verò in *filiquaceis* contentus humor, à secundinis, multiplici organorum structura donatis, instillatus, *chorii* vices supplcat, multum probabilitatis habet; certum etenim est, *chorium*, in quibus adest, & *secundinas* in leguminibus à primordiis turgere, sensimq; adaucto *amnio* exinaniri, & postremò à plantula amnion, in quod percolantur omnia, absumi. Quare probabiliter seminalis humor primò ex secundinis in umbilicum, & sensim in laxatum amnion derivatur; unde prima plantulæ delineatio.

Augetur autem probabiliter amnion, non tantum subministrato succo ab umbilico, sed & transudante humore à chorio, cum tractu temporis oblitteretur umbilicus: Et cum plantula seminalis non tantum in exaratis, sed & in reliquis, peculiari umbilico destituatur, quo exterius adveniens alimentum altè ipsam penetrans, in singulas diffusus partes, augeat & alat: Sed ut plurimum contiguus amnii humor foliorum hiatus repleat, ipsisque hæreat, non incongruum fortasse rationi censere, filtratione transfluxum chorii humorem in amnion, tandem plantulæ folia, inversâ nutritionis viâ, subingredi, ex his in caulem & gemmam derivari. Quid simile in *Animalium* foetibus accidere putabat *Alemaen*, quod nostro etiam sæculo in luccm revocatum vidimus: Per cutis enim poros icoris portionem subingredi verisimile est; eamque miscelam, quæ in vena cava & pulmonibus celebratur in infantibus extrâ uterum, cutancas venas subintrans humor cum refluxo sanguine molitur. Seminalis plantulæ in exarato ovo generationem, inter Naturæ arcana reponendam esse videtur. Licet tamen hæc cursim meditari: In *Animalibus* scilicet Naturam consuevisse *sexum* multiplicatis individuis addere, quorum unum colliquamentum ministrat, & ovum; alterum verò icorem aspergit, in quo fortasse activum viget principium, cujus ope partes diriguntur, & quasi magneticè debitam inclinationem acquirunt. In *Vegetantibus* autem, ubi non est tantus organorum apparatus, & cuilibet sensibili particulæ omnia insunt, quæ in toto deprehenduntur, nullâ intercedente generatione, abscissi quicumq; rami frequentius in novam sobolem excreverunt; vel Naturæ ministerio deciduæ minimæ & compendiarie plantulæ, à tenellis furculis sub seminum specie, propagationem quocunq; anno perpetuant: Particulæ enim auctivæ Vegetantium, inclinationem & coördinationem adeptæ, quasi è reticulari folliculo effluentes, de facili invicem adaptantur; unde

de plantula compaginatur, rectæ scilicet fistulæ cum appensis utriculorum ordinibus.

Quid simile miramur in *Metallosum & Salium* concretionibus; in *Fungis* ipsis, & *Arborum* extraneis tumoribus, in quibus particularum perpetua coordinatio elucescit. Probabile igitur videtur, Vegetantium particulas, quæ talem inclinationem & directionem in trunco & ramis fortitæ sunt, quotiescumq; à propriis canaliculis effluunt, eandem conservare, & manifestare; & quoniam in ramum, vel ejus rudimentum dirigebantur, in gemmam scilicet, ideò recollectæ & conglobatæ, minimi furculi compendium efformant, quod mox in folia laxatur; hoc à toto deciduum & separatum, suoq; alimento circumdatum, quasi filius emancipatus, suis præest muneribus, & vulgariter *Semen* dicitur; à nobis autem *Seminalis plantula*. Hinc videmus, cauliculi apicem, seu extremam radicem seminalis plantulæ, ferè semper fistularum parentis arboris hiatum respicere, & ab ipso parùm distare; reliquum verò velut rami inchoamentum, seu tenellum surculum, parùm elongari, ejusque extremitatem minimâ gemmâ condecorari, cui, ut de more, bina adstant folia lata, quæ seminis carnem excitant. Erit igitur probabiliter Semen quasi gemma pendula, & decidua, alieno germinatura solo.

De Uterorum Augmento, & ipsorum succedente forma.

- E**Xpositis incrementis, contentum Semen in stylo ceu Utero debitas subit mutationes, donec perfectâ & completâ organizatione, veluti filius, emancipetur. Nec soli Semini contingit augmentum; sed Natura in pluribus Uterum successivè auget, pluraq; circum-turgere jubet fortis gratiâ. Ita in *pyro*, *pomis*, *cerasis*, & similibus, contingit, inducto pericarpio ut plurimum, vel osseo cortice, vel alio analogo tegumento. Varia est Naturæ methodus in producendis hujusmodi Uteri appendicibus & integumentis. Primò itaque, ubi calyx humilis est, & exiguus uterus, in longum producit styli elongata tuba. Hoc apprime exporitur in *citris*, & *malis limoniis* 247, quarum uterina extuberans tuba *A* sensim contabescere incipit, utriculi autem corticis *B*, turgidiores redditi; pericarpium exterius augent, & circa seminum capsulas *C*, vesiculæ avido succo turgidæ *D* emergere incipiunt. In siliquaceis, & præcipuè in *pisis* 248, exsiccat calyce, & uteri tabescente tubâ *A*, reliquum corpus, pericarpium instar auctum, delineatas successivè formas *B*, *C*, *D*, *E* exhibet. In floribus, ubi calyx gracilis est, & longè ab utero distat, pericarpium, reliqua; seminibus parata involucria, circa styli basim superexcreunt, gracilescit calyce. Hoc in *prunis*, *malis Persicis*, *Armeniis*, & *amygdalis* 249 patet, in quibus calyx *A* exsiccat, & intus fecundinæ *B* turgent; tuba verò *C*, sensim exsiccata, contorquetur; turgente verò pericarpio *D*, ex toto contabescit, & sectus uterus primò exhibet fibrarum linearum, & tracheæ cylindrum *E*, qui per longum pediculi exporrigitur, & in calycis productione dilatatus, angulos *F* efformat; mox iterum constringitur, & tandem productis ramulis osseum nucleum *G*, & pericarpium *H*, admodum gracile, irrigat; in seminis pariter capsula *I*, quæ in centro custoditur, propagines deducuntur; obliteratâ tandem tubâ, in adaucto utero *K* exarata manifestiora redduntur, & fecundinæ utriculi *L* turgidiores fiunt. Postremò obrusor & grandior fit fructus *M*, & auctâ interiori concavitate, feminisq; vesiculâ, nucleus durescere incipit juxta exteriores laminas *N*, & circa pericarpium augetur. Pari progressu molitur Natura *uva spina* 250 augmentum, cujus calyx *A* tabidus & exsuccus redditur; uteri verò subjecti corpus *B*, emergentibus utriculis pericarpium *C*, fit pro custodiendis copiosis seminibus *D* crassum indumentum. In aliis, tubæ corpus primævam servat gracilitatem; circumstantis verò calyx in naturam fructus transit: Ita in *pyro* 251 præcipuè observatur, cujus copiosi uteri *A*, in centro locati, hinc inde quasi calyce *B* circumdantur; tractu temporis superior tantum portio calycis *C* contabescit, vel saltem non adolefcit; reliquum verò in pericarpium *D* excrefcit. Novo adveniente alimento, contabescitibus uteri tubis, laterales calycis parietes *E* crassifaciti invicem approximantur, & ita fit forma *F*. Idem miramur in *pomis* 252, in quibus copiosi uteri *A*, crasso calyce *B* non longè circumdantur; sensim angustato uterorum spacio crassius redditur pericarpium *C*, quod tractu temporis secundum superiorem partem

tem *D* magis approximatur, & reliquo corpore ita augetur, ut in rotundam formam *E* excreſcat, gracileſcente contracto jam calyce *F*, & Uterorum extremis tubis, quæ à ſubcreſcente pericarpio *G* urgentur. In *pomo granato* 253, licet Semen videatur conſuſa congeries, attamen interdum licuit in tenello diverſorum attingere Uterorum cumulum. In ſtylo namq; ſectio per longum, uterinæ tubæ *A* eminent inter quas hiatus *B* adeſt pro loculorum perſpiratu; in centro autem ſtyli ſeu fructus, tubarum inchoamenta *C*, quæ debitam non ſunt ſortita proceritatem, foràs etumpere nequeunt; unde concluſa, adauctis feminibus & pericarpio interiùs conduntur. Tubis his continuantur peculiareſ concavitateſ *D*; unde tota Fructus compages eſt Uterorum coaliſtus & coagmentatio.

Longum eſt ſingularum Uterorum incrementum deſcribere, unde exarata, pro Naturæ eructa norma, ſufficient, nobiſq; contemplantibus diverſas conformationeſ uterorum, quibus cuſtoditur etiam poſtmodum jam productus ſectus, iidem occurrent. Maturata namq; latitanteſ ſeminiſ natura in quibuſdam arboribus, & herbis pericarpio donatiſ, petiolorum infertio exſiccatur & concidit; in aliis diverſa vià aſcereſcere incipiunt, tandemq; ſolo iterum concreduſcunt. Tam variè igitur configurat Natura uteros, ſeu ſeminiſ capſulaſ, eaſq; augendo à primæva ſtyli conformatione diſſimileſ reddit, ut penè impoſſibile mihi ſit, præcipuaſ etiam, & ſpecioſioreſ exponere ſpecieſ; attamen, ut Naturæ artiſcium in architectandiſ huiſmodi Uteriſ tubindictur, præcipuaſ ſpecieſ, haſq; ſimplicioreſ, deſcribemus.

Primò itaq; ſimplex occurrit *buſæ paſtoris* 254 locus, ſeu Uteruſ; hic membraneo quaſi conſtaſ corpore *A*, in levem attollitur tumorem. A petiolo *B* interiùs producuntur gemini fibrarum faſciculi *C*, taliter curvati, à quibuſ, pediculiſ mediis, ſemina *D* pendent. *Thlaſpi* 255, pariter Uteruſ binis conſtat membranariſ viridibuſ *A*, quæ exiguum relinquant ſpatium geminiſ contentiſ feminibuſ. A pediculo *B* emergunt fibræ *C*, reticulariter inoſculatæ. *Lagopus* quoq; 256 multiplici donatur Utero, qui olim veluti calyx ſlori ſubſternebatur; quinque eminet appendicibuſ pilofiſ *A*, reliquo tubuloſo corpore *B* ſemen cuſtodit. *Melanthii* uteruſ 257 in inſignem attollitur moleſ; locus itaq; fit quinq; protuberantibuſ celluliſ *A*; hæ propriiſ gaudent ſepimentuſ *B*, tenui membrana excitatiſ, hiſq; pendentia à coſtula *C* ſemina *E* cuſtodiuſ: Singula quæq; cavitateſ perforataſ gaudet tubaſ *E*, quæ in apice in ſpiram *F* contorquetur. In *Mattioli hyacintho* 258 tribuſ diſtinctiſ celluliſ *A* conſtat Uteruſ, pariſq; parum craſſuſ eſt, utriculiſ conſtaſ. In quolibet loculo quatuor conduntur ſemina, *B. Gittago* 259 ſuprà exſiccatum calyceſ *A*, uteruſ *B* efferit, in cujuſ concavitate taliter aſurgenteſ pediculiſ *C*, ſemina *D* ſuſtinent, & alunt. In *lino* 260 delapſiſ tubiſ, tandem fit uteruſ, pluſibuſ coagmentatuſ loculiſ *A*, propria ſemina cuſtodientibuſ. In *Malva* 261, conſumptiſ pariter copioſiſ uteriniſ tubiſ, remanent ſuprà ſloriſ caliceſ *A*, copioſiſſimæ ſeminiſ capſulaſ *B*, verſuſ centrum ſituatæ, ita ut rotunduſ fiat ex diſparatiſ

Z

uteriſ

uteris acervus. Hærent autem expanso pediculo *C*, & singuli Uteri figura est *D*, quâ secundinis fovetur semen. Elegans est *opii* 262 Uterus, quem copiosè pendere voluit Natura; gemina itaq; locatur exigua cellula *A*, cui geminae alae *B* insignes gracilesq; appenduntur: In has derivantur per anteriorem membranam fibræ *C*, cujus extremitatibus globuli hærent. *Lapacii* 263 Utero Natura custodiam paravit; tres itaq; membranæ *A*, foliorum instar, rudem efformantes triangulum, uniantur, invicemq; aptantur, ut contentum semen *B* custodiatur: In singulis hæc membrancis tegumentis, seu potius uterinis alis, interiora versus curvatis, locatur ovale corpus *C*, utriculis constans, quod specie seminis imponere potest; hoc tamen peculiare pericarpium est, tractuq; temporis contabescit. Omnes alæ, fibris lignicis, & tracheis *D* irrigantur. Elegantissimus est *Medicæ sylvestris* Uterus 264; oblonga enim uterina concavitas quasi siliqua in spinam *A* contorquetur, & plura custodiuntur semina Exteriori crassa affunditur duraq; substantia, & in aliquibus spinæ, quæ à fibrosis propaginibus *B* irrigantur.

In quam plurimis Herbis, & arboribus, Uterus longiori constans formâ, in siliquaceam vertitur naturam; unde parùm gracili membranâ excitatas additur operimentum, & tutamen: Hujusmodi formam passim deprehendimus in *pisis* præcipuè 265, quorum adaueta siliqua è floris calyce *A* elongatur, & apice suo exsiccatæ uterinæ tubæ *B* vestigia servat: Color viridis est, parumq; pallens. Componitur siliqua exterius ovalibus utriculis *C*, parùm tamen hæc angustantur; unde angulosi interdum redduntur; qui verò internam regionem occupant, minores sunt. Totus paries, reticulari opere *D*, ex tracheis, & fistulis lignicis irrigatur, derivato à fibrosis fasciculis, superiorem *E* & inferiorem costulam *F* percurrentibus. Versus anteriorem partem per transversum excurrunt quasi lignæ fibræ, rotundis excitatæ globulis, præut ruditer & obscure observantur; hæ teguntur substantiâ quadam molliori, quæ quasi tot syphonum ora *G* indicare videtur; ab interiori pariter siliquæ superficie eminent pili molles *H*, & quasi capillamenta, quibus humectantur contenta semina *F*. *Lupinorum*, & *fabarum* 266 præcipuè, siliquæ, crassiori constant corporaturâ: Hujus forma oblonga est, & tumores, ubi semina conduntur, exhibet. Exterior superficies pyramidalibus papillis *A* cooperitur; sub cuticula pariter utriculi *B* fibroso reti *C* appenduntur, quo tota substantia irrigatur. Succedunt pariter rectæ quasi fibræ *D* per transversum locatæ, rotundis conglomeratæ corporibus minimis, Ab interiori siliquæ superficie pendent veluti pericarpii elongatæ appendices *E*, oblongis utriculis *F*, succo turgidis, excitatæ: Harum centrum lignæ fibræ *G* excurrunt, & invicem implicate molliiter fovant, & fulciant contenta semina. Solet frequentissimè Natura uterum pericarpio, hoc est utriculis succo turgidis donare in seminum custodiam; ita in pluribus, & præcipuè in *catapurtia majori* 267 eminent copiosi uteri, qui molliibus pilis & quasi aculeis *A* exterius muniuntur, & sub cuticula non valdè crassum obducitur pericarpium

pericarpium, quo diversæ capsulæ *B*, semina continentes, muniuntur. *Rutæ* quoque 268 stylus adactus, quadruplici obtusâ attolitur appendice *A*, à qua totidem tubæ partes *B* emergunt; exterius indumentum utriculis, oleo turgidis *C*; in concavitatibus repositis, scaret & fectus pendentia à ligneis fibris *D* semina *E* offert. *Mori* 269 quoque multiplex uterus *A*, locq; pericarpîi, affusi circa oscum nucleum, quo semen custoditur, quatuor foliola *B* habet, quæ tractu temporis, turgentibus concocto & dulci succo utriculis crassiora, redduntur, & in cibum cedunt. In *jishymalli chaniasyce* 270, Utero, qui peponis minimi speciem refert, tot separatæ adfunt cellulæ *A*, quæ exterius & interius, intercipiente pericarpio reticulariter ducto *B*, ambiuntur. *Aristolochiæ longæ* Uterus 271, parem obtinet naturam; levi etenim pericarpio *A* exterius ambitur, & cellulæ eodem reticulari opere productæ *B* firmantur, in quibus semina copiosa *C*, horizontaliter quasi situata, aluntur.

TAB. 47.

Hucusque Naturam vidimus, pericarpium seminibus gracile texentem, & obducentem; modò fas est, ut Uteros, quibus copiosè elargita est, rimemur. In *ficu*, 272 igitur nostrate, per longum secto, & maguro, concavitas *A* occurrit; pericarpium etenim exterius membranulâ *B* obvelatur, à qua spinæ recurvæ *C* prodeunt; sub hac conduntur ligneæ fibræ, fasciuli scil. *D*, reticulariter inosculati. Unaquæq; fibra est fistularum congeries, cujus centrum trachea *E* occupat. Arearum spatia replentur utriculis *F*, quibus pericarpium excitatur; ab hoc portiones *G* emanant, utriculorum serie donatæ quæ interiora versus deductæ, oscum seminis capsulam *H* exporrigunt. Parem configurationem in *peponibus*, reliquisq; similibus, & *cucurbita* ipsa miramur: In his interius pendentia semina crasso tutantur pericarpio. *Cerasa* 273, & consimilia amplo donantur pericarpio; secto namque cerasorum utero, à pediculo *A* ascendentes ligneæ fibræ observantur, quæ potiori parte versus oscum nucleum *B* progrediuntur, reliquæ *C* per medium pericarpîi elongatæ, invicemq; ramulis anastomosatæ totam pericarpîi regionem pervadunt. Fibrosis hujusmodi fasciculis, suâ tracheâ ditatis, utriculorum appenduntur series *D*, quæ dulci feotent succo; hæq; in nucleum desinunt. *Prunorum* par structura 274 succedit; horum pericarpium, utriculorum stiris excitatum *A*, ligneis fistulis & tracheis *B* pervaditur. Licet difficillimum sit, sensu ipso attingere pericarpîi structuram, attamen videtur ordinibus utriculorum componi, qui interdum formam *C* exhibent; versus enim peripheriam fructus reticulariter implicari videntur, sensim tamen gracilescenti appendice *D*, osco nucleo *E* uniuntur. *Pomorum* ingens genus 275 pari constat formâ; ipsorum uterus *A* multiplex est, & gracili cartilagine, loco osci operculi, interius *B* munitur, seminq; *C* continet. Utero accrescit copiosum pericarpium, ligneis fibris *D* irrigatum, à quibus utriculorum ordines *E* pendent. *Arum* 276 quoq; multiplici seminum congerie constat: Quicumq; tamen uterq; veluti pomum *A*, crassiori excitato pericarpio *B*, tribus ut plurimum seminibus *C* custodiam parat.

TAB. 48.

Idem

Idem in *Moly montano* observatur. *Pirorum* 277 uterus confimili insignitur structurâ; semina etenim pericarpio conduntur: Hoc tamen peculiare habet, ut utriculorum ordines, quibus ipsum componitur, non unam habeant inclinationem versus centrum, sed dispersi passim lapilli *A*, tartareiq; globuli inæqualis figuræ observentur, circa quos utriculorum series *B*, veluti tog. lineæ circa centrum ducuntur. Frequenter in *piro* pediculus ligneis & spiralibus fistulis coagmentatus tartareas appendices *C*, & saxeos lapillos *D* à fibris *E* pendentes habet, & in eodem medullæ loco tartarea luxuriat substantia. *Cydoniorum* caro iisdem tartareis scatet lapillis, qui de more productis costulis fibrosis appenduntur, & circa ipsos utriculorum statuuntur ordines. *Pomum granatum* 278 crassiori pericarpio parum exsiccatum, in naturam solidioris involucri exterius munitur, quod *malicorium* dicitur; contenta verò concameratio cellulis distinguitur, quæ annibus membranarum, *cici* nomine donatis, obvelantur. Huiusmodi autem replentur seminibus, quæ pomorum instar, à fibroso pediculo *A*, derivato à pericarpii cortice, pendent. Quodlibet itaque semen osseo nucleo *B*, centrum tenente, circumdatur; huic autem hærent innumeri penè utriculorum seu sacculorum ordines *C*, quasi radiosa corpora, quibus tota rubicunda caro, quæ gratum expressa reddit succum, componitur: Exterius membranâ cooperitur, quæ angulares areas *D* designat. Confimilem compositionem in *uva spina* reperies. Succedunt *limonia* & *aurantia poma* 279, quæ duplici constat pericarpio; exterior enim caro multiplicibus lignearum fibrarum fasciculis *A* irrigatur, à quibus hinc inde nascuntur utriculorum reticulares productiones *B*, peculiarem succum continentes; unde ex horum multiplici congerie tota caro coagmentatur. In exteriori huius superficie ovales veshculæ frequenter locantur, quibus oleosa materia coercetur. Caro, exteriorem ambitum constituens, interius concamerationem excitat, quæ ab oblongis sacculis, succo acido refertis, occupatur; huiusmodi sacculorum tumulus, in tot disparatis cellulis seu uteris continetur, unde appensa semina foyent, & ambiunt. Quilibet sacculus, suo pediculo *C* firmatus, à fibroso fasciculo per carnem disperso pendet, & propriâ membranâ utriculorum innumeram seriem ambit, qui acido succo turgent: Horum forma *D* exterius oblonga est, interius aniplior, angularis varia.

In lustratis hucusque Uteris, Natura pericarpium exterius locavit, ipsiq; circumvallavit; in aliquibus autem inversâ viâ à pericarpio, in globosum corpus coagmentato, emergere voluit Uteros & contenta semina: Hoc in *fragis* 280 præcipuè deprehendimus, quorum Uterus per longum sectus ligneas fibras *A*, à petiolo assurgentes, exhibet; ab his pendet Uteri, seu seminum capsulæ *B*; fibrosis verò costulis hærent utriculorum striae *C*, quæ dulci turgent succo; & harum progressus videtur tot sacculis, seu utriculis *D*, componi, qui inæquali pollenti figurâ, & contento humore turgida, contentum fibrarum fasciculum *E* ambiunt; unde huiusmodi ordines velut ramorum productiones diversos gignunt quali furculos. In *cinara*, & *beliotropio* 281, cauliculi ap-

per sensim dilatatur, ut superius delineavimus, ita ut area horizontalis & rotunda fiat; exterius enim fibrarum & trachearum productiones ascendunt, reliquum verò intercepti spatii à pericarpio occupatur. Huiusmodi utriculis candidis succo turgidis *A*, in rete productis, componitur, & ab hoc emergunt styli, seu Uteri.

Non perpetuò pericarpium caro femini exterius affunditur in custodiam, sed quandoque, ut vidimus, interius locatur; hoc apprimè etiam elucescit in quibusdam plantarum feminibus, & præcipuè in *rubia*, 282, cujus geminus ut plurimum pendet Uterus *A*, ab uno petiolo *B*; exterius cortice quasi spinoso *C* contegitur, levi inducto pericarpio, sub quo album quoddam corpus *D*, rotundum, interius concavum, locatur; hoc itaq; non omnino continuum est, sed in *E* solvitur; interius sovet semen, locumq; secundinae habet; concavitas verò *F* pericarpio utriculis excitato repletur.

Mos est ulterius Naturæ, neglecto pericarpium augmento, ossum nucleum augere, quo semen tutatur: Ita quamplurimis accidit fructibus, præcipuè verò in *amygdalis* 283; ipsarum namque pericarpium *A* à principio mollius, non, ut reliquorum rhus est, in maiorem excrescit molem, & tandem maturatur; sed factâ comparatione gracilius redditum tandem contabescit, osseo relicto nucleo. Pericarpium structura fibrarum reticulari opere *B* pervaditur, à quo utriculorum pariter ordines *C* pendunt, versùs interiora, ea scilicet parte, quâ ossum nucleum *D* ambit, & contangit: Appendices habet *E*, quæ nuclei ossei foramina *F* subintrant. In hoc pericarpio illud mirabile est, quod circa tracheas & ligneas fibras *G* ducuntur vasa, seu ductus terebinthina; unde secta, copiosè fundunt huiusmodi humorem. Pericarpium exterior superficies cinereis pilis *H* tota cooperitur. Ossis nucleus horizontaliter hic sectus geminâ laminâ interiori, scilicet *I*, femini proximâ, & exteriori *K*, quæ pericarpio continua est, excitatur: Hæ à primordiis solidescere incipiunt; ipsarum enim utriculi *L*, qui olim pericarpium naturam redolebant, concrecente tartaro petrificati, in hanc desinunt naturam. Interius appendices *M* promuntur, quibus invicem laminæ nectuntur. Ex præcipitato perpetuo tartaro coercita pericarpium portio necessariò concrefcit: Et quoniam inter utramq; laminam vasorum fasciculi, cum terebinthinâ ductu *N* excurrunt, ideò vacuitates *O* superflunt, molles pericarpium utriculos *P* continentes, qui vasorum fasciculis hærentes, postremò petrificati reliquorum naturam acquirunt. Nucum 284. compages consimilis extat: Horum pericarpium viride, temporis tractu, quia pepasium non acquirit, gracilefcendo contabescit; dum autem virefcit, à petiolo copiosas recipit fibras *A*, quæ ipsum pervadentes reticularibus implicationibus *B*, utriculorum seriebus *C* nectuntur: Hæ autem desinunt in ossum nucleum *D*, quo semen custoditur; ita ut pericarpium continuata portio cum nucleo marcescat, & ita concidat. Ab eodem petiolo insignes fibrarum & trachearum fasciculi *E*, non longè ab interiori pericarpium superficie producuntur, qui frequenter nucleo hærent, in quo delineatæ productiones veluti al-

alveoli & vaginæ excavantur. Offeus nucleus, pericarpio continens, præcipitato tartaro, durefcit; iisdem enim utriculorum feriebus in centrum inclinatis componitur, qui tartarizati ferè obliterantur.

In quamplurimis plantis exiguum in utero extenditur pericarpium, sub quo tamen offeus nucleus inclusum custodit fœmen. Hoc passim in *spinaceorum* 285 genere observatur, in quo uterus *A* gracili utriculoso pericarpio tegitur, quod in gemina quasi cornicula *B* attolitur; intus verò offeus nucleus custoditur. Alia pariter spinacea asperum habent uterum *C*, exiguis utriculis coopertum, insignibus emergentibus tuberculis; in summitate autem minimæ contorquentur acuminatæ tubæ *D*.

Hactenus *pericarpia* scrutati sumus, quibus Uteri in fœminum custodiam ditantur: In nonnullis tamen Uteris desideratur pericarpium, cuiusq; loco lignæ eruptiones adduntur. Ita in *castaneis* 286, adhuc tenellis, calyx observatur, in quo tres Styli seu Uteri includuntur. Interior ipsius concavitas pilis candidis mollibusq; ornatur; exterior verò duplici appendicum genere contegitur; alia enim sunt quasi gracilia & oblonga folia *A*, per longum situata, reliqua verò veluti styliformes processus crumpunt, ita ut horum series mediet alterum foliorum ordinem *A*. Tractu temporis echinata hæc capsula, crassior reddita, fibrarum productionem *C* admittit, & solidato in utriculis succo, in ossæam quasi naturam degenerat. Interiores pili *D* adhuc supersunt, & obliteratis exterius foliorum ordinibus, styliformes processus, geminatis, quasi ramis *E* in acuminatas degenerant spinas, quibus calyx taliter constitutus contentos fructus ambit.

In quibusdam Pericarpium vel Uteri substantia, à principio mollior fit, diuturnitate temporis lignea & ferè ossæa redditur: Ita in *cupresso* 287 copiosi pendent Uteri, nuces, coni, baccæ, & galbuli appellati, qui in tot stylos divisi congeriem excitant; exterius etenim eminentiæ quedam *A*, plurium angulorum, ita ut sese invicem contangant, quasi styli protuberant, in quibus intus fœminum loculi excitantur; à pediculo namque ligneo *B*, copiose lignæ fistulæ unâ cum tracheis *C* diremantur hinc inde, quibus veluti pericarpium *D* affunditur. Inter utramque pericarpium portionem *D* cellulae excitantur, quibus fœmina *E* foventur; unde tractu temporis, maturato fœmine, exsiccato pericarpio, interpositi aperiuntur & laxantur hiatus, ut fœmina dispergantur. Pericarpium moles talitèr configuratur: A lignea costula, quæ fibris rectis transversalibus, utriculis, & tracheis constat, lignique soliditatem sapit, lateraliter emergunt rami *F* jam delineati, in singulas baccæ partes producti: Multiplicibus namque furculis *F* tota fulcitur moles: Circa ramos locantur fistularum argentearum seu sacculorum ordines *H*, quibus reticulares utriculorum plexus, obscurè deprehensi, affunduntur. In hoc itaque ligneo pericarpio plures ductus & sinus *I*, terebinthinâ turgidi, excitantur.

Jam *Uterorum compagem* rimati sumus, quibus Natura pericarpium vel osseum integumentum clargita est: Modò fas est, ut plantarum *Uteros* indagemus; quos quidem copiosè conglomerat, sub spicarum jube & similium speciebus; in quibus tamen singuli Uteri, pericarpio destituti, membranis indumentis cooperiuntur, spinisq; & aristis frequenter muniuntur. Primò itaq; simplex occurrit *solis* spica 288, cujus semina nullo ferè calyce custodiuntur; ab extremo namq; caulis spica nautica excitatur, & primò fit quasi nodus *A*, à quo folium *B* carinatum emergit, hocq; munitur semen *C*: Idem in reliquo calami accidit; cum hoc tamen, quod sensim multiplicatur semina, ut patet in subsequentiis nodis *D*: Solent circa apicem plura pendere semina *E*, racemi instar, ab uno fibroso petiolo. Unumquodq; semen geminis tegitur involucris, quæ *gluma* appellantur. Huic succedit *phalaridis* pratensis Uterus 289, qui potioribus excitatur integumentis; in hoc spica quædam observatur elegans, à cujus petiolo alternatim hinc inde pendent peculiare loculi, semina custodientes. Singula itaq; capsula, à pediculo *A* pendens, geminis quasi foliis *B* tenuibus, solidis tamen, concavis, & carinatis, excitatur; hæcq; unita quasi folium æmulantur, & hinc inde à cauliculo pendentia, spicam, quasi pini fructum gracilem & oblongum componunt. Exarata foliola ligneis fibris firmantur, quibus rotundi & solidi utriculi hærent. His diductis, semen secundinis circumdatum *C*, pilisq; coopertum, excritur. *Milii* 290 pariter juba pluribus constat Uteris, qui oblongo pendent petiolo ab extremo cauliculo; singulus autem stylus primò in foliolum *A*, loco calycis, concavum promitur; huic gemina folia *B*, fibris contexta, adstant, quorum ope conclusum semen *C* ambitur. *Tritici*, & *Avenæ* spica 291, multiplicium quoq; seminum conglomeratione constat; in singulo autem peculiari Utero, seu tuba, varia mirari licet. Nam primò petiolo *A*, gemina folia carinata, vel potiùs calycis capsulæ *B*, appenduntur, solitis fibris & utriculis excitatæ: Superiùs binæ pariter exoriuntur concavæ portiones *C* pilis coopertæ, quæ in aristam, styliformem scilicet appendicem *D*, desinunt, quæ hinc inde erumpentibus spinis munitur. In qualibet harum concavitate, seu *gluma*, semen *E* fovetur, quod tenui etiam foliolo *F* cooperitur. Parum abfimilem structuram in *hordeo*, quibusdam graminis spicis contemplari licet.

Nec fat fuit Naturæ, seminibus integumenta parasse, ut matura diu foveantur, sed & ipsorum libertati consuluit, statq; tempore laxato Utero, in lucem, quasi orta, extra erumpere jussit. In quibus igitur ossei sunt Uteri, geminæ ut plurimum partes, quarum unione concavitas confurgit, hiantes & separate exitum seminibus concedunt. Ita in *nuce*, *malis* *Persicis*, *cerasis*, & sim. contingit. Hoc ita latè patet, ut nostrâ non egeat descriptione. Elegans est *buxi* 292 partus hic rotundo constat corpore TAB. 51. *A*, tribus emergentibus tubis *B*: In partu autem arfactis jam utriculorum scribis, quibus leviter cooperitur, laxantur articulationes, & hiatus aperitur *C*; ita ut à pediculo per longum diducantur hinc inde geminæ.

geminæ tubarum partes *D*, & contenta in tribus disparatis cellulis semina excidant. In *papavere* 293, miro artificio Natura seminibus exitum paravit. Ipsi Uterus *A* cellulis coagmentatus, tractu temporis cartilagineus redditur; tubæ autem *B*, à primordiis deorsum pendulæ, sensim exsiccatione convulsæ *C*, sursum attolluntur, & portiones loculorum *D*, quasi fenestrarum opercula, deorsum retrahuntur; ita ut in singulis cellulis foramen *E* aperiatur minimis & inclusis seminibus.

Non tantum seminibus exitum ab Utero paravit Natura, sed ut facilius in longum & distans dispergerentur, Uteris additamenta paravit: Hæc *pappi* appellantur; ita passim ludit Natura in *tarasco*, & reliquis *cichoreaceis*, 294: Fit enim uterorum congeries, unde maturato semine singula decidunt, ventoq; rapiuntur. Constant loco *A*, semen custodiente, quod exterius striatum est, & spinosas appendices promit: Ab hoc elongatur hastula *B*, quæ capitulo *C* terminatur, à quo, veluti à communi centro, radiorum instar, graciles pili *D* erumpunt, qui hinc inde quasi spinas promere videntur. In *foncho* 295, Uterus compressa quædam capsula *A* est, quâ semen conditur; ab hujus summitatē pili *B* enascuntur, quorum lateribus appendices *C*, spinarum instar, hærent. In *cinara* & pleriq; similibus, pappos seu lanuginosos villos circa semina luxuriare videmus; & in *populo* 296, hujusmodi pili, ab uno exorti quasi nodo *A*, in tres veluti ramos *B* distinguuntur, quibus semen *C* custoditur, & dum vento rapitur, dispergiuntur.

Hucusq; loculos, seu *Uteros*, quibus seminales plantulæ foventur, à floris umbilico, vel ejus analogo situ, pendere vidimus: Solet autem Natura in quibusdam plantis ab iisdem foliis Uteros promere, hosq; copiosos; hujusmodi miramur in *bilingua* 297, in qua versis medium folii frequenter in superiori parte, & interdum in opposita, à costula majori emergit uterus: Nam primò folium *A* acuminatum loco calycis assurgit; non longè ab hoc eminent gemini Uteri *B*, seu cellulati styli, semina continentes, petiolis *C* suffulti; in basi verò congeries foliorum, florem integrantium *D*, luxuriat. In *phylitide* 298, majori utitur munificentia Natura; nam ab inferiori foliorum parte, disrupta cuticulâ, ingens hiatus *A* in singulis amplioribus arcibus aperitur, ita ut copiosa erumpant semina *B*. Quid simile in *scelopendrio*, & *polypodio* 299, molitur Natura; in hujus exteriori foliorum superficie *A*, globulorum recemi *B* hinc inde ab excurrente costula *C* pendent: Hi primò virides sunt, tandem ætuginosi; racematim pediculis mediis ab interiori substantia pendent. Primò etenim tumor inter utramq; folii cuticulam eminet, & diductâ epidermide globuli erumpunt, quorum structura mirabilis est; tenui namq; membranâ constant, & exterius ab annulo *D*, circulum in totum non explente, ambiuntur: Hujusmodi quasi tot globulis *E* constat, unde Uterus aperitur, dum prædictus semicirculus *F*, velut arcus, ad lineam rectam reduciuntur; disruptâ membranâ *G*, indistans effunduntur semina *H*, lutei interdum coloris. Parum absimilem structuram observamus in *filice* 300, cujus quælibet folia in exteriori ungue

A, versus interiora reflexo, femina B copiosa custodiunt, & alunt : Nam elongatis utriusq; membranis cutancis C soliti, fit quasi nidus femininum, quæ cuni *polypodio* omnimodam fortiuntur compagem, pariq; ritu, laxato arcu, loculi aperiuntur, feminæq; effunduntur.

Lustratæ hucusq; structuræ probabiliter evincunt, in herbis & arboribus stylum in molem ita excrefcere, ut Uteri munia suppleat; & sicut in *viviparis* Uterus geminatur binis productis tubis, ita in *plantis* incertâ lege multiplicantur tubæ, quarum appendices adhuc hiantes in aliquibus conservantur : Quare tot loculi, vel filiquæ, superius examinatæ, probabiliter Uterorum, vel satius Tubarum, munus explebunt. Idem probabiliter philosophandum venit de *spicis, jubis*, & similibus, in quibus membranosi utriculi, licet semen non undequaq; ambient, contentum tamen foetum fovent, & tutantur frequenter spinis & aristis. Uterum igitur Plantarum & Vegetantium, in aliquibus, solo membranco graciliq; corpore concavo & tubuloso, vesiculæ instar, excitari videmus; huncq; ligneis fibris, tracheis & utriculis irrigatum deprehendimus : In hujus centro semina vel foetus gignuntur, & adolefcunt. In aliis Vegetantium ordinibus, ut in *siliquaceis*, crassiori redditâ interdum ambiente Uteri & Tubarum substantia, quasi pericarpio, donari videtur; & in quibusdam oblongæ quædam appendices adduntur, quæ semina stipant & fovent. Crassius patiter obducitur pericarpium, elongatis fibrarum & trachearum fasciculis, à quibus utriculi succo turgidi pendent, & conglobatis hujusmodi stiriis in commune corpus, quod *fructus* dicitur, fit Uteri substantia, non dispari ritu ac in Fœminis accidit, quatum Uteri substantia contento sanguine ita tumet, ut solitam crassitiem triplo excedat. In aliquibus pericarpium hæc moles, turgidi Uteri vices supplens, ambiente interiori corpore obvelatur, quod plerumq; cartilagineum est, ut *pomis, pirisq;* accidit; in aliis autem osseam substantiam sortitur, hujusq; structura in tenellis adhuc è pericarpio in uteri cavitatem cribratum extillat humorem. In nonnullis dilato sub horizontali plano, pericarpio, inter florum vestigia peculiare fovetur tubæ, seu styli. Et quoniam pericarpium hæc moles evidenter eadem est cum transversalibus utriculis caulis, vel caudicis, fistulis & tracheis, (ut in *cinara* evidenter patet,) ideo in reliquis pericarpium idem philosophandum est; quod in *cucurbita* apprimè apparet, in qua sensim elongatæ utriculorum transversales series, in petiolo delatationem promovent; & ita longiores redditæ & circumductæ, cucurbitæ pericarpium excitant, & reticulariter utriculorum productionibus, seminum secundinas, ad quas derivantur, humectando fovent.

Affusum itaq; pericarpium pluribus Uteris concoctum fortasse succum contento foetui subministrat, vel saltem externi caloris vim obtundit, ne solaribus radiis contabescat. In quibusdam autem pericarpium interiori locatur; unde petiolo communicatus humor senem fovet & alit. Quoniam tamen plures exarati Uteri pericarpio vel

ejus analogo destituuntur; ideo fas est credere, succum, qui à pericarpio percolatur in semen, non omnino productioni ejusdem conducere; sed materiam à fibris, derivatis immediate à petiolo, & secundis externi, pericarpium verò succum tutari potius, quàm componere.

Allata insuper sufficienter evincunt, pericarpium succum, suis utriculis turgentem, maturum reddi, non ita exigente peculiarem finem Naturà, sed ex transpiratu, & externorum actione talem fieri statum, qui per accidens hominibus in aliquibus gratus succedit; cum plurimum pericarpium immaturum corrumpatur, vel quasi osseum, vel ligneum reddatur. Nam ubi in pericarpium utriculis aqueus halituosusq; abundat humor, ungentis acris calore, hujusmodi facile digeritur; unde utriculorum tunicae, solaeq; lignae fibrae supersunt; in aliis autem utriculorum succus contentis salibus ita acidus redditur, ut vigente sole commixtae fixentur particulae in naturam cartilagineam, & non raro osseam: Frequentius tamen pericarpium caro multo vitriolo scaret; unde ingens austeritas & aciditas praesentitur; temporis tamen tractu, fermentatione media exaltatis & digestis succis, novus substantiae modus & sapor emergit, qui dum nostro occurrens palato gratiam excitat titillationem, & ingestus facile evincitur, coctionem seu maturationem adeptus dicitur; cum tamen successivi status, qui à primordiis usq; ad interitum in pericarpium humoribus contingunt, solius fermentationis necessariis motibus debeantur, & Natura his diversimode etiam affectis, debitam feminali plantulae custodiam pareat.

De Secundinis, & contento Plantarum sætu.

Tanta Uterorum copia, quam hucusque contemplati sumus, singulis annis in tenellis furculis luxuriat, ut copiosa femina in lucem prodeant. Hæc, veluti novi fortus, suis involvuntur *secundinis*, quarum ope diu custodiuntur, & terræ concedita pro germinatione juvantur. Varia sunt hæc sætum, seu seminalis plantulae, integumenta. Et primò dubitandum venit, an ossæ capsulæ, seu nuclei, quibus in *cerasis*, *malis Persicis*, & *mespilis* semen custoditur, rationem habeant secundinæ, veraq; plantulæ involucri recensenda sint; an potius sint loco tubarum, vel Uteri, quibus sætus postremò gignitur, & fovetur. Quoniam tamen in *piris*, *pomis*, & similibus, sub pericarpio cartilagineæ laminæ, diversos utriculos constituentes, locantur in centro, & à fibroso corpore assurgentes appendicibus cum florum basi continuantur, unde tubarum naturam sapere videntur; idem igitur de *osseis nucleis* dicendum videtur: Nam licet crassioribus consistant parietibus, pericarpio tamen continuantur, & per ipsos humor fortasse in contentum semen percolatur. Secundinæ itaq; propriè erunt, quæ hiant Utero unâ cum semine excidunt. Exterior secundina seu involucrium variam naniscitur naturam; quandoq; ossæ ferè fertur substantiam; interdum cartilagineam, & non rarò molliorem; pluribus item mechanicis integratur, quorum artificia mirari li-TAB. 51.
cet. In *fabis* 301, exterior configuratio est *A*, abiente secundinâ excitata; in superiori parte eminet appendix *B*, quæ pediculi rationem habet; hæc suspenditur semen, & in secundinam fibrosæ fistulæ derivantur: Constat igitur pediculus fibrosis fasciculis *C* variè circumductis, quibus hinc inde utriculi pendent. Exterior secundina innumeris penè conglobatur fistulis, horizontaliter locatis, ita ut extrema superficies hiantia ora *D* exhibeat: Ipsarum progressus interiora versùs in utriculos & sacculos *E* definit. Subsequuntur alii sacculorum multiplices ordines *F*, quibus mollius involucrium excitatur, & in his receptus per fistulas humor tandem sætui communicatur. Concavum est hujusmodi involucrium, & contenti seminis formæ adaptatur, unde vaginam habet interiùs *G*, quæ seminalis plantulæ conus conditur. Maturato semine detumescunt hujusmodi utriculi, ita ut ferè oblitescant; patent autem virescente semine, vel turgente vegetationis tempore contento succo.

Eadem ferè configuratio occurrit in *pisis*, & *lupinis* 302, quorum secundina exterior solitis fistulis *A* componitur, horizontaliter ductis, quibus multiplices substant ordines utriculorum *B*, vario situ & figurâ constantes, hisq; contento semini cellula paratur. *Papaveris albi* 303 secundina, cujus exterior forma minima, fasciolum emulatur, membræ

brancâ ferè excitatur substantiâ, cujus exteriorem ambitum reticulare vasorum opus *A* cooperit, & diversorum angulorum arcæ excitantur. *Cucurbitæ* pariter semen exterius minimum vasorum reticulare opus exhibet, sub quo plures utriculorum ordines jacent, & feminalis ipsa plantula subviridi iterum circumdatur secundinâ, turgidis congestâ sacculis. *Amygdalarum* quoq; semen 304, ultrâ nucleum osseum secundinâ circumdatur, quæ exterius utriculos caecales *A* promit, interius verò per longum fibris ligneis, reticulariter implicitis, pervaditur, quibus utriculorum ordines appenduntur.

In *Cannabe* 305, semen secundinis pariter involvitur, quæ tenui epidermide cooperiuntur, sub qua fibrosi fasciculi *A*, mirè impliciti, totam peripheriam excurrunt; arcæ verò spatia utriculis replentur: Sub his horizontaliter locantur multiplices fistulæ, quibus involucrum ferè osseum excitatur, interius verò mollis secundina, utriculis compaginata, locatur, feminalem plantulam custodiens.

In *Portulaca*, *Hyacintho Martioli*, & *Gittagine* 306, secundina exterius pluribus exasperatur eminentiis papillaribus *A*, quæ, quasi spinæ, seu siphones, exteriorq; tutantur.

In *cydoniis malis*, circa secundinas crassum & mucosum obducitur corpus, quod quasi terebinthina necitur, & aquâ solvitur, unde mucilagines eliciuntur.

Aliud insuper mirari licet in Secundinarum indagine; nam in plerisque, ut in *pyro* & *pomo*, hiatus aperitur arctiori in cacumine, ubi scilicet plantulæ conus latitat; in aliis verò fenestra occurrit patenti cum hiatu: Hæc manifestatur primò in *faseolis* 307; nam à latere fenestra quasi in nigro scutu aperitur; extrâ enim eminet, aggeris instar, ovalis substantia *A*, cui succedit, quasi fovea, concavitas quardam *B*, tumorem ambiens, in quo hians fenestra *C* ita patet geminis diductis labiis *D*, ut subjecti utriculi inanes emergant, qui inserto olim petiolo continuabantur. Ab exteriori ambiente substantiâ elongatur appendix styliformis *E*, sub qua conditus plantulæ, conus excurrit, cujus extremitas interius utriculis, sub fenestra locatis *F*, veluti vagina custoditur. In *Ciceribus* 308 eadem aperitur fenestella: Acuminata eminet portio *A*, plantulæ conicam radicem custodiens, inferius ovalis concavitas *B* observatur, in cujus medio scissura veluti recta linea *C* aperitur; exterior ambiens portio *D*, aggeris instar, eminet utriculis excitata, à qua pendet elongata fibrosa appendix *E*. In *Cicerula* 309 eadem fenestra patet, oblongâ excitatâ scissurâ *A*, quæ gemino quasi labio parallelo *B* ambitur. Concavitas, de more, ovali aggere *C* circumdatur: huic continuatur vagina *D*, plantulæ conum custodiens. In *lupinis*, *lente* & *vicia* idem patet hiatus 310; oblonga namq; protuberans substantia *A*, foveam ambit, cujus longitudinem scissura *B* pervadit, hinc inde emergentibus parallelis labiis *C*. In *Fabis* 311, ubi petiolus *A* semini necitur, in secundinis exterius concavitas *B* excavatur, cujus longitudinem scissura *C*, altè penetrans, excurrit; unde externus humor subjectis utriculis, & inde conditoplan-
tula.

plantula: feminalis cono, communicari potest. In *Milio* 312, & consimilibus leguminibus, semen exterius osseo sublutei coloris involucri *A* custoditur, quod intrò reflexum in *B*, quasi umbo, tergum cooperit; reliquum tegitur consimili concavo involucri *C*. Substantia secundinae fibras admittit per longum ductas: Sub hac, altera succedit ambiens substantia friabilis valde. *Milii folis* 313 exterius involucrum candidum, & quasi vitreum, ex toto semen ambit, in situ verò avulsi petioli osseum quasi fistulae fragmentum *A* eminet perforatum, quo ad interiora patet aditus.

Intra secundinas *fetus*, sive sui generis plantula, custoditur, & fovetur, cujus elegans minusq; obscura emergit species in *beta*, *atriplice*, & *spinaceis*, in quibus 314 depressum involucrium *A* factum custoditur, TAB. 53. plantula *B* oblonga pollet radice, superius autem attolluntur gemina folia *C*, crassa, parumque ab invicem distantia. In *Gittagine* 315, conclusa plantula *A* insignis est, & debita constat radice, oblongis luxuriantibus foliis *C*, & circa inclusum pericarpium cubat. Idem penè mirari licet in *opuntiae* semine 316, cujus factus osseo nucleo *A* custoditur, & geminis constat foliis *B*, & crumpente radice *C*. In *calendula*, *colutea*, *melilotto*, *cytiso*, *ruta*, *cannabe*, & *trifolio cochleato* 317, plantula occurrit; brevis etenim radix *A* interdum curvata observatur, supra quam gemina folia *B* lata, & crassa, frequenter viridia assurgunt. In *vesicaria* 318, plantulae pariter species clucescit; nam intra secundinas *A* eleganti implicati-
one coetecetur feminalis plantula, radice *B* & geminis oblongis munita foliis *C*. Idem miramur in *raphano* 319, cujus factus secundinis inclusus talem exhibet speciem *A*; explicitis tamen foliis *B*, latis, speciosae plantulae forma occurrit, in cujus foliolis obrosae costulae *C* eminent. In *opio* 320, plantula intra secundinas complicata locatur; explicita tamen, oblonga viridique patefacit folia *A*, caudici & radici *B* appensa. *Pomorum*, *pirorum*, *serulae*, *perfoliatæ*, *sarsaparillæ*, *malvæ*, *amygdalæ*, & *cerasorum* 321 plantula, obscuriori licet formâ polleat, brevi tamen radicis trunco *A* munitur, & gemina crassa amplexu patent folia *B*. In plerisque leguminibus, & præcipuè in *fabis*, *lupinis*, & *pisis*, aliquantulum latet plantulae forma 322; gemina etenim, crassa & gibbosa folia *A*, trunco & continuata radici *B* appenduntur. Obscurior pariter plantulae forma in *lauro* 323 observatur; nam globata bina folia *A*, minimum truncum & radicem intra se condunt.

In *tritico*, & *avenaceis* videtur plantula unico, hocque obscuro, folio prædita. Huic meditationi lucem tulit seminum *pomi armeniaci* frequens inspectio; semel enim incidi in feminalem plantulam folio destitutam, & hujus gemma cum radice non parum luxuriabat; aderat autem intra eundem nucleum alterum semen, seu plantula, in cujus auctorem primò conspiraverat Natura: Ex hoc itaque monstro

C c

terdum

TAB. 54

terdum credidi, frumenti & consimilium seminales plantulas unico pollere folio, cui hæret gemma cum cauliculi inchoamento, & radicibus. In *avena* 324, præcipuum corpus, seu feminis caro, in ovale & oblongum configuratur corpus *A*, quod in sui medio excurrentem exhibet foveam; nam est veluti crassa lamina, suis extremis in medium reflexis, & convolutis, cujus summitati plantula *B* appenditur seu inferitur, quæ radice *C* constat, quibus additur gemma, seu futurus culmus *D*; loco autem deficientis folii Natura fortasse radici involucri *E* addidit. Idem miramur in *tritico* 325, cujus pericarpium gibbum *A* in auctiori apice plantulam servat; hæc erumpente gemmâ & radicibus *B* compaginatur, huicq; elegans obducitur involucrium *C*, quod posteriorem parietis partem ambit; affurgit autem sub specie gemmæ inclusus calamus seu culmus *D*, foliolis viridibus excitatus, unde plantula farinacco destituta folio, ablaroq; involucrio formas *E* exhibet, in quibus gemma seu futurus culmus *D*, tres pariter appendices *F*, radicum scilicet inchoamenta, & cicatrix *G* avulsi folii *C*, occurrunt. In aliquibus seminibus plantula hæc hujusmodi foliorum apparatu caret; ita in *cæpis sativis*, *moly montano*, *tulipa*, *asparago*, *lilio*, *aro*, & *gladio* 326 accidit, cujus plantula *A* cylindri instar efformatur, capitulo *B* interdum parum turgente; hæc secta, quasi tot involucriis, loco gemmæ seu foliorum, coagmentari videtur. Circa plantulam, pericarpium utriculorum seriebus in ipsam directis luxuriat.

In *pino* 327, largiori munificentia procedit Natura; detractò namq; ligno ossicoq; involucrio, & secundinis, obvia fir caro, quæ colorem sublutum refert, ejusq; figura est *A*: Hujus substantia subdulcis, & rotundis utriculis constans interiùs concava & tubulosa est, plantulamque feminalem eximie speciei continet: Hæc brevi conicâq; radice *B* angustioris carnei involucri partem *C* occupat; versùs medium oblonga promit foliola duodecim gracilia *D*, quæ geminante plantulâ diducuntur: Folia hæc tribus constant angulis; gemini extrâ situantur, tertius verò interiora versùs, & ita faciliùs invicem adaptantur. In centro foliorum minima affurgit gemma *E*.

PLantarum seminalium exteriorem formam indagine prosequuti sumus, prout nobis veræ plantulæ species exhibetur, in aliquibus evidentiôr, in aliis obscurior: Ut autem singula pateant, iterum rimanda venit ipsarum peculiaris structura. Inter cætera, quibus plantula integratur, præcipua sunt *folia*, geminæ scilicet partes, quibus feminis caro excitatur; hæc utriculorum serie multiplici donantur, ut patet præcipuè in *faba* 328, cujus alterum folium *A* in interiori superficie *B* utriculos *C* taliter inclinatos exhibet; exteriùs verò vago ordine *D* situantur. Hujusmodi folia præter utriculos, succo repletos, fibrarum fasciculos intus custodiunt, qui à plantulæ radice producti (ut mos est) foliorum longitudinem excurrunt; unde in tenellis feminibus spiralis trachæ zona solvitur. Patent autem hujusmodi fasciculi cum

cum trachea, in femine *cucurbitæ* 329, & quinque numerantur insigniores rami *A*, à quorum lateribus reticulares plexus emanant; unde fit, de more, mutua anastomosis; singuli in cauliculum & continuatam radicem *B* desinunt. Tenui obvelantur folia hæc membranulâ, ut plurimum lucidâ, quæ in reliquis præcipuè leguminibus observatur. Per similes structura in *cataputiæ* 330 femine reperitur. Hujus plantula secundina *A*, & carnis utriculis *B* circumdatur, geminisq; constat foliis, à quibus costularum progressus *C* eminent, & intus trachæ conduuntur: Gemina hæc folia cauliculo & radici *D* appenduntur. Exarata folia, trunci principio & continue radicem hærent, quod patet in *faba*, *faseolis*, & *cicerulâ* 331, in qua, inter gemmam *A* & radicem *B*, brachia seu pediculi *C* exporriguntur, subrotundi, brevêsq; & subingressi vel laxati in folium *D*, obliterantur. Constant fibrarum fasciculo, velut accidit reliquis foliorum petiolis, à quo utriculorum ordines pendent.

Qualibet feminalis plantula insigni constat conico quodam corpore, quod, licet speciem trunci, seu caulis habeat, revera tamen, (ut in Diario *Vegetationis plantarum* patebit,) ferè totum absumitur in radicem, & futurus truncus, seu plantulæ caulis, adhuc in feminali plantula minimus extat, & sub specie gemmæ Vegetatione attollitur & elongatur. Manifestantur hæc omnia passim in delincatis feminibus, & præcipuè in *amygdala*, & *cerasis* 332; cujus gemma *A* parum acurhinatâ constans formâ, foliorum complicatione excitatur; sub hac, laceratæ pediculi, in folium olim expansi, cicatrix *B* observatur; infra verò, plantulæ radix *C* exporrigitur. In *poni Armeniaci* femine 333, plantula, ultra gemina folia carnem constituentia, conicâ radice *A* constat, gemma pluribus laciniatorum foliorum ordinibus *B* donatur, qui geminis foliis convolutis *C* custodiuntur. In *juglande* elegans est plantulæ species 334: Brevis & depressa valdè est portio, quâ radix *A* statuitur; reliquum trunci in gemmam absumitur, cujus apex *B* complicatis foliis conglobatur. In *faseolis*, evidentior est gemmæ conformatio 335, cujus folia parùm explicita consuetam servant formam, ita ut brevi pateant & aperiantur. *Bulbaceorum* & similium feminales plantulæ, radice, & gemmâ, veluti cylindrico curvato corpore, constant, quod ut plurimum candidâ substantiâ, utriculis contentâ, custoditur: Hujusmodi patet in *lilio*, *asparago*, & *sativis capis* 336, quæ multiplici involucrorum ordine *A* sese invicem continentium componuntur.

Sensu igitur compertum habemus, in jam expositis Uteris fœtum, plantulam scilicet feminalem, gigni, & foveri, & in vegetatione juvari: In horum enim gratiam, corticis specie, semen secundinis obduxit; in his namq; derivatus & percolatus à vasculis humor, in utriculis veluti in transversalibus ordinibus excoquitur, & fermentatur & in chori, amniq; concavitatem percolatur. Hoc expressè patet in leguminum corticibus, seu secundinis, quæ, quasi Uterus, contentis humoribus à primordiis generationis turgent, sensim verò gracilescunt, percolato

colato succo in amnion, postremò in foetum. In *amygdalis*, & consimilibus, circa intestinula, humore pręgnantia, exteriùs eminent, quę sensim exonerantur, derivato interiùs concocto humore. In exaratis corticum utriculis probabile est, concretum succum & quasi fixatum salem subsidere, completà plantulę feminalis generatione; unde à Natura siphonum ordines in quamplurimis secundinis locatos videntur, quorum ope externus humor subintrans, solvit & subigit relictum in utriculis succum, & extractà tincturà, iterum quasi institutà generatione, plantulam subit ad excitandam scilicet vegetationem. In *cydoniis*, ut retulimus, alijsq; consimilibus, mucosus exteriùs affunditur humor, qui expositas firmat meditationes; nam fortè illinendo diu fovet, quousq; externo solutus icore, per fistulas cribratus, in plantulam postremò deferatur. Nec sat fuit Naturę, siphonum horizontalium ordines addidisse, sed ovalis fenestrę foramen, vel ejus loco patentem hiatus aperuit: Sicut enim in *Animalibus* foetus non tantum per umbilicum nutritur, recepto sanguine, alimentitio succo commixto, sed per os, derivato scilicet chylo in ventriculum, indeq; solitis viis in cavam, ut sensum instituat hęc alimenti via, quę in edito foetu perennante vitā manuteneri debet; ita probabiliter contingere reor in *feminalibus plantulis*: Siphones alimentum foliis ministrant, quod præexistenti in propriis utriculis succo commixtum, per propria vasa gemmam versùs intrò deducitur, & ita plantula quasi per *umbilicum* augeri videtur: Et quoniam hiatus in *ponis*, *pyris* & sim. fenestella in *ciceribus*, *fabis* & sim. excitantur, sub quibus extremum conij corporis, radicum scilicet inchoamenta conduntur, & eisdem externum ministratur alimentum, ut regia nutritionis via instituat, ab extremis videlicet radicibus in caulem vel caudicem, & ab his in ramos, & folia; idè hanc nutritionis viam analogam ei puto, quę per os celebratur in foetu. His accedat, radices truncum vaginā, copiosis utriculis compaginatā, condi, quorum ope extremo caudici debitum auctivum subrogatur alimentum. Interdum dubitavi, an fenestellā externus aer admittatur, ut fermentatio pariter excietur, vel saltem incongrua eliminentur evidenti transpiratu; ut de umbilicalibus vasis apud plerosq; in Animalium foetu dubitatum video.

Contentus foetus, seu plantula, suis integrata partibus, taliter custodita in longum etiam servatur tempus. In hac itaq; plantę vera species compendio clucescit, & viri emancipati filii status innuitur; conicum enim, quandoq; oblongum, & interdum breve, occurrit corpus, quod vegetando radículas promit, unde radicum truncus erit: Caulis autem, & Caudicis major portio sub specie adhuc gemmę latitare videtur, à cujus principio & exortu gemina pendere vidimus feminalia folia, suis ligneis fistulis, tracheis, & utriculis constantia, quę diu servatum succum iterum plantulę reasfundunt, ut auctior redditus truncus, gemmā scilicet & elongatis radiculis, sensim adolescat. In Vegetantibus, quorum feminales plantulę laxatis foliis peivantur (ut in *alliiis* deprehendimus,) multiplices utriculorum ordines

ordines, in plantulam inclinati, auctivum succum præbent, qui in iisdem primò maceratur, & postremò effluit.

Vetus est *Empedoclis* dogma, plantarum semina ova esse, ab iisdem decidua. Ovorum species tam variae sunt, ut ad unicam naturam referri nequeant. In *Viviparis* enim, à primordiis, in ovarii, quæ testes vulgariter dicuntur, exigua continentur ova, in quibus cicatrix colliquamenti portione ambitur; hæc autem in Uterum delapsa, & ibi fecundata, adveniente ab Utero nutritio succo, in novum excrescunt ovum, adaucto sensim contento foetu: In pennatis & *Oviparis*, ultra cicatriculam varii circumlocantur humores, qui Uteri vices supplent, & contento foetui actionem & nutritionem suppeditant. In *Insectorum* & quorundam imperfectorum animalium minimis ovis, ultra cicatriculam exigua humorum moles extat, & brevi incubata animal promunt, quod successivâ nutritione, externarum partium factâ mutatione, diversas subit apparentias, manifestatis & emergentibus pluribus membris, & quibusdam etiam oblitteratis. Alia pariter aderunt ovorum genera, nobis adhuc ignota. Illud unum videtur probabile in exaratis ovorum speciebus, perpetuò animalis compagem contineri in aliquibus minùs explicitam, in aliis magis manifestam; reliquum verò circumaffusæ substantiæ pro auctiva materia locari.

In feminalis plantulae productione Ovum excitari vidimus; nam plantula, amnio contenta; percolato à chorio humore sensim augetur, & varias subit formas; donec acquisita debitâ compage & structurâ emancipetur, separatur, & decidat à parente, suiq; juris facta in determinatum servetur tempus, & advenientibus exterioribus excitetur ad vegetationem & propriâ vi, energiâ, scilicet partium, quibus componitur, in novam excrescet formam, & molem. Status igitur, quo quiescet feminalis plantula sui generis, *Ovum* dici potest; inest enim in eo, velut in cicatrice, non sola viventis carina, sed cum minimo trunco assurgentes partes, gemma scilicet, & insignis radice Conus. His addamus, fermentativos pariter succos in appensis foliis locari par esse, ut modificatum alimentum ab extra adveniens plantulae exhibeatur. Quare non *Oviparorum* Ovis analogæ erunt plantarum semina, cum hæc, ultra incubatum, exterius expectent alimentum, quod in Ovo totum includitur. A *Viviparorum* Ovis non longè distare videntur, cum in utrisq; carina & viventis compagis compendio præexistat, & tota ferè auctoris materia ab extra adveniat: In hoc tantum differre videtur, quòd manifestior est *feminalis plantulae* exposita compages *carinae* inchoamento, quod animalium cicatriculam occupat: Et in Utero novum *Viviparorum* ovum perpetuam subit actionem, & mutationem, percolatis continuò succis, à circumstante Utero decidentibus. Minus dissonum tamen erit reliquis Imperfectorum ovis, quæ particulis receptis ab extra, turgentiam in contento colliquamento patiuntur; hæc verò humidis particulis soluto fermento, ovum, constitutens plantulam, turgere facit, ut brevi discussio cortice erumpat.

Ex his igitur probabiliter concludere licebit, plantarum semen *Ovum* esse, foetum principalioribus compaginato partibus continens, quod per annos etiam fecundum conservari potest, donec turgente subingreffo exteriori humore ipsius partes explicatiores reddantur, & ita Vegetans oriri dicatur plantula. Singula hæc manifestiora fient diariâ Vegetantium *feminum* indagine; quorum historiam & icones, Deo favente, unâ cum reliquarum partium promissis imaginibus dabimus. Interim, Amice lector, his, siquæ arrident, fruire, mihiq; aliquod vitæ spatium minus valetudinariæ lubens precare.

FINIS.

MARCELLI MALPIGHII

Philosophi & Medici

BONONIENSIS

& SOCIETATE REGIA

A P P E N D I X,

Repetitas Auctasque

De Ovo Incubato

Observationes continens.



L O N D I N I:

Impensis Roberti Scott, MDCLXXXVI.

 MARCELLI MALPIGHII

Philosophi & Medici

BONONIENSIS

& SOCIETATE REGIA

A P P E N D I X,

Repetitas Auctasque

De Ovo Incubato

Observationes continens.

 MAGNÆ SOCIETATI REGIÆ ANGLICANÆ
Marcellus Malpighius S. P.

Celebris apud Pictores mos est, *Doctissimi Sodales*, quo perficiendarum imaginum graphidem, primaque in tabulis lineamenta, illico ac e materno phantasiæ sinu excidunt, continuatâ intuitus irradiatione fovere abstinere, ne statim adolescant; verum ab oculis per longum tempus remota feriari jubent, donec inchoatæ prolis in artifice species obliteretur, quam subitâ postmodum lustratione examinantes absolvunt. Simile quid nobis in contemplandis Naturæ primis iconibus peragendum; mihiq; opportunum saltem & necessarium censeo. Sicut enim, eo temporis tractu, aberrationes, & incompta delineamenta, si quæ in tabulis extant, illico phantasiæ omnino præjudiciis denudatam movent, & ab ea (non adhuc in sui amorem obfirmatâ) severi iudicii imperio castigantur, & delentur, indeque Naturæ magis consona depromuntur: Ita in meditandis Naturæ tabulis, rarâ, sed repetitâ, indagine compertiora emergunt mysteria, eliminatis antiquis conceptibus, qui olim *Palladis* arcem occupabant. Prima igitur Pullorum delineamenta incubatis Ovis (Vobis ita consulentibus) singulo anno inquirenda mihi proposui; quæque proinde in postremâ aggressionem observare contigit, brevibus exarata hic habebitis,

A

habebitis, pro majori eorum, quæ aliàs innui, dilucidatione: In renim tam obscura, in re cui optica instrumenta parum profunt, cum usus indicaverit rationem separandi cicatriculam à vitello & albumine, exiguum subdubie lucis in primorum staminum indagine effulfit.

TAB. 1.
Fig. 1.

In Ovo nondum incubato, fecundo tamen, non absimilis ab observatis aliàs & descriptis Cicatricula aderat, quæ inter galazas collocata, medium locum inter bina Ovi cacumina fortiebatur, ejusque naturalis magnitudo lentem non excedebat. In hujus itaq; centro circulus candidus *A*, aggeris instar, deprehendebatur, qui superiora versus cum vesiculis *B* interdum continuari videbatur; in hoc colliquamentum *C* continebatur, in quo pulli carina *D* candidis delineata zonis innatabat, quæ in summitate quandoq; discontinuare apparebant; contentum verò spatium plumbei coloris icore replebatur. Carinæ extremitatem sacculus *E* obscurabat. Succedebat lata quasi, fascia *F*, quæ tandem umbilicalis area evadit: Hæc partim solidâ, hæcque subvitellinâ, partim liquidâ & fuscâ integrabatur portione; & à colliquamenti rivulo *G* ambiebat, quem angularis zona candida *H* circumdabat.

Fig. 2.

In Ovo, elapso Julii mense ab *Indica gallina* incubato, post horas sex cicatricula naturalem hanc fortiebatur magnitudinem *A*, in cujus centro vesicula *B* irregularibus interdum finibus terminata, diaphanoque turgida humore locabatur. Pulli carinæ & capitis inchoamenta zonæ speciei *C* emergebant, in colliquamento plumbei coloris innatantia, quod circulo *D* quasi aggere coerebatur. Succedebat lata quedam umbilicalis fascia *E*, sublutei coloris, quæ interdum foraminulis pervia, pumicis instar, colliquamento madida reddebatur, cujus ambitum rivulus *F* alluebat, & tandem candidus circulus *G* omnia continebat. In aliis, umbilicalis area *H* in icorem quasi fusa, fusca reddebatur, & plures circuli *I* interpositis alveolis *K* circumducebantur.

Fig. 3.

Fig. 4.

Post duodecim horarum incubatum, cicatricula tali pollebat magnitudine *A*, in cujus centro colliquamentum *B* observabatur cum carina, quæ candidis delineata zonis rotundum capitulum designabat, & ultra medietatem orbiculares vertebrarum vesiculas, hinc inde adstantes *C*, primò exhibebat; hujus tamen structura sacculo *D* frequentissimè velabatur. Succedebat candidus de more circulus *E*, qui exterius copioso colliquamenti rivulo *F* ambiebat; huic proxima extendebatur area umbilicalis *G*, quæ lato rivulo *H* alluebatur. His addebantur quandoq; plures circuli *I* taliter circumducti.

Fig. 5.

In aliis cicatriculis ita incubatis simplicior emergebat configuratio in umbilicali area *K*, & ambiente circulo *L*, lato fati. Pulli carina candidâ quâdam zonâ designabatur, quæ duplici excrefcentis tumore, capitis inchoamenta *M* indicabat, & vertebrarum globulos *N* hinc inde hærentes habebat.

Transactâ decimâ octavâ horâ, cicatricula hujus latitudinis *A* versus obtusum Ovi cacumen ascendebat. In medio colliquamentum solito aggere

aggregare *B* coarctatum, pulli carinam continebat, quæ de more vesiculæ Fig. 6. *C* obducebatur. Carinæ structuram diu inquisitam, talem tenere videbatur. Ex candidâ zonâ caput *D* designabatur, & spinæ tractus cum appendicis vertebrarum sacculis *E*; circa caput & collum, carnem *F* luxuriare non semel videbam, cum alarum inchoamentis. Succedebat lata arca *G*, colliquamenti alyeolis *H* excavata; hæc rivulo ambebat, qui candido erat circulo *I* obseptus. Umbilicalis hæc arca inter observandum evacuato albumine rugosas quasdam eminentias, veluti arborum radices, exhibebat, quæ vasorum speciem mihi indicabant; quoniam tamen in exsiccata quacumque vitelli parte parum absimiles rugosas productiones excitari facillè videbam, ideo adhuc hæret animus, an vasorum latentium rudimenta existant, an sicciscentis corporis rugæ. Cicatriculæ extremus circulus seu zona *L*, ulteriori fermentatione in Fig. 7. plures, hosq; disparatos, solvebatur circulos *K*, quorum portiones, velut insule, colliquamento *L* mergebantur.

Placebat interea, ut Naturæ methodum aliquantulum tenerem, carinam fusius persequi; & quæ variæ species, usq; ad integræ dici complementum occurrebant, prout in re tam obscura rudibus instrumentis mihi attingere licuit, hic exarabuntur. In ovis itaq; minus vegetis & TAB. 1. infirmioribus carina taliter apparebat; geminæ zonæ, seu crassæ candidæq; lineæ *A*, in capite parum distantes, & quasi reflexæ in posticam partem *B*, iterum approximatæ, collum *C* efformabant; mox diductæ, & quasi parallelæ, in longum protractæ, carinatum spatium efficiebant, & hinc inde vertebrarum sacculos numero septem *D* appendicibus servabant; iterum tandem cocuntes, carinæ extremum constituiebant. Quid simile miratus sum post diem integrum incubatis, dum Fig. 9. zonæ *A*, parum obliquatæ, carinam constituiebant. In aliis gemina concavitas excitabatur *A*, & dorso spatium, quod aliàs patebat, conniven- Fig. 10. tibus zonis in *B* claudabatur; hoc enim familiare ipsi Naturæ sæpius observavi, in zonis motum adesse, ita ut suo accessu & recessu, arcæ & sinus excitarentur & tollerentur.

Elabente die sæpius species hæc occurrebat, quæ capitis tumor *A* e- Fig. 11. mergebat, & diductis in dorso zonis *B*, carinæ concavitas efformabatur, quæ spinali medullæ *C* locum præbebat, cui vesiculæ cerebri *D* appendebantur; colli, capitis, & alarum *E*, productiones magis manifestabantur. Crassæ lineæ, seu exarata zonæ, quæ varias designabant jam expositas carinæ species, erant extremitates & fines assurgentium quasi parietum; in extracta etenim cicatricula, & vitro imposita, zonarum latitudo *A* occurrebat, quæ totus spinæ tractus delineaba- Fig. 12. tur cum alarum *B* inchoamentis. Hujusmodi zonæ non perpendiculanter elevabantur, sed inclinatæ, carinæ concavitatem producebant, quæ crystallino quodam humore replebatur, qui interdum ita turgebat, ut continentes zonas disrumperet, & arcas novas excitaret.

Aliud insuper innuendum, zonas in apice *A* hiatus habere, qui Fig. 13. quandoque & temporis tractu claudabatur; hoc autem fortè Natura vitur pro colliquamenti ingressu. Nec reticendæ sunt mutationes, quæ

in

- in eadem numero cicatricula & carina absq; novo incubatu manifesta-
bantur; nam expositus hiatus in eodem Ovo, per sex horas aeri re-
lieto, claudabatur, & capitis concavitas *B* candida tota reddebatur, &
Fig. 14. carinae extremitas ex diductis zonis *C*, non obstante sacco *D*, emer-
gere incipiebat: Ulterior succedebat, *elapso die* à prima Ovi lustratione
Fig. 15. mutatio; clausis namq; zonis geminus observabatur tumor *E*, circa
dorsum curvabantur zonae *F*, & carinae ovalis area patebat.
- Fig. 16. *Transactâ die*, cicatricula hanc servabat magnitudinem *A*, & in sui
centro carina locabatur, cujus zonae parallelae ductae, colli *B* situm de-
signabant; mox vertebrae haerentes, dorsum constitutebant, & tandem
dilatatae carinae extremum *C* claudabant; in capite verò *D* hiabant, &
tota area candida erat: In aliis autem, rudimenta vesicularum cerebri
& spinalis medullae emergebant. Carina haec, in colliquamento
E degens, proxima erat sacco *F*, qui diaphano turgere videbatur
succo. Lata sequebatur zona, quae irruenti colliquamento *G* obsta-
bat; unde umbilicalis area *H*, quasi tot excurrentibus rivulis inter-
rumpebatur; postremò latus circulus candidus cicatriculam claud-
bat.
- Fig. 17. Interea progrediente incubatu, carina tumores circa caput multi-
plicabat; zonae etenim in apice *A* hiatum adhuc servantes tres areas
B constitutebant, quibus vesicularum cerebri inchoamenta custodie-
bantur. Caro *C* circum adstabat, & vertebrarum globuli dorso hæ-
rebant; cordis pariter portio *D* manifestabatur, & in umbilicali
area varicosa vasa prodibant, pallido & subvitellino turgida i-
core.
- Fig. 18. Post *triginta horas* cicatriculae circuli multiplicati, soluti & infraeti
observabantur. Umbilicalis area *A* varicosis vasculis *B* contegebatur,
quae ab elatis solidis portionibus subpallearis substantiae ambebantur.
Vasorum color primò vitellinus, mox rubiginosus erat. In eadem area
vesicula deprehendebatur. Pullus in colliquamento *C* degens, talem
fortiebatur configurationem. In capite, ubi geminae observabantur ap-
pendices, oculi *A* emergebant; zonae unitae, variis excitatis areis, quinque
Fig. 19. cerebri vesiculas *B* ambebant, & inde productam spinalem medullam
C; in extremitate angularis dilatata area *D*, locum laxatae medullae præ-
bebat; vertebrarum sacculi adstabant. Hoc eodem etiam tempore
Cor & *E* certò deprehendebatur: Et adhuc cicatriculas in vitris exsic-
catas servo, in quibus illud prostat.
- Adhuc hæret animus in determinanda Cordis vel Sanguinis priorita-
te, cum repetitis observationibus sensuum ministerio ea nequaquam fit-
metur. Illud certò constat, ante incubatum, carinae stamina observa-
ri; deinde incubatu vertebrae, cerebri & spinalis medullae inchoamen-
ta cum alis, & induta carnea portione manifestari, corde, vasis, &
sanguine latitantibus: Apparentibus autem rivulis in umbilicali area,
probabile est, Cor etiam carinae appendi; cum ante *trigesimam horam*
cordis structuram certò deprehenderim. Plurimum autem temporis
intercedit, quo Cor & Vasa icor pervadit, modò lutei coloris, modò
rubiginosi, rubescence postremò sanguine; unde adhuc conjecturam
faveo,

foveo, quam aliàs innui, succum, Vasa & Cor fortè præexistere, & sensim manifestari, ut in arborum Ovis observamus.

Auctiora sensim reddebantur singula circa horas *triginta sex* incubatùs, grandior etenim reddita cicatricula, umbilicalem arcam vasculis *A* coopertam exhibebat; reticulare opus vasorum grandioribus interdum spatiis *B*, quandoque minoribus distinguebatur, & rami aliqui, aliàs obliquè ducti, nunc aliqualem rectitudinem adepti, quasi trunci dirigebantur. Iterum suspicor, quin, ut olim innui, plexus integri vasorum umbilicalium præexistant in cicatricula, & subintransis icoris turgentia & motu manifestantur, ipsorum arcæ extendantur, truncique erigantur; cum in plantarum Ovis gemina foliola, quæ analogæ fortasse albumini & vitello sunt, vasorum plexus, tum aeris tum alimenti, possideant. Carinæ structura talis videbatur: In capite suprema vesicula *C* plumbeo icore turgebat, reliquæ *D*, frequentius minores, diaphano scatebant humore, & continuata medulla *E* in *F* aliquid dilatabatur, ut in adultis etiam observatur; caro *G* circa luxuriabat, & cor *H* parum eminebat.

Superatis *quadraginta* horis, in cicatricula evidentiores redditæ vena-
rum furculi ab extremo limbo *A* in cor productionibus *B* deducebantur, à quo umbilicalia vasa, angulum *C* efformantia, reticulares ramos promebant, nondum perpetuò in grandiores propagines distinctos. Carina in colliquamento innatabat, & circa ipsam sacculus *D* parum distans, futurus amnion, emergebat, reliquus amplior *E*, chorion erat. Pulli carina talis erat: In capite solitæ vesiculæ cerebri turgebat, quarum prima, vitrum referens, reliquis innatare videbatur: Solita zona arctior reddita, cerebrum & spinalem medullam ambiebat: Hinc inde oculi *F* locabantur: Cor *G* turgidum pulsabat cā ratione & rythmo, prout aliàs descripsi, & fusius infra habebitur. Hæc eadē horā sacculus *H* variato Ovi situ movebatur; perpetuò enim summitatem tenere tentabat. Diu etiam hesitavi, an infra an supra carinam locaretur huiusmodi vesicula *H*, cum diaphanourgeret humore; tandem, cum ipsam in separata à vitello cicatricula nequaquam inclusam deprehenderem, in subiecta vitelli fovea locari conjectatus sum.

Postremæ observationi *Cicatriculam* addam, quæ licet *binis diebus* incubata fuisset, quoniam tamen Ovum reliquis tegebatur, & humiliori loco condebatur, ideo frigidum, dum auferretur, erat, & ignavum valdè. In hac itaq; ambientes circuli *A* fracti erant, colorisq; subvitellini, & mergebantur in colliquamento *B*. In medio umbilicalis area *C* locabatur, quæ limbi *D* loco zonam albam habebat, & convexa ibidem reddebatur: Hæc reticulari vasorum opere *E* contegebatur, in quibus rubiginosus humor turgebat. Carina, solitis prædita vesiculis & corde, innatabat in colliquamento. Spatium, quod inter circulos *A* & umbilicalem arcam *C* extendebatur, insignibus rivulis *F* alluebatur, in dextro enim latere veluti à tot distinctis fontibus deducebantur alveoli *G*, qui ampliores redditæ sub area umbilicali ultimum fortiebantur terminum: Contentus icor rubiginosus erat, & ejusdem penè naturæ

turæ ac in corde & vasis observabatur; unde pulcherrimum occurrebat spectaculum.

Subsequentibus horis usq; ad complementum alterius diei umbilicalia vasa varicosa, coloris primò sublutei, mox rubiginosi, & postremò sanguinei, reddebantur. Extractus pullus hâc pollebat figurâ: Cerebri vesiculæ *A*, turgidæ cum spinali medulla *B* continuabantur, quæ zonis *C*, adhuc existentibus, amiciebatur; circulus niger patenti hiatus *D* solutus, oculi ambitum constituebat & custodiebat.

TAB. 4. Post *binos dies* cicatricula lateraliter vitello hærens, sensim horizontalis fiebat, cujus naturalis magnitudo erat *A*, & in ipsius cénтро in colloquamento natans pullus locabatur, qui vesiculis *B*, cerebrum integrantibus, ditabatur: His cerebellum *C* cum spinali medulla *D* addebatur, quæ zonis *E* custodiebatur. Hujusmodi verò curvaturæ interdum, & varicosæ redditæ, vertebrarum sacculis hærebant. Propè extremitatem carinæ amplior reddita medulla in ovale extendebatur corpus *F*; circa collum & caput caro *G* luxuriabat, & alæ *H* pendebant; bini pariter oculi circulo *I* excitati eminebant, quo crystallini humoris inchoamentum amiciebatur. Cor evidentissimè pulsabat; nam auricula *K* receptum à venis *L* sanguinem pulsu propellebat in dextrum cordis ventriculum *M*, à quo iterum protrudebatur in sinistrum ejusdem sinum *N*; inde in arterias, à quibus in truncum, qui deorsum productus geminabatur in ramos *O*; hi, umbilicales arterias *P* promentes, in arcum producebantur, & tandem reticulari excitato plexu, in limbum definebant, qui quandoque quasi trunco *Q* excitabatur, quandoque reticulari plexu ex superpositis arteriæ & venæ reticularibus implicationibus. In cicatriculis ignavioribus loco umbilicalium ramorum *P* rete observabatur, cum arcæ furculis continuatum; quod post *quadagesimam quartam* horam frequenter accidebat. Humor per vasa fluentis color primò subviridinus, mox fuscus & rubiginosus, postremò ad sanguinem tendebat. Vesicula *R*, diaphano turgida humore, propè umbilicalem ramum *P* dextrum locabatur.

Fig. 31. *Triduo* elapso, cicatricula parum deficiebat ab horizontali situ, ejusque magnitudo naturalis non excedebat *A*. Pullus in ventrem jacebat, ita ut spinæ *B* tractus à cerebello *C* deductus pateret, vertebris *D* hinc inde unà cum zonis *E* adstantibus. Cerebri cristata vesicula *F* præ cæteris emergebat diaphana, turgidaque humore; reliquæ *G* & ipsæ manifestæ erant. Oculorum circuli adhuc patentes erant; alæ *I* extendebantur, crurumque *K* & uropygii inchoamenta apparebant. Cor auctius erat, unde receptus ab auricula *L* sanguis, à vena *M* per ductum *N* in dextrum cordis ventriculum, indeque per *O* in sinistrum *P*, tandem in arterias *Q* propellebatur, à quibus in truncum *R*: Ab hoc erumpebant umbilicales rami *S*, qui productis furculis in limbum definebant, reticulari efformato plexu. Interdum umbilicales rami

rami geminis finibus *T*, supra limbum inclinatis, reticulare venarum *Fig. 34* opus *V* cooperiebant. Ab extremo carinae crumpebat venosus ramus *X*, qui cum limbo continuatus sanguinem revehebat, non dispari ritu ac in superioribus accidit. Extracti interdum cordis hanc licuit obser- *Fig. 35* vare structuram, in qua crassior meatus à dextro in sinistram cordis finum apparebat, circumposita carne *Z*. Taliter constructus pullus in arcto amnii receptaculo *T* morabatur, quod à chorio & amiebatur.

Post quartam diem longè auctior cicatricula, non adhuc extoto horizontalis erat: Virelli substantia valde palearis, albumenq; fufum erat. Sanguinea vasa ampla, & venæ, ut plurimum, latiores, limbum præcipue amplo trunco pervadebant, excurrente sanguine unâ cum subluteo humore. In amnio pullus curvo corpore taliter jacebat: Ca- *TAB. 5.* put præ cæteris turgebat; vesicula enim cristata *A*, quæ in geminas *Fig. 36.* videbatur dividi partes, cinerea parumq; concretâ replebatur substantiâ: Non longè in occipite secunda locabatur cerebelli vesicula *B*, parum profunda, cui subjecta erat portio spinalis medullæ *C*: In anteriori parte profundius custodiebatur *D*, & apicem binæ pariter terminabant vesiculæ *E*: Oculi cum nigro circulo *F*, & contentis humoribus, eminebant; inter hos & cristatam vesiculam sanguineum vas *G* amplum excurrere. Carina subcinerea molliq; carne tegebatur, ita tamen ut vertebrarum ossa *H* parum elevarentur. Alæ *I* & crura *K* elongabantur. Non longè à capite ex hiantem pectore Cor *L* crumpebat, cujus forma erat hæc: Primum itaq; sanguis ab auricula *M* propellebatur per canalem subalbum *N* in cordis dextrum *O*, à quo in sinistram *P*, indeq; in continuatas arterias *Q*: Cordis structura carne musculosâ evidenter excitabatur. Ab abdomine umbilicalia vasa prodibant, & arteria *R* latior erat, rubicundoq; turgebat sanguine; vena verò inferior & ætior subluteo scatebat humore. Prope umbilicalia vasa, vesicula *T* figebatur icore plena. Intus partium rudimenta condebantur, quæ candida & mollia rudem facculorum exhibebant speciem. Contentus in chorio humor, veluti lactis ferum, igne nequaquam concresebat, sed excitata pellicula in bullas resolvebatur.

Quintâ transactâ die auctior erat cicatricula, & pullus in colliquamento degens curvabatur & convellebatur; ejus naturalis magnitudo *Fig. 37.* erat *A*. Amplum erat caput, quod cristatâ vesiculâ *B* integrabatur; *Fig. 38.* hæc filamentosâ replebatq; substantiâ; huic hærebat cerebellum *C*; antè geminæ eminebant vesiculæ *D*, & superius profundior locabatur vesicula *E*; hinc inde oculi *F* adstabant: Reliquum corporis carne tegebatur, alis *G* & cruribus *H* extra pendentibus. Patente thorace *Fig. 39.* cor extra locabatur, quod ventriculo dextro *I*, & sinistro *K*, componebatur, superpositâ pariter auriculâ *L*. Viscera magis patebant, præcipue Pulmones rubiginosi coloris, diluti, tamen. Umbilicalibus vasis vitellum penetrantibus vitellinæ substantiæ hærebant.

- Sextâ* completâ *die* albumen colliquatum erat ; umbilicalium area
 Fig. 40. duas vitelli tertias occupabat. Vascularum fines *A* in limbo frequenter
 reflectebantur, & inaequale rete mutuâ anastomosi efformabant. Pullus
 in amnio crystallino cubabat : Solita aderat vesicularum cerebri stru-
 ctura, & amplo vase *C* cristata irrigabatur vesicula, cique proxima *D* ob-
 Fig. 41. scurabatur, nec patebat nisi denudato & divulso cerebro. Rostri prin-
 Fig. 42. cipium *E* emergebat. Patente adhuc thorace Cor apparebat, cujus si-
 Fig. 43. nister ventriculus *F* deorsum retractus, & dilatatus, confocio incumb-
 bat ventriculo *G*, superextensa auriculâ *H*. Interius jecur, renes, & pul-
 mones magis patebant.

- Manifestiora singula reddebantur superatâ *septimâ die* : Cubabat e-
 Fig. 44. tenim pullus in animo *A*, quod à chorio hic disrupto *B* ambiebatur ;
 necessebatur autem chorion vitelli membranae prope limbum umbi-
 calium, quæ à pullo derivata, & in amnion, chorion & vitellum
 Fig. 45. *C* producta, inclinatis finibus *D* limbum efformabant. Reli-
 Fig. 46. quum vitelli *E* appendicem servabat glutinosam albuminis *F* partem.
 Pullus solitâ pollens figurâ, capite & oculis constabat insignibus,
 & cristatæ vesiculæ *G* exterius fibrosâ integrabantur substantiâ ; inte-
 rior verò ipsarum cavitas icore turgibat : Anteriores pariter vesiculæ
 Fig. 47. *H*, curvatæ, sursum retrahebantur, sub quibus rostrum *I* pendebat ;
 cerebellum cum principio spinalis medullæ jam solidifactum erat, Tho-
 rax acuminatus erat, in quo levi tectum pelliculâ Cor pulsat, in hanc
 redactum formam ; gemini enim ventriculi juxta locabantur, & sini-
 ster *K* amplior & rubicundior erat, dextra verò auricula *L* capacior.
 Ventriculus carnosus, cum intestinis candidus, ritè conformatus obser-
 vabatur ; costulae nivæ, & adhuc molles, jecurque mucosum erat, ob-
 longis glandulis constans.

Interea usque ad *nonam diem* firmiora reddebantur viscera, & Cor
 solitâ gaudebat formâ : Jecur xerampelinum, glandulosis utriculis con-
 stans observabatur, qui distinctis arcibus, aliâs expositis, continebantur.
 Chorion icore, relicta crustâ, igne in bullas resolvebatur, quod idem am-
 nion humori accidebat.

- TAB. 6. Post *nonam* verò *diem* pullus longitudinis *A* in amnio, quod exiguum
 Fig. 48. adhuc erat, innatabat ; chorion autem auctius erat. Umbilica-
 lia vasa, in vitello per superiorem partem producta, venosa erant,
 hæcque lata ; arteriæ autem arctiores, vitelli tunicam profundè pene-
 trabant. Umbilicus *B* latus continuatâ & elongatâ cute excitaba-
 tur ; ejus concavitas *C*, ab umbilicalibus vasculis & pendentibus inte-
 stinis occupabatur. Exterior corporis habitus tumoribus *D*, pro fu-
 tutis pennis exasperabatur. Cerebri cristatæ vesiculæ *E*, quæ in op-
 Fig. 49. titorum nervorum exortum desinunt, minores & profundiores red-
 ditæ, ad latera inclinabantur : Idem accidebat anterioribus vesiculis
 Fig. 50. *F*. Cerebri quoque basis jam penè solidifacti talis erat ; anteriores
 vesiculæ *G* patebant, nervorum pariter optitorum exortus à cristatis
 vesiculis

vesiculis *H* in oculos incurrebat; infundibuli portio *I*, à contigua excitata vesicula, cerebri continuitatem fulciebat, & non longè spinalis medullæ principium *K* pendebat. Pedes lati *L* observabantur, & rostrum osseum producebatur.

Circa *decimam diem* chorii latitudo usque ad crassum albumen extendebatur; fusa valde erat vitelli substantia. Pullus curvo corpore jacebat, insigniter protuberantibus oculis, qui nictitante membranâ *A* Fig. 51. muniebantur. Rostrum apex *B* osseus extuberabat, cerebri vesiculæ anteriores *C*, & cristatæ *D* solidifacæ sensim obscurabantur. Corporis habitus tuberculis *E* tegebatur. Circa umbilici exitum obducebatur labium *F*. Jecur rubiginosi coloris cum glandulis, vasis hærentibus, excitabatur, turgente bilis folliculo.

Absolutâ *duodecimâ die* chorion *A*, sanguineis vasculis irrigatum, Fig. 52. paucis catebat succo, qui igne evanescibat in bullas; necēbatur verò membranæ *B*, crassum albumen investienti, recipiebatque sanguinea vasa *C*, venam scilicet & arteriam, ab umbilico. Succedebat pullus, amnio *D* circumdatus, quod ab umbilico *E* producebatur; ab eodem etiam derivabatur vitellus *F*, cujus laxa erat membrana, oleosam & glutinosam continens substantiam. Hæc vitelli membrana undequaque libera erat, soloque limbo *G*, veluti ciliari ligamento, crassiori albumini in situ *H* necēbatur: Per hanc vena *I* & arteria *K* ramificabatur usque ad limbum. Crassum albumen *L* diaphanum propriâ donabatur tunica, & venas & arterias umbilicales recipiebat. Umbilicus *E*, quasi intestinum, laxatâ & tubulosâ cute componebatur, & intestina *M*, foras erumpentia, aliaque insuper sanguinea & varicosa vasa continebat. Exteriùs plumæ erumpebant *N*. Cor hanc speciem præ se ferebat; protuberante ventriculo sinistro *O*, superpositis auriculis geminis, dextra inquam *P*, & sinistro Fig. 53. *Q*. Jecur, debitâ constans formâ, vesiculam, viridi turgidam bile, appensam habebat, cujus portio in carnosum ventriculum deducebatur.

Decimâ quartâ elapsâ die, pullus flexâ carinâ in amnio *A* innatâ Fig. 54. bat, quod gracillimis & penè inconspicuis vasculis irrigabatur: Ejus succus adauctus, veluti sanguinis serum, concresecbat. Circumlocabatur vitelli moles *B*, cui hærebat crassius albumen *C*; hæc omnia chorii tunica *D* ampiebantur: Per hanc producebantur sanguinea vasa, quorum amplum *E*, ab umbilico emergens, tortuosum & varicosum redditum, ramos *F* progignens, in reticulare opus definebat: Proximè alterum excurrerat vasculum rubicundius, easdem ramificationes sortitum. Alia pariter sanguinea vascula *G*, ab umbilico exorta, graciliora, inter exaratas productiones *F* propagabantur. Pulli habitus totus ferè plumis contegebatur. Ungues & rostrum solidam acquisierant naturam. Interiùs pulmones subalbi; ventriculus carnosus, auctus, lacte replebatur; intestina extra in
C umbilico

umbilico pendebant; fellis vesicula, ad cæcularum tendens, jecori appendebatur.

Subsequentibus diebus singula firmabantur, & sensim chorii humor absorbebatur, qui igne frequenter non concrecebat; amnii verò humor tenuis & diaphanus in candidam interdum lapidamque coquebatur substantiam. Umbilicus carneus, crassifaceta cute, extra pendula intestina cum sanguineis Vasis continebat. A vitelli tunica in tenue intestinum brevis meatus aperiebatur. Vas sanguineum, quod alitrè penetrabat vitellum, relicta ejusdem tunica *A*, insigni ramo *B* pendulum, vitelli profunditatem occupabat, & reticularibus productionibus *C* eidem tunice *A* noctebatur; reliquis verò *D*, in fluida oleosaque substantia vitelli mergebatur. Circa hujusmodi reticulares ramos *C* & *D* pinguedinis sacculi *F* hærebant, qui venæ ramulis irrigabantur. In chorii cavitate Allantoides tunica sensim manifestabatur; levissima etenim mucosaque extendebatur bicornis membrana, in modum sacculi, & subalbam candidamque continebat urinam, quæ interdum filamentosa, reticulare opus efficiebat; hujus exortus postremis diebus præcipuè patebat. Ventriculus cum continuatis intestinis solo turgebat lacte. Jecur postremò, ex rubiginoso subluteum acquirerebat colorem, & bilis cærulea erat. Cerebrum jam solidifaceta in superiori parte nervorum opticorum radices *A*, graciliores redditas, anteriores ventriculos *B*, cerebellum *C*, & principium spinalis medullæ *D* exhibebat; in basi verò, ultra exarata, infundibuli regio assurgebat.

Fig. 55.

Fig. 56.

TAB. 7.

Fig. 57.

Transacta *decimâ nonâ*, chorii substantia *A* crassior reddita, quasi carnea, exiguum continebat humorem, ejusque concavitatem Allantoides tunica *B* ferè ex toto occupabat, mucosâ referta urinâ *C*. Pullus calcitrabat, amnio *D* contentus. Umbilicus *E* amplius erat, & turgidus ex retracto interiora versùs vitello *F*, & ab ipso, amnii *D* tunica in situ *G* producebatur. Intra umbilicum, ultra sanguinea Vasa, intestina mesaraicis irrigata condebantur.

Fig. 58.

Fig. 59.

Vigessimâ completâ die, Ovi cortex de facili friabilis erat; crassum item chorion, & ferè sanguineum, non tamen fibrosum, & succo undequaque vacuum, solaque Allantoides tunica *A* continebatur, quæ urinæ strias *B* reticulariter ita ductas & implicatas, ut naturæ mysterium crederetis, includebat; & tandem versùs umbilicum *C* deducta, & ventrem subingressa, efformato Uracho *D*, in extremum intestini *E* hiebat. Vitelli corpus in ventrem retractum, anteriorem abdominis formam *F* excitabat. Jecur perpetuò lutei coloris erat, quasi vitello tingeret; ejus verò fel cæruleum, materia in carnosio ventriculo & tenuibus intestinis contenta lactea erat.

Postremò pullus propè exitum pipiebat, & interdum ietu rostri friabilem


abilem urgebat corticem; ejus venter *A*, turgidus & ferè rotundus ex condito vitello reddebatur; scissura tamen *B* observabatur ex re-
 tracto umbilico, à quo Urachus *C* & umbilicalia Vasa *D* prodibant. In aperto pullo vitellus *E* hujus magnitudinis, intestinis *F* brevi ductu
G continuabatur; hæc à carnoso orta ventriculo *H*, versùs extremi-
 tatem cæcales appendices *I* promebant, & dilatata sui portione cloa-
 cam *K* efficiebant, à qua erumpebat Urachus. Vitelli substantia visci-
 da & oleosa erat. Jecur adhuc luteum præ se ferebat colorem.

Hæc sunt quæ Vobis imperantibus in tam profundo naturæ myste-
 rio anniversaria hac aggressionè visus sum attingisse, quæ licet rudi meâ
 delineata manu, incomptoq; exarata stylo extent, pro integro tamen
 animi voto penes Vos erunt, & fortasse ulterioribus subsequenti-
 um annorum firmata observationibus, naturæ normam in ducendis primis
 pulli staminibus adumbrabunt.

Dabam Bononiæ die Octob. 1672.

FINIS.

Epistola



EPISTOLÆ

quædam circa has

De Anatome Plantarum

Auctisq;

De Ovo Incubato

Observationibus Dissertationes, &c.

ULTRO CITROQUE SCRIPTÆ

L

Clarissimo viro

Domino HENRICO OLDENBURG

Soc. Reg. Angl. Secr.

MARCELLUS MALPIGHIUS Salutem.

Plantarum * Anatomien, *cujus in indagine me jamdudum* * Nec illi di-
traha illa, que
in hoc libro,
Plantarum An-
atomia Idea
est, uti quæ
perinde ab-
soluta, nec an-
te hæc trans-
missa. *insudasse aliàs te monui, tandem in altuariolum informe*
congestam hîc habes, Vir clarissime. Hanc (si tantorum vi-
rorum congressu non indignam agnoscas) Regiæ Societati
meo nomine exhibeas, rogo, ejusque sincerum mihi aperire
sensum ne renuas. Si enim supervacaneos meos judicaveritis labores, cor-
pus ægritudinibus perpetuò sessum conquirere sinam: At si non omninò
inutiles judicaveritis, reliquum vitæ in his perficiendis infumam, prout
mentis, corporis & fortunæ tenuitas permittet. Aliam observationum se-
riem quamprimum transmittam. Diu vivas, & mea studia fovere ne desi-
nas.

Dabam Bononiæ Calend. Novemb. 1671.

D

II. Celeberrimo

Celeberrimo viro

Domino MARCELLO MALPIGHIO
Philosopho & Medico Bononiensi

HENR. OLDENBURG Sal.

Scriptum illud tuum, Anatomes Plantarum Idcam complectens, quod Amplissimo Regis nostri apud Venetos mandatario huc transmittendum commendaveras, rite mihi traditum, tuq; nomine Societati Regiæ exhibitum fuit. Cum illa partem ejus sibi prælegendam curasset, indeq; Argumenti intellexisset dignitatem & momentum, mox secum reputavis, altioris indaginis rem esse, quàm quæ publicâ ejusmodi festinâq; lectione posset pro merito expendi. Consultum proinde judicavit, more suo uti, & Exercitationem hanc tuam Sociorum suorum nonnullis, talium imprimis rerum studiosis gnarisque, privatim per otium evolvendam excutiendâq; committere. Interim mihi in mandatis dedere, ut dum eruditi illi viri Commentationem hanc tuam enucleatum irent, sine mora tibi significarem, permagnâ se animorum lubentia munus hoc tuum Philosophicum esse amplexatos, datu-
rûsq; operam, ut magis magisq; prolixam suam in te benevolentiam, parumq; de egregiis studiis tuis astimationem persentiscas. Etenim abunde jam palam fecisti (quod pronâ mente agnoscimus) dignum te esse, qui prima inter rite philosophantes subsellia occupes, quiq; reconditiioribus Naturæ penetralibus rimandis ætatem absumas. Ea profectò, quæ hactenus è scientiæ tuæ penu deprompsisti, talem suo jure inter doctos plausum meruere, ut animos inde sumere omnino possis, meditationes & studia tua, hancq; inprimis de Plantis diatribam, citra eam quam ipsa præ se fert hæitationem, provebendi.

Quamprimùm Socii illi nostri, quibus id pensi datum Anatomem tuam evolvendi, suam de ea sententiam exposuerint, officio meo non deero, eam tibi sine fuco perscribendi.

* Dn. K. K. K.
K. K. K.

Hoc interim celare te nolim, Vir Præstantissime, quendam è Societate Regiæ* Virum Medicum nostratem, idem illud Argumentum tractandum suscepisse, quinimò eâ ipsâ hærâ (quod forte miraberis) quâ scriptum tuum à me proferabatur, libellum suum Anglicè jam editum laudatæ Societati exhibuisse, in quo Plantarum Anatomem tum ab ipso arcessit Semine, tum, singulis earum partibus earumq; Vegetandi ratione consideratis, cum Semine claudit.

Animus certè est, primâ occasione hanc tibi Tractatum nave Liburnam velificaturâ transmittere, cujus Interpretem Anglicam in Urbe vestra te non difficulter nâcturum confido. Persuassimum sanè habeo, binas has Exercitationes, utut methodo elaboratas discrepanti, cum apud sagaciores Philosophos locum esse inventuras, ut uberem exinde Vegetationis argumento lucem illatam esse sint existimaturi, uberiorimq; adhuc illatam iri, si tu & concivis hic noster certatim porro materiam hanc eadem, quâ cepisti, curâ excolere pergatis, alijsq; viris solertibus ansam hoc ipso præbeatis, sua quoq; meditata & symbola in rem eandem conferendi. Vale, & me tibi addi-
tissimum crede. Londini d. 14. Decemb. 1671.

III. Clarissimo

III.

Clarissimo viro

Domino MARCELLO MALPIGHIO

*Phil. & Med. Bononiensi*HENRICUS OLDENBURG *Felicitatem.*

Significaveram Tibi, Vir Celeberrime, per litesq. 14 Decembris ad Te datas, Soc. Regiam Scriptum tuum de Anatome Plantarum nonnullis catiis sui Sociis perpendendum commisisse: Insimul pollicitus, me virorum illorum, quibus id pensi fuerat impositum, sententiam suo tempore candidè perscripturum. Hujus itaq. Epistola non aliud erit argumentum, quàm ut datam Tibi fidem liberem. Scire igitur Te velim, Philosophos illos nostros, rerum in Exercitatione illa tua traditarum perquàm callentes, ad unum omnes statuere; Te & subaëlo judicio & eximiâ curâ rem propositam tractasse, eamq. omnino mereri, quæ in lucem publicam quàm maturimè emittatur. Dabis igitur operam, Vir Doctissime, ut nostram, & aliorum, quibus hæc res longè latiq. jam innotuit, expectationem, quamprimum fieri id possit, impleas, eoque ipso manifestum facias, hanc Naturæ partem uno hoc seculo amplius multò solidiusque, quàm cæteris omnibus prægressis, quantum quidem nobis constat, excultam fuisse.

Promissi memor sum, quo me nuper ad Libri de Plantarum etiam Anatome, à Medico Anglo perdocti concinnati, transmissionem obstrinxi. In eo sum, ut de nave exquiram in oras vestras profecturâ; quâ occasione & plura forte perscribam, quæ ad rei Philosophicæ incrementum facientia in his oris geruntur. Vale, & me tuam ex asse crede.

Dabam Londini d. 18. Januar. 1672.

IV.

Clarissimo viro

Domino HENRICO OLDENBURG

Reg. Soc. Angl. Secret.

MARCELLUS MALPIGHIIUS S. P.

Doctissimorum Virorum sensum, quibus placuit Exercitatuunculum de Plantis evolvere, tuis humanissimis literis percepi. Pavem in tam egregiis viris agnosco cum sapientia humanitatem; qui licet Naturæ abdita intrinseca sciant, indagantium tamen vel minimos non aspernantur conatus. Perovide exopto præclarissimi vestri Medici promissum de Plantarum Anatome librum, in quo propositam materiam tam doctè & dilucidè examinatam me reperturum spero, ut meos omnino supervacaneos fore labores putem. Interim, in languidi corporis & animi solamen Observationes prosequar, prout mentis meæ tenuitas permittet.

Alter jam excurrit mensis, ex quo tibi Observationum aëluariolum circa Incubata Ova transmissi, ut Confociorum placitum circa rem tam obscuram exploratum haberem; quod tuâ intercedente humanitate non consecuturum non ambigo. Tu, ut soles, me ama, diuq. vale.

Dab. Bononiæ d. 15. Martii, 1672.

V. Clarissimo

V.

Clarissimo viro

Domino HENRICO OLDENBURG

Soc. Reg. Secretario,

MARCELLUS MALPIGHIIUS Salutem.

Pullorum generationem in Incubatis Ovis iterum elapsâ astate observatam, & in aëluariolum redactam, ad Te transmittere placuit, ut studiorum meorum, qualiacumq; sint, normam habeas. Rude igitur hoc compendium inter otium percutras; idque, si non indignum Regia Societate censeas, meo nomine ipsi exhibere ne graveris. Scio, perpetuis & gravioribus curis Socios adeò detineri, ut in evolvendis Annuarum Observationum in conditis his studiis omnino tempus non vacet.

Jam accuratissimam Plantarum Anatomen præclarissimi viri Domini Grcvii transmissam accepi, & pro tanto munere debitas tibi gratias ago. Doctissimum opus, amici ope, in Latinum versum præ manibus habeo, & licet pluraque, ob nimis exactam Interpretis peritiam, mentem meam fugiant, præcipua tamen Authoris inventa tenere me puto. Gaudeo interim, me cum Accuratissimo Viro in quamplurimis observationibus & placitis convenire; reliqua autem, in quibus intercedere aliquid diversitatis videtur, ulteriori institutâ indagine solertiùs examinabo, ne, quæ tanti viri aciem effugere, illusione quadam languida meâ imponant phantasia. Vidi in laudato opere varias Authorum circa Flores, Spinâs & Folia, indicari sementias. Libenter scirem, an hujusmodi jam typis edita fuerint. Valeas interim diu felix. Dabam Bononiæ die 8. Octobr. 1672.

Responsum ad literas binas proximè prægressas annexum vide *Dissertationi Epistolicæ de FORMATIONE PULLI in OVO* à Malpighio nostro ad Reg. Societatem scriptæ, & Londini typis mandatæ à Job. Martyn A. 1673. Vid. ibid. p. 40 & seq.

VI.

Clarissimo viro

Domino MARCELLO MALPIGHIO

Philosopho & Medico Bononiensi

HENR. OLDENBURG Sal.

Magnopere gaudet Regia Societas, dum intelligit, tua Te studia circa Plantarum Anatomen jugiter prosequi. Indefessum habebis, nî fallor admodum, laborum tuorum comitem Doctissimum Grcvium, cujus alterum de isthoc argumento Tractatum prælo brevi exiturum speramus. Continet ille totius hujus Operis Anatomici Ideam, latè professò patentem; subjectis quibusdam de Radicibus Plantarum Observationibus, quas Tibi non displicitur exislimem.

Accepimus, celeberrimum Mengolum Tractatum edidisse de Auditui, Sono & Musica. Agre sanè ferimus Bibliopolarum incuriam, quâ solâ evenit, ut virorum doctorum studiis & laboribus nimis serò fruamur. Est hic Anglus quidam, in Musica tum theoretica tum practica apprime versatus,

cui

cui consilium est, integrum syntagma musicum in lucem emittere. In votis proinde habet quam maxime, Mengoliani operis copiam sibi fieri, cujus voti quâ possit ratione compos reddi, equidem non video.

Prælo mandata jam sunt Illustrissimi Boylii Exercitationes & Experimenta de Effluviis, de Ponderabilitate Flammæ & sim: quæ suo tempore, commodam occasionem nactus, ad Te transmittam. Jungam iis, quæ Doctissimus Willisius de Medicamentorum in Humano corpore operationibus imprimenda jam curat, reliquis ipsius laboribus, ut audio, nequaquam cedita,

Spero, Excellentissimum Finchium, qui non ita pridem hinc in Italiam discessit, Exemplaria ipsi concredita brevi ad Te curaturum; Equitumque Higgenium, qui paucos intra dies Venetias contendet, alia nonnulla, Tibi haud ingrata futura, superadditurum.

Accepinus, nec Gallos Philosophos sibi deesse in scientiis augendis ornandisque. Hugenius nuper edidit Tractatum de Pendulorum motu, ad Horologia aptato. Mariottus Diatribam de Percussione & de Libella: Picardus, de mensura Terræ: Claudius Millet de Chales, Elementa Mathematicæ tractata, Terram scilicet, Aquam, Aerem & Ignem. Alii alia parant, de quibus sine dubio propius edoceberis. Vale, & me Tui studiosissimum amare perge.

Dabam Londini d. 7 Junii, 1673.

VII.

Celeberrimo viro

Domino MARCELLO MALPIGHIO

Philosopho & Medico Bononiensi

HENR. OLDENBURG Sal.

Compluribus abhinc retrò mensibus, triginta ad Te expediavi Dissertationis tuæ de Ovo Exemplaria, typis Londinensibus edita; Illustrissimiq; Boylii egregiam de Genemis Diatribam adjunxi. Curam eorum suscepit Excellentissimus Regis nostri ad Portam Ottomanicam Legatus, Dominus Finchius, qui terrâ hinc in Italiam profectus solenniter mihi pollicebatur, operam se daturum, ut ad manus tuas Exemplaria illa ritè pervenirent. Ex eo tempore Siculo cuidam, Paulo Bocconi, insignis Botanici famam adepto, librum, Anglicè à Cl. Grevio nostro pronuper editum, Tibi perferendum tradidi. Tractat ille de Radicum imprimis structura, deq; Vegetandi ratione; præmissâ suâ circa Historiam Phytologicam Ideâ; quorum omnium nullam Tibi partem displicituram reor. Author ipse ad Te scripsit, sibiq; responsum, quàm primum commodè à Te parari id poterit, pollicetur.

Idemidem ex me sciscitantur nostrates, quando tandem Commentarium tuum de Plantis, cujus prima schediasmata penes me asservo, in lucem emittere velis. Si auscultare libeat Amico, tui & honoris tui studiosissimo, suaderem utique, ne rem istam diutius premeres. Amplissimus noster Higgenius, ad Rempublicam Veneram Ablegatus dignissimus, qui hæc

E

literulas

litterulas ad Te curabit, operam daturus est, ut quæ de Argumento illo ad ipsum perferenda dederis, tuò ad me expediantur. Vale, vir optime, & si placet, quantocius rescribe.

Dabam Londini d. 16. Martii 1674.

VIII.

Eruditissimo viro

Domino HENRICO OLDENBURGIO

Reg. Soc. Angl. Secret.

MARCELLUS MALPIGHIUS *Salut.*

Mensis jam elapsus est, ex quo Anatomiam Plantarum cum Iconibus capsulâ conclusam ad Ill^m D^m Ablegatum, Veneris morantem, transmisi, ut Tibi tuâ & opportuna occasione reddatur. Tuis epistolis adeo me sollicitatum vidi, ut imperfectum, necdum absolutum, Opus transmittere decreverim. Plura enim de Seminum Vegetatione, Gallis, Radicibus, & Spinis delineanda mihi supersunt. Hæc interim libens recipies, solitâq; humanitate studia hæc fovere non dedignaberis, mihiq; Sociorum, aliorumque Literatorum sensum liberè aperire, ut mens mea, aliorum monitis cautiore reddita, in reliquorum indagine rectius incedas, vel quiescendo errandi occasionem evites.

Doctissimi Grevii librum de Radicibus &c. libentissimè viderem; quare, si comoda tibi occasio se offert, exemplar ad me transmittas, quaeso. Vale, & solitâ tuâ humanitate mihi favere ne desine.

Dabam Bononiæ, d. 17 Septem. 1674.

IX.

Clarissimo viro

Domino HENRICO OLDENBURGIO

Soc. Reg. Angl. Secret.

MARCELLUS MALPIGHIUS *Salutem.*

Librorum fasciculum, Domino Vernoni traditum, Nobilissimi Laurentii Magalotti operâ nuper recepi, & elegans Illustrissimi Boylii aëuariolum summâ cum lubentia perlegi. Ingeniosum pariter Cl. Willisii librum præ manibus habeo, in quo per multa digna invenio, & sensibus consona; præcipuè verò Fibrarum Carnearum contextum circa Arterias, quem non semel in Aorta, præcipuè Bovis, rimatus sum. Pro his igitur, & tuâ in me perennanti benevolentia, eximias reddo gratias. Plures epistolas (& fortasse libros) ad te datas intercidisse video, & præcipuè Domini Mengoli librum de Anno, Ministro cuidam Exc^o Legati vestri, elapso anno Londinum profecti, commissum. Plura etiam, Amplissimi Dodingtoni ope transmissa, ad tuas devenisse manus non audio, sicut nec postremas meas litteras, quibus exemplaria de Ovo me accepisse innuebam. Doctissimi Grevii Epistolam, ejusdemq; librum Domino Bocconio traditum adhuc desidero, & reliqua tanti Viri, quotiescunq; luce fruuntur, pergrata mihi sunt futura.

Sextus

Sextus jam excurret mensis, ex quo Exec^{us} Ablegatus, Venetiis morans, Anatomiam Plantarum cum Iconibus recepit, ut tuta occasione ad Te transmitteret. Hanc tamen Tibi redditam fuisse necdum accepi. Valeas, quaq; solis humanitate & amore me prosequi ne desinas.

Dabam Bononiæ d. 5. Februarii, 1675.

X.

Clarissimo viro

Domino HENRICO OLDENBURGIO

Societ. Reg. Angl. Secr.

MARCELLUS MALPIGHIIUS *Salutem.*

EN Tibi, Vir Clarissime, Plantarum Anatomies pars potior, una cum pro-
missis Iconibus, seriis quam destinaveram transmissis, ita cogente ad-
versa meâ & aliorum valetudine. Inuitus enim perpetuo ægrotum curatio-
nibus adsum, unde corporis & animi robur enervatur. Hanc igitur de Plan-
tis Excitationem, si lubet, Regiæ Societati meo nomine humillimè offeres.
Mibi sat fuerit in hoc solum demeruisse, quod in re tam ardua tantorum
Virorum mandatis obtemperare volui. Si forte Excitatio hæc, Sociorum
judicio, luce fruatur, exoptarem, ut transmissa olim Epistola, *cujus exem-
plar hic denuò insertum habes, typis una ederetur.

Hæc epistola, ut
patet, juxta
fuit ante ju-
ris prædictum,
sed per mare
una cum typi
scriptis Bononiæ
transmissa fuit.

* Hæc ea est,
quæ in hoc li-
bro Anatomies
Plantarum, unica
vocatur.

Scio plura irrepsisse errata, quæ tuæ mihi perpetuò faventis benevolen-
tiæ ope delenda venient. Reliqua circa Gallas, Vegetationem, & Radi-
cēs, cum omnes Icones necdum sint in promptu, in aliud differo tempus.

Doctissimi Domini Grevii liber nondum ad meas devenit manus, cum
D. Bocconius adhuc in Belgio moretur. Libenter ipsius meditationes &
observationes admirabor, mihiq; pergratæ erunt epistolæ, quas eum ad me
dedisse asseris.

Excitationis circa Pulli in Ovo generationem transmissa exemplaria
triginta, favore Excellentissimi Equitis Finchii elapsis mensibus recepi, ti-
biq; interim quas debeo gratias rependo. Famigeratissimi Domini Boyli li-
brum novissimè acceptum necdum mihi licuit attente perlegere, ipsiusq; in-
ventus perfrui, ingentem tamen Experimentorum Inventorumque sylvam
conspicio. Vale.

Dabam Bononiæ d. 20. Augusti 1674.

XI.

Celeberrimo viro

Domino MARCELLO MALPIGHIO
Philosopho & Medico Bononiensi

*HENRICUS OLDENBURG *Felicitatem.*

Temperamentum laetitia mea vix inveniebam, quando post expectationem quinque-mestrem, anxiasque, ob insidi maris discrimina, mentis agitationes, preciosum tuum munus Philosophicum manibus meis incolume tradebatur. Eodem die (Januar. scil. 28. 1675.) quo mercator Londinensis datam de eo reddendo fidem liberabat, Ego Societati Regiae, cætum publicum tunc celebranti, idipsum exhibebam. Illi, frustratâ thesauri hujus præstantiâ, tot tamq; egregiis lœonibus condecoratâ, unanimis decrevere, tum ut summas ipsorum nomine gratias Tibi remitterem, tum ut Opus ipsum typis ac fieri posset elegantissimis mandatum, toti orbi Philosophico quantocius exponerent: Adhæc, vota adjecere flagrantissima, ut reliquum, quem innuis, ingenii tui felicissimi de Vegetatione proventum illibatâ valetudine perficere tibi concedatur.

Voluissem sanè, Vir Clarissime, hanc, quæ injuncta mihi nunc est, Encomiastæ tui provinciam, alii fuisse demandatam, qui clariore calamo dignum tuis meritis Elogium dixisset, eâque ratione luculentos accendendæ virtuti ignes subjecisset. At quia sic jussere, quibus refragari nefas ducebam, id solummodo dixerim; Exterorum, quod sciam, neminem magis genuinum se Regiæ Societatis Alumnum præstare, aut feliciori ingenio majorive industriâ ad nominis sui immortalitatem contendere.

Cætera, hoc Tecum expendas velim, quod si tam præclara æstimantur, quæ hæcenus per partes edidisti, quid futurum sit, si quæ de hoc argumento elucubranda Tibi supersunt, pari eruditione & æquâ adornare satagas, adeoq; ex omnium nexu & complexione consummatum opus in publicum emittas? Micabit id opus fulgentissimè, ac famâ nunquam intermorituræ decus certò certius Tibi conciliabit, totiq; penuri Philosophico augmentum locupletissimum adjiciet. Vale, Vir Naturæ Consultissime, & Naturæ abdita penetrare gnâviter perge.

Dab. Londini 8 Id. Febr. MDC LXXV.

FINIS.

Præclarissimo & Eruditissimo Viro

D. JACOBO SPONIO

MEDICINÆ DOCTORI, &

Lugdunensi Anatomico Accuratissimo,

MARCELLUS MALPIGHIVS S.P.

Percunētanti tibi, Vir doctissime, ac eruditissime, num aliquid novi editis jam exercitationibus meis addendum superfit, cum Typographus, quem innuis, dictis opusculis novam parat lucem; responsum hoc erit, me pluribus & à re literaria alienis distractum negotiis tandem conquirere. Quoniam tamen quædam mihi in diētorum confirmationem occurrere, nonnulla quoque circa animalium viscera, quæ multis abhinc annis (insectorum plantarumque anatomie addictus) ut cruda neglexeram, adhuc meam excitant phantasiam; ideo cum novam ac solertiore exigant indaginem, tibi communicanda duxi: utpote qui intima animalium viscera scrutando ulterioribus agressionibus dilucidiora reddere, elegantique cruditione exornare præ reliquis valeas. Hæc itaque si tibi, Vir summe, arriserint, toti Reipublice literariæ non displicuisse putabo.

Inter reliqua, quæ de externo tactus organo aliàs habui, nonnulla de ungulæ natura & generatione indicavi: quæ ut ulteriori fruantur luce, anatomicâ observatione veniunt. Duodecimus jam excurrit annus, quo mactandum bovem lustravi cum præclarissimis Viris *D. Carolo Fracarsato*, & *D. Silvestro Bonfiliolo*, à cujus collo in dextris, ubi jugum apponitur, insigne pendebat *Cornu*. Hujus longitudo decem & sex digitorum crassitiem æquabat. Non longè à basi, ubi latius erat, octo digitorum latitudinem explebat. Ejus forma conica erat, & in obtusum deducta apicem, non parum versus finem curvabatur. In basi tamen, ubi collo necēbatur, arctius erat. Color circa extremitatem subniger lucidusque erat, & persimilis ei, qui in ungula bubula passim observatur. Exterior superficies aspera erat, præcipuè à basi usque ad medium; etenim cuticula & subiectum reticulare corpus cum contentis papillis (quæ in aliis partibus perpendiculariter attolli solent, ac tactus organum constituunt) sensim produci inclinarique incipiebant, non dispari specie, ac in nostrorum digitorum extremitate, quilibet prope unguium radicem observare potest. Papillæ igitur, laciniata cuticula, & reticulari corpore circumdatæ, majorem longitudinem fortitè ita inclinabantur, & invicem hærebant, & ferruminabantur extremis finibus, ut squamosum piscium tegumentum æmularentur. Circa basim squamosa hæc corpora brevia erant, sensim verò producebantur & prope conum longissima reddebantur. Varius quoque

F

erat

erat substantia modus; nam in basi pupillaria hæc corpora non ita sibi mutuo connexa conglutinebantur; sed solutis ipforum finibus laciniatum & asperum excitabatur corpus: ultra tamen medietatem densiori donabantur compage, unde & lucida & levia videbantur. Interius expositum cornu concavum erat, ita ut crassities ipsius in basi nativam corii alitudinem parum excederet; gracilesciente autem & attenuato corio, ad naturam quasi membranae intus ambiebatur, quod sanguinea vasa irrigabant; hocque detracto solidum & læve corpus occurrebat. Tota concavitas repleta erat subflavo, turbidoque sero, quod igni appositum, rotum fere in naturam albuminis ovi concrecebat. Sub basi glandulae conglobatae, depresso tamen, insignite luxuriabant. Hoc itaque famigeratissimi Aldrovandi Museo dono dedi, ut exterorum præcipue curiositati præstò eiset. Ex hujus igitur diligenti inspectione patet, papillas (quas non incongruè externi tactus organa credidi) cuticulâ & reticulari corpore custoditas, ubicunque plus justo producantur, & invicem intimè unitæ ferruminantur, in solidum desinere corpus; quod commune est ungulis & cornibus, quæ sola exteriori configuratione, & majori minorive partium densitate, donatâ adinvicem discriminantur; unde veluti sensorii additamentum censenda veniunt, & tactui quoque non parum conducentia. Cornuum è cranio erumpentium observata productio his multum lucis confert. Hanc itaque vegetationem in bove deprehensam, in Physicæ additamentum audire ne graveris. In foetu igitur, adhuc in utero contento, cranii os in situ cornuum fere cartilagineum est, & postremo ossicam naturam acquirit. Pili ibidem primò erumpunt glabro existente corio præter labia, quæ quibusdam pilis ornantur. Hi taliter locantur, ut ipforum ordines à circumferentia versus centrum situati & inclinati, minimum quasi conum efforment. Postremis quoque mensibus in foetu adhuc concluso ossæ lamellæ (quibus cranium compaginatur) obliquari incipiunt, & fractâ directione extra eminent, excitatis intro subrotundis spaciolis, unde supra cranium ossæ tumor primò emergit, lenticulare corpus præ se ferens. Hoc extenso corio cooperitur, quod præ reliquis crassum est, & turgentes exhibet glandulas. Inter ossum corpus & corium periosion, seu ossæ substantiæ inchoamenta locantur, quæ paulatim manifestantur. Extra uterum sensim ossæ tumor lenticularis parum assurgit, turgentibus ossis lamellis. Supra os crassum luxuriat periosion, seu futuri ossis inchoamentum. Corium quoque obducitur, à quo tactus papillæ assurgentes reticulari & cinereo corpore ambiuntur: hoc copiosis pilis diversam inclinationem sortitis cooperitur. Altero elabente mense, ossæ substantia laminulis & spaciolis contexta extuberat ita, ut cornu rudimentum emergat, dimidiam digiti crassitiem æquans, & conoidem parabolicum repræsentans. Hujus exterior superficies lævis & glabra sensim redditur, nigroque inficitur colore. Corium crassum de more extenditur, à quo tactus pupillæ erumpentes, superato reticulari involucri, quod cinereum est, elongantur & nigro ambiente succo conglutinantur. Hæ circa cornuum basim inclinatæ versus apicem diri-

diriguntur; reliqua verò ab apice exortæ perpendiculares quasi assurgunt, & reticulari corpore custodiuntur: earum longitudo vix ferici villosi lanuginem æquat. Interea inclusa ossæ appendix augmentum capit, & interiùs variè configuratur; etenim ut plurimum radix fistulosa excitatur substantia, quæ ossis fibris reticulariter implicitis componitur; reliquum verò usque ad apicem spongioso constat corpore, sanguinea intercurrunt vasa, & apex perpetuò submolli firma partium compage non gaudet. Corium quoque extensum ossæam substantiam investit, & in basi crassius est. Ab hoc itaque emergentes tactus papillæ ita proceræ redduntur, ut inclinatæ versus apicem, simulque reticulari corpore unitæ, tot conica corpora concava efficiant, & ex horum unione (quasi tot lamellis, caparum instar, intra se positæ) solidum cornu corpus efficiatur. Papillarum ordines in basi erumpentes, licet non omnes apicem attingant, ut plurimum tamen rectæ deducuntur, & fere cornu ambiunt: aliæ quoque sub diversis planis à producto corio propagantur, quæ longiores reddunt, breviores cooperiunt & includunt: unde secto per longum cornu, non solum ossæa substantia occurrit, sed etiam corium, à quo molles papillæ emanant, quæ in cornuum substantiam immutate solidescunt, & nigrescunt; avulsoque osse cum ambiente corio, fistulæ in cornu à reticulari opere excitatæ patent. Occurrunt quoque papillarum tactus varii exortus & plana, ipsarumque productio usque ad apicem; unde cum diversa plana extremum cornum constituent, hinc est, quod apicis substantia crassitiem fere digiti æquat. Exarata papillæ basin cornuum excitantes molles adhuc sunt, & de facili lacerantur, vel in furfures abeunt; circa finem verò & apicem ita adensantur, & reticulari corpore ferruminantur, ut solidæ factæ nigro lucidoque insciantur colore. Harum progressus evidens est; nam tot quasi filamentis per longum ductis, coagmentari videntur. Procerioribus redditis cornibus ita, ut duodecim digitorum crassitiem æquent, inclusa appendix ossæa longior redditur, & ubi continuo & pleno osse non coagmentatur, variis cellulis concameratur & excavatur. Secto autem cornu per longum, singula dilucidius patent. Primo enim frequenter exarata appendix ossæa laminâ componitur ita, ut tubus efficiatur; porciones tamen ossæ obliquè per transversum ductæ interseruntur, unde relicta artæ concavitates oblongas, inæqualis tamen longitudinis & figuræ efficiunt, in quibus aliæ quoque ab assurgentibus parum ossis parietibus designantur. Omnes hæc concamerationes membranâ tenui obducuntur, sub qua sanguinea vasa in miras propaggines diramata custodiuntur. Versus apicem ossæa substantia spongiosa est nullis cellulis excavata, unde impensè rubet ex innumeris vasculis, quibus irrigatur. Expositam appendicem ossæam extenuatum corium ambit, à quo molles de more tactus papillæ emanant, quæ reticulari corpore custoditæ, simulque ferruminatæ, versus apicem deductæ cornu componunt ita, ut cornuum parietes in basi graciles sensim ex papillarum additione reddantur, & tandem in apice ex omnium unione, duorum digitorum crassitiem æquent. Horum interior superficies nigra est, & fistulosis

fistulosis foraminulis versùs apicem directis exasperatur, quibus papillæ admittuntur. Exteriùs apex acuminatus solidus, lucidus & ater est: versùs medium tamen subalbescit cornu, & circa basim parum nigrescit, & de facili in squamas solvitur. Ulterius tandem augmentum fortuntur cornua ita, ut urgente interiùri ossæ appendice, primi papillarum ordines à basi erumpentes avulsi à corio separantur, & ita diversi fines & papillarum limbi apparent non dispari ritu, ac in conchis marinis conspiciamus, quarum compositio diversis testulis superpositis, inæqualibus tamen, coagmentatur ita, ut extremi fines quarumcumque testularum minimum elegansque exhibeant planum. Hæc eadem structura evidenter quoque in dorcadis cornibus clucescit, unde à radicibus usque ad medium asperitates, quasi nodi observantur, quæ à diversis papillarum lamellis vario tempore à corio avulsis, & sursum retractis excoriuntur, quæ omnia diligenti microscopii lustratione patent. Postremò tandem cornua ultimum sortita incrementum non parum immutantur; nam exteriùs ipsorum color varius efficitur, substantia quoque solidior reddita, diaphana fere evadit, & continuo usu levigatur. Interiùs ossæ appendix obtuso terminatur sine, totaq; ipsius longitudo gracilescit corio adhuc tegitur. Ab hac emergentes olim tactus papillæ obliterantur, præterquam in apice; interior enim cornuum superficies, evanescentibus vaginulis, seu reticulatis corporis finibus, ex ferruminantis succi exundante copia, tota fere circa basim lævis & perpolita redditur ita, ut papillarum productiones quasi obscurentur. Analogam quoque generationem in gallorum calcaribus observamus, quæ ex cuticula & subjæctis papillis reticulari corpore conditis constantur, ita, ut turgente intùs ossæ appendice, exteriùs quoque corium multiplicibus cuticulæ involucris obductum rapiatur, & novum quasi cornu, licet minimum, erumpat.

Ex his igitur conjectari licet, monstruosum cornu in bove ortum traxisse, non tam ex ulteriùri papillarum corii, & reticularis corporis productione, sed ex conatu interioris tumoris, & ex compressione facta in cervice à proximo jugo: in naturale namque cornuum eruptione emergens ossæ appendix, extensam sibi corii portionem sensim urget, secumque rapit ita, ut papillæ versùs apicem inclinatæ clongentur. Proccriores autem redditæ sunt in monstruoso cornu tactus papillæ ex copioso fortasse succo, per filamentorum reticularem contexturam, quæ corium componitur, excurrente, vel elabente in continuas papillas, & in mucosum, reticulareque corpus, ut in ungularum vegetatione contingit, quæ cum extremis papillarum finibus excitentur, in deformem producerentur longitudinem, nisi vel arte, vel attritu mutarentur. Probabile quoque est ex urgente assidue jugo proximam cervicis partem compressam, & inde callosam redditam fuisse. Sanguinis namque motus non ita feliciter celebratus est; icoris quoque & lenti humoris, per exaratam corii contexturam, ulterior fluxus impeditus est, & sudoris, haliusque effluvia per propria sudoris vascula suppressa sunt; unde corii papillæ ultra augmentum in novum situm & compagem adaptatæ sunt, & reticulare corpus, quod aliàs mucosum

mucosum est, penè osseam nactum est consistentiam. Haec autem fermentatione probabiliter conigit ex vitriolato humore, per excretoria sudoris vasa effluente, vel saltem ab acidis effluviis coercitis & fixatis, dum interim evaporantibus alcalibus & aquosis particulis, sanguinei instar feri solidum, lucidumque fere corpus excitatum est.

Aliud quoque monstruosum in Illustrissimi Juvénis *Antonii Francisci Daviae*, excelsi Antianorum Consulis, cadavere observatum non parum exaratam à me renum structuram illustrat. Hujus itaque *Ren* sinister, exiguus mole, exterius quasi congeriem & racemum unæ albæ exhibebat, multiplicibus scilicet glandulosis folliculis, veluti tor exiguis botris congestus: Hi insignibus excretoriis vasis, quibus de more renum caro excitatur, haud donabantur; sed immediatè expanso pelvi, vel saltem brevissimo ductu necessebantur. Venæ & arteriæ singula irrigabant, & ureter è pelvi producebatur. Ren dexter mole longè major erat, & exterius insignes glandulæ quasi vesiculæ urinæ turgidæ erumpebant. Congeries quoque excretoriorum vasorum, quibus renum caro conflatur, amplior & latior solito erat, & appensæ glandulæ amplæ quasi vesiculæ interferebantur. Harum aliquæ corrupto & subnigricante sanguine scatebant; reliquæ urinâ turguebant, vel arenulis, tartareâque materiâ referebantur. Ex hac itaque renum, licet monstruosa, sed simplici structura, evidenter patet, præcipuas renum partes, præter arterias & venas, glandulas esse, & pelvim, qui in uretres productus in glandulis lotium per excretoria vasa recipit, & sensim in vesicam derivat. Turgebant autem glandulæ, & monstruosa deformabantur specie, quia impedita excrementi expulsionem in pelvim, necessariò stagnante intus urinâ, laxabatur glandulosa compages, & in aliquibus etiam loco feri rubicunda sanguinis portio continebatur; impedito scilicet per venas regressu, vel lacerato separationis organo. Hoc idem in reliquis glandulis accidit vi morbi, & præcipuè in jecore, in quo vigente caëxia non rarò ipsius glandulosi acini turgente bile, quandoque sero, aut tartaro, in ampliorem ita extenduntur formam, ut vesiculas emulentur. Simplicissima quoque glandularum structura in pluribus partibus observata totum confirmat, nam in labiis bovum, in hominis facie, circa penis glandem, in intestinis, & in muscutorum spaciis minimæ, simplicisq; locantur glandulæ, quæ nil aliud sunt, quàm rotundi, interdum ovals, & non rarò oblongi folliculi excretorio vasi continuati, & appensi, quorum variâ structurâ diverſi separantur humores, & succi.

Præclarissimo & Eruditissimo Viro
D. JACOBO SPONIO
 MEDICINÆ DOCTORI, &
 Lugdunensi Anatomico Accuratissimo,
MARCELLUS MALPIGHIVS S. P.

Dimissis languentis Naturæ erroribus, plasticæ virtutis officinam contemlemur exarando ea, quæ, favente mihi Præclarissimo & Amicissimo D. *Silvestro Bonfiliolo*, circa uterum olim moliebar. In hoc itaque obscurissimo omnium viscere extra graviditatis tempus, ob contracta vasa, & in varices contorta, ita implicite sunt componentes particulae, ut nullâ scire arte distingui possint. In turgente autem & pregnantæ utero (brutorum præcipuè) quædam emergere videntur. Nonnulla igitur, quæ menti meæ illuxerit, dubitative tibi indicabo (non enim integrè omnia adhuc sensus meos expleant) ut excitata tuâ sedulitate vel apertius pateant, vel meam phantasiam amplius non illudant. Vaccinum itaque uterum sum aggressus, cujus copia facilius occurrit, & ex magnitudine, minùs obscurâ sunt ipsius componentia. Hujus exterior membrana densa valdè sese offert, quæ universum uterum, tubas, vaginam, & appendices investit & firmat. Sub hac, carnea: fibræ locantur, quæ per longum ductæ, & quasi in carnosos laceratos interdum adensatæ, diversas inclinationes sortiuntur. Interferuntur autem ad invicem, præcipuè versùs tubas, & non longè ab ovariis in fasciculos conglobantur. Aliæ quoque horizontaliter secundum crassitiem uteri propagantur, hærentque pelliculis tenuibus, sub diversis planis totum uterum ambientibus. Non longè ab his occurrunt lymphatica vasa, proprio turgentia humore, qui admoto igne tandem perspirat. Sub prædictis vasibus venæ & arteriæ excurrunt, hinc inde uterum ingressæ, ita ut rete elegans efforment, cujus arcus diversam exhibent figuram. Solent tamen, ut non rarò observavi, gemini venarum rami unicam concomitari arteriam. Nervi quoque interferuntur totam uteri molem pervadentes.

Alia quoque vasa, seu ductus, quæ uteri propria sunt, insignia & perampla graviditatis præcipuè tempore deprehendi. Horum itaque varia est productio, cum ab uteri substantia partim emergant, partim quoque intus lateant, unde circa ipsorum progressum non parum laboravi, qui, præviâ tamen hac nostrâ exercitatione, de facili tibi, aliisque occurreret. Hac gemina sunt, unum enim hinc inde uteri & vaginæ quasi latera excurrit, ea præcipuè in parte, quâ uterûs vesicam respicit & contingit. Et licet ab extrema vagina usque ad gracilescen-
 tiæ uteri cornua propagentur, non eandem tamen ubique redolent speciem,

speciem, nec consimili magnitudine donantur, aut sub eodem plano feruntur. Inferior namque portio non longè ab urethræ orificio terminata, immediatè sub membrana interiora vaginæ custodiente, sursum recta fertur versus uterinos. Hæc portio frequenter vix stylum admittit, interdum auricularis digiti luitudinem aequat, unde lato capitulo, evidentique hiatu fere semper supra urethræ, seu urinarii meatus orificium in vaginam aperitur. Non longè à plicis, os uteri excitantibus, obliterari videntur huiusmodi ductus, folique (prout visus sum attingere) minimi occurrunt poruli & meatus in continuatum vas desinentes. Hæc itaque obscurior horum vasorum portio, ab evidenti ductu exorta, intra carneas fibras condita, sursum per angustati uteri latera propagatur, donec exterius à cervicè crumpens, supra uterum producta emergat. Varias sortitur species hæc vasorum portio, & accuratam exigit indaginem, ut evidenter patulâ reddatur; sæpe enim interius condita ita gracilescunt hæc vasa, ut quasi in conspicua redantur: non rarò globuli insignes & frequentes attolluntur, precariam coronam æmulantes, & interdum turgente intus humore rectus vasorum progressus occurrit. Emergentes verò horum ductuum portio ab uteri cervicè supra carneas fibras, & sub sanguineis vasculis lateraliter producitur per corpus & cornua uteri, quorum, interiorum circumvolutionem productis hinc inde ramis irrigat, donec obscuris finibus in gracilescuntibus tubis oblietetur. Vasa hæc, licet tubulosa sint & continuato ferantur tramite, ab ambiente tamen involucri, seu ligamento & ab interiori ipsorum structura variè deturbantur ita, ut multiplices formas acquirant; ea namque pars, quæ uteri vaginam excurrit, sinuosa est, & recta sursum producitur. Ambiens interius membrana aspera est, nam rotunda lateraliter habet orificia; hæcque admissum stylum non longius progredi sinunt, & interdum quasi glandulosi folliculi subrotundi appenduntur intrò hiantes. Plures quoque per transversum extenduntur membranæ valvularum instar, unde in aliquibus appendices quasi cæcales excitantur, quales in intestino colon observantur. Prope urethræ orificium latiora redduntur huiusmodi vasa, & non rarò sinuoso quodam capitulo turgent, à quo tortuosus ductus intra vaginæ concavitatem aperitur ita, ut gemina obscuraque orificia urethræ hiatui proxima pateant. Superior vasorum pars latera uterini oris excurrans, involucri quasi cartilagineo custoditur, unde varicosa redditur, & appendices subrotundas hinc inde promere videtur, ubi præcipuè ambiens vagina in dispersos globulos extuberat; in quibus verò contento intus ichora turgēt, rectus efficitur tubulus; ablato enim cartilagineo involucri, ténella vasorum membrana manifestatur. Emergens tandem à cervicè portio, calami scriptorii magnitudinem & formam sortita firmo involucri, etiam per aliquod spacium ambitur; deinde spirali quasi ligamento circumdata, elegantissimi vasis speciem adepta sensim decrescit, & subrotundas interdum promit lateraliter appendices succo refertas, & ulterius elongatur, donec prope cornuum curvaturam in ramulos laciuetur, quibus gracilescuntis uteri portio irrigatur. Et quoniam admissum siphone

siphone atramentum vasorum extremos fines non subit, ob contenti fortasse humoris visciditatem, ideo ultimus furculorum terminus non attingitur. Interdum loco propaginum appendices seu loculos observavi succo turgidos. Vasa hæc in prægnantibus unâ cum utero ita elongantur, & distenduntur, ut in vaccis ultra longitudinem brachii extensa viderim, multoque tunc temporis ichore turgentia, unde de facili obvia fiunt. Totam exaratorum vasorum concavitatem subpallearis succus occupat, qui variam tamen in diversis partibus & individuis substantiam sortitur; nam in sinuosa parte, quæ per vaginam excurrit frequenter mucosus est, & pultis instar semiconcretus non raro observatur; in reliqua verò productione terebenthinam colore & lentore amulatur, ignique expositus copiosas excitat bullas, & tandem glutinosam charabis instar relinquit crassamentum.

Ut autem singula hæc pateant, tibi quæ obvia reddantur exarata vasa, avulsâ urinariâ vescicâ & ambiente membranâ, sanguinea vascula & fibrarum implicationes detrahes ita, ut exterior uteri angustata portio, sub qua os latitat, cervix & cornua denudata pateant; illico enim tubulosa hæc vasa, hinc inde ultra uterini oris situm, in cervicem scilicet emergent, ipsorumque ulteriorem progressum supra cornuum latera attinges. Inferior verò horum vasorum portio tibi patebit invento eorundem hiatus in extremâ vagina, non longè ab urethræ orificio. Interdum contentus in his ductibus ichor transparet ita, ut si interior vaginæ superficies lustretur, latæ videantur lineæ per longum ductæ. Tacto itaque foramine stylus imitatur, qui sensim penetrando totam quasi vaginam excurret. Ut autem obscurior & intermedia horum vasorum portio & continuatio pateat, erumpentis vasis ex uteri cervice involucrum descendendo sensim secabis, contenti namque ductus sublutea membrana, semitam indicabit. Et licet vasa hæc gracilia & varicosa existant, sectis tamen per longum carnis fibris uteri & varicosis globulis postremò tibi occurrent. Interdum ubi turget ichor vasa hæc ampla & recta faciliè obvia fiunt. Tu interim, summe vir, hæc nostrâ indagine excitatus, exaratorum vasorum structuram & progressum lustrare ne dedigneris, ut maturè indicare valeas, an hæc vasa sint *Laurentii*, *Riolani*, & aliorum processus, vel deferentia vasa, an *Graafii* *Lacunæ*, an postremò *Gasparis Bartholini*, in quo Parentis, & Avorum rediviva gloria ulteriori nitore refulget, foeminarum proflata, an aliud novum. Hoc unum ingenuè testari possum, mihi sola repetita multoties sectione tribus ab hinc lustris descripta vasa innotuisse; hæcque studia plurimis amicis indicasse.

Superatis vasorum, fibrarumque carnearum implicationibus & tunicis; secto secundum crassitiam utero in gravidis præcipuè, spatium quoddam, seu interstitium interdum semidigiti per transversum occurrit, quod à reticulari contextura occupatur, quâ subvitellina quædam corpora vasorum speciem habentia, prout videre licuit, ad interiorem uteri superficiem producta firmanantur; circa hæc ludunt sanguineæ, minimæque propagines ita, ut quasi omentum excitetur. Uterus interius membranâ quâdam ambitur, quæ minima & innumera habet orificia

orificia glutinosum, mucosumque fundentia humorem, quo, uterus ipse & vagina perpetuò madent. Quare compresso utero profluit huiusmodi mucosus ichor. Patent autem hæc excretoriorum vasorum ora, si diu interior uteri membrana aqua maceretur, & in omnibus præcipuè obvia sunt; quare probabile est, subvitellina exarata corpora his orificiis in uteri cavitatem hiare; an verò his minimæ appendantur glandulæ, licet sensus distinctè non attingat, ratio tamen ex perpetua naturæ operandi norma probabiliter eas suadet. Observantur quoque quamplurimi in tota uteri & cornuum interiori superficie tumores, inæqualis magnitudinis parum assurgentes, qui graviditatis tempore insigniter turgent, & uteri appendices videntur, seu vaginularum congeries, unde cotyledonum nomine insigniuntur. Admittunt autem erumpentes à chorio subintrantes radices ita, ut ex his duabus infitis partibus completa habeatur glandula, quæ separatim ab utero alimentum factui subministratur. Taliter igitur compactum corpus, geminæque integratum parte placentalæ, seu subrotundi, parumque depressi corporis speciem habet, varioque inficitur colore; ea namque portio, quæ ab utero attollitur, cinerea est, altera autem subrubescit. Dimidiata uteri glandula congeries est vaginularum & sinuum, quibus altè perfoditur, unde atramento affuso manifestantur. Huius substantia parum differt à velamento bombycino, quo intestina & ruminantium ventriculi interiùs obducuntur; subrotundas namque appendiculas promit, & compressa copiosum succum posane persimilem reddit. Sanguineis valculis irrigatur, unde injecto per uteri arteriam atramentò tota denigratur. Interdum visus sum, obscurè tamen, subflavum quoddam attingere vasculum, cuius ulteriorem indaginem tuæ sedulitati relinquo. Altera glandulæ pars chorio adnata laciniatis quasi radicibus coagmentatur, quibus exaratas vaginulas subintrat. Tibi autem pulchrum occurret spectaculum, si evaginata huiusmodi pars intra aquam diu contenta microscopio lustretur: separatæ enim radiculæ & capillamenta sensim ita attolluntur, ut elegantem sylvam emulcentur; innumeræ namque quasi plantarum radices à communi trunco propagantur, quæ in multiplices subdividuntur furculos & in capillamenta laciniantur. Harum substantia non differt ab uteri vaginulis, & sanguinorum vasorum propagines recipit ita, ut qualibet minima radícula suis gaudeat sanguineis furculis; qui per medium perpetuò lucuntur.

Uteri compages in mulieribus adeo obscura est, ut penè impossibilem sui indicet resolutionem; contracto namque utero ita complicantur, & varicosa redduntur vasa, ut nullus sit locus sectioni etiam accuratæ. Ea tamen tibi indicabo, quæ ex repetitis sectionibus mulierum vel à partu, vel circa septimum gravidationis mensem defunctorum observare potui. In his igitur uterus crassitie digiti latitudinem aequat, & sanguinea vasa copiosa recipit, quæ ramis rete efformant. Exterioris fibræ carneæ in fasciculos coagmentatæ, & reticulariter implicite uteri structuram componunt ita, ut ipsius interior etiam moles sit lætiorum, congeries & complexus, qui variam sortiuntur inclinationem.

nem. Inter exaratas carneas fibras copiosæ extenduntur pelliculae, seu molles tunicae, supra quas amplius sinus ferè innumeri, vasorum insitar per longum excurrunt, qui in diversis planis superlocati, frequentibus orificiis ditantur, quamcunque peripheriam spectantibus, unde inter proximos sinus fit mutua anastomosis. Horum speciem in mammarum tubulis, & in pene habemus; in his nonnihil sanguineis reperitur ita, ut videantur venarum diverticula, vel saltem ipsarum appendices: non longè ab his excurrunt sanguinei furculi, non dispari ritu ac in liene accidit. Interior uteri substantia, avulso chorio, & placenta, musculosa occurrit vario lacertorum complexu excitata, & à rimulis sanguinea vasa in furculos divisa promit. Huic uteri superficiei graviditatis tempore pelliculae quaedam adnascuntur, quæ corio præcipuè & placenta connectuntur; hæ molles sunt & mucosæ, facilièque lacerantur. Ab his rete quoddam fulciri & produci videtur, quod cinereis quibusdam, & friabilibus componitur corporibus, quæ tereti forma pollent, & propagatis lateraliter ramis in retis formam implicantur, pisciumque omentum representant. Circa hæc corpora sanguinea ludunt propagines varicosæ ductæ, & versùs chorion & placenta elongate. An exarata corpora reticulariter implicita, sint fibræ carnea, an nervi an satius excretoria uteri vasa, tu ipse judicabis. Occurrit placenta uterina una cum chorio firmiter utero annexa. Placentæ compositionem integrè attingere non licuit, ob friabilitatem & mucositatem, variamque partium implicationem. Illud tamen videtur certum, placenta esse vasorum umbilicalium contexturam peculiari firmatam substantiâ. Et sicuti cotyledones propriâ donantur substantiâ, quæ sanguinea vasa fulcit, & eisdem loco cribri, vel coli inservit; ita placenta, quæ est aggregatum ex cotyledonibus, scilicet ex partibus uteri vaginulas subeuntibus, necessariò congeries est radicum & furculorum vasorum umbilicalium, qui supra laciniatam glandulosam substantiam producuntur. Interdum visus sum sanguineis propaginibus rotandos globulos, seu glandulas, quales in renibus observamus appensas attingere; immersa tamen in aqua placenta, non occurrere hujusmodi glandulae, sed laciniata tantum corpora sanguineis vassulis irrigata observavi, quæ plantarum radículas amulantur. Uterinae placenta superficies, quâ utero necitur, inæqualis est, nam videtur appendicibus subingredi uteri sinus & concavitates, quasi cotyledonum ritu.

Uterorum forma in singulis ferè animalium specibus varia est, & ab Anatomicis tam graphicè describitur, ut nostram non exigat expositionem. Illud tamen perpetuum videtur, tubis ditari, quæ in plantarum uteris præ reliquis luxuriant. Non longè ab ipsis ovaria locantur, quæ antiquitus testes censebantur. In vaccis, in quibus ampla & manifesta extant, obducta membrana fibris carnis firmata ambiuntur. Qua ratione ovum ab ovario emerget, & in tubas transducatur, sollicita multaque eget indagine. Quæ tamen ex fortuitis ovarii in vaccis lustrationibus colligere potui, tibi brevibus aperiam; non enim licuit, ut in incubatis ovis, successivam observationum seriem ex-

maçtatis

maestatis stato tempore quamplurimis quadrupedibus attingere, cum regias ferè impensas exigat, quod *Harveo* & paucis concessum scimus. Illud itaque certum videtur in tenellis & adultis quadrupedibus, & præcipuè vaccis, ovaria complures continere inæqualis magnitudinis vesiculas colliquamento turgidas, quod igne in albuminis ovi naturam concrevit. Non semel vidi ab ovario pendentem vasicam, quæ magnitudine gallinaceum ovum superabat, & albumine concrevisibili referta erat. Vesiculæ hæc tunicâ satis densâ muniuntur, cujus interiorum superficiem (ut non semel observavi) sanguinea vasa mitis plexibus irtigant. Tractu temporis luteum, solidumque corpus emergit, in tantam excrefcens molem, ut totam quasi ovavit partem papillâ quâdam protuberat; magnitudine, completo augmento, cerasi fructum aequat. Exterior superficies aspera est nonnullis exiguis tumotibus inæqualibus excitata, fibris carneis ambitur, quæ ut in glandulis observatur, interiùs sese insinuant. Vasa quoque sanguinea & nervi excurrunt. Membrana involvitur, præcipuè in papillari appendice, quam communis ovarii tunica ulteriùs investit. Componitur exaratum corpus frustulis, & quasi lobulis, ut in aliis visceribus admirati sumus: hi autem angulosi sunt, & variam sortiuntur inclinationem; videntur enim appendi sanguineis vasculis, & producto quasi umbilico. Lobulorum compages obscura est, & varicosis propaginibus lutei coloris conflatur, quibus videntur subrotunda corpora & appendices aurci coloris, & quasi adipis minima frustula neci & continuari. Interior configuratio exarati lutei corporis non eadem omnino quocunque tempore reperitur, sed varia occurrit. Interdum enim, ut à simpliciore exordiar, conglobatum, implicitumque observatur corpus varicosis productionibus lutei, quandoque subcinerci coloris contextum, quod vix granum milii, vel saltem vicie excedit. Freqentiùs tum circa vesiculas colliquamento, seu albumine ovi turgidas, adhucque minimas exterius involucrem luteâ substantiâ compactum, & quasi capreolis excitatum, obducitur. Non raro luteum hoc corpus magnitudinem cicercis pene adeptum, pyrum figura æmulatur, & interiùs à centro versus collum, sensim angustatum sinum habet colliquamento turgidum. Sæpe acquisita magnitudine fructus cerasorum, exteriori papillâ ab ovario erumpens, vesicam colliquamento refertam, mulci instar cerasorum, in centro continet, quæ interdum rotunda est, & non raro pluribus styliformibus appendicibus donatur, frequentius tamen unâ tantum gaudet appendicâ. In completo quoque luteo, hoc corpore interdum nil fere occurrit contenti colliquamenti, sed frequentissime ab interiori tunica papillam investiente, ubi fovea exterius ut plurimum excitatur, & foramen postremò excavatur, cinereum quoddam corpus producit membraneum, & fortasse fistulosum, quod versus centrum perpendiculariter elongatum, in ramos vasorum instar dividitur, qui universam lutei corporis compagem excurrunt, hisque appenduntur lobuli sub diversis inclinationibus. In aliquibus adultis luteis corporibus versus centrum, & quandoque profundius ovulum cum appendice magnitudinis grani milii observatur, exarato cinereo

cinereo corpore contentum. Sepe meatus quidam, seu ductus aperitur à profundo usque ad papillæ centrum productus, in quo diaphanus stagnat humor, qui igne in albumen concrevit, & non rarò ovulum, vel gemina custodiuntur appendice donata, non valdè dissimilia quoad formam ab his, quæ in muscis gallarum observantur. Postrechè tandem lutea hæc corpora effata deprehenduntur. Timido ductu pervia, qui à papillæ medio foras hiat ita, ut stylum admittat: inclusa verò cavitas magnitudini pisi æquatur, & arbieñte membrana unà cum continuato ductu investitur. Hæc itaque in diversis constitutionibus deprehensa, probabiliter evincere videntur, luteum hoc corpus non solum pro custodia ovuli, ejusque ejectione à natura excitatum esse, sed fortasse ejusdem generationi conferre; hincque glandulosum potius, quàm musculosum censendum esse; ejus enim structura non est fibrosa, nec carnea, sed potius succenturiatis renibus persimilis; unde probabiliter dubitari potest, per glandulosum hoc luteum filtrum præparari, & separari materiam, quæ transmissa per ramos umbilicalis vasculi, tandem in ovulum, seu præviam cicatricem ichore contentam immutatur. Hujus analogam productionem in plantarum ovis intuemur, in quibus umbilicale vas primò emergit, cujus extremitas sensim laxatur, & turget ex subingressu colliquamento, quod tandem plantulam manifestat. Ex his quoque dubitari potest, vesiculas, quæ quocunque tempore in ovarii copiose luxuriant, inæqualem sortitas magnitudinem & concrevisibili colliquamento plenas, non esse verè ova, quæ postremò secundentur, sed materiam, ex qua fortasse glandulosum, luteumque corpus primò excitatur. Non enim videtur certum, post coitum tantum, feminisque masculini affusionem, luteam & glandulosam manifestari substantiam, & hanc fecundati inclusi ovuli signa præferre; nam frequentissimè in vitulis nuper natis unam, vel alteram vesiculam insignem deprehendi, cui lutea hæc substantia graminis instar adnascbatur. In vaccis quoque prægnationis præcipuè tempore, & in diversâ contenti sætate ætate, lutea hæc corpora interdum ciceris, modò cerasorum fructum æquantia in ovarii observavi, & hæc multiplicia, nec tamen superfætationis suspicio aderat. Hoc idem in muliere circa septimum graviditatis mensem observavi, quin & in uno eodem ovario in diversis animalibus, plura lutea hæc corpora in æqualis magnitudinis extant, in quibus non succedit tanta fructuum multiplicitas. His addam in pluribus ovarii, concoctis præcipuè, vasa ampla luteo succo concreto turgere. Dubitari quoque potest, non unicam vesiculam albuminis absumi, pro generatione lutei unius corporis, sed fortasse plures insumi; nam ubi perfectum extuberat luteum hoc corpus, non solum totam ferè ovarii concavitatem occupat, sed frequenter pauca albuminis vesiculae adsunt, cum aliis copiosissimæ numerentur. His itaque pensatis non improbabiler colliges, luteam hanc, glandulosamque substantiam non immediatè subscqui feminis affusionem factam in ovo intra ovarium contento; sed longè ipsum antecedere, & subventanea quoque dari ova, vesiculas papiter colliquamento repletas non esse rigorosè ova, sed materiam, ex qua

quæ glandula excitatur, cujus ope ovum separatur, fovetur & statò tempore cicitur. Erumpit autem ovulum, forasque truditur, dum extuberans glandulosi corporis papilla, ex carnearum fibrarum contractione extra magis exprimitur, & lacerata sensim tenui ambiente membrana, hiant umbilicali vase, vel sinu, conditum ovulum foras exprimitur; Interdum etenim papillam præputii instar à carnis fibris ovarium ambientibus revulsam vidi, unde patebat hiatus in concavitate glandulosi corporis: Ovulum autem, ut in gallinis accidit, contractis carnis laceris, quibus reticulare opus infundibuli, seu extremæ tubæ conflatur, abunde & securè excipitur, ut in tuba fecundetur. Extruso itaque ovulo sensim flaccescendo constabescit glandulosum corpus, & de facili obliteratur, sicut angustatis arteriis & venis glandule & viscera quoque ferè abolentur.

Hæc itaque uteri structura dubiè & tumultuariè à me exposita tuam desiderat operam, ut obscuriora dilucida reddantur, & certa ulteriori indagine trinentur. Tibi igitur post novas aggressiones veritateri structura patebit, & ignotam adhuc ovi fecunditatem, fetusque autionem tua tandem dexteritas aperiet. Expositam interim uteri compagem meditati mihi quædam probabilia proferre licebit. Uterus ex natura sua vegetationis ager est, in quo fata semina, seu ova, foventur, & viventes partes explicatiores redditæ manifestantur & firmantur; & licet à parente foemina ovum decidat & seratur, inefficax tamen & fatuum est, ideoque masculini seminis energiam exigit, à quo vegetationis principium inchoatur: quare ex natura legibus mulieres, sicut & reliqui viventium ordines, ova promunt, quæ uterino sinu receptæ, & masculino semine fecundata, in novum animal explicantur. Quà ratione autem in viviparis præcipuè contingat ovi fecundatio, non eandem apud omnes invenies sententiam; plerique enim censent, seminis corpulentiam ovo ipsi, ovario adhuc appenso peculiaris cujusdam ductus ope affundi: alii verò jam delapso, intraque uteri claustra concluso aspergi autumant; & postremo nonnullorum est firma opinio, immutato totius uteri tono, insectoque sanguine à virilis seminis aura, tandem conclusum ovum fecundum reddi. Constat autem, Tibique diversos animalium uteros secanti sæpius patet, anfractus & obstacula occurrere, quibus seminis corpulentæ ingressus in uteri concavitatem intercipitur. In vaccis ichor quidam & lentus extillat mucus, seu gelatina, quæ non solum interior uterus madet, sed ejusdem os obturatur, & superior vaginæ portio refertur; quare sicut seminis corpulentia ingressum prohibere potest, ita ejusdem auræ, & spirituosus habitus menstruum & vehiculum, opportunè subministrare probabiliter potest. Extillans igitur ichor ab exaratis superius oculis, quibus uteri & tubarum interior concameratio pertunditur, non solum totum uterum & vaginam irrigat, sed effuso intra vaginam semini occurrit, ejusque volatiles particulas coercendo sibi intimè miscet, à quibus tandem fermentatur & turget. Hæc motio media partium contiguitate continenti utero communicatur, ejusque fluidis particulis impertitur ita, ut in utero & contentis humoribus novus tonus,

copulationes & motus succedant. Receptum igitur ab ovario media tuba ovulum sufficienter irrorari potest, & energetico illo masculini feminis spiritu fecundari, à quo motus principium manifestari incipit. Hinc *Hippocrates* fortasse siccos, vel plus justò humidos uteros steriles dicebat; in illis enim genitura vis non coercetur, nec propagatur; in his vel dissipatur, vel effluit ita, ut in temperatis tantum conceptus subsequatur. Quid simile miramur in papilionibus, in quibus ingens bicornis vesicula extremo appenditur ovario, à qua glutinosus perpetuò extillat ichor in concavitatem vaginæ, quo masculinum semen, ali- usque etiam à laterali loculo cructatus humor excipiuntur & foventur, quibus omnibus pottrascuntia ova irrorantur & fecundantur, & ita per plures dies plastica illa vis conservatur, & subsequen- tibus diebus excurrentibus ovis communicatur; quod pa- riter in gallinis conjectari licet, in quibus feminis semel recepti energia non parum conservatur ita, ut successivo etiam tempore ova fecundentur. Et quoniam natura in gallinaceis non soli cicatrici, in qua partium rudimenta latent galli semen, vel aliud menstruum ab eodem fecundatum aspergit & affundit, sed totum ovum, alimentum scilicet sub specie albuminis & vitelli vi plastica irrorat ita, ut totum fecundetur; ideo cum uterus humoribus turgidus ovulum ambiens analogus sit gallinarum ovo, ipsum quoque una cum conten- tis humoribus fecundari probabile est; hoc autem interius extillans ab utero ichor semine turgidus præstare potest. An verò uterina va- sa, superius exposita, huic fecunditati aliquid conferant, dubitari po- test. Et primò probabile est, contentum succum foeminei feminis, vel saltem prostatarum ichoris loco esse, & inde incitamentum & pro- priam energiam, una cum masculino semine, ovo communicare posse. Quoniam tamen hac vasa per longum uteri producuntur, & extre- mis finibus ejusdem cornua irrigant, glutinoso pariter succo turgent, graviditatis præcipue tempore; ideo mihi dubitandum occurrit, ma- sculini feminis volatilibus particulis non parum immutari, contentum in hujusmodi vasis humorem, indeque exteriores, & præcipue cor- num partes fecundari, in quibus fit primæva conceptio, & suc- cessiva foetus auctio & nutritio. Nec tibi improbabile hoc videbi- tur, si mente revolves, hujusmodi humorem masculino semine de fa- cili alterati, cum passim ex unico, soloque concubitu cum lue vene- rea infectis, totus ita inquinetur humor, ut acidior redditus perpetuam sibi viam affecerit, & semel inspiratum miasma diu conservet. De- lapsum itaque ab ovario ovulum, & menstruo uterino utri- usque feminis volatilibus particulis turgido aspergitur. Uterus quoque interius & exterius, contentique in eo humores ita turgent, ut sanguis novo recepto motu intra vasa non parum subsistat, cotyle- dones extuberent, & fluvidis redditus, & ad motum pronis omnibus inclusi in ovulo foetus nutritio & auctio celebrentur.

Varia est natura in mechanico illo apparatu, quo à vasis uteri in foetum succus transducitur; nam placenta, vel quid analogum fre- quenter intercedit, exarata cotyledonum structura superius exposita præ-

præ reliquis clucescit; est enim sui generis glandula conglobata, in qua portio uteri propria carne donata, receptum ab uterinis arteriis succum percolat, qui separatus in sinuosis cavitatibus recolligitur, donec sensim fistulosas alterius glandulæ partis radículas subeat, & venarum furculis excipiat. Sed potiora mentis tuæ, cultrique acie deteges ita, ut ulterius non liceat meis cogitatis tuam præoccupare phantasiam.





Ab animalibus interea ad vegetantia transitum faciens cursim quædam recolligam, quæ in dictorum aliàs confirmationem denuò observavi. In plantis igitur nutriti succi motum exploraturus iterum in multiplicibus variisque arboribus corticem vinculo, vel circumstatione, avulsa ejusdem annulari portione tentavi, & plantæ superior portio, ultra scilicet sectionem, perpetuò intumuit, debitumque sortita est augmentum; inferior verò nullum adepta incrementum solas interdum dedit gemmas. Hanc eandem sectionem in humiliori trunci parte, & in radicibus ipsis excitavi, & perpetuò superior trunci, vel radicum pars insigniter intumuit, & ab hac radiculæ copiosæ emanarunt; inferior verò, reliquaque radicis portio frequenter glacienscendo tandem contabuit: Quare confirmari videtur indicatus olim nutriti succi refluus motus, ab extremis ramis ad ultimas usque radices; unde intercepto alimento compressione, vel laceratione vasorum, remotiores plantæ partes solito non gaudent alimento, tumorque ex relabente succo excitatur. Propagatur autem à foliis ipsis usque ad radicum extremos apices. Quapropter florum cultores soluto in girum cortice, ut aliàs indicavimus, tenellum ramum à paterno emancipant trunco, circum affusâ madida terrâ, in qua erumpentes novæ radiculæ supra sectionem vegetare incipiunt; alimentum enim inferiora versus propulsum, vel expressum, non solum prope corticis sectionem stagnando tumorem excitat, sed foràs irruendo in radículas absorbitur; unde sui juris factus furculus, paterno tandem dissociatur trunco. Non raro in radicibus prope flumina, quatum portio obtruncata aperto gaudet aere, ab ultimis libri finibus gemmæ radicum loco erumpunt, quæ in ramos sursum attolluntur. Hæc sunt ea, Vir doctissime, quæ tibi indicanda erant, & quæ tuis exulta ac firmata observationibus stabunt, diuque vivent; Tibi enim familiare est lapides ipsos & petiscos monumenta injuriâ temporum attrita, novâ cruditionis luce donare, & ab interitu vindicare diu vivas, dum me tui addictissimum profiteor. Vale.

Dabam Bononiæ calen. *Novembris* MDCLXXXI.

FINIS.




101 1456132















6



F7.




計






F. 13



F. 14




F. 15




F. 16




F. 17




F. 18




F. 19




F.19.





F.20.








F.21.




Tab. X






F. 26




F. 26




F. 26, Tab. VII




F. 27



F. 28




F. 29



F. 30







F. 35




F. 36



F. 37



F. 38





F. 42.



F. 41



F. 40.



F. 39.



F. 43.



F. 44.



F. 45.



F. 46.



49



F. 49.




F. 48.




F. 47.






F. 50.



F. 51.




F. 52.







F. 53.



F. 54.











F. 50.



D



C



Tab. XII.



F



F. 59.




B



C



E



H



K

F. 60.




B



C



E



F. 61.



C



F




G





H



H







F.71.



F.72.



F.73.




F.74.




F.76.




F.75.




F. 77.




F. 78.




F. 80.



F. 81.



F. 79.




F. 82.




F. 83.



F. 85.




F. 84.







F. 86.




F. 87.



F. 88.



F. 92.



F. 89.



F. 91.



F. 90.




F. 93.





F.94.



F.96.



F.95.


Tab. cviii.




F.97.




F.98.






F.99




F.100.



F.101.



F.102.






FIG3.





FIG5.



FIG4.






FIG6.





F. 107.



F. 108.



F. 109.



F. 110.



F. 111.




F. 113.



F. 114.



F. 116.



F. 118.



F. 120.




F. 122.




F. 124.



F. 119.



F. 123.



F. 120.



F. 122.



F. 121.




F. 124.




F. 125.






F126.




F127.




F129




F128.




F131:



F132.




F130





F.133.



F.134.



F.135.




F.136.




F.137.




F.140.



F.159.



F.139.




F.141.



Fl. 42.




Fl. 43.



Fl. 44.



Fl. 45.



Fl. 46.




Fl. 47.




F. 147.









Fl. 49.



Fl. 48.










F. 154.



155.




156.



F. 156.




F. 155.





F. 157.



F. 158.



F. 159.



F. 160.



F. 161.



F. 162.



F. 163.



F. 164.



F. 165.



F. 166.





Fig. 167.



Fig. 168.



Fig. 169.




Fig. 170.



Fig. 171.



Fig. 172.



Fig. 173.



Fig. 174.






F.175.





F.176.



F.176.

F.179.

F.177.




F.180.



F.181.



F.182.



F.104.



F.103.



F.105.




F.106.



F.104.



F.107.



F.109.



F.109.



F.100.



Fig1.



Fig2.



Fig3.



Fig4.



Fig5.



Fig6.




Fig7.



Fig8.



Fig9.




Fig10.



Fig11.




Fig12.






204.




203.




202.



205.




206.




207.






208.



209.



209.




210.



211.



212.



213.






214.




215.





216.



217.



218.




219.



220.




221.



222.



223.





222.



223.




223




224.



225





226.




227



228.



229.



230.



231.



232.




233.






233.




234.



235.

235.



237.



238.




239.




240.












245













140



141





254





255



256




257



258




259



260



261





262.



263.



264.



265.




266.



267.



268.






269.






270.



271.




272.





273.





274.




275.



276.




277.




278.



279.




280.



102.7 37


281.



282.




283.



285.




284.



285.



286.






285.




287.




288.



289.




291.




290.





292.



293.



293.



297.




296.




295.




299.




300.



300.



299.



301.



302.




303.



304.




305.




306.



307.



308.



309.



310.



311.



312.




313.



314.




315.




316.



317.



318.



319.



320.



321.




322.



323.



324.



325.



327.

326.



328.



329.



330.



331.



332.



333.



334.




335.




336.










F. 22.




TAB. III.


F. 23.



F. 24.




F. 25.





A


F.30.



F.29.



F.26.



F.27




F.28




F.32.



F.33.



F.34




F.35





36.



37.



38.



39.



42.



40.




43.



41.



44.



45.




46.



47.







LVII.




LVIII.



LX.



LXI.



LIX.



XXVIII

9

30



